

JOANNIS FRANCISCI FINETTI
DE PRINCIPIIS
JURIS NATURÆ,
ET
GENTIIUM

ADVERSUS
HOBBIUM, PUFENDORFIUM, THOMASII, WOLFIUM,
ET ALIOS.

LIBRI XII.

Editio altera ab Autore aucta multisque mendis expurgata

TOMUS I.

Πάντα δοκιμάζειν· τὸ καλὸν κατέχειν. I. Τεσσαρ. V. 21.



V E N E T I I S MDCCLXXVII.

APUD THOMAM BETTINELLI
SUPERIORUM PERMISSU, AC PRIVILEGIO.

Sunt nonnullæ disciplinæ, quæ prepositi Bonorum & Malorum finibus, Officium omne pervertunt. Hæ disciplinæ igitur, si sibi consentaneæ esse velint, de Officio nihil queant dicere: neque ulla Officiorum præcepta firma, stabilia, conjuncta Naturæ tradi possunt, nisi ab iis, qui solam, aut ab iis, qui maxime honestatem PROPTER SE dicant expetendam *Cic. de Off. Lib. I.*

Non injuste petere videmur, ut si quis erit ille, qui inciderit in hæc, si leget, perlegat: si audiet, sententiam differat in extremum. *Leffens. Divin. institut. Lib. V.*

P R Æ F A T I O.

VERUS, ac trita doctorum hominum sententia est, adeo in dies crescere Librorum numerum, ut de eo potius minuendo, quam de augendo cogitandum jam sit. Quanquam vero ego istorum sententiam non improbo, verius tamen, accuratiusque dici posse crediderim, libros quidem malos immanem in copiam excrevisse; at bonorum numerum multo minorem adhuc esse, quam illorum compensandæ multitudini opus esset; ut idcirco aut de illis minuendis, aut de istis augendis hodie laborandum videatur; at quoniam de eo obtinendo nulla spes est, ad hoc alterum assequendum curas nostras, & studia conferenda nunc esse; ut quæ perniciēs a malis libris infertur, ea bonorum subsidio ex omnium, si fieri possit, animis propulsetur. Malorum librorum numero non solum eos omnes accenseo, quos impii, increduli, ac improbi homines conscribunt, evulgantque, ut vel supremi Numinis existentiam, ejusque providentiam per summum scelus in dubium revocent, vel ut religionem omnem cum revelatam, tum naturalem temerario plane ausu aggrediantur, vel ut rebus, diſſiſque obſcœnis Lectorum præſertim juvenum mentem, animumque corrumpant; verum plerosque etiam ex illis, quos *Protestantes*, præſertim *Germani de Jure Nature, ac Gentium* inscriptos emiserunt in lucem, atque indefinenter emittunt. In iis enim non solum varios errores disseminant, Ecclesiamque Catholicam aut oblique, ut per cuniculos aggrediuntur, aut apertis calumniis, convitiisque proſcindunt (a); sed ipsum etiam *jus naturæ* specie ejus instaurandi, expolienti-que, aut funditus evertunt, aut magnopere labefaciunt, enervantque. At vero hujusmodi libri ex quo *jus naturæ* peculiariter, ac separatim excoli, auctore *Grotio*, ceptum est, atque fræquentes in *Germania* cathedræ ad illud edocendum sunt institutæ, mirum quantum! multiplicati sunt. Cum enim ii fere omnes, qui aliquam Juris hujus cathedram obtinent, aut ad eam capeſſendam aspirant, aliquid sibi de eodem commentandum, atque in lucem edendum existiment, hinc tot id generis libri, libelli-que hucusque prodire, ut jam satis amplam Bibliothecam replere possunt.

At librorum hoc in genere bonorum, seu sanæ tutæque doctrinæ quanta quæso est copia? Nulla profecto; sed imo paucitas summa, atque inopia. Paucissimi enim sunt, qui ad periculum, quod ex illorum lectione præſertim Juvenibus

(a) *Pufendorfius* non alio, quam *regni senectutem* nomine Ecclesiam Catholicam iudicare solet.

imminet, propulsandum serio animum adjecerint. Nam si unum, vel alterum exceperis, quos in *Germania* vel magis urgens necessitas impulit, vel excivit æmulation propinquior, (qui tamen valde impar malo remedium attulere) ex aliis regionibus, ac præsertim ex *Italia* nostra, neminem, quoad ipse noverim, repereris, qui tantum humano generi beneficium impendere sit aggressus. Ex quo contingit, ut si Protestantium libri ex *Germania* in proximam *Italiam* sine obice irruerint, ac sonoris auctororum nominibus, titulis sane magnificis, fallacibusque promissis brevi obtinuerint, ut ab imperitis, & semidoctis hominibus, (quorum ubique maximus est numerus:) præsertim vero ab incautis Juvenibus non solum tanquam amici hospites benevolo exciperentur animo; verum etiam magno in pretio, & honore, ac si peregrinam continerent, præclaramque doctrinam, haberentur. Hinc plerique eos avidè legere, vehementer mirari, extollere laudibus, sententias cum plausu proferre, magni pendere auctoritatem, & quod caput malorum est, venenum in eis latitans eruditionis cujusdam mese delibutum pleno ore potare, sibi que mutuo, & discipulis, si quos influendos nati essent, alacriter propinare.

Neque vero intra imperitum vulgus, aut Juvenum, semidoctorumque ambitum hoc sese malum continuit; sed in nonnullorum etiam, qui eruditione, & doctrina florent, animos sensim irrepsit. Neque mirum; nam cum Itali suoapte ingenio a severioribus disciplinis paullo alieniores sint, ut sunt in ætate nostra propensiores, eorum aliqui Protestantium fama permoveri, atque intransversum agi facile potuerunt. Et hinc nonnullos videas quædam illorum auctororum adoptare principia, quin absurda, quæ inde consequuntur, perspiciant; alios lucubrationibus suis plures eorum sententias, ac si selecti flores essent, inferere; quosdam etiam illis in italicum idioma transferendis insudare, se ita de patria præclare meritos existimantes; qui cum eo mentis acumine polleant, quo si niti vellent, docere alios facile possent; tamen se *Germanorum Protestantium* discipulos profiteri malunt; neque animum advertunt dedecori, quod *Italiæ* nostræ exinde redundat. Et sane quid magis dedecet feracissimam hanc optimorum ingeniorum altricem, & veræ religionis principem sedem, quam in re morali e borealibus, protestanticisque regionibus sibi magistros accersere, cum aliis non minus literis magisterium suum in ceteras quasque nationes extendere posset, quam olim armis in totum pene orbem dominationem suam, suumque propagavit imperium. Præsertim vero quantum Germanis Protestantibus Itali præstent ingenio, addiscere ipsi possunt vel ex solo *Joanne Clerico*, cujus testimonium neque ut minus idonei critici, neque ut minus æqui judicis, respuere jure queunt. Porro ille ad *Joannem Baptistam Vicum*, qui opus suum *de universis juris uno principio, & sine uno* ediderat, scribens (a) diserte testatur, *acumen*

(a) Anno MDCCXXII.

Et eruditionem non minus apud Italos inveniri, quam apud Septentrionales eruditos; imo vero diſtiora, & acutiora dici ab Italis, quam quod a frigidiorum orarum incolis expectari queat. Non igitur ingeniorum inopiæ, aut reformidationi alicui tribuendum, ſi Italorum nemo hucusque contra Proteſtantes hac de re calamum ſtrinxit; ſed aliquorum quidém deſidiæ, aliorum vero in amœniores literas propenſioni, multorum demum neglectui, contemptuique Proteſtantium Scriptorum doctrinæ, quo minus attente conſiderarunt, quantum nocuenti ipſi poſſent inferre. Idemque fortaiſe dicendum de aliis Catholicorum regionibus, Hiſpania præſertim, & Gallia: quanquam probabile etiam eſt, in regiones alias Catholicas nec tantam ejuſmodi librorum multitudinem irrupiſſe, nec eos tanto in honore vulgo ſaltem, haberi. Verum utcunque iſta ſe habeant, illud certum, exploratumque eſt, ex hoc Catholicorum ſilentio, & quorundam plauſu Proteſtantes pleroſque magnos ſumpſiſſe animos; quin & eo audaciæ deveniſſe, ut diſciplinam hanc quaſi peculiarem, & propriam ſibi ipſis vendicarent, ſe unicos in ea magiſtros, & doctores eſſe contenderent, omneſque Catholicos arbitrarentur ad quidpiam de ea recte conſcribendum ineptos. Quare cum P. Schmierus Ordinis S. Benedicthi Monachus librum, qui huc pertinere videbatur, edidiſſet, illorum quidam (a) in has temerarias voces erupit, *Totus literatus Mundus obſupuit, cum Catholicorum aliquis auſus eſt, juſ naturæ, & gentium, ſeu publicum univerſale edere*: quaſi vero juſ naturæ, & gentium cum Catholicorum doctrina aperte pugnaret.

Jam vero hæc omnia mihi ſæpenumero cogitanti, & memoria identidem repetenti inflammari animum ſenſi deſiderio conſcribendi aliquid in juvenum utilitatem, & gratiam: *juvenum*, inquam: nam vulgus hæc non intelliget, ſemidocti pro more ſuo contemnunt; ſapientes hiſ non indigent. Verum ut hac in re maturius me gererem, eorum ante lectioni me ſerio, & diligenter addixi, qui in hoc genere principes haberentur. Necdum vero multum itineris in eorum lectione conſeceram, cum ſubiit, eorum qui hoſce ſcriptores ſuſpiciunt, levitatem admirari. Et iſtine ſunt, (mecum ipſe dicebam) ſummi illi, ac præſtantiſſimi Viri, quos etiam Catholicos complures tantopere admirantur, ac laudibus ad ſydera tollunt, quos ut heroes deprædicant, ac velut magiſtros in moralibus venerantur? Ego contra, neque firma principia, neque ſolidum ratiocinium, neque delectum ſententiarum, neque ſublimitatem, novitatemve doctrinæ in illis deprehendo; non ordinem concinnum, non ſtylum perſpicuum, non ornatum dicendi genus: video autem errores quamplures, præjudicia vaniſſima, multum temeritatis, bonæ fidei parum. Hinc magis magiſque incitatum mihi animum ſenſi, ut data opera eorum conſutationem aggrederer. Sed alia ex parte me retracebant

(a) Editor *Status Imperii Germanici Bilderbeckii* lingua germanica, apud Deſingum in Jur. Nat. larva detract. Cap. XV. Th. I. n. 5.

habant tenuitas ingenii mei mihi satis perspecta, ætas jam ingravescens, fractæ adversa valetudine vires; & illud vero maxime, quod in plerisque, quæ præsertim adversus *Thomasium*, *Walsum*, & *Schmausium* dicenda mihi videbantur, neminem quoad mihi constabat, præeuntem haberem. Prævaluit tamen veritatis amor, studiumque comprimendæ Protestantium audaciæ, ac perniciosæ falsitatis e juvenum nostrorum animis depellendæ.

Itaque ut primum mihi per valetudinem licuit, manum operi admovi; e per ea, quæ benignissimus Deus mihi impertitus est, non quidem optimæ, sed tamen mediocris valetudinis intervalla, perfecì opus istud, in quo præcipuos gravioresque Protestantium errores ad jus naturæ, & gentium generatim acceptum pertinentes impugnare, ac pro viribus profigare mihi proposui. An vero propositam metam reipsa attigerim, aliorum esto judicium. Mihi sane sperare licet ab ea non procul admodum aberrasse; præsertim cum Viri doctissimi, & ab omni assentationis studio prorsus alieni, quos ipse hac de re non semel consului, judicaverint, me satis contrivisse errores, quos in hoc opere impugnandos suscepi. At quemadmodum hanc mihi spem fovere licet; ita mihi persuadere nullatenus possum, opus hoc in suo genere esse perfectum: sentio enim ipse, quantum ei perfectionis, & ornamenti accedere possit. Sed quia ad illud ulterius exornandum necessariis viribus in præsens tempus plane destitutor, quale illud cunque sit, in publicum exire permitto, sperans a benigno lectore pro humanitate sua, & ob eas rationes, quas supra indicavi, excusatum iri. Quod vero attinet ad rigidos *Aristarchos*, semidoctos homines, morososque censores, eos monitos velim, me eorum judicia, atque dicta flaccidiorum, nisi ostenderint, in re mihi proposita a veritatis tramite me deviasse. Si hoc vero præstiterint, veritati, quam unice quaero, fascès lubenti animo submittam. Ceterum, si Deus vitam, sanitatemque, quæ satis sit, impoſterum dederit, huic operi aliud adjicere in animo mihi est, quo tractatio de jure naturæ, ac gentium penitus absolvetur: quem in finem ita istud digessi, ut primæ, ac generalis partis locum tenere possit, sequente alio, quod partem alteram, eamque particularem contineat. Verum hac de re spem quidem aliquam facere possum, fidem obstringere non possum. Non dubito tamen, si me vires omnino defecerint, ex amicis meis futurum aliquem, qui postremam huic operi manum imponere possit, ac velit. Quin in spem erigor fore, ut hisce conatibus meis aliorum etiam Italorum excitentur animi, ut quod ego cœpi, ipsi perficiant.

Pauca jam de fructu hujus operis, ejusque stylo dicenda supersunt. Quoad primum attinet, eum saltem mihi polliceor, ut juvenes, atque tyrones, quorum gratia laborem istum suscepi, si diligenter, & attente, quæ hic dicuntur, perpenderit, probeque intellexerint, postmodum possint innoxie in Protestantium scriptorum lectione versari, eaque utcunque proficere. Quare eos etiam atque
etiam

etiam rogo, non quidem ut a Protestantium hac de re libris evolvendis penitus ablineant; sed ut priusquam eorum lectioni se dedant, istius lectionem præmittere ne dedignentur: quo nihil moderatius postulari posse videtur. De stylo, quo usus sum, ut brevissime me expellam, eum fateor nec adeo ornatum, neque adeo expolitum esse, quemadmodum hujus Seculi cultus, rei que qua de agitur, dignitas postuleret. Neque vero id ego, ut fieri solet, excusabo trito illo *Manili* ^{Astron. lib. III.} effato: *Ornari res ipsa vetat, contenta doceri*. Novi enim quacumque de re, præfertim philosophica, eum ornatissime eloqui posse, qui polleat facultate dicendi. Verum cum ego hac me destitutum agnoscam (siquidem cum mihi per ætatem liceret, severioribus addictus studiis, multo minorem, quam par erat, expolliendo stylo operam navavi;) idcirco in illud ferme tantum mihi incumbendum censui, ut plane, perspicue, ac dilucide dicerem. Quod si assecutus fuero, satis *præclare* vel ipso *Tullio* iudice (a) a me dictum existimabo: assecutum autem me spero, aut saltem in illud maximum non incidisse vitium, quod in *Pusendorfio* notat gallus ejus interpres, & insignis alias laudator *Barbeyracus*, (b) dum ait, eum non solum *aspere*, & interdum *barbare*, & solum quandoque nimis *concise*, quandoque *redundanter* locutum esse; sed etiam nonnunquam *omnino oppositum dixisse ei, quod in mente haberes*: quo nihil puerilius, nihilque deterius in dicendi genere fingi potest. Hic præfari desino: nam alia, quæ huc revocari possent, commodius digesta reperies libro hujus operis primo, ubi discutiam, & ostendam quanto jure *Protestantes Germani* instaurationem sibi arrogent *Juris Naturæ*. Unum tamen addo, quod mente mihi prorsus exciderat, nempe non ita *Heterodoxis* consutandis addictum, intentumque me fuisse, quin etiam *Catholicorum* in hoc genere aberrationes pro data occasione libere non minus, quam modelle perstrinxerim: id enim a me veritatis amor, æquitas, rei que disputandæ necessitas postulare videbatur.

EPI-

(a) *Omne quod de re bona dilucide dicitur, mihi præclare dici videtur ... Plane, & perspicue expeditur posse, docti est, & intelligentis Viri.* Cic. de Fin. lib. III. cap. 5.

(b) *Son stile est non seulement dur, & quelquesfois barbare, mais encore plein de negligence, & tantot trop concis, tantot chargé de superfluité. Il y a même laissé glisser quelquesfois des inadvertences, qui lui font dire sous le contraire de ce, qu'il pense.* Præfat. in gallicam vers. ejus operis de Jure Nat. ac Gent. §. XXXIII.

E P I S T O L Æ A D A U C T O R E M.

EPISTOLA I.

P. Bonaventura Luchii Min. Conto. S. T. M. ac in Patavino Gymnasio olim Metaphysices, nunc Sacra Scripturae Pub. Professi.

SI nihil unquam libentius a me lectum fuisse dixerō, quam id, quod tu Vir Optime, & Sapientissime de Principiis Juris Naturæ, & Gentium commentatus es, nil sane dicam, quod hominem tui & veritatis amicum, cultoremque dedeceat. Quem enim non magna oblectatione afficiat, accurata & dilucida principiorum expositio, quæ sua pleraque superstruxerunt, qui Juris naturæ, ac gentium præmonstratores & Patres cluerunt hæcenus? Quis horum inventa probe nosse, quantumque roboris ac nervorum habeant, perspicere non gaudeat? Cui non dulce sit quam multa peccarint magni isti Saperdæ, quo respexerint, quid in ipsis probandum, quidque cavendum, in comperto habere? Sed præterea hominem Italum, multarum rerum studio, cultuque occupatum & impeditum censoria virga castigare esse ausum, quæ gentes pleræque cæca quadam admiratione suspensæ ad hoc uique tempus veneratæ sunt, eorundemque levitatem, falsitatem, pravitatemque detexisse; fecisse porro, ut exspectata illorum ingenia, qui Juribus addiscendis, tractandisque operam dant, alios sibi adeundos fontes intelligant, si puræ, incorruptæque doctrinæ latices haurire amant, ac bene sibi, societatiq; consultum volunt, quis non lætetur, non gestiat, non serio triumphet? Itaque Operis capita quum prima legissem avide; cohibere me non potui, quin repetita lectione explerem animum, ac novæ voluptatis accessione priorem augerem & cumularem. Etsi autem ita natura comparati sumus, ut comprehensas semel mente opiniones, & cordi penitus infixas aut nunquam aut ægre dimittamus; confido tamen fore, ut qui ad Opus tuum legendum accesserint, si modo clausis oculis repugnare veritati pulchrum minime, beatumque putent, quæ de Viris, & scitisthusmodi inolevit in hominum animis, estimationem libenter remittant, honestumque neitiquam habeant, æquumve in ipsorum auctoritate conquirere. Opus namque perarduum, & invidiæ plenum tanta solertia diligentiaque persecutus es, nihil ut iis, qui vera sapere avent, reliquisse optandum mihi visus sis, quam ut inceptum urgeas, perfectumque exhibeas & suis numeris absolutum. Quamobrem non te modo horor sed obscuroetiam atque obstructor, ut in re tota enucleanda explicandaque vires industriamque contendas, efficiasque ut speciem suam hominum studiis obiciat. Nihil quippe sapientia ac pietate tua dignius moliri potes, nihil ætatis studiis conducibilius, nihil Italiæ gloriosius, quam ut hæc doctrinæ pars humani ingenii vitio deformata tuam recipiat formam dignitatemque, & hominum moribus ac societatis juribus & officiis temperandis, excolendis, perficiendisque lucem ac formam castæ incorruptæque impertiat. Vale.

Patavii Idibus Sentil. CIOCCCLXIV.

E P I S T O L A II.

D. Andreae Brendisii Genuensis, Philosophiae Professoris in Monasterio Sancti Geor-
gii Majoris Venetiarum, Consulatus S. Officii, Publicique Librorum Censoris.

MAGNE virtute esto, Finette mi, qui totam causam aggressus universi Juris & Legum, diutius non patiaris incautos homines praestigiis magnorum nominum ludificari. In affluentem scilicet pompa eruditionis Passendorffii, atque Seldeni, & rursus in majori artificio Hobbesii, Wolfii, Thomassii equidem qui eorum (ut fere solet) singula effata perinde ac Pythiae oracula ex trypode sic miratur & laudat,

Ut nihil aurifera, nihil illis compares, erras

..... *si pleraque dute*

Dicere credas eos, absurde multa, fateret,

Et sapit, & metum facit, & Jove indicat aequo.

Haud dubie autem omnium Princeps H. Grotius (quem in plerisque lubentissimus laudo) cujus spoliis secutos omnes Scientiae hujus Aristarchos constat factos esse locupletiores, Nec aliter iudico de Montescuique quoad reliquos recentissimos, in quorum ego caetu unum alterum aut Anticlam, aut Carneadem fortasse noverim, Solonem certe, aut Platonem non noverim. Itaque bene habet quod & perpetua serie in Opere tuo universo de Principiis Juris Naturae & Gentium, & praetertim data opera libro primo urgeas, & declames, aut non adeo arcanam illorum esse doctrinam, ut non eandem nostrates etiam multo ante tradiderint exploratissimam, ut ex iis ipsis Grotius, Leibnitiis, alique confessi sunt; aut si quae ii sibi nativa habeant & pecularia, ea in pluribus vacillantissima

..... *incerta si tu postulas*

Ratione certa facere nibilo plus agas

Quam si des operam ut cum ratione insanias.

Egregie vero omnis secundas Liber insumitur in multiplicibus definitionibus enucleandis, quarum aut negligenter postpositarum, aut non acriter perpenfarum ignorantia multo major pars succrevit dissidiorum in Scientiam Juris. Et insignis, uberiusque tertio Libro a Deo O. M. divinisque attributis necessario intellectus exortus, pergis offendere ex intima Philosophia quid sit homini natura tributum, quantum vim rerum optimarum Mens humana contineat, cujus muneris colendi, efficiendique causa nati, & in lucem editi sumus, quae sit coniunctio hominum, quae naturalis societatis inter ipsos. Quae profecto (ut Atticus apud Tullium exclamat de legibus I.) majora sunt, quae aliorum causa differantur quam ipsa illa, quorum haec causa preparantur. In magna autem copia hominum Italicorum, qui Principis post renatas litteras altius Legum originem eduxerunt quam aut a Praetoris edicto, aut a Lege XII. Tab. tu fortasse primus omni sua latitudine primigenii Juris Disciplinam es circumplexus, satis intelligens, posse eamquidem partibus suis aliquibus flare, sed complexione tota corrui, nisi fundamenta praestituatur, quibus aequae nitatur undecunque lubeat spectari, atque adeo artem esse praecellentissimam in dissolutis, divulsisque membris principiorum apte conglutinandis, ut quolibet objecta in unum veluti desinant punctum, a quo ad ambitum omnem aequales lineae ducantur. Perge igitur magno animo ut facis, Finette mi doctissime, & animum ipsum ingemina, si quis novus alter nostro aevo reviviscat

..... *Arculeus furtum ingeniosus ad omne,*

Qui facere affuerat Patria non degeat artis

Candida de nigra, & de candidis atra.

Et tuo Operi perpetuo plaudant Scientiae hujus Studiosi luculentissime, in eo nasci celebratiora quaeque Systemata comparata inter se omnia, eademque singula ad rationem summam veluti ad lydiū lapidem explorata, & exacta. Tu denique de Catholico nomine maxime meritis in solida, absolutissimaque Apologia nostrorum Patrum, atque Theologorum, in quos nemini ignotum, quot quantisque plerique ex Protestantibus Publicis (sic enim dici volunt) evomant vanitates, atque insanas falsas, Vale.

Veneris Kalendis Septembris anni 1764.

EPJ.

EPISTOLA III.

P. Petri Maria Gazzaniga S. Theologiae Magistri, ac Publici in Academia Vindobonensi Professoris.

AMICO GARISSIMO.

AMICE PERDILECTE.

Nelle passate vacanze ho letto tutto il primo Tomo della vostra bell'Opera *de Principiis* ec. ed ho il piacere di confermarvi quanto a bocca ho detto ad altri, cioè, che mi piace assaiissimo, in primo luogo per lo stile puro, succinto, e didattico; secondo, e molto più, per la materia trattata con grande chiarezza, e sodezza, specialmente in ciò che riguarda al mettere in vista alcuni spropositi ben grandi di quelli Autori Protestanti, che sono in maggior voga. Spero in oltre, che senza altro otterrete anche il frutto, che vi siete prefisso, di eccitare cioè i Letterati della nostra Italia a trattare e rischiarare questa materia sì importante, in modo che non abbiasi più bisogno d'impararla sui libri degli Eretici infetti di molti errori. Per queste ragioni specialmente ho lodato il vostro Libro, ed ho l'onore di farvene le mie più sincere congratulazioni. Mi lusingo ancora, che incontrerà la comune approvazione, potendo assicurarvi, che altre persone, che sono assai più a portata di me, di giudicare del merito di quest'Opera, e che l'anno letta con attenzione, ne hanno meco fatto i ben dovuti encomj. Io ho profittato della vostra erudizione, e mi son fatto gloria di citarvi nel secondo Tomo delle mie Prelezioni ad uso de' miei scolari ec.

Vicenna 24. Novembre 1764.

Præteritarum tempore vacationum primum egregii tui Operis de Principiis juris Naturæ & Gentium voluminis, perlegique: & nunc gaudeo, me sibi posse scripto confirmare, quod alius ore jam affirmavi: opus nimirum hoc tuum mihi vehementer probavi; primo quidem ob styli rationem, qui nitidus, brevis, & didacticus mihi videtur: deinde & multo magis, ob materiam magnæ claritate, soliditateque pertractatam, præsertim dum dogmæ, resellisque absurdissimos nonnullos errores eorum Protestantium Auditorum, qui vulgo majore in pretio habentur. Valde autem spero futurum, ut eum, quem tibi proposuisti, fructum assequaris, excitandi nimirum Italos nostros ad rem hanc gravissimam accurate versandam, optimoque in luminis collocandam; ita ut non amplius opus habeant, ex Heterodoxorum libris, qui erroribus scatent, ipsam haurire. Ob hæc igitur potissimum causas Opus tuum commendavi; de quo nunc tibi impense, & sincerissime gratulor. Spero quoque mihi est, illud communi Sabinum calculo probatum iri. Sane fidem tibi facere possum, doctos etiam alios homines, qui de hujus Operis præstantia multo melius me judicare valent, quique illud attente pervolverunt, debuisse ipsum encomiis mecum extulisse. Ego jam ex eruditione tua profeci; atque in tomo altero meorum Prælectionum, quas in usum Auditorum meorum edidi; te allegare mihi gloria duxi, &c.

Vindobonæ sexto Kal. Decembris. MDCCCLXIV.

E P I S T O L A . IV.

*P. Raimondi Adami Ord. Serv. B. M. V. in Academia Pisana Publ. Theologiae
Dogm. & Polem. Professoris.*

Miraberis Vir praestantissime, ab ignoto homine hanc ad te Epistolam scribi, & a gravioribus studiorum curis oculos, mentemque tuam avocari. Quae tamen causae me ad scribendum impulerint, aequo animo audire ne pigeat. In feriis Academicarum nostrarum, quibus Christi Reparatoris natalitia dies celebratur, sancto quodam eventu accidit, ut cum Felice Antonio Matthaeo Publico Theologiae Professore & Literarum Reipublicae singulari ornamento de pluribus, quae ad studioforum juvenum mentem excolendam pertinent, colloquerer; atque ex uno in alterum argumentum divagati ad Juris naturae, & gentium praestantiam, utilitatemque descendimus. Hanc ego ipse provinciam nedum Jurisprudentiae, verum & Theologiae Tyronebus lustrandam semper exhibui, ejusdemque divitiis me ipsum ab adolescentia locupletare satagi: quod cum sincere Matthaeo exposuissem, dolendum vehementer, addidi, nostra hac aetate deesse inter Catholicos eruditum, emundataeque naris hominem, qui Juris naturae gentiumque tractandum assumat, atque errores eradice, quos in hoc feracissimo Campo Hobbesius, Puffendorfius, Thomasius, Wolhus, alique A Catholicorum doctrinis addidit, & effraeni quadam libertate perciti disseminarunt. Tunc Matthaeus seltive exoptatum hominem inquit, a se fuisse repertum, inique cum illo nocturnas diei ejusdem vigilias transacturum pollicitus est. Hae ego sive jocose dicta, sive ad antiquiorem quampiam Scholasticam maximeque ad Angelicum Praeceptorem referenda exilimans, libentissimo animo hunc hospitem a me expectatum iri, respondi. Vix autem domesticum limen attigeram, Matthaei nomine assertur primus egregii Operis Tomus, in quo Vir doctissime, de principiis Juris naturae & gentium erudite, solide, & diligentissime disputas. Eximia cum voluptate illum legi, saepiusque miratus sum, qua sagacitate ad rutinam revocas Hobbesii deliramenta, aliorumque Scriptorum sophismata, quae copia rationum, & doctrinarum cum singulis congregiariis nobilem inde triumphum laturus. Efferre quoque satis non possum singula quae in libro primo protheoretico recluduntur, rectamque methodum, qua disciplinam juris naturae & gentium nobilissimam a duplici fonte, a Deo scilicet, & ab humana natura derivas; ut veram libertatem, rectam rationem, & sincerum inde elicias bonum, quod obiectum est essentiale, integrumque naturae, cujus beneficio evenit, quod socialis redditi status, in quo homines vitam traducunt. Quaecunque tamen in primo eximii Operis Tomo leguntur pauca sunt, si cum argumenti, quod tractandum assumpisti, amplitudine, & varietate conferantur. Ab eisdem propterea manum ne retrahas, totiusque humani generis commoda cures, ad examen accitis recentioribus Libris, praesertim vero Wattelii, Vitorrii, Montesquii, aliorumque opinionibus, quas inter nonnulla sapienter, & plura eleganter scripta arbitror te reperisse, sed etiam non pauca minus recte, quae emendatricem manum expectant. Illa demum, quae ad Metaphysicam, sive ad Ethicam solitarie sumptas referuntur, & virulentam Librorum segetem, qua nostra haec aetas improbo quodam fato luxuriat, prolixius si investigaveris, vereor ne aucta voluminum mole fastidium generent, & ideo parcius examinanda, sive etiam silentio premenda esse arbitrarer. Hoc accipias consilium volo tamquam amicitiae testem & studii singularis quo te ipsum perpetuo complectar: nullumque officii genus Finette doctissime, me impulerum praetermissum polliceor, ut sapientiae & humanitati tuae sincerum, firmumque pro viribus testimonium reddam. Vale.

Pisae XII, Kal. Febr. CIOCCCLXV.

EPISTOLA V.

*Leopoldi Andrea Guadagnii Publici in Academia Pisana Jurisprudentia
Professoris.*


Quando id opportune accidit, quod mihi maxime erat optatum, Cl. Vir, ut liberos quinque (a) a te egregie scriptos de principiis Juris naturæ, & gentium summa aviditate, voluptateque perlegerem, contitui litteras ad te mittere, quibus & gratularer tibi, & quantam lucubrationes illas tuas utilitatem esse adlaturas, ex animi sententia augurarer, aperte significaretur. Quum enim par sit, maximeque deceat iis gratulari, qui studio veritatis addicti rationum momentis ad trutinam revocatis bene de ingenua facultate aliqua merentur, teque id præstitisse deprehenderem, quod ad Juris naturalis Prudentiam, hoc est ad præstantissimam disciplinam conferre plurimum potest; sperabam equidem fore, ut officium hoc meum pro singulari, qua polles, humanitate æquè bonique consuleres: Ac primo consilium tuum in perquirendis, perscrutandisque principiis, quæ ad recte de Jure sentiendum, ac mores tum privatos tum publicos ad rationem optime conformandos pertinent, laudatione dignissimum duxi; oportet enim circa rei cujusque, præcipue autem Juris, principium statuendum adhibere τὸ πρῶτον λόγον, ἢ τὴν πρῶτην σκέψιν, (b) ut Socratem loquentem inducit Plato, utrum recte quis decernat, an secus; quo quidem satis superque expenso, cetera illud consequi debent. Pierique sane de naturalis Juris principiis tractandam susceperunt quæstionem, quæ & ad agnitionem animi pulcherrima est, & ad Juris disciplinam ab origine summa repetendam, ac penitus adeo ex intima Philosophia, ut bene ac sapienter Cicero putavit, hauriendam necessaria. Verum illi tanta sunt in varietate ac dissensione constituti, ut adolescentes, qui primo ad hanc facultatem animum adpellunt, quum sæpe mentis aciem magnorum Nominum splendor perstringat, neque subtilibus disputandi rationibus admodum exercitati sint, subito hæreant, & quo sese vertant, prorsus ignorent. Ab aliis enim scriptoribus principia ejusdem constituta fuere, quæ vel ipsi in arduis quibusdam quæstionibus deferere sunt coacti; ab aliis ingeniosæ quædam, ut videntur excoctæ sunt sententiæ, quæ spectaculorum more modoque in præsentia tantum oblectant; emolumentum vero, quod semper idem sit, nullum adferunt, imo improprios & incautos in errorem sensim inducunt. Qui vero tua hæc perillustraverint φιλέκλοι, ἢ φιλοδίκασαι, (c) præclare secum æctum putabunt, quum te noverint latentes detegere insidias, opinionum portenta convincere; justî & æquî originem in lucem proferre. Interim & rectam rerum seriem, & γένεσιν, ἢ κρῆσιν (d) & orationis elegantiam, & quod de Theopompo scripsit Halicarnassensis Dionysius οὐδὲν μακρολόγητον, ἢ σφῆρις (e) non sine summa solertis accuratissime ingenii tui laudespectabunt. Sed non est cur te diutius detineam, ne nimis forte importuna tibi sit gratulatio mea: superest exorem te, ut epistolam hanc velis non modo sententiæ, sed & observantiæ erga te meæ indicem existimare. Vale, & me inter eos, qui ingenium, doctrinam, nomenque tuum plurimi faciunt, recense.

Pisæ 111. Kal. Febr. C1D1CCLXV.

(a) Nempe priores qui tomo primo hujus operis continentur.

(b) Studium multum, multamque considerationem. (c) Hærent, jussique amatores,

(d) Scientiam, & Judicium. (e) Intellectu facile, & plenum.



DE PRINCIPIIS JURIS NATURÆ, ET GENTIUM

ADVERSUS

HOBBIUM, PUFENDORFIUM, THOMASII, WOLFIUM
ET ALIOS.

LIBER I.

PROTHEORETICUS.

PRI-MUM hunc librum ideo *protheoreticum* voco, quia continet *protheoriam* quandam, seu *præviam* quorundam *considerationem*, quæ quamvis proxime intimeque ad Jus naturale non spectent, nihilominus, ad ea, quæ postmodum dicenda sunt, melius comparatum, dispositumque juris hujus studiosum efficiant. Nemo enim fere est, qui adiciat animum hujusmodi studio, qui præoccupatus aliquo modo non sit celebritate nominis *Protestantium* quorundam Scriptorum, maxime vero *Germanorum*, eorumque merita commendari, & nimium extolli
Tom. I.

sæpenumero non audierit. Quocirca non abs re facturum me arbitror, si exstusioforum, præsertim juvenum, animis præiudicium hoc in primis remove-
fategero. In hoc igitur libro retundam illorum *Protestantium* iactantiam, qui juris naturæ instauracionem, ac pene dixerim creationem, sibi falso, & per summam injuriam arrogant: quæ etiam occasione nonnulla præfabor de auctoribus illis, quorum celebriora sunt nomina, & ex quibus plerique, ac pene dixerim omnes peculiariora hac de re systemata procuderunt. Magni siquidem interest, eos a tyronibus probe cognosci, ne magnificis eorundem titulis,
A nomi-

nominibusque ita capiantur, ut ad ea, quæ dicenda in hoc opere sunt, animum haud satis liberum a præjudiciis & affectionibus adferant. Auctores porro, de quibus potissimum sermo erit, sunt Grotius, Pufendorfius, Hobbesius, Seldenus, Thomafius, ac Wolfius: hos nanque ferme sequuntur, aut saltem majori habent in pretio Protestantium scholæ. Sed in antecessum, primoque loco elidendæ sunt iniquissimæ de summa juris naturalis, disciplinæque moralis ignorantia ubique, & perpetuo ante Grotii tempora obtinente criminatio-
nes.

CAPUT I.

Pufendorfius, Buddeus, Thomafius, alique Protestantes Germani Scholastici eos omnes, qui Grotium præcessere, tanquam juris naturalis ignaros, illudque perpetuo cum jure positivo, ac revelato confundentes, summa injuria traducunt.

Protestantes Germani, ut hanc juris naturæ disciplinam ceu propriam sibi vindicent, pro viribus persuadere conantur, ante Grotii ætatem summam ubique juris hujus ignorantiam obtinuisse; vel si qua illuxerat ante cognitio, eam scholastico pulvere summe sedatam, nulloque ordine degestam fuisse contendunt. Quare Grotius, si eis habenda sit fides, primus omnium disciplinam hanc eduxit e tenebris, inflau-
ravitque, vel etiam a fundamentis extruxit. Eorum verba hic præstat referre, in quibus nescias, an magis insciam, vel arrogantiam admirare. Primus omnium in scenam prodeat Pufendorfius. Hic rationem assignans, cur a suo opere excluderit scriptores illos, qui inter sectæ romanæ (ita sectarius ipse loquitur) additos, mores sibi, atque conscientias hominum regendas sum-
ferre, hæc habet: Scilicet, istis homini-
bus suorum traditorum nullum certum

fundamentum, aut hypotesin subternere solenne est: sed præter illa, quæ a jurisconsultis mutuari solent, frivolas ut plurimum quæstiones paribus ratiunculis confirmare contenti, de cetero integras legiones sue sectæ scriptorum allegasse præclarum habent, quorum unum si noveris, (Pufendorfius nullum agnovisse videtur; neque enim alias tam elato supercilio omnes despicere) omnes noveris: ita omnes magno conatu magnas nugæ agunt; ut tamen vix ulla sit quæstio, in qua isti in partes non discedant (quasi vero modica esset dissensio inter Protestantis juristas) Cujus instituti (pergit ille) hæc est arcana ratio (audias hominem solertissimum, qui tam magnum penetravit arcanum) ut postquam inter fundamenta sacræ illorum reipublice est, hominum conscientias non ratione, sed auctoritate sacerdotum regi, (mera calumnia) ubique in promptu sit auctorum nubes, quæ qualemcunque sententiam stabilire idonea sit, prout quemque persuaderi illorum interest. Atque inde de bono publico pessime mereri arbitramur, qui in tanta solidiorum scientiarum luce ad istas adhuc nugæ, regi tenebrarum (a) factum juxta, ac stabilimentum juventutem manderet laborare. Turpiter vero otio suo abutitur, ac vulpes jungit, ac hircos mulget, qui ista in utranque partem disceptare, & cum sana ratione conciliare satagit. Hæc æquissimus scriptor.

Franciscus Buddeus in historia juris naturalis ita hanc, de qua loquimur, ignorantiam præsyda seu tragicæ deplorat. „Ec-
„ quis ignorat, fuisse tempus, quum
„ fœda, & tristis ignorantia oibi uni-
„ verso incumberet, & superstitionis
„ regnum magni undique viribus sta-
„ biliretur? Deplorent alii cladem pu-
„ riori cœlesti doctrinæ illatam. Id ego
„ nunc non ago. Philosophiam mora-
„ lem quoque cum ceteris artibus in-
„ cultam squalore, & rubigine obli-
„ tam jacuisse, ut prospiciant veluti
„ profugamque avolasse, & mortaliū
„ de-

In prim.
Opere, de
Jure Nat.
& Gen.
edit. Lips.
1744.

(a) Ita Heterodoxus iste catholicam appellat Ecclesiam: a quo tamen convi-

cio vir philosophus saltem urbanitatis gratia abstinere debuisset.

deservisse sedes, censere ejusartis homines potuisse, neminem fugit. Non quidem desuerunt, cum scholasticorum, ut vocant, barbaris vocibus litterarum sedes, & sapientiae sacra personarent, ex ipsis etiam Theologis, qui hanc doctrinae partem sub incudem revocarent: ast adeo infelicer, ut nullus dubitem, multos in eam ituros sententiam, satius hosce homines; & sibi & optimae arti consulturos fuisse, si haec sacra non contrectassent. Qui vero in horum successerunt locum, ejusdem disciplinae alumni aliquanto recentiores industria profecto, & ingenium ad hanc scientiam excolendam, quod non desiteor, attulerunt, & subtili, ac spinoso dicendi genere, quae tere propria illorum hominum laus est, multa juris naturalis excusserunt capita, sine ordine tamen cuncta tradunt infirmo, aut lubrico fundamento, quae docent, superfluunt, divina, humanaque jura miscent, rationum momenta aut plane non, aut jejuna quandoque, & ridicula afferunt, sapientissime contra ad patrum auctoritatem, ad conciliorum canones, ad Romanorum praesulum decreta intempestive provocant. Sunt tamen aliqua, quae indefesso horum hominum studio, id quod aequus rerum aestimator non abnuet, atque labori incredibili debentur (*at nos Catholici proficisci merito possumus, nihil nos hac in parte Protestantium studio debere*) Nec tamen ab erroribus variis iisque gravissimis fuerunt immunes. Silentio hic ego praetereo quae mihi de *probabilismo*, & de *peccatophilosophico* commemorat; nam licet sub initio majorem Romanae Ecclesiae invdiam constare velle videatur, attamen bona deinde fide fatetur, *cordiores, sanioresque ex ipsis Ecclesiae romanensis propugnatoribus* ab hujusmodi commentis abhorruisse semper, & abhorre. Verum si res ita se habet, cur aliquorum errata hic aulet inproperare, quasi in intimo Protestantium sinu minime extarent, qui mon-

struosissima commenta in dies procudant?

Buddeo immoderatus loquitur *Thomae* in histor. jur. nat. ubi sese totum in calumnias effundit, in eo duntaxat quidpiam aequitatis praeferebat, quod juris hujusmodi ignorantiam etiam ipsimet Protestantibus *antegrethianis* communem facit. „Initio decimi septimi saeculi, inquit, doctrina de virtutibus, & vitiis, sive de differentiis justis, & injustis, boni, & mali, de jure naturae &c. tam apud pontificios, quam apud evangelicos miserrimo, & penitus incurabili morbo laborabat. Scholastici pontificii, qui titulis de justitia & jure, vel similibus insigniebantur, talia dogmata insinuant animis discipulorum, quae solum inserviebant incremento *papatus*, & *clericatus*, & supprimebant auctoritatem, & potentiam principum, & ordinum politicorum & laicorum. Praeterea diversissimas res inter se miscebant, jura naturae, gentium, mosaica, judaica, graeca, romana, imperialia, pontificia, colligendo videlicet ex istis quidquid inde poterant ad scopum modo memoratum. Haec ille. Ecquis vero non miretur egregium plane historicum, qui nedum quid scripserint, egerintque scholastici, omnia novit; sed finem etiam illorum, eorumque scopum miro penetravit acumine, popularibusque suis diserte ob oculos posuit?

Eodem ferme modo alii loquuntur Protestantes iurificonfulti: quorum etiam nonnulli eousque *antegrethianam* juris naturalis ignorantiam exaggerant, ut eos affirmare non pudeat, *vel ipsum juris naturae nomen quondam inter arcana latuisse*, ut inter ceteros scilicet *Justinus Schier- schmidius*. Sunt etiam, qui disciplinae juris naturalis neglectum, contemptumque, qui per multa saecula, si eis fidelem habemus, perduravit, superstitionis temporibus tribuant, in quibus majores nostri, ut ipsi putant, vitam transegerunt: ita se *Laurentius Flaischbrun* in Praefatione *Institut. juris naturae & gentium*.

Ex his vero liquet, duas potissimum, quoad praesens attinet, criminationes in

Cap. 1.
§. III.

Prælat.
in Ele-
mento Ju-
ris natu-
ralis.

catholicos doctores a Protestantibus instrui, & altera quidem *juris naturalis* ignorantem, altera vero ejusdem cum *jure supernaturali*, seu *rationis* cum *revelatione* commixtionem, & confusionem, velut crimen maximum iisdem impropieri (a). Verum non erit difficile accusationes istas dispellere.

Ac primo quidem, iniquo *Pufendorfi* in *scholasticos*, atque *catholicos* iudicio æquius oppono iudicium primi *juris naturalis*, si *Diis* placet, *instructoris*, ac *vindicis Grotii*, qui hac de re ita loquitur: „Scholastici quantum ingenio valeant, sæpe offendunt. Sed in infelicia, & artium bonarum ignara sæcula inciderunt: quominus mirum, si inter multa laudanda, aliqua & condonanda sunt. Tamen ubi in re morum consentiunt, VIX est, ut errant: quippe perspicaces admodum ad ea videnda, quæ in aliorum dictis reprehendi possunt, in quo ipso tamen diversa tuendi studio laudabile præbent modestiæ exemplum, rationibus inter se certantes, non, qui mos nuper adeo litteras inquinare cepit, conviciis (quod præsertim *Pufendorfi* præstat in suis adversariis) turpi factu impotentis animi.“ Non adeo itaque vel hac in re despicendi sunt doctores catholici, ut eos despiciat *Pufendorfi*. Et si Scholastici erant admodum perspicaces, ut sentit *Grotius*, & si *industriam*, & ingenium, fante *Buddæo*, ad hanc disciplinam excolendam attulerunt, qui fieri potest,

ut multa, eaque præclara non detexerint? Et si quando consentiunt (consentiunt autem in plurimis, iisque præcipuis) vix est, ut errant; quomodo illi infirmo tantum (ut ait *Pufendorfi*) & lubrico fundamento quæ decant, superstruunt; & rationum fundamenta vel plane non, vel hæcuna quandoque & videricula offerunt? Apage injulium accusatorem, qui profecto dum hæcasserit, iusto sapientum virorum contentui famam suam imprudenter exponit. Sattius & consaltius egisset, si iuxta *Grotii* monitum, datum a scholasticis modestæ exemplum sectatus esset. Sic enim non adeo inurbanis sane conviciis cum suis adversariis æque inurbanis decertasset (b) quæ res perpetuo dedecori ipsi erit apud prudentes æstimatores.

At vero ne una tantum *Grotii*, quæ tamen hac in re magni utique ponderis esse deberet, auctoritate niti videamur, ajo secundo: si tanta fuit, ut ipsi contendunt, apud catholicos præsertim ante tempora *Grotii* *juris naturalis* ignorantia, undenam est, quod ille, vir & acerrimo ingenio, & criterio solidissimo, dum celebrem suum de *jure belli* & *pacis* librum conferiberet, scholasticos doctores præcipuos *Franciscum Victoriam*, *Dominicum Soto*, *Molinam*, *Suarezium*, & id generis alios evolverit, & tam multa ex his in usum suum transtulerit, ut indicant frequentes eorundem allegationes, quas in margine videre est? (c) Dicent fortassis *Pufendorfi*, hoc ipsum scholasticorum studium

ut-

(a) *Thomasi* in sua *ponto pleniore historia juris* adeo hujus confusionis detrimentum exaggerat, ut dicere non veretur cap. 1. num. 4. *potissimum humana miseria causam esse confusionem luminis naturæ, & gratiæ*; & num. 5. *summam genuine sapientiæ aptem in eo consistere, ut cognoscatur debito modo differentia rectæ rationis, naturæ & gratiæ*. Quam rectius dixisset, summam hominum sapientiam in eo sitam esse, ut subsistant rationem revelationi, & naturam gratiæ, & potissimum humanæ miseriæ causam, quod non satis submittamus animum

revelationi, & voluntatem gratiæ.

(b) Specimen inurbanæ, ac plane honesto viro, nodum philosopho, indigæ, concertationis inferius dabimus.

(c) Præter *Grotium*, etiam a *Volfo* haud modico in pretio habitos fuisse scholasticos, constat ex eo, quod *Formey* in brevi ejus vita, quam præfixit compendio ejusdem *juris naturalis*, quod gallice edidit *Amstelodami* an. 1758. testatur, unum ex *primariis fontibus* unde ille doctrinam suam hausit, fuisse philosophiam scholasticam, & cum ea convenire in pluribus suorum operum locis. Et reipsa

ce-

De jure
belli, &
pacis Pro-
legomen.
num. 32.

apote nimium, esse id, quod est in *Gratio* vituperandum? Verum quod lubet, dicant illi; at certum est, eos quidquid fere boni rectique habent, a *Gratio* decerpisse, quemadmodum a scholasticis ille: hinc dum hosce omnimodæ inficitæ arguunt, fontes ipsos, unde eorum rivuli promanarunt, occulere acque invidiose, ac inutiliter satagunt, fortasse ut si quid boni laticis habeant, id e proprio fonte elicuisse videantur (a). Ea est enim ipsorum vanitas, ut ipsi soli sapere, si fieri possit, videri velint.

Quod si vero res non ita se habet, proferant ipsi veritates illas, quas pridem ignotas et tenebris eruerunt. Hæc enim nec protulerunt unquam, neque proferre possunt. Immo si eorum scripta cum scholasticorum lucubrationibus conferantur, manifestum exploratumque fiet, eos nihil, quod momenti sit, novi docuisse. Et quidem si *Gratio*, cui instaurati juris naturalis honos deferitur, nihil edidit, nisi quæ ex scholasticis, aliisque, qui eum præcessere, defloravit, ut ex *Capio* tertio patebit; quid de iis dicendum, qui sequentibus temporibus floruerunt, quique cum *Gratio* nec ingenii acumine, nec eruditionis copia comparari possunt? Sibi itaque blandiantur illi, quantumcunque eis libet, sese jus naturæ instaurasse, expolivisse, expurgasse, perfecisse; profecto nemo, qui sapit, fidem eis adhibebit; cum id eadem possit facilitate negari, qua ab ipsis affirmatur. Quin contrarium etiam, si quod propositum ut perficiam Deus dederit, clarissime demonstrabo: animus enim mihi est, aliquando data opera ostendere quamlibet alicujus frugis ab ipsis excitatam quæstionem, a schola-

sticis quoque fuisse agitatam, & melius plerumque definitam: ut demum Protestantantes gloriari desinant de instaurato abs se, purgatoque naturali jure; nec amplius audeant scholasticis, seu aliis catholicis *integrotanis* doctoribus ejusdem ignorantiam exprobrare. Sunt tamen, tatebor, ne ex omni parte falsa sit Protestantium jactantia, quæ catholici illi doctores in jure naturæ ignoraverunt, nempe multi perniciosique errores, quos ipsi Protestantantes in naturæ jus intulerunt: quam sane ob causam tam vere eos juris naturalis *corruptiores* quos dixerit, quam falso sese *instauratores*, & vindices esse gloriantur. At ita prorsus gloriari oportebat eos, qui ea tantum de causa ad scribendum (*Grotium* tamen semper & fortasse paucos alios exceptos volo) animum applicuisse videntur, ut sibi plausum apud populum ineruditum, insipientemque capterent. Oportebat ergo ignorantis juris naturæ ceteros omnes incusare, ut ipsi unice sapientes, & intelligentes videri, & credi possent. Quare postquam velut agmini facto in catholicos *integrotanos* insurrexerunt, in suos quoque cæperunt defævire; scilicet, posterior quisque, qui ingenio tantillum valeret, ignorantie, perversæque methodi præcessores suos arguere non dubitavit, ut ceteris ejusdem, juris cathedram solus teneret. Ita plane *Pufendorfus* erga *Grotium*, *Thomasius* erga *Pufendorfium*, erga omnes istos *Wolffius*, erga *Wolffium* ceterosque omnes novissime *Schmaufus*; ut hoc ipso in capite patebit, quam judicium in eorum singulos pronunciabimus. Il solum addimus in præsentia, pravum hunc morem deficiendi e gradu suo (quatenus per ipsos fieri potest) eos

celeberrimus hic auctor multas scholasticorum opiniones, quas præcedentes Protestantantes non solum exploserant, sed & deriserant, propugnavit, suoque modo demonstravit.

(a) Plerique juristæ Protestantantes de scholasticorum doctrina judicant ex uno vel altero vulgari, ac plebejo scholastico, quem præ manibus habeant. Sic

Thomasius fuscè citat *Patrem suum* haud certe valde præstantem scholasticum, in eoque hæret. Hinc multa ille tribuit generatim scholasticis, quæ unus ranteum aut alter, & quidem inferioris subfelli scholasticus docuit: multa etiam ipsis assignit, quæ nemo, eo saltem, quo putat, sensu opinatus est.

Pag. XLV.
edit. Ven.
1740.

eos qui præcesserunt, omnes, apud protestantes juris naturæ scriptores adeo invaluisse, ut neque Jo: Gottlieb. Heineccius vir alioqui ceteris moderatio libellum suum de Elementis J.N. evulgandum crediderit, nisi reliquis omnibus æstimatione detracta. Eapropter in Præfatione hæc loquitur, *Quicumque* (nemini excipit sive Catholicum, sive Protestantem) *adhuc in pulcherrima juris naturalis disciplina versati sunt, doctrinas suas, vel nullo certo, ac indubio principio superstruxerunt, veritates varias, easque utilissimas velut uno fasce collegisse contenti; vel principia parum idonea admisserunt, vel ea denique tam longe ex subtilissimis, quas Metaphysica suppeditat, notionibus petierunt, ut data veluti opera tenebris omnia involvere voluisse videantur. At ego &c.* En quemadmodum de præclarissimis illis juris Naturæ instauratoribus, ac vindicibus Grotio, Pufendorfio, aliisque, qui eum in hac provincia tempore præcessere loquitur auctor ille recentior. Hoc nempe modo vicem reddit iis, qui tantam præsentia Catholicis doctoribus *Antegrotianis* similia: exprobrarunt. At melius nihil, nihilque felicius de suo opere expectet Heineccius: ab illis, qui post eum venturi sunt; neque enim pati poterunt, ut honoris, dignitatisque gradu, quem dejectis aliis, sibi vindicavit, pacifice perfruatur: & Schmansius quidem scriptor recentissimus novum systema juris Naturæ sibi procuendum putavit, illucque ipsa nuperrime evalgavit, contendens, omnes juristas, adeoque & ipsummet Heineccium, quin & Wolfium a scopo plurimum aberrasse. Hinc vero colligere quisque poterit, quo demum habenda sint loco Protestantium juristarum judicia, quantique eorundem in Scholasticos, sive Catholicos doctores criminationes faciendæ sint: quanta vero vituperatione digni sint e semidoctis nostris hominibus nonnulli, qui magnum quidpiam præstare se putant, si ex hujusmodi auctoribus ac præsertim ex Pufendorfio aliquid proferre moverint. Sed quanta sit eorum insectia, clarius patebit in

cenfura; quam in enumeratos Protestantibus singulos hoc ipso capite proferemus.

Sed jam criminatio altera in Catholicos doctores a Protestantibus prolata, quam sanctis quoque Patribus *Buddæus* communem facit, de confusione videlicet in jus naturæ investita, breviter dispellenda est. Mirum vero est, Protestantibus quosdam, homines certe neque ingenio, nec eruditione multum præstantes, tam alte sentire de se, ut in ceteros cujusque generis omnes, ne ipsis quidem præstantissimis æque, ac vetustissimis Ecclesiæ Patribus exceptis, censoriam virgam audeant adhibere. *Confuse*, ajunt, *Patres, atque ex illis scholastici quique ea, quæ Juris Naturalis sunt, tradidere.* Cur vero confuse? Quia videlicet naturalia a revelatis separatim non docuere; quia naturalia præcepta sacræ Scripturæ testimoniis comprobantur; quia demum de Jure Naturæ peculiarem, separatamque disciplinam non consecrunt. At hoc vero est confuse, quæ Juris naturalis sunt, tradere? Falluntur sane egregii hi censores: erroremque suum facile detegent, si serio cogitare velint, posse quempiam in qualibet materia diversimode versari juxta varium diversumque, quem sibi proposuerit, scopum. Vel enim perfectam, completamque ipsius notitiam quærit, vel imminutam duntaxat habere contentus est, ejusmodi tamen, quæ ad præstitutum sibi scopum utcumque sufficiat. Si primo modo res agatur, ex quocunque fonte sive naturali, sive supernaturali hauriri aqua debet, atque ex principiis non tantum naturali lumine, sed etiam revelatione divina cognitæ rationes, & argumenta depromenda sunt: hæc enim omnia eidem rei penitus, certius, meliusque cognoscendæ inserviunt. Altero vero si res quærat, contentus quisque esse poterit, si unica duntaxat præeunte face, quæ scopo suo respondeat, rem expendat. Primum ergo illud præstiterunt post SS. Patres scholastici doctores, qui leges naturales atque divinas utriusque luminis beneficio, sibi aliisque perspicuas sacere sategerunt: &

eo vel magis, quod eas recte intelligere, & explicare aggressi sunt, non quatenus præfite ad huius vitæ commoda, felicitatemque procuranda sunt idoneæ (ut Protestantæ Juristæ); sed quatenus earum observantia ad perfectam alterius vitæ beatitudinem necessaria est. Hinc eas & naturali lumine evincere, & superna revelatione comprobare, & officia hominis una cum officiis Christiani tradere abs re minime judicarunt; immo & necessarium esse duxerunt. Quid in hoc reprehensione dignum? Dicant enim nobis, quæso, quis hanc tulerit legem, vel ferre potuerit, quæ caveatur, ne quis posteaquam ratione quidpiam probaverit, illud idem divina quoque auctoritate confirmare non valeat, aut officia hominis una cum officiis Christiani docendo conjungere, quando ea in praxi separari non queant? Quis eum merito condemnaverit, qui ad Dei notitiam perfectiorem (quatenus fieri potest) anhelans tum ratione, tum etiam ex revelatione divina ejus attributa perscrutari velit? id est vero, rationem cum revelatione confundere? (a) Hoc, si libet, auditoribus suis insensent ora in scholis tenentibus deprædicant illi, nec dubitant sese apud illos

inventuros fidem. At ea litteris mandare non audent, ne apud justos rerum æstimatores se præbanc deridendos. *Jus ipsi Nature* ab omni revelatione seu iunctum tradere, adeoque variis erroribus inspergere, pergant, si placet; atque nil aliud, nisi miserrimæ huius vitæ commoda, & lucrum fortasse aliquod, aut gloriolam exinde expectant: at desinant Catholicis, multoque magis sanctis Patribus insultare, qui de æterna discipulorum salute, ut maxime decet, unice sunt solliciti: neque aut *Turcis*, aut *Japonensibus*, sed Christianis juris præcepta tradere, & explicare aggressi sunt: quum contra illivana spe oblectentur futurum, ut ex ipsorum lubricationibus negotia cum *Turcis*, & *Sinenfibus*, & *Japonensibus* definiantur. Quid vero, ait, *Heinoccius*, si ^{Loco cit.} *Gens quedam cum Turcis, Sinenfibus, Japonibus de violatis fœderum legibus expostulet?* Quasi vero priusquam Protestantæ Juristæ in lucem prodirent, nihil negotii cum gentibus a Christiana fide alienis peractum esset; aut horum ratiunculis nuper inventis opus foret, ut infideles de non violandis æderibus persuaderentur: aut quasi naturales, quas Catholici afferunt, rationes vim

pmitt.

(a) (1) Tradere veritates naturales simul cum supernaturalibus ad idem subiectum spectantibus non est *confusio*, sed uberior subjectæ rei consideratio. (2) Veritatem naturalem cum ratione, tum revelatione probare, non est *confusio*; sed perfectior veritatis confirmatio. (3) Questionem, quæ ad praxim pertinet, consulto tum lumine naturali, tum lumine revelato definire, non est *confusio*, sed (de Christianis sermo est) necessitas. Ut enim Christianus actionem aliquam exercere valeat, satis non est, ut eam jure naturali non esse prohibitam noscat; sed insuper eam neque positivo divino jure vitatam esse, exploratum habere debet. Hæc tria præstant Theologi Catholici. (4) Veritatem naturalem velut supernaturalem, & vicissim supernaturalem pro naturali, ac argumentum ex revelatione, ac si esset ex ratione, præponere, & converso, hoc est omnino lumen naturale cum revelato confunde.

Sed a re hac longissime audent Catholici Doctores, qui rationis, & revelationis discrimen & multo antea, & longe melius, quam Protestantæ, noverunt. (5) Tradere veritates morales consulta tantummodo ratione, est eas (respectu Christianorum) tradere *inadequate* & imperfecte; ac etiam inutiliter quoad praxim. Hoc modo Protestantæ se gerunt. (6) Officia hominis ab officiis Christiani distinguere utile est: & hoc præstant Catholici doctores. Separare officia hominis ab officiis Christiani (quod Protestantæ faciunt) inutile est (quum hæc in praxi separari non possint) argue etiam quodammodo perniciosum. Periculum enim est, ne juvenes, quibus sola officia hominis, vel etiam civis inculcantur, absque ulla consideratione ad Christiani officia operari assueant: & dum jure natura quidpiam licitum esse non dubitant, eo ipso an jure revelato idem sit prohibitum, inquirere negligant.

amitterent persuadendi ex eo duntaxat, quod eas revelatarum etiam veritatum robore confirmarint. His scilicet, Turcis, Sinesibus, Japonibus, facile ne, subdit Heineccius, persuadebitur, iusta esse omnia, quæ non dicam jurisperitis, aut Pontifices Romani, vel Thomas Aquinas, sed ipsi Apostoli, & Prophetæ scripserunt? At facile ne sibi persuadebit Heineccius, adeo dementes esse Catholicos, ut horum auctoritate cum Gentilibus disceptare præsumant? aut facile putabit, S. Thomam Aquinatem naturales veritates absque ulla naturali ratione proposuisse? Somniat ipse, si id sibi persuadet: inficitiam prodit suam, si hoc affirmat: & injustus rerum æstimator est, si validiores a consodalibus suis censet excogitatas esse rationes ad revincendos Gentiles, quam a Catholicis doctoribus, & præsertim ab Angelico doctore Aquinate. Quoniam vero Heineccius exempli adserendi causa de violatione fœderum mentionem facit, qua quæso ratione servandorum fœderum necessitatem Gentilibus persuadebit ille? An Hobbesianis utetur principiis de sacritate sibi consciscenda per præoccupationem; de nullitate pactorum, metu in alterutra parte inurgente; de conservatione sui quibuslibet mediis procuranda? At reponant illi, his ipsis principiis ad fœdus violandum inuicatos se esse, inque cepta violatione sic confirmari. An Grotiano, & Pufendorfiano Socialitatis principio eus aggredietur? At ridebunt illi, quod diversa, disparataque societati ea proponantur. An vero confugiet vel ad Thomæsanum principium de procuranda vita quam maxime diuturna, & felicissima, vel ad Wolfianum de perficiendo se, suoque statu? sed regerent illi, sese tum majoris felicitatis, tum perfectioris, seu melioris status sui desiderio, ac spe ad ea, quæ incommoda sibi sint, fœdera infringenda compelli. An demum eo utetur argumento, quod violatio pactorum opponatur debita fidelitati, illique principio, quod tibi non vis fieri, alteri ne feceris? Hisce quidem duabus rationibus probat ille, pacta esse

servanda: at hæ rationes non tantum centies, milliciesque a doctoribus Catholicis adhibentur; sed nemo ferme apud nos adeo rudis, & hebes est, qui eas apprimere non calleat, & ore non terat. Jam vero colligas velim vel ex hoc brevissimo specimine, quanta isti homines injuria Juris Naturalis ignorantiam ejusque cum supernaturali confusionem Catholicis doctoribus imputare audeant, & quam vana jactantia arrogant sibi perfectam completamque ejus notitiam. Verum hac de re hoc ipso in capite iterum.

CAPUT II.

Barbeyracus, qui, plaudente Thomaso, vel ipsi Ecclesiæ Patribus antiquissimis, præstantissimisque juris naturalis inficitiam assignit, breviter refellitur.

SI Protestantes scholasticis solum, aliisque Catholicis doctoribus ab illorum jactatæ Reformationis exordio haud valde remotis ignorantiam juris naturalis adscribere pertentassent, ut tunc ferenda illorum criminatio foret. Verum quod eorum plerique ausi fuerint & vetustissimis, præstantissimisque Ecclesiæ Patribus eandem ignorantiam notam assignere, major mihi audacia videtur, quam ut tolerari pacato animo possit. Nemo tamen ferocius in eosdem invehitur Joanne Barbeyraco in præfatione, quam versione gallicæ Operis Pufendorfiani a se adornatæ præmisit. In ea siquidem Patribus æstimationem omnem adimere gestiens summam in primis incuriam, atque neglectum moralis doctrinæ eisdem appingit: *cujus rei, inquit, evidens argumentum sunt crassissimi in ea materia errores, in quos fere omnes prolapsi sunt.* Atque ut id ostendat, celebriorum opera Patrum percurrere aggreditur, eorumque errata detegere; atque in iis deprimendis ita se gerit, ut ne *judicium quidem mediocriter sanum* iis tribuendum existimet. Ait enim: *contendo vel hominem sani mediocriter judicij nunquam prolapsurum in tot, tantosque errores, in quos*

§. VIII.

§. X.

Opere cit.
Lib. I. §.
18. &
19.

& quan-

Et quantos fere omnes Patres prolapsi sunt. Nihil hic dicam de alia Barbeyraci in eisdem Patres criminatione, qua & veram illis pietatem non veretur adimere, contendens, eosdem, dum aliquid scriberent, agerentve, plerumque pravis affectibus indulsisse: acriterque in suos Protestantes invehitur, eo quod aliqui obstinate pergant defendere Patres, & hoc Parisiensi residuum retinere. Qua in re omnimode condemnandus non videtur: quandoquidem boni Protestantis est, ut ipsemet scribit, ita iudicium ferre de vetustissimis Patribus, ut de aliis, qui seculo elapso obierit & cuius existimationis nihil nostra interest. Si ita est, profecto Barbeyracus Protestantis censendus est perfectissimus, & numeris omnibus absolutus, quin etiam celebrioribus omnium priorum sex Ecclesiae secularum Patres praeferat morum magistros infidulosque in moralis disciplina duces esse contendit; verum etiam Reformatores suos Calvinum, & Beza non haud semper Christianissimi, & Reformatoris spiritum retinuisse, quod dogma de intolerantia seu persecutione Religionis causa peculiaribus tractatibus ab utroque sit propugnatum: & insuper Calvinus illud ad praxin erga Servetum redegerit. Sed hoc mirandum, quod quum in illis spiritum tyrannicum agnovit (putat enim, ut ait paulo post, quumcumque sive directam, sive indirectam Religionis causam vexationem, esse veram tyrannidem); nihilo tamen minus eos ad reformandam Christi Ecclesiam divina providentia destinatos fuisse, sibi persuadet.

Barbeyracio fœdissime Thomaeus applaudit in paulo pleniore Historia juris Naturalis. Cui tempus & occasio deficiunt, ait, praefatos (Scultetum, Dupinum, & Baylium) & alios auctores consulendi; ei valde commendanda est eruditissima praefatio Barbeyracii, quam versionis Gallicae operis Tusendorfiani de iure Naturae, & Gentium praemisit, utpote qui laudabili, ac a Politicis, & Jurisconsultis grata mente agnoscenda industria, quicquid in hac materia apud Au-

Tom. I.

tores sibi lectos invenit, collegit, & clarissime monstravit, quod de nagoras, Clement Alexandrinus, Tertullianus, Origenes, Chrysostomus, Lactantius, Basilus, Gregorius Nazianzenus, Ambrosius, Chrysostomus, Hieronymus, Augustinus, Leo, Gregorius Magnus (en catenam praecipuorum Ecclesiae Patrum, qui maxima ex parte, ut sancti coluntur) non solum in doctrina morali PARON, aut NIHIL sciverint; sed & in explicatione Sacrae Scripturae, aut alius, occasione ita ferente, varia noxia, & erronea ac non solum luci Evangelii, sed & Juri Naturae adversaria dogmata (ut ipse loquitur) in animis auditorum suorum disseminaverint. Itaque, si Thomaeus fidem adhibemus, quatuordecim Patres modo enumerati parum, aut nihil de doctrina morali sciverint: quae profecto vix dici merito, & decenter possent de tyrone, qui in huiusmodi studium recens incumberet coepisset. At undenam vero tanta cum in Patribus, tum in ceteris Ecclesiae doctoribus, qui post Patrum tempora floruerunt, ignoratio doctrinae adeo obviae, ac necessariae? Ex suppressione, respondet ille, & abiectione rationis. Sed unde vero haec suppressio, & abiectione rectae rationis? Haec ait suppressio, & abiectione rectae rationis ad maxime arcana Papatus Politici pertinet. Optime quidem: sed dudum ne haec arcana Papatus Politici detecta sunt, & in lucem prodierunt? Non dudum, respondet: nam prius Reformatores Ecclesiae Protestantium statim detegere non poterant, utpote qui potissimum contrarias Theologicas examinabant: neque Politici etiam advertebant, cum in universitatibus nequaquam manuducerentur ad veram, & rationabilem Politicam, & in Papatu saltem errores Theologicos, non vero astutias Pseudopoliticorum arcanorum observarent. Et he tenebrae per aliquot secula regnarunt in orbis auditorum. Jam vero (oh nimis sero!) per Dei singularem gratiam lux meridiana tenebras istas discussit, & artificia omnia astuta & violenta insufficientia sunt,

B

Ib. Num. XX.

Cap. III.
Num. XXII.

Num.
XXIII.
& seq.

sunt, ut non possint amplius luminis ubique pererrumpentis veritati officere. Nonne satis festivus est homo iste, quum præsertim paullo post arcanorum Patrum politici notitiam a detectione repetat per Scultetum facta, qua etiam Politici, qui alias tempus lectione Patrum perdere non possunt, quasi in speculomiseram conditionem illorum temporum, quibus Patres floruerunt, cognoscere possint? Sed magis adhuc festivus est, dum, ut arcana politica Patrum & magis intelligantur, & Protestantes eo cautius eadem vitare, & simul eo distinctius

comprehendere possint, qua occasione lumen naturale, in primis vero doctrina morum, & Politica, item jus naturæ magis, magisque obscurata, & corrupta fuerint, & ad profundiorum quoque notitiam Historiæ Ecclesiasticæ, dividit Patres Ecclesiæ omnium seculorum in duas, easque sibi adversas, & repugnantes classes, quarum alteram Orthodoxorum, alteram Mysticorum appellat, earumque differentias ob oculos ponere aggreditur. Ne Lector meus pretiosam hanc arcanæ historiæ particulam omnino ignoret, eam hic in nota (a) subijcio; simul-

(a) Profundior hæc Ecclesiasticæ historiæ pars ita se habet: Patres omnes, inquit, in duas easque sibi adversas, & repugnantes classes dividi commodissime possunt. Quo hoc asserat fundamento, ne quæsieris: nullum enim asserit, nec asserere potest. Somnium est scilicet: tamen proferre non dubitat, conidens hanc profundioris Ecclesiasticæ historiæ particulam a fodalibus suis non sine plausu excipendam. Harum una, inquit, quasi visum ad æternam felicitatem pervenientem in vero & subtili conceptu mysterii essentia Dei, & supposita doctrina de emendatione voluntatis sua sponte sequente emendationem intellectus: de cetero, de Christiana, & Deo placente vita parum fuit sollicita; sed hæc soli divina reliquit providentia. Libenter discerem ab hoc egregio jurisprudentiæ naturalis historiographo, quoniam Ecclesiæ Patres, eosque & scripsit & satis suis clarissimis classe ista concludat. Nunquid enim eos, qui in profulgandis de Deo, & Christo erroribus potissimum laborarunt, cuiusmodi fuerunt Arianus, Epiphanius, Orobysostomus, Augustinus, Hieronymus &c. Sed qua quæso fronte audet asserere, hujuscemodi Patres, æternam felicitatem duntaxat in vero, & subtili conceptu mysterii essentia Dei quævisse, ac de cetero de Christiana, ac Deo placente vita parum fuisse sollicitos; sed hæc soli divina reliquisse providentia? Si id asserat de hisce Patribus, quid de Thomaso dicendum sit, qui sapiunt, judicent. Alios vero Patres non video, quos potiore jure in hanc classem conferre possit. Itaque somnium tantummodo ac putidum figmentum est classis

istæ: quemamodum mera calumniam est, quod de eadem addit, nimirum, hoc moas ab hujuscæ classis Patribus inculcatum fuisse auditoribus, Deum esse Patrem indulgentissimum, qui non adeo rigore examinet actiones liberorum suorum carissimorum, qui se Christianos dicunt, sed patientissime ferret opera carnis tanquam imbecillitates humanas, ac propterea Christum in hoc mundum misit, ut liberis eos liberaret a iugo legis Moysiæ; intuitu autem visionum de divina essentia, ac æternis emanationibus, ac operationibus, item de opere salvationis per Christum, esse Deum Zilotem, & severum &c. Potest ne quis impudentius calumniari? Ubi enim, rogo, in Patribus Ecclesiæ, & scriptis, & satis suis clarissimis vel umbra aut velligium doctrinæ adeo prævæ, quum ad unum omnes cum fidei integritate plenam divinorum mandatorum custodiam ad salutem necessariam esse apertissime doceant? Ecquis vero pacate audire potest, quæ Patribus Thomasi audet assignare, eos videlicet docuisse, Christum sustulisse decem Decalogi præcepta? Nam alteram declarans Patrum Ecclesiæ classis, ea, ait, præcedenti plane opposita, oppositas etiam fovit doctrinas, nempe Christum non sustulisse decem præcepta, sed præceptum Chorisitum, in quo tanquam in centro fundatos esset totus Decalogus, discipulis suis strenue inculcasse &c. Ergo ex lege oppositorum una Thomasi classis docuit, Christum sustulisse decem Decalogi præcepta, & Chorisitatem discipulis suis non inculcasse. Vis ne plura, aut pejora? Pergit porro ille alterius classis oppositas doctrinas declarare. At ne longior sim, hæc pauca exscri-

simulque veniam peto, si hisce referendis lectoris patientia abuti videar: sed abs re non fuerit, illustrem hunc Juris Naturalis. instauratorem, & historiographum paullo penitus cognoscere.

Jam vero comprimendæ Barbeyraci, Thomæque audaciæ satis primo loco esse deberet insigniorum inter Protestantem ipsos testimonium, qui adeo non putabant priorum Ecclesiæ sæculorum Patres, parum vel nihil de doctrina moralis scivisse, ut immo quammaxime illorum facerent auctoritatem. Unum vel alterum in re compertissima proferre satis fuerit. Grotius in *Prolegom.* Secunda, inquit, post hos (nempe Canones, & veterum Christianorum mo-

res) auctoritas est eorum, qui suis quique temporibus pietatis & doctrinæ fama inter Christianos floruerunt, neque gravis cuiusquam erroris notati sunt: nam & hi, quæ dicunt magna cum observatione, & quasi comperta, momentum non exiguum habere debent ad interpretanda, quæ obscura videntur in Sacris Litteris, eoque majus, quo plurimum apparet consensus, & propius acceditur ad primæ puritatis tempora. Sane per ea tempora Ecclesiæ doctores (subdit Grotii Paraphrales Zyglerus) cum doctrinæ puritate, tum morum integritate floruerunt, ut in utroque genere nunc merito ab eis consilia petantur. Buddeus in *Hist. Jur. Natur.* ita hac de re differt. b. IX.

B. 2. rit.

scribo, nimirum, Christum Dominum in extremo judicio non examinatum, quid: quilibet circa mysterium essentie divine crediderit, sed... de præcepti Charitatis officio in illa die examen institutum atque eos, qui eadem præstiterint, ab aliis, ut oves ab hæc, separatum esse. est hi non solum ad veras de divina essentia opiniones, sed ad prophetias, & miracula suis provocantur. Ergo non adeo opus esse, ut quis de emendatione intelligat sui scilicet: (adeoque si Sabellianus, aut Arianus est, minime necesse erit, ut suos abiciat errores) sed potius ut incumbat emendationi voluntatis. &c. Hic lectorem meum rogo, quem hominem existimet Thomæsum, qui litteris mandare non veretur, Patres Ecclesiæ omnium sæculorum in duas modo designatas classes dividi comodissime posse? Siccine ergo Patres Ecclesiæ omnium sæculorum hæc perniciosissimis, atque absurdissimis erroribus irretiti fuisse, quamvis essent & scriptis & factis suis clarissimi? Atque hæc proferre in: vulgus audent homines nomine, & professione Christiani? Nisi legissem hæc oculis meis, vix credidissem. Mitto vero cetera, quæ de utraque ea classe absque testibus, & tabulis, velut ex tripode pronuntiat præclarus ille juris naturalis historiographus: quibus haud scio, indignationis ne plus, aut risus creare valeat prudenti lectori. Inter quæ illud putidissimum ac perridiculum commentum est, quo ait, utranque eam classim privasse auditores suos usu sanæ rationis, dum videlicet orthodoxi eos alligeret formidinis Fidei a se inventis; con-

tra, mystici motibus internis, seu enthusiastis: & sic duo præjudicia capitalia intellectus humani in toto orbe Christiani propagarent, ac fulcirent, orthodoxi quidem præjudicium auctoritatis humanae; Mystici vero præjudicium præcipitantiæ. At non tantum usu rectæ rationis ab utriusque classis, seu scholæ, ut postmodum loquitur, Patribus privatos asserit auditores suos, sed etiam a clero laicos omnes ipso sensu communi orbatos fuisse, ut jam non litteris laicis etiam sensu communi sine indulgentia, & approbatione cleri uti (risum teneatis amici). Alias, inquit, quomodo fieri potuisset, ut laici superstitionis, & idololatriæ futilissima fuisset persuasio, ut videlicet hostias, quas omnium oculi vident, manus palpant, nares olfaciunt, lingua gustant, non esse panem, sed hostias: seu panem post consecrationem in corpus Christi esse transubstantiatum. Quasi vero recta ratio disaret, majorem fallacibus sensibus fidem esse præstandam, quam verbo divino. At quoniam hucusque nos deduxit ineptissimum Thomæsum excursus, vel hoc ipso exemplo animadvertere præstat, quo demum tendant plerumque Protestantium lucubraciones de *Jure Naturæ*, ut nimirum arrepta quacunque occasione, Catholicæ Fidei dogmata imperant, & quum iam eam Sacræ Scripturæ adversam probari posse desperent, rectæ saltem rationi, juriq; naturæ esse contrariam persuadere nitantur. Sed hosce etiam conatus pro data occasione, Deo benefavente, retundemus.

rit. „Sæpius antiquissimis Ecclesiæ do-
 „ctoribus de juris naturalis capitibus
 „haud perfunctorie sermo instituitur.
 „*Basilium Magnum, Gregorium Nazian-
 „zenum*, ipsumque *Chrysostomum* non
 „tantum græcæ, sed universæ, quan-
 „cunque patet, Ecclesiæ summum de-
 „cus evolvat, legat, scrutetur, cui
 „dubium forte ambiguumque id quod
 „a me asseritur, videtur. Hos ingenio
 „acri, judicio singulari juris hujus quæ-
 „stiones, quoties eas attingerent, attige-
 „runt autem sæpius, expedivisse con-
 „stat, & ipse *Ugo Grotius* restaurator hu-
 „jus Philosophiæ felicissimus tum de-
 „um & pondus, & robur, & lucem in-
 „signem se assensu suis conciliare posse, si
 „præsum horum auctoritate senten-
 „tiam suam muniret, fuerit opinatus;
 „*Ambrosius*, qui plane ad *Tullii* exem-
 „plum tres de Officiis libros compos-
 „uit, quanta solertia in hac doctrinæ
 „parte fuerit versatus, nemo, puto, ig-
 „norat, aut si ignorat, *Joannem Hen-
 „ricum Boetium* adeat, velim, qui
 „in prælatione ad hosce *Ambrosii* li-
 „bros, quanti illius viri labor sit fa-
 „ciendus, omnes edocuit. “ Si ita res
 „se habet (& plane ita se habere de-
 „monstrat *Michael Foerischi* in disserta-
 „tione de Philosophia morali, & Juris-
 „prudencia naturali christiana veterum
 „Ecclesiæ doctorum, adnexa *Ambrosio* de
 „Officiis ab sese edito ubi jurisprudentiam
 „naturalem *Clementis Alexandrini, Gre-
 „gorii Nisseni, Lactantii, & Augustini*
 „exhibet) enormiter profecto a veritate
 „aberrant *Barbeyracus, & Thomafius*,
 „dum effutunt, SS. Patres parum aut
 „nihil de doctrina morali scripsisse. Verum
 „hæc homines istos cuiuslibet auctoritatis
 „contemptores minime permovebunt.

At saltem aliquid plus æquitatis hac
 in re *Barbeyracus* præstulisset: sed quæ-
 nam, rogo, æquitas est, aliquot in ve-
 stustis Ecclesiæ Patribus, qui certe plu-
 rima sanissima doctrina, omnique sap-
 ientia repleta conscribere volumina,
 ex quibusdam aut malignis, aut saltem
 plus æquo rigidis censoribus, *Baylio* ni-

mirum, *Clerico, Dupino*, nævos colli-
 gere nonnullos, statimque eos esse *præ-
 vos doctrinæ moralis magistros & infidos*
duces, velut ex tripode pronunciare?
 Sed hic non silit ille; verum (quod
 multo iniquius & pejus est) plura Pa-
 trum illorum dicta plane innoxie ab
 ipsis prolata, ex unius alteriusve voca-
 læ ambiguitate in pravum detorque-
 rentur, quum commodè omnino, si
 quam voluisset meritissimorum Patrum
 rationem habere, in optimam sensum
 flectere potuisset, quin & plane debuisset;
 quum æquitas ipsa requirat, ut ne-
 dum Patres de Ecclesiâ optime meriti,
 sed nemo damnetur, nisi de iis erroribus,
 a quibus expurgari, & excusari
 nullatenus valet. Æquitatem hanc natu-
 ralem minime profecto consulit *Bar-
 beyracus*, quum amarulentam illam in
 Patres censuram conscripsit; sed mag-
 nam ubique prodit eos carpendi prur-
 ginem. Utinam vero ita sese erga Pa-
 tres gessisset, ut erga eos non gerere so-
 lemus, quorum fama nil nostræ inter-
 (ita enim ipse de Patribus iudicandum
 censuit) : nam mitius profecto de iis
 locutus fuisset. At ita in Patres insur-
 rexit ille, ut in eos insurgere quis pos-
 set, quorum infamia summopere eorum
 ei sit. Et sane si pravo hoc in Patres
 spiritu animatus non fuisset ille, statim
 quid assensisset, *Athenagoram* sectandis
 damnasse nuptias, propterea quod ait :
ἡ δευτέρα (ἡ δεύτερη) ἀγαθή ἐστι ποικίλη. In Ap-
 logia.
 Secundæ nuptiæ sunt decorum adulterium;
 quum hoc ipso, quod *decorum*, seu bo-
 nestum dicat, jam ab adulterii crimine
 absolvat; adeoque intelligendus sit, se-
 cundas nuptias solum veluti minus con-
 venientes, & a communi illius tem-
 poris Christianorum usu abhorrentes,
 hyperboli ista voluisse notare. Et nisi
 flagrasset Patres carpendi cupidine nun-
 quid verba illa *Clementis Alexandrini* :
Dedit Deus illis (Gentilibus) ἄστρον ἑ- Scram. VI.
καστον in religionem, ita interpretatus
 esset, *dedit Deus ἄστρο Gentilibus*, (a)
 ut ea adorarent (quasi vero *Clemens*
 postquam tot in locis quamlibet idolo-

(a) ἄστρον qu' ils adorent.

latnam infectatus esset, eo infantiæ dilapsus fuisset, ut Deum idololatriæ a-
fistorum cultus auctorem faceret), cum adeo obvia esset hæc illorum verborum
explicatio, nempe Deum permisisse, ut
Gentiles Deum ignorantes, interim a-
stra colerent, ne omnis in eis religio-
nis sensus periret; sed inde postea ad
Deum ipsum cognoscendum, atque a-
dorandum assurgerent. Multo vero mi-
nus eundem patrem fugillasset, ac si

IV. Strom. ex Stoicorum opinione docuisset, dolo-
rem non esse *malum*, eo quod dixerit,
Deum non iussisse Apostolis, ut fuge-
rent ingruente persecutione, *quasi pati*
persecutionem (nempe propter fidem)
malum esset. Quis enim non videat,
Clementem dum hoc assereret, ad ma-
ximum bonum, quod persecutionibus
perierendis consequi possumus, respe-
xisse? Qua quidem ratione tritum est
apud nos effatum, *bonas esse afflictio-
nes*, quod nos plerumque a peccatis a-
vocant, & ad Deum reducunt. Quid
hac in re cum Stoicorum sententia com-
mune? At Philosophia hæc vere chri-
stiana, & quæ ore proprio Servator
nos docuit, quum ait, *Beati eritis*,
quum vos adrint homines, & eiecerint
&c. fortasse parum arridebat *Barbey-
raco*, ut fere mirandum sit, ipsum Chri-
stum Dominum Stoicis non inculcasse.
At eum quoque inculcasset omnino, si
eodem animo quo Patrum dicta, ver-
ba ejus exponere aggressus esset. Ait
quidem ille, Christum & Apostolos *om-
nia secundum verum rationem docuisse*.
Rectissime hoc sane; sed animadvertere
etiam, ac meminisse debebat, quam
longe diverso animi affectu legerit co-
dices sacros, & scripta Patrum. Qua-
propter non semel eadem in patribus
damnavit, quæ in *Evangeliiis*, vel *Pauli*
epistolis veneratus est, ac benigne,
licet non semper recte, explicavit.
Quod licet exemplo paullo ante allato
planum sit, lubet tamen uno adhuc,
aut altero comprobare. Is itaque id pro-
bat in Christo Domino, quod eos, qui
*seipsos castraverunt propter Regnum Cæ-
lorum* commendat: damnat vero Patres,
qui laudibus effertunt virginitatem, vel

cælibatum. Sic etiam illud Christi Do-
mini probat, *mutuum dare*, *nihil inde*
sperantes; Patres vero reprehendit, qui
usuram damnant. Sic denique probat
in Christo quod *paupertatem*, *lacrymas*,
Crucis bajulationem, *abnegationem sui*
deprædicet; at cum Patres paria fua-
dent, nimis eos severitatis, & Stoici-
mi inculcat. Verum hæc tanquam pa-
rergera sint dicta: neque aliud est hic ad-
dendum. Ceterum, quæ in patribus vel-
ut errores Barbeyracus carpit, vel res
sunt levissimi momenti; in quibus et si
errassent, nonnisi summa iniuria velut
pravi doctrinæ moralis magistri traduci
possent: vel certe huiusmodi sunt, quæ
ab æquo Lectore in bonam partem ex-
cipi, & flecti valeant. Pauca sunt gra-
viora, quæ videntur præferre plus a-
liquid difficultatis. Sed in his quoque
sere omnibus purgari satis possunt:
quod nos alias, Deo favente, monstra-
bimus.

CAPUT III.

*Vana est Protestantium Juristarum jacta-
tio de instaurata, illustrataque, & ad
perfectionem perducta a se Juris na-
turalis doctrina.*

SI plerosque Protestantes de jure na-
turali scribentes audias, præcipue
Thomafium, ejusque affectam *Fleisch-
rum*, doctrina moralis ab orbe condito
ad initium usque decimi septimi æræ
christianæ sæculi inculca, & sordida ja-
cuit, ac tenebris miserabiliter obruta.
Nam ante Christum natum Ethnicis ve-
ræ religionis lumine destitutis plane in-
cognita fuit. Post Ethnicos vero, & an-
te scholasticorum initia intercesserant
tempora, quibus *sæda*, & *tristis igno-
rantia* orbi universo incubuit, ut scribit
Buddæus: deinde scholastici nugis, quæ-
sitiis, inutilibusque questionibus pror-
sus additi nihil aliud prælitare, quam
novas offundere tenebras, eamque scho-
lastico pulvere commaculare. Quid plu-
ra? Vel ipsi Protestantes religionem chri-
stianæ a pravis dogmatibus expurgan-
dæ (si Dñs placet) studium omne, o-
pe-

Hib. Ju-
ris natur.
§. XI.

Fleisch.
in Pref.

peramque navantes, ac præsertim fatali inter eos orto dissidio distracti, rectificandæ rationi, moralique doctrinæ, ut par erat, depurgandæ incumbere nequiverunt. At tandem aliquando illuxere faustissimi dies, quibus illa in primævam restituta est puritatem, tanto operi manum admoventibus primum Grotio, deinde Pufendorfio, ac tandem Thomasio. Ita fere loquuntur illi.

Sed si ita res est, cur, Divina Providentia (tantisper te alloqui, & tecum conquiri liceat) cur, quæso, tot annos, & sæcula passa, es in rei tam necessariæ ignorantia, tenebrisque jace-re? Cur hæc altra tam fulgida ori-tam fero tulisti? Ergone ad hæc postrema impeditissima tempora cultum rec-tæ rationis, veramque morum doctrinam reservasti? Sed quid de divina pro-videntia conqueri? Ridenda potius, spernendaque illorum jactantia est, qui demum post plurima secula se morum magistros veluti e cælo delapsos esse gloriantur, aliisque persuadere pro vi-ribus adnituntur.

Sed in medium proferant isti præcla-rissimi viri eas naturæ leges, quas edu-xerunt e tenebris, aut luculentius ex-plicarunt, aut confirmarunt validius, aut solidius demonstrarunt. Quæ nova fundamenta, aut principia juris excogi-tarunt? Quem fructum, quamve mo-rum correctionem systematibus suis in mundum invexerunt? Ad me quod attinet, legi quidem, perlegique eorum volumina; sed præter multos errores, vix, ac ne vix quidem quidpiam fru-gis alicujus inveni, quod ex auctoribus nostris non antea didicissem.

Dicant vero etiam, quos progressus in morali doctrina fecisse censeri pote-runt qui nondum primum principium, seu primam, unde ceteræ derivandæ sunt leges, adinvenere? Annon constat, tot ferme in rem hanc eorum esse sen-tentias, quot capita a Grotio propositam pro primo principio sta-tuit Pufendorfius; hanc primo defendit, deinde impugnât Thomasio; Thomasio prin-cipio rejecto, aliud proponit Wolfius; atque alii alia excogitarunt: Postremo

Schmaufius & Pufendorfii, & Thomasio & Wolfii ceterorumque omnium, qui eum præcessere, principia impugnat, novumque cudit *systema*; novamque ju-ris naturalis sedem adstruit, non scilicet intellectum, sed voluntatem, non rec-tam rationem, sed naturalem instin-ctum. Quid itaque præsumendum est de eorum doctrina, qui nondum de pri-mo ipso principio convenire potuerunt?

Quid? Quod si vel Proteſtantes ipsos de suis, qui antea floruerunt, judicium, ferentes audiamus, nondum jus natura-le satis ab illis illustratum intellige-mus. Prodiit ille, quem admodum ab eis insignitur, incomparabilis Grotius, lucemque affudit naturali juri: sed il-lius opus imperfectum, biuleum, man-cum, quin & inemendabile judicatur a Pufendorſianis. Pufendorſius igitur: (si ipsi credimus) primus ad perfectæ di-sciplinæ formam illud reduxit. At Tho-masius non tantum primum Pufendorſii principium evertit, sed etiam negat, cum multum in morali disciplina va-lere potuisse, quomodo ignoraverit veram honesti, justi, ac decori distinctionem, quam a se primo e tenebris erutam ja-ctat. Num igitur juris naturalis disci-plina per Thomasium perfectionem suæ attigit fastigium? Ita sane visum est Fleischer, qui, a Thomasio ultimam tan-to operi appositam esse manus, affirmat. Nihilofecius; si Wolfio fides, adionum humanarum theoria in profundo adhuc anno 1736. latebat, quum is magnum omnino opus & arduum conatus est, theo-riam istam in apicem proferre. Anno vero præcedente Heineccius Hake Mag-deburg. scribebat, omnes, qui ante ip-sum in hac disciplina versati sunt, vel principia parum idonea admixisse, vel omnia veluti data opera tenebris invol-visse. Jam vero quis sibi persuadeat, vel Heineccium parvulo libello suo di-scipulinam hanc ad perfectionem eve-xisse; vel hoc præstitisse Wolfum, qui, si Jacobum Langium audimus, morale doctrinam a fundamentis evertit, quum ipsam atheismo, naturalismo, & fato sa-mus superstruxerit, ut nihil nunc dicam de ejus primo juris naturalis principio, cuius

Indit. Vi.
N. & G.
In pre f.
In Epist.
dedic.
primis
Philoso-
ph. pro-
dica E.
Jat. Nat.
& Gen
in præsa-
tione.

Causa
Det ad-
verſus
Atheiſm.

nam &
Pseudo-
philoso-
phum
Seculo II.
Memb. VI.

cujus falsitatem, quin etiam absurditatem nos suo loco demonstraturi sumus. En quo demum recidunt Protestantium de jure naturæ scribentium labores. Ii sæculo & amplius, ex quo inrem hanc insudant, innumeris pene, quos edidere, libris, nondum, judice *Schmausio* novissimo scriptore, primam juris naturalis legem detexerunt: nondum, judice *Heineccio*, solidis principiis, perspicuaque & facili methodo disciplinam hanc tradidere. Ut quid ergo tam alte de instaurato, illustratoque abs se jure naturali gloriantur? Cur tam elate ejusdem juris ignorance catholice doctores, quin & ipsi Patribus vetustissimis & præstantissimis impropere?

Utinam vero tot post labores jus naturæ tantummodo non perfecissent. Faciendum utcumque id esset. At, quod pejus est, maximeque dolendum, & quod perpetuo illis dedecori apud cordatos viros futurum est, illud non subtili duntaxat putare (quod a scholasticis effectum ajunt illi) sed luto, cænoque commaculatum, conspurcarunt, foecularunt. Nanque ipsum saltem aliqui primo illud humere perecerunt, finem illius ad hujus vitæ commoda coarctantes, neque sursum ad Deum asurgere, nec intra ipsum hominem perspicere (substracto illi utroque officio-

rum genere) permittentes: deinde vero ad quamlibet impudicitiam frenalarunt, nullam eidem repugnare afferentes. Illud præterea contrariis veræ religioni præceptis immorigerum, solutoque omni revelationis repagulo, elatum, arrogans, petulantique reddiderunt: ut nihil modo proferam de singularibus erroribus, quibus velut ingentibus, putridisque maculis deformarunt. Hæc ex iis quidem, quæ jam supra attigimus, manifesta sunt; at ex dicendis explorata plane fient; semperque magis constabit, vanam esse Protestantium Germanorum (a) de Morali doctrina a seipsis instaurata, illustrataque jactantiam.

CAPUT IV.

Ratio a Protestantibus inita tradendi jus naturale ut peculiarem, separatamque disciplinam non omnino inutilis, aut illaudabilem est. Porro quod omnem auctoritatem, præsertim vero divinam, ab ea removendam plerique illorum censuant, id vero probari non potest.

TAmetsi Protestantium plerique de jure naturæ, & gentium agentes doctoribus catholicis minus æquos se præbeant, eosque modo traducunt ut ju-

(a) Ajo, *Protestantium germanorum* eo quod hi hæc in re quemadmodum celebriores sunt, ita & esse soleant elatiores; quum ex aliis regionibus moderatores plerique sint: & aliquorum etiam libri statim innoxii, ut *Richardi Cumberlandi*, *Jacobi Butlemaquii* &c., licet nec omnes *Protestantes Germani* moderationis fines æque transiliunt. Ceteris tamen immoderatus videtur *Thomasius*: quare si in eum, aliunde parum abimilem durius mihi verbum aliquod exciderit, spero, me excusatum iri a benigno lectore. Ceterum, non rationibus, sed convitiis in re præsertim philosophica pugnare ab honesto viro alienum semper existimavi; a quo ipsa indoles ingeniumque meum profus abhorret. Verumtamen insolescentes scriptores, dum vel arrogantius spernunt alios, vel

apertius calumniantur, vel audacius Catholicæ insultant Ecclesiæ, verbulo aliquo interdum compescere necessarium duxi, ut quod eorum dicta ingerere scandalum solent, a juvenum catholicorum animis propulsarem. Etenim juvenes quum leni, pacataque disputatione rem totam peragi vident, vix animadvertunt, quæ absurda, & perniciose sint ea, quæ adeo placido, sedatoque animo reselluntur. At vero nemo putet, ob aliquorum errata vel toti Protestantium cætui, (inter quos multos & doctissimos, & honestissimos moribus præditos esse novi) multoque minus in eam nationem Germanicam, quam nil minus quam ceteras omnes suspicio, magnique facio, notam aliquam, vel maculam ullam inurere me voluisse.

juris naturalis prorsus ignaros, modo naturalia cum revelatis confundentes, modo nugas, quiescillasque duntaxat in suis operibus ventiles, aliquando demum de suppresso, obrutoque rationis lumine condemnantes, adeo nihil ferme aliud superesse videatur, nisi ut eisdem inter bruta animantia recenseant; nobis tamen ita veritas, æquitasque cordi est, ut siquid laude dignum occurrit in eorum operibus, & probare, & efferre laudibus parati simus. Quamvis itaque nobis consultius, utiliusque videatur, in quavis materia simul conjungere officia hominis, & officia Christiani, ut ea, quæ separari in praxi non possunt, eadem doctrinæ serie a christianis scriptoribus proponantur; nihilominus non omnino improbamus eorum institutum, qui juris naturalis præcepta imitarum peculiaris separatæque doctrinæ continuo veluti filotradere, ac illustrare aggressi sunt: imo cum id suas habeat utilitates & commodum, probandum reipsa censuimus. Nam veritatum nexus continua serie ex uno veluti fonte deducitur sic melius perspicitur; & ea, quorum usus frequenter in vita est, studiosæ juventuti facilius, & citius proponuntur; inde etiam ad jus civile, & positivum lumen hauritur; ac demum jus naturale, quo veluti fundamento tota nititur humana felicitas, penitus inspicitur, clarius illustratur, confirmatur solidius, & opportunius ab impiorum insultibus vindicatur.

Hincque igitur non vituperandi, sed commendandi sunt Proteſtantes Germani. At hic non haſerunt illi, sed eorum plerique, quantum ex ſcribendi ratione conjectari valemus, ſolo, ac ſincero, ut decebat, veritatis amore ad hoc ſtudio ſeſe minime contulerunt: ſed alii vanitate quadam, nimioque gloria appetitu: hinc aliorum, qui præceſſere, depreſſio, & receptis ſententiis contradicendi libido. Plures vero Proteſtantiſmi confirmandi ſtudio: hinc vel apertæ in Romanam Eccleſiam calumniæ, vel ipſius dogmatum oppugnatione. Alii ut moralem doctrinam ad proprium

genium attemperarent: hinc abſurdæ monitroque ſimiles opiniones enatæ; hinc eſſignis quæcunque docendi, ſcribendique licentia.

Huiusce præſertim libertatis amore ortum eſſe arbitror, ut, vel omnem ab hac diſciplina auctoritatem, aut divinam ſaltem removendam eſſe decernerent: quam ſane rem in illiſ magnopere improbandam ſentio. Porro eos inter, qui omnem penitus ab hac diſciplina rejiciendam auctoritatem propugnare, eminet Thomafius, cujus illud fuit decretum, nihil magis impedire confeſſionem veritatis, quam auctoritatis præjudiciu. Inter eos vero, qui revelationem a naturali jure ſegregandam eſſe contendunt, numeratur recens Auctor Schmaufius: Natura, inquit, certo modo opponitur divine revelationi, quam ſacra exhibet Scriptura: ex quo confequitur, in jure naturali abſtrahendum prorsus ab eo eſſe, quod in revelata divina lege, quippeque divina, ac poſitiva eſt, continetur: exempli cauſa, a ſtatu integritatis & lapſu Adami, a Decalogo &c. Quare jus naturale juxta principia Chriſtiane Religionis valde abſurdum commentum eſt. Conſideranda eſt tantummodo natura hominis, neque decipi ſe ſinere oportet, tametsi in revelatione quidpiam diverſum proponi videatur. Quæſtio eſt tum de eo, quod homini innatum eſt: quidquid in homine, etque indita natura non reperitur, tanquam extraneum, & alienum eſſe ſtimandum. Simili, atque etiam fortaiſis majore energia hac de re loquitur nuperus Auctor Specimeniſ hiſtorie Juris naturalis: Opiniones, inquit, & verba Ss. Auguſtini, Hilarii, Moſis, Ciceronis, Plinarchi, & S. Pauli valde adiaſpora eſſe debent ei, qui inquirere aggreditur de jure humani generis... Jurisconſultus naturalis eſſe non debet nec Romanus, nec Judeus, nec paganus, nec Muſamedannus, nec Chriſtianus, nec ſubditus, nec Princeps; nullius ille Religionis revelatione, nulliusque civiliſ poteſtatis rationem habere debet, niſi ut ſit homo quiſquam; ac totum munus velut patriam ſuam reſpiciat, oportet.

Nov. ſyſt.
Jur. Nat.
Cap. I.
§. VII.

Eſt ſer
l'hiſtoire
du Droit
Naturel.
Part. II.
§. 2.

Con.

Contra vero nos asserimus, in indagandis Juris naturæ principiis atque præceptis Scripturam, Patres, & antiquos etiam sapientes in subsidium esse advocandos; a revelatione saltem præfendi omnino non posse: quod ita demonstrō.

Quoties aliqua disciplina multas variasque complectitur veritates, quarum plures difficiles, obscuræ, & implexæ sunt, ipsa prudentia dicitur, eos, qui in id studium incumbunt, iis uti debere omnibus, quæ ad veritatem facilius accertius detegentiam conferre valent. At vero ex una parte naturalis juris veritates aliquæ valde implexæ sunt, & captu difficiles, vel quia sunt a principiis suis remotiores, vel quia in iisdem finiendis varii sese immiscunt affectus, qui necessariam attentionem impediunt; ut collat ex variis Doctorum opinionibus, plurimisque erroribus a sapientibus circa easdem admittis: ex altera vero, S. Scriptura lumen præbet indefectibile atque clarissimum; SS. etiam Patres speciali desuper lumine collustrati lucem haut modicam scenerari possunt: denique sapientes, quod acutissimo pollent ingenio, ratiociniivim in pluribus administrant. Hi ergo omnes indagandis juris naturalis præceptis in subsidium advocandi sunt. Deinde cum experientia innoscat nativa humanæ mentis imbecillitas, aliundeque constet, summum eidem per Originis peccatum ignorantæ vulnus infidum esse, nimium de se præsumit quicumque omnes juris naturalis veritates proprio acumineprehendere contendit; imprudenterque, immo & ingrate se gerit, qui oblatum Scripturæ, Patrum, atque Sapientum lumen acceptare, eoque uti contemnit.

Præterea, non tantum vetusti philosophi gentiles, qui ejusmodi subsidii pro temporum locorumque illorum conditione carebant; sed etiam recentiores Protestantés, qui iis sponte semotis, juris naturæ arcana scrutari fidenter aggressi sunt, præsertim ceteris fidentiores *Tusendorpius*, & *Thomafus*, in variis crassosque errores re ipsa impigere,

Tom. I.

quos nos suo loco reſellemus: propria igitur experientia edocet ii prædictorum hac in re subsidiorum necessitatem ſateantur, necesse est.

Hoc unum hic cavendum exiſtimo, ne hujusmodi auctoritas contra eos argumentum aſſumatur, qui ipſam minime agnoſcant: hi namque vel primum de illius extantia & veritate perſuadendi ſunt, vel ſola ratione convincendi, vel ſiquam aliam auctoritatem admittunt, ea in illos interquenda eſt. At, quum qui hodie de jure naturæ libros conſcribunt, Chriſtiani ſint, itemque Chriſtiani, qui eos legunt, & qui documentis in ipſis contentis uti ac proſicere poſſunt; equidem non video, cur ſejuſtenda omnino ſit divina auctoritas, quæ ab omnibus hiſce agnoſcitur & recipitur. Quando autem hujusmodi volumina in *Sinenſem*, vel *Japonenſem* linguam transferri contigerit, ut ii quoque, qui iis utuntur linguis, jus naturale ab *Europæis* addiſcant, tunc prudens interpres verba Scripturæ omittere poterit; vel tractatum aliquem præmittere, quo Gentiles de ejus primum divina revelatione & auctoritate inſtruantur, & convincantur.

Obijcit vero Auctor *Speciminis Histo-* Loco cit.
rie juris naturalis, auctoritatem omnem ineptam eſſe ad conſtituendam *legiſlationem univerſalem*, ſeu quoad totum genus humanum; cuiusmodi eſt jus naturale. At reſpondemus, non idcirco nos affirmare, hæc in diſciplina conſulendam quoque auctoritatem eſſe, quod ea legem univerſalem conſtituat, ſed quia, ſi gravis fuerit, & magnique ponderis, & multo magis ſi divina, ad univerſales leges indicandas idonea eſt. Quid vero reſert, divinam auctoritatem non ab omnibus agnoſci hominibus? Anne propterea qui eam agnoſcunt, merito ipſam negligere poſſunt; & quod maius eſt, contraria eidem moralia dogmata conſtituere?

Quamquam vero rationes iſtæ ſatis oftendunt, in jure naturæ tradendo prædicta ſubſidia negligenda non eſſe; nihilo tamen minus, ſi quis naturales leges ſola ratione deducere velit, ſeri

C

S.

facile potest; modo nihil de eisdem statuat, quin disquisierit prius, an cum lumine revelato consentiant, necne. A Christiana nanque pietate alienum arbitror, quæcunque ad mores pertinent, insuper plane habita revelatione, definire. Id præsertim adversus *Schmausium* monendum existimavi, qui, ut conflat ex ejus verbis modo recitatis, a revelatione ita præscindendum docet, ut neque temperandum sit ab iis statuendis propositionibus, quæ eidem adversari videantur: quod sane magnopere absurdum est. Hinc ab iis, qui ita sentiunt, quæro, an propositiones, quas enunciant, theses esse velint, vel hypothèses; hoc est an absolute & reapse veras, vel tantummodo, firactionis duntaxat lumen attendatur? Si postremum asserant, consequens est, eos doctrinam tradere *hypotheticam*, qua nulli Christiano ad praxim uti liceat. Si primum dicant, impii sunt: id enim, quod revelationi divinæ contrarium est, verum dici non potest, nisi revelatio ipsa falsitatis coarguatur. Impium est igitur, hoc pacto a Scripturis abstrahere. Et reipsa quidam sinistram de se suspicionem ingerunt qui ab revelatione abstrahendum in jure naturali tradendo

indiscriminatim asserunt, tantoque calore inculcant: neque enim veritatis amore præstare id possunt, quum quo is major est, eo potior sollicitudo sit oporteat, ut ad certissimum, cujusmodi certe est revelatio, principium, id, quod proponitur, exigatur. (a) Reliquum est ergo, ut ea tantummodo ratione revelationem omnem a jure naturæ doctrina semotam velint, ne ipsis oblaculi loco sit, quominus ea omnia quæ lubent, proferant: quo profecto nihil est ad quoslibet procudendos errores accomodatius, ut funesta nimis experientia constat. Hoc itaque modo pius & sapiens Doctor hac in re sese gerere debet, ut primo quidem ratione ex naturali principio deducta, quas statuit, propositiones confirmet; tum verum cum revelatione contrariet, ostendatque eas revelationi ipsi consensus esse, vel saltem minime repugnare. Methodum hanc nobis perpetuo retinendam adhibeamusque proponimus. Eam etiam cordatiores Protestantæ nonnulli quidamtenus servaverunt. *Heinzeus* enim hac de re ita fatetur: *Plerique paragraphi Scholia subjunxi, in quibus . . . consensum veterum, & recentiorum, ipsarumque Sacrarum Litararum ostendi;*

Præf. ad
Litem
Jur. Nat.

no 9

(a) Cum hoc ajo, nemo putet, me illis suffragari velle: qui humanam rationem plus æquo extenuant, deprimuntque; quasi aut foret naturaliter falsa, aut ejus lumen adeo tenue, ut quæ ad morum directionem pertinent, aut nullo modo, aut non satis certo patefacere possent. Procul ego absum ab hac sententia, seu potius errore, quem ipsi etiam revelationi injuriam arbitror: si enim ratio nostra aut naturaliter falsa, aut necessario incerta sit, quomodo ipsius revelationis extantiam certam, competentemque nobis facere valeat? Hinc ego contra *Hobbesium*, aliosque infra demonstrandum assumo, exare in nobis rationem *claram*, certa item esse ejus cognoscendæ *veritatis*; & leges naturales non sola scriptura, & traditione, sed & ratione posse a nobis certo cognosci, quin & demonstrari. At aliud est; quod præstare illa absolute potest; aliud quod

reipsa, & communiter præstat: exploratum enim experientia est, eam sin nativi defectu luminis, certe frequentissimo abutentium vitio, & debite attentionis defectu, sæpius errare. Cur igitur in jure naturali tradendo, divina etiam auctoritas consulenda, & in auxilium vocanda non est, non quidem ad omnimodam rationis impotentiam supplendam, sed ad eum, qui facillime obrepit, ejusdem abusus præcavendum? Hinc ipse probare nullatenus possum, quod multi, cum scripturæ eis opponitur auctoritas, respondent, se non tanquam theolocos loqui, sed ut philosophos: quibus repugnandum arbitror, eos, quotiescunque illis adversatur scriptura, neque philosophi partes explere: cum enim tunc certissime errant (neque enim verum vero contrarium esse potest) necesse est, eos tunc non uti ratione, sed abuti; quod philosophi non est.

non quod turpi transitu in aliud genus, juris Naturæ & Gentium præcepta ex aliis, quam ex suis & domesticis principijs derivare voluerim; sed quod ea & oblectare lectorem & convincere possint, talia esse hujus discipline præcepta, ut ea & veteres solo rationis ductu perspexerint, & ipsi sacri scriptores divino assensu humano generi inculcarint. Nimirum falsissimum est, ea omnia, quæ in Scripturis præcipiuntur, ad positivam legem spectare, ut innuit Schmausius: multa enim ad legem etiam pertinent naturalium: quod is solum ignorare potest, qui in divinis Literis plane sit hostes.

CAPUT V.

Varia de Hugone Grotio Protestantium judicia: alii nimis illum extollunt; nimis deprimunt alii. Juris naturæ conditor, vel influator dici jure non potest: non tamen omni laude fraudandus. Grotianum opus de Jure belli, & pacis haud immerito inter libros prohibitos reclusus est. Castigatur in hac rem Pusendorfii dictum.

ANtequam celeberrimi hujus Auctoris, Operisque ab eodem inscripti, de Jure belli & pacis, varia Protestantium judicia profero, meumque subijcio; rem lectori haud injucundam facturum me arbiroy, si de conditione, patria, obituque ab ipso numeribus prius aliquid dixerim: quod etiam de aliisclarioribus juris naturæ scriptoribus præstare suo loco constitui, in eorum gratiam, qui hujusmodi auctorum sola ferre nomina norunt.

Itaque Hugo Grotius anno 1583. natus est Delfi Bataviæ opido, ex nobilibus parentibus, sed Calviniana hæresi infectis. Puerili adhuc ætate se non indignum ostendit sui generis nomine, quod belgica lingua significat *magnum*. Nam vel novennis jam excellebat arte poetica; quindennis vero Philosophiæ, jurisque laurea insignitus fuit. Deinde post biennium cum accessisset ad causas in foro dicendas, primarii Sindici

dignitate haud multo post Roterdami est auctus. Paucis vero post annis, toto Belgio in *Gomaristarum*, & *Arminianorum* factiones discisso, cum illis paullo impensius faveret, a factione prevalente conjectus in carcerem est, & parum abfuit, quin capitali afficeretur supplicio. Veruntamen fidelissima uxoris *Maria Reigerspergica* industria e manibus inimicorum elapsus, contendit in Galliam; ubi diu *Svecica* legatione sibi credita emicuit. Tandem *Rostochii* diem clausit extremum anno 1645. Plurima atque eruditissima, quæ lucubraverat, opera, immortalem ubique famam ipsi compararunt. Hic unum commemoro, quod ad præsens attinet institutum, videlicet opus inscriptum *de Jure belli & pacis*, Parisiis hortatu præsertim *Peirescii* confectum. Multis gravibusque causis se impulsus ad ejusmodi scripturam fuisse, asserit in ejusdem prolegomenis, quas sequentibus verbis recenset, & explicat: „Videbam per „Christianum orbem, vel barbaris gentibus pulendam bellandi licentiam: „levibus aut nullis de causis ad arma „procurri, quibus semel sumtis, nulla jam divini, nulla humani jurisreverentiam, quasi plane uno educto ad „omnia scelera emissio furore. Cujus immanitatis conspectu multi homines „minime mali eo venerunt, ut Christiano, cujus disciplina in omnibus „hominibus diligendis præcipue consistit, omnia arma interdicere... „Medicina ergo utrisque alibenda fuit, tum ne nihil, tum ne omnia crederent licere. Simul & Jurisprudentiam, quam antehac in muneribus publicis „quanta potui, integritate exercui, nunc quod mihi e patria tot meis laboribus ornata ejecto restabat, priuatæ diligentæ studio adjuvare volui. Artis formam ei imponere multiantehac destinarunt, perfecit nemo: neque vero fieri potest, nisi, quod non satis curatum est hætenus, ut ea quæ ex constituto veniunt, a naturalibus recte separentur. Nam naturalia quum semper eadem sint, „facile possunt in artem colligi: illa

Num. 12.
19. 20.

Mem. 26.
27.

Philos.
Jur. Nat.
§. XXII.
XXIII.

In paucis
plenius
Hidoc.

autem, quæ ex constituto veniunt, quum & mutantur, & alibi alia sint; extra artem posita sunt, ut alia rerum naturalium perceptiones... Eo autem magis visum est pretium operæ, quod, ut dixi, totum argumentum (De Jure Belli & Pacis) tractavit nemo, & qui tractarunt partes, ita tractaverunt, ut multa reliquerint alienæ industriæ. ... Hi quidem, qui Summas fecerunt casuum, quos vocant, conscientiæ, ut de aliis rebus, ita & de bello, de promissis, de juramento, de repressaliis capita fecerunt. Vidi & speciales libros de belli jure partim a Theologis scriptos... partim a Doctoribus juris; ... sed hi canes de uberrimo argumento paucissima dixerunt, & ita plerique, ut sine ordine quæ naturalis sunt juris, quæ divini, quæ gentium, quæ civilis, quæ ex canonicis veniunt, permiscerent, atque confunderent. "Hactenus ille.

Hoc opere, quod primo prodit Parisiis Anno MDCXXV. *Restauratoris juris naturalis* nomen apud Protestantem consecutus est Grotius, ob eamque causam summis laudibus ad Cælum usque ab ipsis extollit promeruit. Audiantur in primis hac de re duo juris naturalis historiographi *Buddeus* & *Thomafius*.

Fata tandem dedere, inquit ille, *Ugonem Grotium*, illum juris naturæ restauratorem felicissimum, qui restitutione suo nitori hujus Philosophiæ moralis partem gloriam apud litteratum quacunq; patet, orbem jampridem retulit... Hic signum aliquod ad bene de jure naturali sperandum sustulit, viamque primam ingressus est, quam clarissimi deinceps solertissimi que viri suis signantur veltigiis... Grotio demum ingenium, & tanta inter eruditos obtigerat auctoritas, ut vel hoc nomine, si quisquam alius, ille sane par esse tam arduo operi merito crederetur. "Audiamus quoque eadem de reloquentem *Thomafium*, qui consuetu lepore suo parumper nos recreabit. "Igitur, quum summa inquit, ignorantia, & confusio, ac sup-

pressio luminis naturalis per aliquot saeculorum decades inter gentes ethnicas, & Christianas, & novissime inter Protestantem (*hoc mirandum*), & que ac Catholicos tantas radices egisset, quis quæso prævidere, velominari potuisset, istam corruptionem, & confusionem emendari, ac in ordinem redigi anquam posse; tantum abest ut sperare potuisset, eam emendationem proxime expectandam esse. Sed divinæ providentiæ nihil est impossibile. Omnia agit suo, idest debito tempore (*tempus scilicet debitum erat saeculum a Christo nato decimum septimum*). Et ubi error summum attigit fastigium, adventus veritatis appropinquat. Confuso vero & falsitas per Doctores in Cathedras Ecclesiasticas, & academicas introducta erat: tres facultates academicae, theologica, juridica, philosophica nugis scholasticis erant addictæ. Suscitabat igitur divina Sapientia virum, qui neque Doctor Ecclesiasticus, (*Divine Sapientiæ profunditatem attingere*) neque academicus esset, qui neque Philosophiam tanquam professor publicus doceret, simul tamen & egregius Theologus, & excellens jurisconsultus, & Philosophus eximius esset. Propagatum erat malum per orthodoxiam scholasticam, & Theologiam mysticam, ut is, qui illud eradicare deberet, nec scholasticus esset, nec mysticus (*nec ulli inter Christianos fidele*, addit Pufendorfius, *saltem rigido additus*); interim tamen Scholasticorum doctrinam intelligeret (*quam quum non intellexerim Pufendorfius, & Thomafius, hinc tanto eam despectui habuere*); nam mysticos nemo intelligere potest. ... atque ejus insufficientiam probe cognosceret. (*Sed id minime satis fuit.*) Opus erat Doctore qui jam expertus erat perfectionem Scholasticorum (attamen Protestantium) & qui ab aliis eruditus non Scholasticis (*Catholicis tamen*) ad id opus difficile suscipiendum impelleretur. Scilicet ut ex una parte caute verberetur cum Philosophia mo-

Jur. Nat.
Cap. XLV.

„ rali Scholasticorum, ne hujus bilem
 „ adversus prudentiam naturalem, &
 „ rationalem ex latebris productam ni-
 „ mis irritaret, ex altera vero parte
 „ non magnopere metuendum haberet
 „ odium scholasticorum, sed in prote-
 „ ctione potentiarum “ (cujus videlicet
 „ indigebat multum, ut proferre tuo pos-
 „ set doctrinas magna ex parte a Scholasti-
 „ cis doctas), „ aliquo modo fiduciam
 „ poneret. Talis erat vir incomparabi-
 „ lis, & nunquam satis laudandus “
 „ (satis tamen inepte a Thomaso laudatus)
 „ Ugo Grotius. “ Ne quis tamen ex
 „ hactenus ab ipso dictis in eam senten-
 „ tiam deduceretur, Grotium ita juris natu-
 „ rae restauratorem extitisse, ut illud ad
 „ debitam absolutamque perfectionem omni-
 „ nino perduxerit, adeoque nec sibi, nec
 „ Pufendorfo in eo perficiendo laudis lo-
 „ cus ullus relictus esset; paullo post, e-
 „ jusdem elogium ita ipsi placuit tempe-
 „ rare: „ Paucis, Grotius erat instrumen-
 „ tum, quo Divina Sapientia utebatur,
 „ ut initium faceret tollendae confusio-
 „ nis adeo diuturnae hominis naturalis,
 „ & supernaturalis. Dico initium, que-
 „ madmodum enim divinum Numen
 „ pedetentim ex die noctem, & ex no-
 „ ctē diem facit, & inter primas diei
 „ horas, & meridianam lucem magna
 „ pariter differentia est “ (ex aliis Tho-
 „ masi scriptis patet, in jurisprudentia na-
 „ turali auroram concessisse Grotio, Pufen-
 „ dorfo primas diei horas, meridianam si-
 „ bi lucem reservasse), „ manet tamen
 „ Grotio inventionis primae laus, &
 „ quod aliis ad minimum ostenderit
 „ viam veras doctrinas ab erroneis, ac
 „ falsis separandis. “

Thomasi hac in re Pufendorfi exem-
 plum secutus est, nam & hic primo
 loco Grotium mire, impenſeque com-
 mendat; mox vero, ut operis sui de
 Jure Naturae & Gentium necessitatem,
 ac pretium ostendat, ipsum, ejusque
 opus deprimat, & quidem non modice:
 „ Quantuncunque, ait, ejus viri fama no-
 „ bisi cordi sit; fatendum tamen est, non
 „ paucas ab ipso esse praeterita, quaedam
 „ leviter duntaxat brachio tractata, quaedam
 „ denique admista, quae, & ipsum homi-

num fuisse arguerent. In primis tamen
 non exiguum nobilissimo operi labem af-
 „ pergunt, quos passim a receptis Ecclesiae
 „ orthodoxae sententiis diverſus abijt. Ali-
 „ bi vero asserit, eum, neque in iſta for-
 „ mam artis (jus naturale) disposuisse, &
 „ praeter multa admixta heterodoxa mate-
 „ riam de bello fufius tractasse, quam in
 „ generali disciplina requirebatur. Alios
 „ alii in Grotiano opere errores, defectus-
 „ que inveniunt, & carpunt. At nemo
 „ iniquius de eo judicium tulit, quam
 „ Claudius Salmasius in Epistola, quam
 „ publici juris fecit Thomas Crenius: “ In
 „ philosophicis, inquit, si disputandi so-
 „ lertia spectetur, vix mediocribus par-
 „ est: nec unquam vidi, qui minori
 „ cum vi ratiocinetur: id quod testan-
 „ tur scripta ejus, quibus Rivetus, &
 „ Mareſius rescripserunt: in studio li-
 „ terarum multos habet pares, & plu-
 „ rimos superiores. In jure quantum
 „ excelluerit, ostendit sparsio florum
 „ ad Jus Justinianum. Librum ejus de
 „ jure belli, ac pacis refutandum susce-
 „ pit quidam Professor almæ Juliae (Fel-
 „ denus) qui amicis aliquot, quos vi-
 „ di, adfirmavit, se ostensurum esse,
 „ nullam paginam vacare insignibuser-
 „ ratis. “ Judicium hoc Salmasii quam
 „ longissime distat a sententia Gerardi
 „ Possii, qui Grotium litterarii orbis mira-
 „ culum, alterumque terræ Batavæ, cum
 „ magno Erasmo lumen, appellat, quo ni-
 „ hil nunc undique eruditius, vel sol vi-
 „ deat, vel solum sustineat. Hinc merito,
 „ ut ego quidem cenſeo, Buddeus quo-
 „ rundam parum recta in Grotium judicia
 „ invidiæ tribuit in citata historia. Nan-
 „ que Grotium fuisse virum præcellenti
 „ ingenio præditum, ac reſpectu doctissi-
 „ mum, & eruditissimum, haud dubito:
 „ librumque ejus esse præclarum opus,
 „ demptis erroribus contra fidem, luben-
 „ tissime fateor. Attamen non idcirco Ju-
 „ ris naturalis restauratorem, multoque
 „ minus conditorem dici posse, contendo.

Primo enim non restauratur, nisi quod
 antea perierat, vel destrudum, corrump-
 tumque est: at vero jus naturale tum
 apud vetustos Ecclesiae Patres, tum a-
 pud sequentium sæculorum catholicos

Do-

Spectm.
 contror.
 c. p. IV.
 h. 22.

Tom. I.
 Antiquar.
 Phil. &
 Histor.
 p. 22.

Lib. III.
 de libror.
 lat.

Præf. o-
 per. majus.

Doctores indolenter viguit, quemadmodum superius demonstratum est. Saltem illud aliquot decessisse, aut fuisse corruptum, aut generatim ignotum, nondum Protestantes probavere, nec unquam, licet omnes exerant vires, probabunt.

Insuper, quomodo naturalis Juris Refractor dicens est Grotius, aut Refractor, qui nequidem jus naturale data opera unquam tradere aggressus est? Non quod Bocc'erus ait, eum jurisnaturalis systema integrum conscribere sibi proposuisse, licet sub modestiore titulo de Jure belli ac pacis, refellitur ex ipsoem Grotio: disertis enim verbis in prolegomenis declarat, sibi in animo fuisse, jus illud conscribere, quod inter populos plures, aut populorum rectores intercedit; (quod vocatur jus Gentium) eo quod illud attigerint pauci, certo autem ordine tractavit hactenus nemo, quum tamen id fieri interstet humani generis. Igitur duntaxat juris prudentiarum universalis partem, quæ versatur circa bellum, & pacem (ex titulis præfatis) sibi tractandam assumpsit Auctor iste: quod & clarissime liquet ex sequentibus ejus verbis: Quod si qui verâ justitiæ sacerdotes naturalis, & perpetuæ jurisprudentiæ partes tractandas suscepissent.... alius quidem de legibus, alius de tributis, alius de judicium officio &c. posset deinde ex omnibus partibus collectis corpus juris (universalis) confici. Nos certe quam viam incundam conferemus, re ipsa potius, quam verbis ostendimus in hoc opere, quod *PARTEM* jurisprudentiæ longe nobilissimam continet. Quod vero partem hanc adeo fuisse, ac pingui minerva tractaverit, ut modum quibuscumque excessisse videatur, id efficere potuit, ut aliqui minus attento animo opus illud evolventes, integrum complexi juris naturalis systema, sibi persuaderent.

Tertio, quæ de jure naturali prædata sibi opportunitate operi suo inseruit Grotius, ea ex Scholasticis Doctoribus defumisit omnia: quod nemo, nisi qui aut ipsius, aut Scholasticorum doctrinam ignoraverit, potest, inficias ire. Id ex

parte factem viderunt nonnulli ex Protestantibus jurisconsulti, ex quo nimium illi studium Scholasticorum frequenter exprobrant, atque etiam Pufendorfus animadvertit, eum *scholæ Romanæ* Doctores *magna agmina advocare gaudere*. Interim tamen ille nimio hoc Scholasticorum studio eam sibi gloriam comparavit, quam ei postmodum invidere multi, consecutus est nemo. At vero invidia plenum Restauratoris titulum homini aliena colligenti quis jure meritoque concesserit? Honorem porro hunc in eum minime quadrare & sincere agnovit, & eadem, qua nos, ratione probavit Joannes Jacobus Schmanjus Gotingæ ordinarius Juris Professor in historia juris naturæ, quam exhibet lib. 1. *Novi systematis sui ejusdem Juris*, quod germanice conscripsit, ediditque An. MDCCCLIV. Alterum de Ugone Grotio præjudicium (verba ejus germanice latine reddo) in eo fuit est, quod *ius naturæ novum tradiderit, atque a Scholasticorum crystallis purgaverit, adeoque ut hujus disciplinæ reformator, & restaurator habendus sit: quum potius quidquid de jure naturæ præsertim nihil aliud sit, quam vetus Scholasticorum doctrina*. Allatis deinde præcipuis hac de re Grotiana doctrinæ capitibus, subdit: *hæc omnia in superioribus excerptis, quæ ex veteribus recentioribusque Scholasticis supra tradidimus, reperiri possunt*.

An ne vero. nihil omnino novi in celeberrimo suo opere habet Grotius? Juvat huic quesito ex Salmasso haud suspecto iudice respondere. „Quod in „Grotiano opere, ait ille, velut novam „haberi potest in eo consistit, 1. quod „jura belli ad certa principia „normamque revocare fatageret, quum alias apud plurimorum veteres, tum „recentes (*non sane catholicos*) perversa opinio invaluisse, inter bella juri locum nullum esse, & inter arma „leges silere debere. . . 2. Quod præter jus divinum. positivum universale, de quo tamen Scholastici jam pridem disserterant, pro fundamento in „decidendis liberarum gentium controversiis, versus usurpaverit, illudque accuratius,

In Prat.

h. XXI.

Mann, 17.
p.

„tius, quam ante factum fuisset, dis-
„scusserit. 3. Quod ipse primus jus
„gentium ad certa principia, nempe
„ad consensum tacitum, & pacta ta-
„cita moratorium gentium redegerit,
„cujus rei nemo ante sollicitus fuit.

„4. Quod *jus publicum universale* su-
„sius, quam huc usque ab Aristotele
„ejusque Commentatoribus factum, ad
„decidendas controversias de jure belli
„& pacis applicaverit. Ex his patet,
„Grotium juxta quadruplex *jus*, nempe
„*divinum naturale*, *divinum positi-
„vum universale*, *jus Gentium*, & *jus
„publicum universale* materiam de ju-
„re belli & pacis pertractasse: quæ
„omnia jura diversa inter se sunt,
„eademque ut diversa consideravit.

Hæc quemadmodum non levem Grotio
ejusque operi exsultationem conciliant,
ita satis certe non sunt, ut *Restaurato-
ris juris naturalis* laudem eidem vindicare possint. Opus igitur illud, si quo
ad præcipuum scopum suum spectetur,
præclarum, ut diximus, est. Nihilota-
men fecius a Romana S. Officii Con-
gregatione ob errores, quos continet
contra Fidem, relatus est inter libros
prohibitos die IV. Februarii Anno
MDCXXXVII. *Quam severitatem forte
non expectasset Grotius*, inquit Baddeus,
*qui multa Romane Ecclesie placita etiam
hoc ipso in opere, non sine aliorum indi-
gnatione, comprobavit.* At vero si id mi-
nime expectavit Grotius, erravit sane;
multoque magis erravit Baddeus, qui
hoc Ecclesie judicium *severitatem* vocat:
nam veram Ecclesiam non decet
ullos dissimulare errores, propterea quod
aliqui fortasse in ejus gratiam reje-
cti sint, & emendati: quanquam puram,
putamque sabulam puto, quod ait Bud-
deus, alique, Grotium in gratiam Pon-
tificis, & Romane Ecclesie plura si-
lentio præteruisse, aut aliter ac senti-
ret, locutum esse.

At longe iniquius de Romana Grotiani operis prohibitione, sive condemna-
tione loquitur Pufendorfius. *A Pontificis*,
inquit, *est inter libros prohibitos
relatum, non tam ob ea, quæ ipsorum
placitis circa Religionem, dissona continet,*

*quam quia in universum solidior Philo-
sophia moralis rationibus Regni tenebra-
rum adversatur.* Sic ille plane inurbanus
Auctor, ne acerbius quid dicam.
At quænam, rogo, solidior *moralis do-
ctrina* in Grotiano opere continetur, quæ
Ecclesie Romane *rationibus* adversetur,
quum terme quæ in illud contulit,
omnia ex Catholicis, Scholasticisque
(quos vel ipso Pufendorfio, teste pleno
advocat agmine) Doctoribus hauserit?
An ne fortassis laudabilis Grotii scopus
frænum aliquod injiciendi bellantium
furori Ecclesie Romane potuit displi-
cere? Quasi vero illa nimiam effrenem-
que in bello gerendo licentiam summo-
pere non improbare, damnaretque.
Nulli itaque dubium esse debet, quid-
quid crocitet inurbanus hic Scriptor,
opus illud ob errores circa fidem unice
fuisse proscriptum.

Sed facile fuisset, ait ipse, *medici-
nam* facere *resectis materiis Theologicis*,
*sicuti a nostratibus factum est, qui con-
tenti errores notasse, veris debitam esti-
mationem ideo non detraxerunt.* At quis
est iste, qui Ecclesie officia, & modum
prescribere audeat? Ad ipsam spectat
monere fideles, ut caveant a veneno
in libris latente (quod facere solet li-
brorum prohibitione): munus est vero
illorum, qui iis uti quomodocunque
innoxie voluerint, (neque enim legen-
di facultas idoneis & sapientibus denegatur)
bona a malis, vera a falsis se-
cernere, unamque ab alia materiam
pro opportunitate separare. Sed hæc ad
retundendam hujus Auctoris hac in re
petulantiam satis.

CAPUT VI.

Joannes Seldenus *haud inutili labore Ju-
ri naturæ ex Hebræorum traditione
explicando se addixit: hac tamen ra-
tione illud in tuto non posuit: immo
in Noachidarum præceptis enumeran-
dis, explicandisque aliquantulum a ve-
ritate deflexit.*

Joannes Seldenus natione Anglus pro-
diit in lucem Salvingeni in Suffexia
an-

Hir. Jur.
Nator. S.
XXIV.

De Jur.
Nat. ac
Gent. in
pæfat.

anno 1584. Die 18. Decembris. Vir fuit omni eruditione clarus, præcione vero ita in jure suæ nationis excelluit, ut vulgo diceretur *magnus doctrine Anglicane diffator*. Migravit e vita anno 1654.; postquam eximia Patriæ suæ munera summo omnium plausu obisset. Plurima diversi generis opera lucubravit, quæ simul collecta prodierunt in lucem anno 1726. tribus tomis in folio, editionem procurante *David Wilkinsio*. Opus, quod ad rem nostram spectat, inscribitur: *De jure naturæ & Gentium juxta disciplinam Hebræorum*: quo in opere jus naturæ ex Hebræorum traditione explicare contendit. Hoc eruditissimum opus in compendium redegit *Franciscus Buddæus*. In eo *Seldenus* fundamenti loco statuit cum Hebræis naturalia præcepta, saltem præcipua, primum *Adamo*, deinde *Noacho* tradita ab ipso Deo fuisse. *Noachum* vero eadem docuisse Filios, quemadmodum & filios suos ante docuerat *Adamus*: quo effectum est, ut perenni traditione transmissa indefinenter fuerint a parentibus in filios, atque nepotes, adeoque in totum manaverint orbem, cum omnes *Noachides* essent, hoc est a Noacho, tanquam ab unico fonte, post *Adamum* descenderent. At Hebræi nomine *Noachidarum* non omnes homines, sed Gentiles duntaxat, seu ceteras gentes a se diversas intelligunt. Cum enim Hebræi nomen sibi proprium addivisissent, quod commune omnibus erat, ceteris reliquerunt. Hinc præcepta illa, quæ omnes omnino obligant, & quæ propterea juris naturæ & gentium dicuntur, *Noachidarum præcepta* ab eisdem vocantur. Hæc vero *Seldenus* ex doctrina Hebræorum ad numerum septenarium redigit; quæ omnia negativa sunt: I. nempe de cultu extraneo; quod idololatria, omneque superstitionis genus prohibetur. II. de malefissione Nominis sanctissimi; quo omnis blasphemia, seu divini Nominis profanatio vetatur. III. de effusione sanguinis, quo homicidium interdictur, & quælibet mutilatio. IV. de revelatione turpitudinis; quo prohibetur adulterium,

fornicatio, omnisque impudicitia. V. de furto & rapina. VI. de Judiciis, seu reamine forensi; & obedientia civili. VII. de membro animalis viventi, & sanguine non concedendo. Jam vero *Seldenus* hac in re non inutiliter laborasse, facile demonstratur.

Hebræorum enim gens dubio procul in eo Gentilibus præstat, quod ad plura secula fuerit populus Dei electus, magistrosque habuerit Patriarchas, atque Prophetas. Quum itaque maxime utile a sapientibus omnibus censeatur ad juris naturæ confirmanda præcepta, quarumcunque præsertim politiorum Gentium traditionem colligere, inutilis reputari *Seldeni* labor non potest, qui præstantissimæ nationis traditionem, atque doctrinam quo ad ea, quæ de jure naturæ ac gentium censentur, colligere, & in apertum producere aggressus est.

Hæc tamen ratione jus naturæ ac gentium in tuto ipse non posuit. Neque enim I. demonstrare unquam potest, quanta fuerit apud Hebræos vetulas hujusmodi traditionis: nam qui eam primum litteris consignarunt, aliquot post Christum natum seculis floruerunt. II. Traditio unius Nationis, licet præstantissimæ, haud satis esse videtur ad veritatem aliquam ponendam extra omnem dubitationis aleam, modo non supponatur divinitus inspirata. III. Quum Hebræorum Rabbinii veris traditionibus plures etiam fabulas soleant immiscere, hinc parum firma est hæc etiam in re eorum auctoritas: neque enim potuit *Seldenus* certissime scire, an quidpiam illi proprio Marte addiderint traditionibus vetustis. Et reipsa quidem unum ex iis capitibus non recte se habere, mox dicemus. IV. Disciplina hujusmodi imperfecta est; tum quod nullum exhibet principium certum, ac evidens, quo peculiaria præcepta deduci queant; tum quia præcepta ferme proponit tantummodo negativa: ut, non exercebis cultum extraneum, seu non colas Deos alienos: non effundes sanguinem: non revelabis turpitudinem &c. At vero præcipuum naturale præceptum, nimirum de amore, & cultu Dei, est

affir-

affirmant: & generatim prima juris naturalis praecepta *affirmantia* censenda sunt, & *praecipientia*, quum omnis negatio in affirmatione fundetur. V. Seldenus Rabbiorum auctoritate contentus esse non debebat; sed illorum praeceptorum convenientia cum naturali ratione demonstranda erat. Si vero auctoritate sola niti mallebat, satius illi fuisset, ea praecepta ex *Jobi* libro (ubi excepto ultimo, clare satis apparent) quam ex *Rabbiorum* traditione deducere.

Erravit demum cum *Rabbimis* Seldenus dum statuit ultimum praeceptum, quo efus sanguinis prohibetur; quasi illud ad *Noachidas*, seu ad gentes omnes pertineret, adeoque foret quoque de jure naturae. Nam illud ad Hebraeos tantummodo pertinuisse, satis aperte colligitur ex *Deuteronomio*, ubi Deus praecipit Israelitis: (a) *Quidquid morticinum*, seu absque sanguinis effusione mortuum est, ne vescamini ex eo. *Peregrino*, qui intra portas tuas est, da ut comedat, aut vende ei; quia tu populus sanctus Dei tui es. An vero ita Deus praecipit, si sanguinis, qui in morticino remanet, efus vetitus fuisset etiam Gentilibus; & non potius omne morticinum, quod a nemine innoxie comedi posset, abijciendum, edixisset, ut aut tempore putresceret, aut bestiae agri illud devoraret.

Contra hoc tamen obijcere quis posset illud *Geneseos*; ubi Dominus benedicens Noe, & Filios ejus, quum illis in cibum concessisset omnia, quod moveretur, & vivit, sive animalia omnia, subdit: (b) *excepto quod carnem cum sanguine non comeditis*. Quod quidem praeceptum direxit Deus ad omnes Filios Noe, adeoque ad omnes omnino homines; quum omnes a filiis Noe prognati sint.

Verum haec obiectio, utut speciosa sit, movere tamen neminem debet. Etenim I. certum est, hocce praeceptum

Tom. I.

juris naturae non esse, alioquin nunquam abrogari potuisset: abrogatum est autem, fatente *Seldeno* ipso, quidquid Hebraei contra sentiant. II. Hoc praeceptum, si tamen verum praeceptum dicendum est (nam hac de re ambigunt multi) ex Dei intentione vel universale non fuit; vel non certe perpetuum, sed ad tempus, donec videlicet populum sibi peculiarem elegisset, eique peculiarem legem imponeret. Cujus quidem rei ratio est, quod quum hujusmodi praeceptum juris naturae non esset, eo supernaturale. aliquid spectabatur, venturi nempe *Messiae* Mysterium. Rem ita se habere vel ex eo satis evincitur, quod Deus *Mosaicam* legem *Israelitico* populo imponens, ei quidem de hujusmodi abtinentia innovavit praeceptum: at ceteras Gentes ab eo liberarum asseruit, ut patet ex allato *Deuteronomii* textu; in quo praesertim ea verba notanda sunt, quibus rationem videtur adferre, cur populo *Israelitico* etiam sanguinis interdiceret, quem ceteris populis permittebat; nempe quia tu *Populus sanctus Dei es*. Perperam itaque enumeravit Seldenus *Noachidarum* praecepta: ut alia hic parerga silentio praeteream.

C A P U T VII.

Joannes Georgius Wagnerus, aliquo Protestantes Thomam Hobbesium inter instauratores juris naturae perperam, & infuria recensent. Plus equo etiam ille a Pufendorffio laudatur.

Thomas Hobbius, vel Hobbesius Malmsburii in Anglia natus est anno 1589. Ejus Mater, audito Hispanorum adventu, perterrita eundem ante consuetum tempus peperisse dicitur. Cum primum illi per aetatem licuit, addiscendis praesertim orientalibus linguis operam dedit maximo sane protectu: tum Philosophiam, & Mathematicam.

- (a) לא האכלו כל נבלה לנר אשר כשעריך חתננה ואכלה או
סבר לנכרי כי עם קדוש אתה ליהוה אל חי:
(b) אך כשר בנכרו רבו לא האכרו:

ticas disciplinas excoluit; quibus omnibus studiis maximam prætulit perspicacitatem ingenii. Erudiendis nobilibus adolescentulis omnem fere vitam transegit, nulla dignitate insignitus. Ut vero patriæ suæ tumultus, turbasque declinaret, profectus in Galliam diuturna *Gassendi*, *Merfenii*, aliorumque doctissimorum virorum familiaritate usus est. Deinde reversus in Angliam *Carolo II.* Regi acceptissimus fuit: aliosque quamplures sua morum suavitatem, exteriorique probitate amicitia sibi devinxit, sed plures etiam offendit, multorumque in se odium concitavit ob nimiam opinandi licentiam. Obiit anno 1679. ætate valde provec̃ta. De re nostra duplex conscripsit opus, alterum *de Cive*: alterum *Leviathan*, seu *de materia, forma, & potestate Civitatis Ecclesiasticæ & civilis* inscriptum. Primum lucem aspexit anno 1646. alterum 1651, utrumque vero simul editum *Amstelodami* anno 1668., quæ ego editione utor. In hoc duplici opere ejusmodi tradit jus naturæ, quod *expressus humanæ malitiæ* succus dici posse videatur. Pro fundamento enim sui juris statuit *malitiam universalem*. Ex quo vel solo conjicere licet, quam immerito juris naturæ restauratoribus accenseatur.

AW.
guero aliquidne.

Sed insuper, quis eum de jure naturali benemeritum putet, qui funditus jus idem evertit? Porro talis haberi debet Hobbesius, utpote qui Dei existentiam (quæ primum est juris naturalis fundamentum) tametsi verbis videatur admittere, re tamen ipsa de medioto tollit. Enim absolutissimi Athei syllogismus: *quidquid nec corpus, neque accedens corporis est, id nequaquam existit: Deus non est neque corpus, neque corporis modus: igitur non existit*. Profecto ille pluribus in locis duas primas hujus syllogismi propositiones nititur demonstrare: execrandam tamen conclusionem negat, pernegatque (qua fide, qui sapiunt, judicent); contenditque, eos, qui Deum negant, peccatum maximum perpetrare; quod tamen, si ipsum audimus referri debet ad peccata imprudentiæ: unde Deum negare ex Hobbe-

sio nihil aliud est, quam imprudentia, quantumvis maxima. At ipse est sane imprudentissimus, dum ab *Arborum* numero eximendum se putat, licet ea principia statuat, quæ si vera esse supponantur, Deum plane non existere conficiunt; cuiusmodi sunt præmissæ allati syllogismi propositiones. At vero priorem ex illis propositionibus diserte tradit in *Leviathan* ubi ait: *corpus & substantia idem significant, ut proinde vox composita substantia incorporea est significans æque, ac si quis diceret corpus incorporeum &c.* Antea vero in exemplum terminorum, quorum significationes inconsistentes sunt, assumserat corpus incorporeum, vel quod idem est, substantia incorporea. In *Tractatu* autem de Corpore hæc habet: *Nam quod quis quidquam . . . a substantia incorporea . . . moveri, aut produci dixerit; nequequam dictum erit.* Minorem vero propositionem, nimirum Deum non esse corpus diserte videtur docere Hobbesius in libro *de Cive*, ubi negat, Deo tribui posse, quæ corporis propria sunt, videlicet figuram, motum, situm &c. Nihilo tamen minus in *Appendice ad Leviathan* diserte affirmat, Deum esse corpus, idque Tertulliani auctoritate confirmat. Verum alibi dixerat, *Philosophos, qui ipsum Mundum, vel Mundi animam (idest partem) dixerunt esse Deum, indigne de Deo locutos esse; nec enim (subdit) ei esse attribuent, sed omnino esse negant: nam per nomen illud Deus intelligitur Mundi causa; dicentes autem Mundum esse Deum, dicunt, nullam esse ejus causam, hoc est Deum non esse.* Si igitur Hobbesius Deum esse corpus aliquibi docet, nonne vel eo ipso asserit, Deum esse vel Mundi partem, vel Mundum ipsum, præsertim cum alibi doceat, non dici proprie corpus, quod non sit totius universi aliqua pars, vel partium aggregatum? Ex his omnibus facile revinci potest Hobbesius de pernegata ab ipso sin verbis tenus, necessaria saltem consecutione doctrinæ, supremi Numinis extantia. Præclarus sane Juris Naturæ Restaurator!

Cap.
XXXIV.

Cap. IV.

Part. IV.
Cap. ult.

Cap. XV.
§. 14.

Cap. III.

De Cive
Cap. XV.
§. 14.

Loc. loc.
ciat. in
Not.

De Cive
c. XIV.
§. 19.

Quum

Quum tamen ille, suis licet reluctantibus principiis, multoties Dei ex tantiam diserte fateatur, atque præterea ipsius vitæ Scriptor eum ab *Atheismi* nota (quæ nonnunquam nimis facile viris paullo liberius sentientibus, aut loquentibus affingitur) liberare nitatur, nos hac in re ulterius insilendum non esse, putamus. Verum enim vero pessime de jure Naturæ eum scripsisse, demonstrant alia gravissima errata, quæ inferius referenda, & refellenda occurrent. Commemorare hic sufficiat nonnulla ex perniciosissimis, & impiis, quæ statuit ipse, principiis. Nimirum I. Statum hominis naturalem esse *statum belii ob jus omnium in omnia*. II. Summorum imperantium statum esse *naturalem*, hoc est *hostilem*. III. *Jus naturale tantundem sese protendere, quantum se vires extendunt*. IV. *Justitiam nil aliud esse, quam pauperum custodiam*. V. In *Ratiocinatione falsa, seu in stultitia hominum non videndum, quæ necessaria sunt ad conservationem propriam*, omnem consilire legum naturalium violationem. VI. Non esse medium aliquid melius sese conservandi, quam alios præoccupare, ac de medio tollere. VII. *Voluntatem Imperantis regulam esse boni & mali, justi & injusti*. VIII. Imperantis potestatem esse indefinitam, seu nullis terminis circumscriptam. IX. A subditis deberi imperantibus obedientiam absolutam, seu nulla ratione limitatam. X. Ecclesiam non esse distinctam a statu politico &c. Ex quibus quam absurda consequuntur consecraria, nemo non videt. Et quidem si *Hobbesianis* hæc principiis hæreamus, nec erit amplius ulla Religio, neque cuiquam aut securitas, aut certa justitia; atque ut uno omnia verbo complectar; Mundus ipse perpetuis, & indefinitibus conflagrabit bellis, donec humanum genus integre destruat. Atque hoc est vero jus naturæ restaurare, & illustrare, & non potius funditus evertere!

Ceterum ipsi etiam Protestantes cordatiores Auctoris hujus improbitatem & agnoverunt, & execrati sunt; quan-

quam alii ita crassiores ejus errores improbant, ut eum & laudibus simul ef-ferant, & summam, præsertim quod attinet ad *penitentiæ Politicæ*, exiliminationem concilient: ex quo demum illud consequitur, ut ab iis politicis viris, quorum non multum de pietate ac religione interest, avidissime legatur: quod quidem inter cetera hujus sæculi infortunia connumerandum est: quanta enim inde profisciscantur mala, experientia ipsa, heu nimis! docet. Sunt vero, qui etsi ingeniū multum in *Hobbeso* agnoscant; (neque hanc ei laudem quispiam jure invidit) illum tamen aliis pluribus, qui eodem, quo ille, in genere scripserunt, inferiorem fateantur. *Leibnizius* enim ingeniorum profecto idoneus æstimator, quemadmodum *Cartesium* *Bacconem*, ita *Hobbesium* *Thoma Campanella* Patria Neapolitano e *Prædicatorum* Familia summe inferiorem pronunciare non dubitavit. Quid *Cartesio*, ait, in *Physicis*, *Hobbes* in *Moralibus* acutius? At si ille *Bacconem*, hic *Campanellæ* comparatur, apparet, illos *humani* repere, hos *magnitudine*, *cogitationum*, *consiliorum*, *immoderationum* *assurgere* in nubes, ac pene *humane potentie* paria moliri. Quod itaque nonnulli eum omnibus præferant, & tanquam ingeniorum phœnicem præpiciant, non nisi ipsius doctrinæ depræiatis id efficere potuit, qua sese perveris Politicis, qui omnia metiuntur sola utilitate, quam maxime commendavit.

Inter eos porro, qui plus æquo extulerunt *Hobbesum*, eumque majore, quam par erat, in pretio habuerunt, *Pufendorfus* numeratur, *Thomas Hobbes*, inquit, in operibus suis ad civilem scientiam spectantibus (adeoque præsertim in libro de *Cive*, & *Leviathane*) plurima habet quantivis pretii, & nemo cui rerum eiusmodi est intellectus, negaverit, tam profunde ipsum societatis humane, & civilis compagem rimatum fuisse, ut pauci priorum cum ipso comparari queant. An in *Hobbesum*, qui jus naturæ principiis suis perverissimis funditus evertit, laus hæc quadrare pos-

In oculo
Hanovet.
p. 162.

Præf. ad
Lib. 2.

se, judicent qui sunt ab omni partium studio alieni. Fatetur tamen Pufendor-
sus, illud interdum aberrasse a vero :
at exinde quoque occasionem arripit
ipsum commendandi . Nam qua, in-
quit, a vero aberrat, occasionem ad ta-
lia meditando suggerit, quæ fortasse alias
nemini in mentem venissent. Fatetur et-
iam, ipsum peculiariter sibi, & horrida
dogmata fixisse in Religione; quasi non
idem in jure quoque Naturali præstiterit.
An non enim horrida sunt, quæ
cudit, dogmata de jure omnium in om-
nia, & bello omnium in omnes in statu
naturali; de statu hostili civitatum om-
nium; de iusto & æquo pendente a vo-
luntate Principum; & alia hujusmodi,
quæ & jus naturale penitus proscin-
dunt, & extremam humanæ Reipu-
blicæ perniciem ingerant, aut saltem
ingerere aptissima sunt? At hæc tamen
Pufendorfo affectu nimio erga Hobbe-
sum occupato fortasse vita sunt levia.
Hinc, cum dissimulare nequiret, tum
apud multos non citra rationem sui av-
ersationem excitasse; subdit tamen,
non raro contingere, ut ab illis maximo
cum supercilio condemnetur, a quibus mi-
nime læsus fuit, aut intellectus; quasi
vero quo magis legitur, ac penitus in-
telligitur, non eo majore execratione
dignissimus reperiatur. Verum de nimio
Pufendorffii in Hobbesium studio hic ne
plura; nam alia Capite sequente di-
cenda sunt.

At hic præterire non possum, etiam
Gassendum Virum ceteroqui Catholicum,
Hobbesii librum plus æquo commendasse.
Etenim in Epistola ad *Samuelem Sorberium*
librum illum vocat non vulga-
rem, dignumque, qui omnium, qui alia-
ra sapient, manibus teratur. Sed (ut
rectissime observat vir clarissimus *An-
tonius Gennensis*), accuratius de eo
populares sui judicarunt, quibus sci-
licet Auctoris scopus notior erat. *Sam-
uel Parkerus* Disp. 1. de Deo, &
Providentia contendit, *Hobbesium* nil
nobis aliud attulisse nisi quæ apud
veteres in *Epicuro* reprehensa inve-
nimus. *Ricardus* vero *Cumberlandus*

ex instituto illum, & doctæ confuta-
vit in opere celebratissimo *de legibus
naturæ*. *Becherus* velut imperitum
earum rerum, quas de moribus
scripsit, accusat, ejusque nefariadog-
mata paucis exprimit; *Jussum*, in-
quit, & iniustum perperam æstimat;
Legem male definit; Principem in pie
solvit lege; Civitatem, quam adornat,
aut deformat, aut everit. *Pastorum
Religione non multum tangitur*.
Quid pestilentius (merito concludit vir
Doctissimus) *in hominum societatem in-
vahi potest?*

CAPUT VIII.

Quamquam Pufendorffii Opus de jure Na-
turæ & Gentium omnino contemnen-
dum non sit, neque omni sit laude
fraudandum; hand magnopere tamen
de illius præstantia præsumendum;
neque Auctor ipse admodum bene meri-
tus de jure naturæ censendus est.

Samuel Pufendorffus Floehæ; quæ
pagus est *Misnie* haud procul ab
oppido *Kemnitio* natus ex *Elia* Pufen-
dorffo verbi Dei, ut vocant, ministro,
ejusque cura ac studio literis, bonisque
artibus imbutus est. Occasione belli in-
ter *Danos*, & *Suecos* detentus in car-
cere composuit, seu potius in compen-
dium redegit ex *Hugone Gratio*, & *Thoma Hobbesio*, nonnullis a se additis,
vel demptis, *elementa jurisprudentiæ
universalis*. Hoc compendium *Hage-
comitum*, quo ipse commigraverat, edi-
ditum est, & *Carolo Ludovico* Electori
Palatino dicatum. Deinde a Rege *Ca-
rolo* in *Steciam* accitus jux publice do-
cuit *Lundini* Scanonum, ubi celebre
opus de jure naturæ & gentium lucu-
bravit, & edidit anno 1672. quod pos-
tea breviter contraxit, inscripsitque:
de officio hominis & civis. Sub idem
tempus inter Pufendorffum, ejusque col-
legas acre bellum litterarum exarsit
(utor *Mascovii* verbis) quod per *XIV.*
annos parj utrinque acerbitate gestum
est.

In præf.
ad ejus
edit. anno
1744.

est. (a) Inde vocatus *Holmian* Confiliarius, atque Historici regii aliquandiu monere functus est. Berolinum postea accersitus conscripsit historiam *Friderici Wilhelmi* M. Electoris Brandenburgici: atque hoc etiam in genere haud mediocrem sibi famam comparavit. Postremo à Sveciæ Rege ad *Dynastæ*, seu *Liberi Baronis*, ut vocant, dignitatem erectus, paullo post obiit *Berolini* anno 1694.

Hib. Jar.
Natur. 6.
XXXIII.

Protestantes Germani summis auctorem hunc, ejusque opera passim laudibus efferrunt. *Buddæus* eum virum perspicacissimum, vocat, aitque, ita magnorum virorum vestigia feliciter pressisse, ut parum abfuerit, quin superaret ipsum *Grotium*: exemplum saltem clarius, una cum *Hobbeso* præcisse ceteris, quæ vera ratio esset perficiendi, perpoliendique *Juris naturalis*. *Thomasius* vero asserit, ipsum *Jus naturæ* & gentium in *justam* formam artis primum redegisse, quod ante eum, subdit, tentaverat quidem *Grotius*, sed non perfecerat. *Hartwigius* opus eids absolutissimum, & opere *Grotii* incomparabiliter excellentius, deprædicat. *Gottfridus Mascovius* affirmare non dubitat, eum principatum fere inter Scriptores de *Jure naturæ* adeptum esse. *Joannes Lockius* in tractatu de educatione puerorum *Pufendorffii* opus præsertum libro *Ciceronis* de officiis, tum operi *Grotii* de *Jure Belli* & *Pacis*. Similiter *Joannes Clericus* in libro cui

Hib. Jar.
Natur.
Cap. VI.
n. 16.

Loc. cit.

§. CXCI.

Tarrhasiana titulum fecit, parvum *Pufendorffii* opus de *Officio hominis*, & civis commendat velut admirabile ob principia generalia; in eoque, ait, magna cum claritate, & ordine tradita fundamenta *Moralis*, *Politice*, & *Jurisprudentiæ*. *Barbeyracus* in Præfatione *Gallicæ* versionis suæ quædammodum *Grotianum* opus *Pufendorffiano* styli elegantia, & eruditione præferendum, ita quoad cetera eodem inferior esse dæcernit.

Hæc magnifica *Pufendorffii* ejusque operis encomia non omni ex parte falsa esse, ultro fatemur. Et sane, nemo illi, ut puto, gloriam merito inviderit, quod systema methodicum integri *Juris naturalis* dederit primus (quum *Grotius* partem tantummodo sibi illustrandam assumeret), & quod in opus suum haud pauca non solum vera, sed & utilia coniecerit. Contendo tamen, non multum de illius perfectione operis præsumendum: quod ita planum facio.

De illius operis præstantia, & perfectione non magnopere præsumendum, cuius Auctor minus veritatis studiosus, parumque fidus amicis fuisse convincitur. Hujusmodi vero est *Pufendorffius*, quippe quem præjudiciis, & affectionibus, quo nihil detegendæ veritati infestius esse potest, nimium fuisse additum fatetur, testaturque vel ipsius laudator *Mascovius*. Hic enim in eo notat, pri-

§. XXXI.

In citæ præfatione

(a) Quam diu fuerit hoc bellum, quantaque acerbitate, & quidem pari utrinque, pugnatum sit, colligere licet vel ex inscriptione unius scripti, quo *Beckmannus* hoc bellum *Pufendorffio* indixit. Eum refert *Mascovius* ipse, ac ita se habet: *Nicolai Beckmanni* legitima defensio contra *Magistri Samuelis Pufendorffii* execrabiles *falsitatis* calumnias, quibus illum contra omnem veritatem & justitiam, ut carnatus diabolus & singulari mendaciorum artifex per *falsitatis* sua entia *moralia* (*diabolica* puto) sui bonestis, & eruditio orbi malitiose, & ignominiose exponere voluit. *Naturalis* sive *brutalis* & *gentilis* *Pufendorffii* spiritus usque adeo enormes se exseruit, & perversa operatur, ut nec di-

bolus nec infernus, nec vitam æternam dari impie credas, & dum omnem alienam humanam statuat esse inasserentem, boni ac mali nec premium, nec pœnam futuram: hoc tamen pro satyrico suo ingenio firmiter credas, si viris bonestis & proximo suo audacter & malitiose calumniatur, quod semper aliquid fecis, sive mendacis in armis legentium betas. Impressum Anno 1617. Si par fuit utrinque acerbitas, quomodo responderet *Pufendorffius*, facile est coniectari: qui vero id plenius perfectum habere desiderat, adeat, & evolvet ejus *Historia Scandinavica*: quo nomine complexus est varia opuscula, quæ contra adversarios suos conscripserit.

Pag. XVI.

Egal sur
l'histoire
du Droit
Natur.
sec. part.
§. II.

mo pag. XI. nimium *Hobbesi*, perversissimè scilicet Auctoris, amorem (cujus etiam lectione depravatam judicium ipse assertit). Secundo, *nimium studium receptis sententiis contradicendi*. (quam male hoc cum veritatis amore consentiant, nemo non videt) (a) Tertio, cupidinem *semel dicta præstare tuendi* (b): quæ quidem cupido eorum duntaxat animo insidere solet, qui sunt de gloria sua magis, quam de veritate solliciti. *Martinus Hubnerus* improperari, ait, merito posse *Pufendorfio* pruritus *Grotii* (cui tamen multum debebat, quod ei viam aperuerit ad laudem, quam sine ipso consecutus nunquam fuisset) dicta carpendi; nam & *circulum vitiosum* in definitione legis ei asingit; quanquam ipsius verba *circulum omnem clarissime* excludant; & doctrinam de jure naturæ perfecte remansuro, sublato Deo, eidem tribuit; licet *Grotius* nonnisi imperfectum illud fore, aperte doceat. Quam ob causam laudatus *Hubnerus* de invidiæ vitio, & de pruritu gloriam sibi ex alienæ gloriæ depressione comparandi *Pufendorfium* accusat. Sed & alterum æque indignum, *adulationis* tempe, vitium, & quidem cum dispendio veritatis, in eo detegit *Hubne-*

tus, eo quod eorum, sub quibus scribebat, Principum genio, nimium indulserit, eorundemque regiminis formæ dogmata sua accomodaverit. Eo scilicet veritatis amore ducebatur *Philosophus* ille. Vitium idem in *Pufendorfo* agnoverunt alii ante *Hubnerum*. Sane *Leibnizius*, *relatum est mihi*, inquit, *quum primum Pufendorfus Elementa sue jurisprudentiæ conscriberet Haga Comitum An. 1662.*, hoc ipso captasse sibi favorem *Electoris Palatini Caroli Ludovici*, quod *Hobbesum* in præfatione commendaret, ex eoque quadam assumenda putaverit sibi, quum nimium consenserit ipsi, summum *Hobbesi* admiratorem esse *Electorem*, cui & opus istud dedicavit; hæcque ratione meruisse, ut *Professo Heidelbergensi* eidem demandaretur. In præclarum doctrinæ *Moralis Restauratorem*: en amatorem veritatis eximium. Sed utinam, & vitii aliis minime laborasset. Legat, cui lubet hoc scire, ejusdem *Eriden Scandicam*, comperietque hominem ambitione, ira, aliorumque pravorum affectuum æstu agitatam. Quis vero dixerit, hujusmodi hominem juri naturali, quod nonnisi in placida ejusdem naturæ, ejusque Conditionis consideratione perspicui potest, enucle-

In Olio
Hannov.
p. III.

(a) *Joannes Lochius* Lib. IV. cap. III. §. 2. Minime, ait, sperandum magnam profectum aliquem in morali scientia, quousque homines estimatione divitiarum, aut potentia cupidine movebantur ad amplectendas sententias præsentis temporis consuetudine receptas, & ad conquiendas rationes, quibus earum segnis deformitatem. Bene quidem: sed addere debuisset, multo minorem sperandum esse profectum, quum homines æstimationis, divitiarum, aut potentia cupidine movebantur ad contradicendum receptis sententiis, & ad conquiendas rationes, quibus earum veritatem obtegeant (neque enim ambigi potest ex receptis sententiis plures esse veras). & ut semel prolata præstare incantur.

(b) Dum hoc in *Pufendorfo* notat *Moskovius*, videtur fidem non habuisse verbis ejus, quibus in præfatione ita de se proficitur: neque vero eo est mihi speranda, nec enim adhuc sani pertinaciam ad-

duci, ut monitu *Sapientiarum* aliquid didicisse, vel emendasse erubescendum mihi dubium sim. Quin, & resellere sine pertinacia, & reselli sine inacidia potius ero. Quomodo enim cuique cordato erubescendum sit adplicare sibi illud *Idem Antonius* Lib. VI. §. 21. Si quis convincere me poteris, palamque mihi facere, quod in re ulla minus recte sentiam, vel me geram, laeto animo, libentique mutabo. Similia etiam tenacissimi quique suarum opinionum homines jactare solent. Sed interim *Sapientiarum* se neminem agnoscunt, cujus monitu diserte quidquam valeant, vel de errore convinci. An huic censui adnuerandus sit *Pufendorfus*, videat *Moskovius*, qui in eo cupidinem semel dicta præstare tuendi notat. Illud ex *eride Scandico* constare arbitror, eum, quidquid verbis profiteatur, paratum minime fuisse, aut resellere sine pertinacia, aut reselli sine inacidia.

cleando parem fuisse, idoneumque? Cui rei si addas, ipsum, laudato *Leibnizio* iudice non sane inepto, iusti, rectique materiam *hand valde profunde penetrasse* (a) facile intelliges, nonnisi imperfectum opus prodire ab eo potuisse: ac si quid bonæ frugis contineat, id non ingenio peperisse suo; sed ex aliis Auctoribus, ac etiam Scholasticis, quos ceteroqui tantopere despicit, in opus suum transtulisse.

Quod ad peculiare attinet ejus operis imperfectiones, ut nihil modo dicam de crassis, quos continet, erroribus, lubet nonnulla hic latine verba transferre, quæ habet in sua præfatione ejus interpres *Barbeyracus*, cujus sane iudicium nequit esse suspectum, ac si ex animo minus erga ipsum æquo profectum foret. „ Stylus ejus, inquit, non solum durus est, & interdum barbarus. Nonnunquam etiam adeo negligenter loquitur, ut contrarium ejus proferat, quod habebat in mente. Textus græcosæpe, & interdum latinos prave interpretatur, & applicat; vel quod non satis sermonis seriem perperdit, vel quod non legit in fonte. Auctorum opiniones non semper accurate, & exacte refert, &, quod majus est, cogitata sua eisdem absque distinctionis nota immiscet. Evacuandi ea, quæ ex lectis auctoribus collegerat, nimis avidum sese ostendit... Animadversiones multas habet sæpe inutiles, aut ad scopum suum nonnisi remote spectantes, quæque fere orationis filum citra necessitatem abruptunt. Confusio etiam interdum in cogitatis reperitur; & quum secundæ editioni suæ aliquid addendum putaret, tanta id negligentia præstitit, ut primo, qui illi occurrit, ejus capitis similem

„ materiam complectentis loco, nulla „ habita eorum, quæ præcedunt, vel „ quæ sequuntur, ratione, ea inse- „ ruisse videatur. “ Hæc & alia, quæ causa brevitatæ prætereo, talia visa sunt *Barbeyrac*o, ut nisi ea emendasset, persuasum haberet, versionem suam brevi a *Bibliopolis ad Pharmacopolis migraturam*.

Ex his porro omnibus jam habes Lector, quantum *Pufendorfius* fuerit & profundus in meditando, & sincerus in docendo, & in scribendo accuratus. Anne igitur de ejusdem operis præstantia multum præsumendum, aut ipse de jure naturali valde benemeritis censendus est? Negamus nos, negabuntque nobiscum, qui recte sapiunt, omnes. Quid vero si plura præterea opus ejus complectatur, quæ ipsum immo pessime de naturali jure commeruisse, conficiant? Et quidem de jure naturali pessime meritis censendus est ille, qui & præcipua ipsius officia, quæ Deum nempe respiciant, temere abscondit (quantum enim ea operi suo minori aliorum monitu utcumque inferuerit, tamen profiteretur, ea se non ut ad ipsum jus pertinentia, sed ut e Theologia desumpta addidisset) & finem ipsius hujus vitæ commodis ignobiliter concludit, objectumque ad actiones externas injuste coarctat, ac demum, ut alia præteream, robur ipsius, & vim obligandi, humanæ animæ immortalitatem, adeoque & futuræ vitæ retributionem ab ejus consideratione removendo, extenuat. Hoc loco ista raptim indicasse sufficiat: nam quantam his omnibus juri, quo de loquimur, intulerit injuriam, quantumque existimationi ejus officere hæc debeant, pro data opportunitate demonstrabimus: quemadmodum etiam plures alios errores, quibus opus suum com-

(a) *Essai sur la bonté de Dieu* pag. milhi 349. Gallica ejus verba hæc sunt: *il n'étoit pas entré assez avant dans ce sujet de matière*. Hinc vero profectum videtur quod sæpe non exerce, & definite; sed hæc stante loquitur, variisque incertis addit limitationes, ut qui sibi, si im-

petatur, paret effugium. Hinc frequentes in eo occurrunt illæ particulæ *precipue*, *plernaque*, *quo ad magnum partem* &c. quum res esset absolute affirmanda, vel neganda. Hoc sane argumento manifestum est, eum minus firmiter, & clare id tenuisse, de quo scribebat:

commaculavit, suo loco refellemus.

Quæ hætenus attigimus tum operis tum auctoris vitia displicere quoque debent *Protestantibus* ipsis, displicente re ipsa multis. Sed & alia peccavit *Pufendorfius*, quæ quemadmodum majorum ej apud *Protestantes* gratiam conciliant, ita Catholicis haud leviter exofum reddere ipsum debent. Sic enim sese passim gerit, ut tradendi juris naturalis obtentu Religionem Catholicam suffodere in animo habuisse videatur. Quo enim spectant illiberalia illa in Romanam ecclesiam convitia, in quibus non tantum æquitatem, sed & decetiam frustra requiras? Quo illæ fallaciæ, quibus Religionem Catholicam (quanquam suppresso nomine) juri naturæ repugnare subdole insinuat? Quæ quidem licet non expectanda ab homine Scriptore de *Justo*, & *æquo*, haud mirum tamen prolata esse a *Pufendorfo*, cui summis in votis erat, tum Principum, quibus inserviebat, gratiam, tum *Protestantium* suorum plaudum, quacunque arte posset, aucupari. Verum mirandum id potius, esse ex Catholicis aliquos, multosque fortassis, qui illum admiratione dignum judicent, ac in pretio, in honore, & deliciis habeant; sibi que plaudant, si vel aliquam ex eo sententiam, ejus prolato nomine, proferre norint: quanquam hi ferme juvenum numero sunt, qui magnificis titulis, sonorisque nominibus facile capiuntur; aut certe ex iis, qui supra juvenilem ætatem sapere nondum didicere; quibus propterea, quod in aliorum Auctorum latione minus sunt versati, novum videtur, præclarumque, quidquid in eo invenerint, tametsi illud ædem in ignobilioribus etiam auctoribus nostris obvium sit, atque protitum.

Illud etiam cuique prudenti movere stomachum debet, quod tam elato supercilio Catholicos omnes Scriptores despiciat, ut quum Gentilium Auctorum textus ad nauseam usque congerat, omnes tamen Catholicos ab opere suo excludendos putarit, eo quod ii, *frigidas* (sic ait) *ut plurimum quæstiones paribus*

rationibus confirmare sunt contenti. Atque ita *Pufendorfius* arrogantia intolerabili omnes *sectæ* (*sectam* vocat Ecclesiam Dei) *Romane add Bos* (e quibus adeo se profecisse fatetur *Grotius*) uno fasce collector. rejicit, & projicit. Sed sint; si ita placet, frivolis Catholicis quæstionibus, & *rationibus ut plurimum*, contenti; non igitur contenti sunt semper. Saltem ergo aliquando, & solidas excitant quæstiones, & solidas eas rationibus definiunt: cur igitur illorum omnino nullam habendam fibrantem ducit hic Auctor? cur eos omnes a suo opere penitus excludendos decernit? Quæ æquitas? Verum si solidiora duntaxat, vel solida omnia adferret ipse, ferendus esset utique: at contra, præter multas inutiles quæstiones (quo in locohaberi potest quidquid fuse diserit de ente morali directivo actionum voluntatis, quæ sane utiliora non sunt, quam quæ disputant Peripateticorum nonnulli de Ente rationis operationum intelledus directivo) sapissime frivolissimis *rationibus*, immo & putidis paraopismis contentus est, ut passim legum argumentationis valde imperitum se prodât. Speciminis loco sint rationes, quibus probat, juris naturæ objectum magnam partem actionibus externis, finem vero ambitu hujus vitæ concludi, & circumscribi. Hoc ita conficit: *Persuasio* de hujusmodi futura vita, in qua *animus hominis plane, & firmiter acquiescere potest, ex solo Dei verbo hauritur*; igitur finis disciplinæ juris naturalis tantum ambitu hujus vitæ includitur. Non videt vero ille, futuram vitam firmissimis quoque momentis comprobari a ratione petitis. At si tantummodo de illa vel probabilis haberetur notitia, aut solum suspicio; quin, si vel *possibilis* tantum esset anime immortalitatis, ut ait ejus laudator *Moscorius*, ratio ejus habenda foret in jure naturæ. Illud vero sic probat *Pufendorfus*. *Forumbumanum circa externas tantum hominis actiones occupatur: igitur jus naturale MAGNAM PARTEM circa fundandas hominis exteriores actiones versatur*. At non animadvertit ille, primo sibi evin-

De Jur.
Naturæ, &
Gent. in
Præfat.

In præf.
Oper. n. 10.

Loc. cit.

Vide præ-
fationem
quæ hæ-
tenus illi
lib. III.
Jur. Nat.
tur. ac
Gent. c.
IV. §. 1.
& in A-
pol. §. 1.

cendum fuisse jus naturale non latius, quam forum humanum patere, seu huius tantummodo inservire; atque si hoc probasset, tunc sibi inferendum fuisse, non magnam partem, sed duntaxat circa exteriores hominis actiones versari. Sed de his plura suis locis: nam in huius decursu operis satis frequenter ejus paralogismos detegemus, & refutabimus; ut planum fiat, quam immerito ille Catholicis omnibus *frivolas rationes* sit ausus exprobrare.

CAPUT IX.

Pufendorffii errata non minuit, sed auxit Christianus Thomafius. Ejus systema aut epicureum est, aut proxime ad epicureissimum accedit.

Inter juris naturalis illustratores recenseri etiam solet *Christianus Thomafius*, natus ex *Jacobo Thomaso*, viro philosophicis lucubrationibus satis claro; natus, inquam, est Lipsiæ anno 1655. Philosophiæ, Jurisque studii sedulam navavit operam, Doctorisque laurea decoratus est anno 1679. Primo causis Lipsiæ dicendis aliquandiu incubuit: sed cum multorum in se odium concitasset, Berolimum contendit, tum Halam Mædeburgicam, ubi ad obitum usque (si breve temporis intervallum, quo in Patria substitit, excipias) ius publice professus est. Obiit anno 1728. Plura scripsit, eaque fere omnia non in locis quidem, sed stilo plane rudi, & inculto. Duplex in re, qua de agimus, edidit opus: prioris titulus est, *Institutionum Jurisprudentiæ Divinæ libri tres, in quibus fundamenta juris naturalis secundum hypotheseas illustris Pufendorffii perspicue demonstrantur*. Alterum, in quo plura mutat, quæ ante docuerat, præfert hunc titulum: *Fundamenta juris naturæ & gentium ex sensu communi deducta, in quibus ubique discernuntur principia honesti, iusti, & decori*. Utrunque pluries excusum est. Ego prioris utor editione septima; posterioris: id editione quarta; illa anni 1730. ista 1718.

Tom. I.

Si files habenda Buddeo Thomafius fuit *vir ingenii acutissimi, ipsique Pufendorffio comparandus*. Laurentius Fleischerus in hoc disciplinæ genere palmam Thomasio tribuit: *quis (inquit) non agnoscat mente grata, & hilari animo accipiat, quod illustris Dn. Thomafius ultimas huic quoque discipline maxus volueris admoveere? Tantum enim in ea se præstitit, ut unusquisque invidia & odio haud obsecutus sateri omnino debeat, palmam ab illo aliis fuisse præceptam*. Alibi vero ait, neminem Thomasio purius jus naturæ tradidisse.

Sed quæcunque demum sint hæc, atque alia Fleischeri, quæ afferri possent, elogia (quæ etiam vocari in suspensionem possent, velut in collegam viventem profusa) ut tamen illius, quod primo loco proposui, veritatem ostendam, non alia re mihi opus esse videtur, quam ipsius Thomafii verba in medium proferre. Hæc igitur sunt verba ab illo prolata in *programmata germanico coram academicis Halensibus recitato anno 1691.*, quod editioni septimæ *Jurisprudentiæ divinæ præpositum* est, „Nonnisi felicitati hujus ævi accessum refero (verba ejus germanica „latine reddo) quod sentiendi docendique libertas, qua in Institutionibus „*Jurisprudentiæ divinæ* usus sum, hæc „Aenus publice impetita non fuerit, tametsi in illis non solum id, quod „alii de iure naturæ docere, iterato „dixerim; sed etiam longius, quam „*Pufendorffius*, ipse prozessus sim, & „absque pœnitentia asserere possim, me „primum esse, qui revelatam legem „a iure naturæ separaverim, ad eam „quo retulerim multas hominis actiones, præsertim quæ ad conjuges, „membrarum generationi dicata pertinent, quæque etiam *Grotius* cum „vulgo Doctorum juri naturæ adscripsit. Nam illud pro certo habeo, si „eo, quo *Pufendorffius*, tempore institutiones meas edidissim, easque „quæ in tertio tertii libri capite modo extant, doctrinas progeniassem, „futurum fuisse, ut ego pœnitens audirem hæreticus: adeo scilicet eruditus

Hist. Jur.
Natur. 1.
XIII.

Instit. Jur.
Natur. 2.
Gen.
p. 154.

E

„tus

„Ius orbis veterum præjudicii doctrina-
 „rum aborsus erat. Si enim con-
 „tra *Pufendorium* adeo ad arma con-
 „clamatum est, quum is de poly-
 „gamia muliebri in utranque partem dis-
 „fereret, quanquam eo maxime pro-
 „penderet, eam non esse naturæ con-
 „formem; quid facturi fuissent, si ip-
 „se aperte, ut ego, sustinuisset, ne-
 „que polygamiam muliebrem, neque
 „polygamiam virilem, quin neque in-
 „cestum in recta linea posse ex jure
 „naturæ, sed tantum ex sacra scriptu-
 „ra illicita demonstrari? Et nihilose-
 „cius hujus temporis felicitas eam mi-
 „hi quietem præstitit, ut hac de caus-
 „sa publico scripto impeterer a nemi-
 „ne &c. “ Habemus hic consistentem
 „reum, seu potius sese de audacia sua
 „jactantem in augendis *Pufendorii* erro-
 „ribus, in iisque proferendis, ob quæ pau-
 „cis ante annis *peffimus hæreticus audi-
 „visset*. Ex quo etiam colligitur, quan-
 „tum *Germania Proteflans*, ex quo jus
 „naturæ a lumine revelato sejunctum
 „ceptum est tradi, profecerit in sentien-
 „di, docendique licentia: quod quidem
 „ævi sui felicitati adscribit ille; sed quod
 „alte deplorare debent quicunque nove-
 „runt, quam facile humana mens fræ-
 „no soluta in præceps ruat.

At non tantum auxit *Thomasius Pu-
 fendorii* errores, verum etiam pluribus
 majoribusque vitiis laboravit. Nihil ta-
 men de ejus in *Papatum, Clerumque
 Romanum, Monachos, Catholicos, Schola-
 sticosque Doctores* petulantia hic profe-
 remus, qua non solum extra æqui ju-
 stitiae, sed etiam extra decori metas
 sæpe numero abripitur. Pauca tantum-
 modo dicam de ejus vanitate, qua in-
 ter Juris naturalis illustratores nomen
 & famam sibi comparare omni conatu
 studuit. Nam & se primo detexisse
 gloriatur vera *justi, honestique & deco-
 ri* principia, sine quibus nullus vel cer-
 te exiguus fieri possit in juris naturalis
 cognitione progressus; & opiniones aut
 novas, aut etiam paradoxas amavit;
 & quum nihil novi, quod proferret,
 haberet, diversa saltem a ceterorum
 phrasi loqui maluit, ut novitatis vul-

tum rebus vetustis tritisque indueret.
 Ex plurimis pauca inno. Cartesianam
 de brutis sensu carentibus sententiam
 ut demonstratam amplectitur. Afferit,
 homines *specie differre omnes*; adeoque
 hominem non esse *speciem infamam*:
 tres quoque homini voluntates inesse
 dicit: hominem prælitum esse ratione,
 sed *stulta*; hominis *essentiam in volun-
 tate* consistere: libertatem voluntatis si-
 tam esse in eo, quod intellectus impe-
 rio non subit; dari *exhalationes mora-
 les* ex omnibus corporibus effluentes &c.

Verum etsi ista ferri utcumque pos-
 sent, illud tamen prorsus intolerandum
 videtur, quod petilimum perniciosissi-
 mumque Juris naturalis systēma procu-
 derit; quippe quod vel plane *Epicu-
 reum* est, vel ad *Epicureorum* insaniam
 quamproxime accedit. Pro norma enim
universali & fundamentali propositione
 seu *Legē* Juris naturalis statuit, *Facienda esse, quæ vitam hominum reddunt
 maxime diuturnam & felicissimam*. Felici-
 ssimam vero vitam dēfinit eam, quæ
*simul maximam laudem mereatur, & suavissime transigatur, & omnium rerum ius-
 sufficientia prædita est*: quorum primum,
 & tertium nemo non videt, huc non
 alia de causa advocari, nisi ut mera
 subsidia ad *vitam suavissimam* transigen-
 dam. Quæso autem, quantum hocce
 principium a sententia differat *Epicuri*,
 qui summum bonum in *voluptate* consti-
 tuit? Tantum scilicet *Thomasianum*
 ab *Epicureo* systēmate distare dicendum
 est, quantum differt *suavitas a voluptate*,
 hoc est nihil, aut, quod nihilo proxi-
 mum est, modicissime. Nam & *Epi-
 curus voluptatis* nomine non solas vo-
 luptates corporeas, sed generatim *jucundam*
 (suavem diceret *Thomasius*) vi-
 tam intellexit: & ad ejusmodi vitam
 laudem, animique quietem, quæ sola
 honestate, & virtutum cultu obtineri
 posse agnoscebat ipse, requirebat. Sed
 præstat, paulo accuratorem *Thomasiani*
 & *Epicurei* systēmatis comparatio-
 nem instituire. Quod ut efficiam, dog-
 mata *Epicuri* non ex vulgari aliquo au-
 dore, sed ex *Terguano Romano* Equi-
 te, quem *Tullius* lib. I. de *Finibus* lo-
 quen-

Fundam.
 Jur Nat.
 & Gent.
 Lib. I.
 Cap. VI.
 4. XXI.

quentem & pro Epicuro perorantem inducit, exhibebo. (a) Sed in antecelsum illud ego de Thomasio proferam, quod de Epicuro ipse Tullius ibidem dixit: *Vellem equidem, aut ipse doctus fuisset instructior; est enim (ut mihi quidem aliisque videtur) non satis politus iis artibus, quas qui tenent, eruditi appellantur* (addam ego de Thomasio, neque iis moribus, quos qui habent, urbani dicuntur) *aut ne deterruisset alios a studiis; ut deterere videtur Thomasio, dum sustinet, omnes habitus theoreticos, qui pro fine tantum habent speculationem, etiamsi multas veritates offendant, ad stultitiam pertinere.* Sed ad systema ipsum accedamus.

Quam parum differat, immo proximè conveniat Thomasianum principium cum summo bono Epicuri in voluptate posito, jam innuimus. Nunc cetera. Afferit Thomasio, vitam, felicissimam, ut ipse appellat (quæ nempe finis & maximum laudem meretur, & suavissime transigitur, & omnium rerum sufficientia prædita est) esse ad palatum omnium hominum, ambitiosorum ob laudem, luxuriosorum ob suavitatem, avarorum ob sufficientiam; quasi avari animus sufficientia ulla contentus sit. Epicurus in argumentum sui systematis ait, *Omne animal* (necum omnes homines) *voluptatem appetere, eaque gaudere ut summo bono...* & naturalem atque insitam in animis nostris inesse notionem, voluptatem esse appetendam. Thomasio in suo principio virtutum officia ex eo probat, quod nec quiete vivere quis possit, nec laudabiliter, nec suaviter, nec sufficienter, nisi quis vivat honeste, decore & iuste. Sed clamat etiam Epicurus,

ait Torquatus, *non posse iucunde vivi, nisi sapienter, honeste iusteque vivatur.* Rationem reddit Thomasio, cur ad quiete, laudabiliter, suaviterque vivendum necesse sit vivere honeste, decore & iuste; quia hæc tria (laus, suavitas, & sufficientia) nonnisi in vita quiete conjuncta sunt; & quia iniquis stultorum omnis generis privati eos vera iucunditate, laude, & sufficientia. Simili modo probat Epicurus, non posse iucunde vivi, nisi honeste, iusteque vivatur, eo quod, si neque civitas in seditione beata esse potest, neque in discordia Domitorum domus; quanto minus animus a seipso dissidens ipse, secumque discordans (en inquit Thomasio) gustare partem ullam liquidæ voluptatis & liberæ potest? Atque pugnans, & contrariis studiis consiliisque semper utens nihil quiete videre, nihil tranquillitatis potest. Quod si corporis gravioribus morbis vita iucunditas impeditur, quanto magis animi morbis impediri necesse est? Animi autem morbi sunt cupiditates immensæ, & imanes divitiarum, gloriæ, dominationis, libidinosarum etiam voluptatum &c. Epicurus negabat, virtutem per se expetendam esse, sed tantummodo ob aliquam voluptatem, vel utilitatem; quæ exinde profluat. Hinc agebat prædictus Torquatus apud Ciceronem; *Iste enim vestra eximie, pulchreque virtutes, nisi voluptatem efficerent, quis eas aut laudabiles, aut expetendas arbitraretur?* Paulo vero antea negaverat; maiores suos egregie quicquam ita fecisse, nihil ut de utilitatibus, nihil ut de commodis suis cogitarent. Et paucis interjectis, interea hoc tenebo, inquit, si ob aliquam causam ista (a Tullio com-

E 2 me-

(a) Dum Thomasio, & postmodum Welfo objicio, exprobroque epicureismum, a trita de genuina Epicuri morali doctrina, ejusque moribus questione penitus abstraho. Novi enim, eruditus plures extitisse viros, qui ipsum ab ea infamia, qua jamdudum aspersus erat, purgare aggressi sunt; licet mihi persuasum sit, (ut de privatis ejus moribus nihil modo dicam) ejus doctrinam

moralem fuisse corruptissimam. Verum ut hæc sese res habeat, ego Thomasio, aliisque Epicureismum oppono, qualem, qui dicebantur Epicurei, quin & ejus sectæ præstantissimi, palam profiteri non dubitabant: quorum nihilominus dogmata, quippe quæ nullum genuinæ virtutis locum relinquerent, rejiciebant, & execrabantur aliarum sectarum Philosophi.

memorata), quæ sine dubio præclara sunt, fecerint, virtutem his per se causam non fuisse. Deinde post alia docet, sigillatim & sapientiam propter voluptatem expetendam esse, eo quod omnes doceat vias, quæ ad quietem & tranquillitatem ferant: eademque ratione ne temperantiam quidem per se expetendam esse; sed quia pacem animis adferat, & eos quasi concordia quadam placeat ac leniat. Eandem esse rationem Fortitudinis pluribus probat; id enim præstat illa, ut sine cura metuque vivamus, quæ sane utilitas maxima est. Justitia restat, subdit Torquatus, ut de omni virtute sit dictum. Sed similia fere dici possunt: ut enim sapientiam, temperantiam, fortitudinem copulatas esse docui (dicta ratione) cum voluptate, ut ab ea nullo modo nec avelli, nec distrahi possint; sic de justitia judicandum est, quæ non modo nunquam nocet cuiquam; sed contra semper alit aliquid tum vi sua, atque natura, quod tranqulilet animos; tum spe nihil eorum rerum defuturum, quas natura depravata desiciat &c.

Hæc omnia rata habere Thomasium, negaverit sane nemo, qui quædæ causa nitendum esse ad virtutem, ipse doceat, perspectum habuerit; nempe, ut vita felicissima, hoc est laude non carens, suavis & sufficiens obtineatur. Hinc Sapientia, qui aliquem velit ad justum, honestum, ac decorum amplectendum incitare, id injungit officii, ut (præter ea, quæ antea ex eodem descripta sunt, & huc quoque spectant) doceat, nullam esse veram suavitatem, & jucunditatem vitæ, nisi honestam; nullam vitam laudem mereri, nisi decoram, nullam sufficientiam vera frui, nisi justam. Subdit vero: quum omnes tres affectus vitiosi, nempe libido, ambitio & avaritia & pacem internam, & tranquillitatem animi impendant, & si in actiones externas erumpant, pacem cum aliis hominibus externam turbent etiam his defectibus medetur vita honesta, decora, & justa. Honestam quidem, ut prospiciatur paci internæ (hac eadem ratione temperantiam expetendam esse docet Epicurus), decora, ut alii alliciantur ad

auxilia nobis præstanda (en utilitatis impulsus) & promovendam pacem externam: justa, ut alii non incitantur ad turbendam nobiscum pacem externam. En utilitatem in evitanda pacis turbatione repositam. Sed clarius adhuc quæ incitamenta virtutis agnoscat Thomæsius, colligitur ex §. §. 37. & 38. ubi probat, hæc tria honestum, justum, & decorum simul conjungenda esse. Quid juvaret inquit §. ex citatis altero, vita honesta sopire ebullientes animi affectus, si non vita decora alii moveantur, ut subventum quotidianæ indigentia (quam præclarus, eximiusque est finis iste vitæ decoræ!) si non vita justa impediatur, ne pacem tuam turbent? (remoto hoc periculo annon licebit esse injustum?) Quid juvaret, actionibus decoris aliorum adiumenta provocare, si frenâ laxando cupiditatibus te indignum redderes aliorum auxilio? (Ecquid vero si effrenam meam cupiditatem non noverint illi?) si actionibus injustis eos simul provoces ad nocendum? (Ne ipsi noceant, injustitiam meam celabo.) Denique quid juvaret actionibus justis neminem irritare ad inimiciam, si non actionibus decoris eorum excitares animum benevolum, si actionibus inbeneficis perpetuo hostem intra te semires? Anne putas, nullum ex Epicureorum grege hominem hisce vel similibus de causis virtutem excolendam esse negaturum? Alia, quæ huc spectarent, missa nunc facio; nanque iterum hac de re nobis habendus sermo erit. Hoc unum addo, Thomæsium nequidem in modo loquendi ab Epicuro recedere voluisse. Etenim quemadmodum Epicurus homines vitis addictos non improbat, vel iniquos, sed stultos appellare solebat; sapientes vero qui virtutem colebant: ita & Thomæsius ipse hac vitæ perpetuophrasi, rejectæque hominum divisione in malos, & bonos, agnoscit solum stultos, atque sapientes; & quidem non perperam ad constitutum a se ipso principium. Quum enim eo duntaxat juxta Thomæsium improbi differant a bonis, seu qui Juris naturalis præcepta violant, ab iis, qui servant, quod hi quidem hujus vitæ felici-

licitatem mediis congruis sibi fludeant comparare; illi vero licet non minore ejusdem felicitatis cupidine teneantur, ea tamen agant, quæ illos a scopo suo abducant, atque in miseriarum ærumnarumque barathrum pertrahant: jure meritoque hos quidem *stultos*, illos autem *sapientes* appellari posse, non diffitendum. Neque dubitandum, hanc eandem *Epicuro* fuisse rationem alios quidem *stultos*, *sapientes* alios appellandi: atque ex hoc etiam liquet, quam sint hæc duo (si duo tamen vocari possunt) systemata *Thomasium*, & *Epicurum* affinia, cognata, & amica. O eximium ergo præclarumque juris naturalis *Reformatorem* *Thomasium*! At in eo erravit ille; quod opus suum; in quo adeo eximia continetur doctrina, inscripserit: *Fundamenta juris Naturæ & Gentium*, quum potius inscribere debuisset: *Epicureismus redivivus*. Sed hic adnotare non pigebit, post *Epicurum* etiam *Hobbesum* habuisse magistrum in eo, quod nefariam omnem improbitatem nihil aliud præter *stultitiam* esse definiit. Nam & ille hæc habet: in ratiocinatione falsa, sive in *stultitia* hominum officia sua erga ceteros homines ad conservationem propriam (diceret *Thomasius*, ad vitam diuturnam & felicissimam) necessaria non videntium omnis consistit legum naturalium violatio.

Plura in hanc rem hic addi possent, quæ brevitatis causa missa facio. Ut tamen instituta comparatio utcunque absolvatur, unum adhuc animadvertere placet, nempe *Thomasium* pessimam *Epicuri* industriam in plena animi tranquillitate ac securitate suis affectis procuranda proxime fuisse seclatum. Quum enim *Epicurus* animadverteret, ejusmodi tranquillitatem in iis, qui dant operam voluptati, supremi alicujus judicis notione, & expectandæ in altera vita factorum retributionis timore potissimum interturbari; Dei O. M. providentiam, adeoque iustitiam, & animi nostri immortalitatem (sine qua nulla esse valet post mortem retributio) impie, insaneque insinatus est. *Thomasius*, quum hæc duo, salva Religione chri-

stiana, negare non posset, ut tamen affectis suis tranquillam, seu nullo terrore turbatam, adeoque jucundam, suamque vitam ducere liceret, eo se recepit, ut & naturales pœnæ esse supremi judicis pœnæ negaret; & in jure naturali ab immortalitate animæ præsciendum, atque abstrahendum, doceret. Quare jus naturale *Thomasius* cum jure naturali *Epicuri* satis etiam ex hac parte consentit: nam quoad effectum, parum aut nihil differt abstractio a negatione. Sed de *Epicureismo* hujus Philosophi satis.

CAPUT X.

Tametsi Cl. Wolfius in mathematicis disciplinis immortalē sibi gloriam merito comparavit; nihilominus in tradendo jure naturæ minus recte feliciterque versatus esse videtur. Systema Wolfianum humana Reipublice magis obesse, quam prodesse arbitramur; quippe quod magnam cum *Epicureismo* cognationem habet. Quod etiam *Atheis*, & scelestis hominibus patrocinium ille præstiterit, baud prorsus injuria accusatur.

Christianus Wolfius, vir celeberrimus *Uratislavie* in *Silesia* natus est Anno MDCLXIX. Quum obiit (nempe Anno MDCCCLIV.) hisce decorabatur titulis, ut legitur in Epigraphe ejus memoriz consecrata: *Regis Prussie a Consiliis sanctioribus, Academiae Fridericianæ Cancellarius, Juris Naturalis ac Gentium Professor Ordinarius, Professor Petropolitanus honorarius, societatum scientiarum Londinensis, Parisiensis, Berolinensis, & Bononiensis Sodalis, Dynastia in Klein Doelzig.*

Quam celebre ejus nomen evaserit, & quot quantisque laudibus extollatur cum ab aliis, tum præsertim a Protestantibus, neminem latet. Initar omnium sit illud, quod scribit *Jos. Jacobus Schmanfus*. Eodem, inquit, anno (1743.) in lucem prodiiit systema nostri novi Her-

Hist. Jur.
Natur. 1.
XXXVI.

me-

Pag. 111.

metis *Trismegisti*, & totius humani generis Doctoris D. Bar. de Wolff sub hoc titulo: *Jus naturæ methodo scientifica pertractatum*. Quanquam autem ego huic viro ter maximo nihil de laude, quam in disciplinis præsertim mathematicis, sibi merito comparavi, detractum velim; in jure tamen naturæ explicando minus recte, minusque feliciter versatum esse, fidenter affirmo; tametsi ille aliter senserit de opere abs se lucubrato. Quandoquidem in epistola nuncupatoria *Philosophiæ practicæ*, quam vulgavit, *summa jactantia contendit* (verba sunt Schmausii paulo ante citati, cujus censura post elogium illud amplissimum, nemini debet esse suspecta) *neminem lucisque de actionibus humanis, earumque imputatione, culpa, conscientia, adeoque & de lege naturali, ejusque connexionem cum jure civili humano funditus vel tradidisse vel intellexisse; propterea se primum hæc omnia ex imo fundo detesturum*. Sed nos hæc minime terrent, quominus propositionem supra a nobis positam veram esse credamus: quam & propugnamus hoc modo.

Is merito censeretur debet in tradendo jure naturæ minus recte minusque feliciter versatus esse, qui (1) usus est methodo satis incongrua. (2) multa inutilia, & inepta, ac puerilia permiscuit. (3) quod operis initio spondit, id nequaquam præstitit: (4) qui demum in errores varios prolapsus est, adeo ut aceusari non immerito possit, quod jus naturale vel everterit, vel corruperit. Porro novum hunc *Trismegistum* in ea omnia, quæ commemoravimus, impegisse, statim demonstro. Quoad primum attinet, *Wolphiana methodus* his præsertim vitiis laborat. 1º. Quod ut plurimum sit longe prolixior, quam par esset, & identidem omnino redundans. 2º. Quod summo incommodo, & molestiæ studio sit. 3º. Quod nimis obscura sit & perdifficilis.

Porro primum *Wolphianæ* methodi vitium ex eo patet, quod ad unam, nec quandoque arduam, demonstrandam propositionem sæpenumero quinquaginta & amplius paragraphos, seu propositio-

nes cum suis demonstrationibus, adjectisque scholiis impendit; ita ut ad decem tantummodo ex iis intelligendas, calculo accurate ducto, trecenti, ni amplius, paragraphi sunt percurrendi, mentesque retinendi. Rem ita se habere, norunt omnes, qui in hujus Auctoris lectione aliquantisper versati sunt. Tanta vero prolixitas & verboritas quantum incommodi molestiæque parere debeat, reputare quisque per sese potest. Sed & aliud, illudque fortasse molestius graviusque *Wolffus* addit incommodum. Ut enim quæ in jure naturæ tradit intelligantur, traditæque percipiantur demonstrationes, satis non est, opus ipsum attente diligenterque versare; verum necesse est etiam, omnia ejus philosophica volumina, quæ nec pauca numerata sunt, neque exigua mole, nempe, quæ *Ontologiam*, *Psychologiam Empiricam*, *Psychologiam Rationalem*, *Theologiam naturalem*, *Philosophiam practicam*, *Philosophiam naturalem* continent, præsto semper habere & evolvere; siquidem in quacunque ferme propositione, quam demonstrare aggreditur, continenti atque perpetuo ierere circuitu Lectores mittit, remittitque modo ad *Ontologiam*, modo ad *Philosophiam practicam*, subinde ad alias, & iterum, iterumque modo ad hanc, modo ad illam. Qua quidem re quid quæso gravius, quidve molestius? Præsertim vero quum tantam Lector molestiam abique ulla necessitate, Immo nec utilitate quidem, subire cogatur. Non infrequenter enim tanta ille paragraphorum multitudo ad eas demonstrandas propositiones abutitur, quæ vel sunt evidentes per se, vel sunt ab aliis jam demonstratæ, vel paucis saltem verbis, ac una vel altera propositione demonstrari possent. Illud etiam non raro contingit, ut propositiones alias certæ, claræque methodi *Wolphianæ* opera incertæ obscuræque reddantur. Mens namque lectoris tanta paragraphorum farragine nedum uberius non affunditur luce, sed obscuratur, confunditur & hebetatur; ut jam sic obruta non satis videat, quæ antea clarissime intelligebat. Verissimum namque

Lib. III.
de Nat.
Diot.

que est quod ait *Cotta* ille apud *Tulium*, perspicuitatem argumentationis quamque elevari; præsertim vero si hæc nimia fuerit, ac proluxitate molesta. Ea propter *Wolffiana* methodus veritati investigandæ inveniendæque citius officit, quam profit. Præcipue vero, quam satis non sit, citatas propositiones variis in voluminibus quærendo lassari; sed plane

opus est, ut, antequam quis ad opus e-
volvendum accedat, si aliquem velit ex
eo fructum percipere, cetera ejus, quæ
enumeravi, philosophica volumina &
mente perceperit, & memoria teneat: ad
quod tum maxima ingenii acies ac robur
necessarium est, tum plurimus ac diu-
turnus infundendus est labor (a). At
Methodi suæ arduitate agnovit *Wol-*
fius

(a) Qui primus, quem ego sciam, in
Wolffianam methodum insurrexerit, eam-
que damnarit, fuit doctissimus, & piissi-
mus P. Daniel Concina Ord. Prædicator. in
sua *Theologia Christiana* edita an. MDCCGL,
Tomo VI. Quæ ille inibi contra *Wol-*
fium disserit, clarissimo viro P. Anselmo
Desingo Ord. S. Benedicti, Episcopi, &
Principis *Passavienfis* Consiliario, ansam
suppeditalle videntur conscribendi *Dis-*
sertationes circa Methodum Wolffianam in phi-
losophia practica universalis, hoc est in prin-
cipis juris naturæ statuendi, quam non esse
methodum, nec esse scientiam ostenditur.
(hæc est nempe libri ejus inscriptio) *Monachii*
Anno MDCCCLIII. Quæ lau-
datur *Schmausius* ex ea *Disserit*, atque
ex *Daniele Concina* exhibere operæ pre-
mium duxit, (*Hilior. Jur. Natur. §.*
XXXIX.) illa me afferre non pigebit,
ut constet, esse etiam ex Protestantium
cœtu homines, qui nobiscum de *Wolffia-*
næ methodi pravitate consentiant. In
ea, inquit, (*Germanica Schmausii*
verba latine reddo) „D. *Wolffio* præ-
sertim verborum exprobratur, & inter
alios ab *Italo* quodam scriptore *Daniele*
Concina *Dominicano*, qui non ita pridem
Theologiam Christianam edidit, vocatur
Wolffius, in tertio tomo sui juris natura-
lis *Capite 2. in materia* de Veriloquio
& *Falliloquio 161. paragraphosque sin-*
gulos suis commentariis amplius impen-
disse, ut demonstraret, mendacium esse:
licitum ob publicam necessitatem.
Sunt autem, inquit *ancilla pag. 47.* in-
ter illas propositiones etiam sequen-
tes: nam (§. 128.) *Qui ab aliis vult*
intelligi, vocabulis uti debet prout fert
usus loquendi. Ad quam propositionem
ipsis etiam pueris notam demonstran-
dam remittit ad septem omnino para-
graphos diversarum scientiarum, *Lo-*
gica nimirum, *Psychologia Empirica*,

Philosophia practica, & Juris Naturæ.
Tum subdit statim (§. 129.) *Quoniam*
qui ab aliis vult intelligi, vocabulis uti
debet, prout fert usus loquendi. Quam
propositionem a priori nihil differtentia a-
lio rursus commentario confutatur. Atque
ita porro progreditur, manifesto verbosi-
tatis & tautologiæ exemplo. *Hæc multis*
etiam aliis exemplis a Domino illo Consilia-
rio demonstratur, quia posset, si opera pre-
mium foret, singulis Wolffianorum præ-
sertim latinorum voluminum paginis demon-
strari. Extant præterea in *Wolffiana* metho-
do multa vestigia ad cetera sua prolixia
Volumina. „Methodus *Wolffiana*, in-
quit laudatur *Concina*, per ambages &
circuitus veritatem ad hominum men-
tes defert. In quinquaginta propo-
sitiones dividit methodus hæc doctrinam,
quæ unica, & ad summum duabus pro-
positionibus plenissime exhaustiri pote-
rat. Sed quod methodum illam a phi-
losophia morali exterminare debet, est
quod illa lectores suos ut rotas in gy-
rum perpetuum circumagat. Ut pro-
bet propositionem trigessimam, modo
te remittit ad decimam, modo ad
quinquagesimam. Illuc pergis, & con-
tinuo aliam citationem offendis, quæ
te mittit ad philosophiam moralem.
Arripis iter, & illuc quum perveno-
ris, quasi latus de invento demonstra-
tionis promissæ arcano, en tibi obviam
alia citatio, quæ te remittit ad *Lo-*
gicam: & hæc te iterum mittit ad
Ontologiam, & hæc quoque iterum
te in gyrum agit ad *Psychologiam*:
& hæc te denuo ad jus naturæ aman-
dat, ut continenter per hunc te rotas
circulam. Factum tam evidens & ob-
vium narro, quam obvia & manifesta
sunt *Wolffii* volumina. Vellem, ut
aliquis eorum, quæ narravi periculum
faceret. Et sane, ut tu ex opere
Wol-

Epist.
uncup.
hiliptac.

fur ipse; eam tamen, (quod planemirandum) sibi ducit honori. Ita enim eam depradcat: *magnum omnino opus & arduum conor, Theoriam actionum humanarum in apricum prolaturus...* Neque hæc vulgo imperito scribuntur, nec iis, qui in moralibus haud altius vulgo sapiunt; sed his, quorum autoritate & vulgus, & qui eodem non altius sapiunt, stare tenentur. Verum si res ita se habet, procul a *VVolfsianorum* voluminum lectione juvenes quique in jure naturali tyrones; procul qui singulari

mentis acie minime polent; procul qui in scientiis philosophicis perfectæ, & quidem juxta *VVolfsianam* methodum, exculsi non sunt; procul demum omnes, qui *supra vulgus non sapiunt*, quique non sunt adeo docti, ut eorum auctoritate & vulgus, & qui eodem altius non sapiunt, stare tenentur. Scilicet soli viri doctissimi honore tanto perfrui poterunt, ut ad *VVolfsi* scholam tanquam discipuli haud inepti admittantur. (a). Quis vero merito putet, eum de morali doctrina multum bene meritum

„ *VVolfsiano* de jure naturæ profectum
„ percipere valeas, opus est, ut omnia
„ fere volumina, quæ edidit, in prom-
„ tu habeas, eaque in cubiculo non valde
„ angusto bene disposita, & modo ad
„ unum accurrere, modo inspicere aliud,
„ nunc progredi, nunc regredi, nunc
„ pergere ad ultimum, nunc redire ad
„ primum, a primo ad quartum, a quarto
„ ad secundum volumen. Et in
„ hoc vitio, ac periculo citationum
„ circuitu pereundo occupatos lectores
„ temporique jacturam gravissimam
„ faciam. Hæc enim vocat *Dispositio do-*
„ „ *ctæ nugæ*, subditque: „ Annon vero
„ nugæ sunt hæc, si vel trina tantum,
„ ut numero præcedente dixi, remissio
„ ad loca, eaque tantum bina, fiat? Nu-
„ gæ iterum dico sunt, si ad unam puer-
„ ris notam propositionem demonstran-
„ dam trecentis aliis propositionibus vel
„ ut quidam pelago circumjactis.
„ Quod si deinde idem tibi contingat,
„ cum omnibus aut sane multis in jure
„ naturæ paragraphis, labor in immen-
„ sum excresecens sit penitus insuperabi-
„ lis. Ponamus enim in tot voluminibus
„ juris naturæ *VVolfsianis* tantum mille
„ occurrere, ad quorum intelligentiam
„ necesse sit, non trecentas, ut modo
„ dixi, alias propositiones adire, & in-
„ vestigare, sed solas centum; consequi-
„ tur ad intelligendum jus naturæ *VVol-*
„ „ *fianum* remissum te iri saltem ad cen-
„ tum millia propositionum: quas omnes
„ si incredibili cum liberæ animæ tor-
„ mento enavigaveris, nihilo plus, quam
„ quum e portu solvisi, intelligis, ideo
„ quia prima propositio plerumque cla-
„ rior ceteris fuit. Quin in tot propositi-

„ tionum millibus tantam invenies per
„ singulas addubitandi causam, & ma-
„ teriam, ut ad extremum, tui quoque
„ ipsius oblitus nullam evadendi viam
„ deprehendas aliam, nisi hanc, ut re-
„ missionibus omnibus mittas nuncium.
„ His autem neglectis, rursus ad om-
„ nem, quem promoveris, passum offen-
„ des, & hæsitabis. Ex his denique al-
„ terum consequatur, oportet; aut ut
„ *VVolfsium* totum plane abiciatis tantorum
„ malorum causam unicam, id quod tibi
„ fuerit oppido salutare; aut vero,
„ ut eum obiter legens videare tibi ta-
„ men intelligere, & methodo tam ne-
„ cessaria instructum ceteros omnes, qui
„ ea non utantur, præ te despicere pos-
„ se; id quod pro ea, qua nunc tibi ve-
„ hementer places, vanitate maximo te
„ tandem aliquando pudore suffundet. „
„ Præterea alias multas, easque suas, convin-
„ centesque libelli hujus observationes, quæ ad
„ institutum nostrum proprie non pertinent.
„ Hactenus *Schmanfius*. Qui hac de re plu-
„ ra desiderat, adeat ipsius *Dispositio* librum.

(*) Ut opera *VVolfsi* cum fructu legi possint, quinque leges statuit. *Formey* in brevi ejus vita, quam præmittit operi suo Gallico, quod inscripsit: *Principes du Droit de la Nature, & des Gens, extrait du Grande Ouvrage latin de Mr. de VVolfs*. Ex his regulis prima est: Quamvis lectionem operum hujus Philosophi aggredietur, oportet ut abs se removeat omnia, quæ ad illius usque tempus legi, adicit, ac meditari est; ac neque ad hanc Philosophiam asserat spiritum, ut ita dicam, omnino novum, liberumque ab omni alia idea. Absque hac conditione consensus terminatum, quæ in aliis systematibus adhibetur, & qui

tum esse, qui rem, quæ omnibus per-
via esse debet, tot tantisque difficul-
tibus circumsepsit. Hocce est *Theoriam*
suam in *apricum proferre*, & non po-
tius in profundum obscuritatis demer-
gere, nebulis involvere, quas per-
spicacissimæ duntaxat mentes penetra-
re valeant, atque pervadere? An lau-
dabilis sit methodus ista, qui sapiunt,
judicent.

Verum enimvero ferenda utcunque
esset arduitas tanta, patienterque jugum
subeundum, quod *ter maximo* huic hu-
mani generis *Doctori* nobis imponere pla-
cuit, si, quæ ille proponit, aut nova
essent & rara, aut saltem utilia; & ad
referendum juris naturalis aditum, ta-

Tom. I.

metri per ambages longosque circuitus,
tandem conducerent. Sed pleraque in
eo sunt omnino obvia in aliis quoque
scholasticis Auctoribus; alia vero plane
inutilia & inepta, atque (quod in ce-
lebrissimo viro vix credibile est) etiam
puerilia. Et quidem hujus generis bene
multa agnovit in *Wolffio* notavitque post
alios ille ipse *Schmaufius*, qui paullo
ante adeo enormiter ipsum laudaverat.
Quum enim multa nullius pretii retu-
lisset ex eo, sermonem abruptis his
verbis, quæ germanice primum refer-
re placet: *Eine menge anderer derglei-
chen Kinderreien zu geschweigen*, id est,
ut plurimas alias id generis puerilitates
silentio præteream (a). Pleraque vero

V. Not.

F

inu-

Quibus *VVolfius* in suo utitur, sed in a-
lio plane sensu, qui scilicet proprius est,
confusum pariter inexplicabilem. Si ita
res se habet, optime dixit ille Gallus:
opus est summa patientia ad legendum id,
quod summa crudelitate scripsit VVolfius.
Quid enim crudelius, quam exigere in
suis lectoribus modo dictam præcisionem,
seu ut omnium, quæ dicere, obli-
viscantur ad hoc, ut ejus discipuli eva-
dant? præsertim quum hujus rei nulla
iusta causa excogitari possit?

(a) Ut sapiens lector judicet, num
Schmaufius de *VVolfio* merito hæc pronun-
tiet, juverit, ea omnia, licet paullo
prolixiora, hic adferre, quibus elogium
istud appingit lib. cit. §. XXXVI. *In reli-*
quis, inquit, sui operis partibus agit VVolfius
de specialibus obligationibus, seu de officiis
cum prolixitate plane incommoda, super-
vacaneisque demonstrationibus. Ex. gr. in capi-
te de officiis hominis erga seipsum, hoc inter
alia inutilia prolixis stipula demonstrationibus
proponit. §. 411. ex duobus cibis vel potu-
bus salubribus ob saporem gratum unum
alteri præferre licet, ubi temperans fue-
rit. §. 412. Sollus voluptatis percipien-
dæ gratia cibum ac potum appetere li-
citum non est. §. 413. Si quis in mor-
bum incidat, operam dare tenetur, ut
sanitati restituatur. Postquam vero ille §.
414. definit, quid sit medicamentum, sub-
dit §. 415. Si absque usu medicamentorum
sanitas restitui non possit, homo iis-
dem uti tenetur. §. 427. ais. Actiones
ministræ sunt, quæ ad officium aliquod

explendum necessariæ sunt, seu requi-
runtur; in se spectatæ autem actus obli-
gatorii non sunt: *cujus hoc præbet exem-*
plum, si edere volueris, inquit, cibum ap-
prehendus, & ori ingerendus, mallic-
andus & deglutendus. Cibi adeo ap-
prehensio, & ingressus in os, mallic-
atio & deglutitio sunt actiones ministræ,
quum sine iisdem non detur cibi ac po-
tus usus, quem exigit conservatio cor-
poris. §. 428. Actio, quæ ad finem ab
agente intentum, vel intendendum nil
facit, superflua dicitur. Ex. gr. si cibum
ori ingerere vis, nullo opus est motu la-
biorum, dum os aperitur. Quod si ergo
quocunque modo eadem moveas, actio
ista superflua est. §. 431. Operam dare
debemus, ut actiones ministræ sint ta-
les, quales exigit finis intentus, vel in-
tendendus. Ita nemo negaverit, dandam
esse operam, ut apertura oris cibi inge-
rendi gratia facta, talis sit, qualem cib-
us ingerendus requirit, & ut ipse actus
ingerendi cibum talis sit, qualis esse do-
bet, ut idem commodè ori ingeratur. §.
432. Si actiones ministræ tales sunt,
quales exigit finis intentus vel intenden-
dus, rectæ sunt. §. 430. Sed actiones re-
ctæ hominem decent. §. 199. Par. 1. Phil.
præd. univ. Ergo actiones ministræ, si ta-
les sunt, quales exigit finis intentus vel
intendendus, hominem decent. Ex. gr. si
apertura oris cibi ingerendi gratia sit,
non aliud in ea requiritur, quam ut
quantitati cibi ingerendi proportionata
sit, nec major, nec minor, quam ut per
eam

eam

inutilia, inepta, nulliusque plare frugis in singulari philophris *Wolffii* libris (ne id ex mea duntaxat sententia affirmare videar) sæpius mihi afferunt dum viveret, Vir acerrimo ingenio,

profundaque meditatione. *Nicolaus Con-*
cina Ordinis Prædicatorum, qui quum
esset in Patavina Academia publicus
Metaphysicæ Professor, *Wolffiana* opera
diu multamque versarat, ac diligenter
sime

eam. cibus ingeri possit. Talis oris apertio fit sola depressione mandibulæ inferioris, neque ad eam requiritur præterea nullus laborum motus. Dico, deesse hominem, ut, si cibi ingerendi gratia os aperit, sola mandibulæ inferioris depressione oris efficiat cibo ingerendo proportionalem aperturam, nullo laborum motu facto, quo eorum situs respectu aliarum partium vicinarum minatur. *Ut vero ille plura alia de hominis in capi-*
endo cibo obligatione differuit, de vestium
ratione loqui aggrediar, cuiusque proluxa
de his exhibet demonstrationes. §. 445. Homo corpus vestimentis adversus injurias tempestatum munire debet. *Et postquam*
§. 447. *definitionem tradidisset de partibus*
corporis obsecenis, subdit §. 448. partes corporis obsecenæ veribus velandæ sunt: *commo-*
hoc fusi demonstrasset, repetit §. 449. Quoniam partes corporis obsecenæ vestibus velandæ sunt §. 448. Id vero, propter quod agimus, finis est. (932. Ontol.) vestium quoque finis est, partes corporis obsecenas velare, & §. 450. *iterum*: vestes aptæ esse debent ad corpus contra injurias aeris tuendum, & ad partes obsecenas velandas. Etenim quum finis vestium sit tueri corpus adversus injurias aeris (446) & velare partes obsecenas (§. 449.) vestium usus spectandus est tamquam medium, quo utrumque finem consequimur (§. 937. Ontol.) Quamobrem si earum usu finem utrumque consequi volueris, vestes aptæ esse debent ad corpus contra injurias aeris tuendum, & ad partes obsecenas velandas. §. 452. Vestes commodæ esse debent agenti, quod iis indutum agere oportet. §. 453. Homo in incessu se providum probare debet, ut sit ab omni lapsus periculo immunis *prolixæ tunc demonstratione.* §. 460. Homines obligantur ad ædes extruendas. §. 463. Decent hominum ædes essentiaæ ac naturæ animæ convenientes. §. 466. Homo obligatur ad vitam commode transigendam. §. 467. Homo ad singula, quæ ad vitæ commoditatem spectant, cognoscenda obligatur. §. 469. *Ædes commo-*

dæ sunt extruendæ. Obligamur enim ad vitam commode transigendam (§. 466.) & ad ædes extruendas (§. 460.) Quamobrem quum in Architectura civili ostendatur, ædes commodas extrui posse; ædes commodæ sunt extruendæ. Sumitur hoc in Architectura civili instar axiomatis, & iam olim sumit Vitruvius, quemadmodum nemo ignorat, qui eandem vel primis labiis degustavit. Quod vero recte sumatur, ex præsentī demonstratione patet. §. 471. Homo obligatur ad vitam jucunde transigendam. §. 472. Homini jus est extruendi ædes pulchras. *Ædes enim pulchræ aptæ sunt ad volu-*
ptatem in nobis producendam (§. 545. Psych. Empir.) adeoque earum extructio facit ad vitam jucunde transigendam. §. 470. Quoniam itaque homini jus est ad ea omnia, quæ ad vitæ jucunditatem faciunt, & ad omnes actus huc requisitos (§. 472.) jus etiam ipsi est ædes pulchras extruendi. Sumitur, Vitruvio præeunte, instar axiomatis in Architectura civili ædes pulchras esse, atque adeo in iis extruendis habendam quoque esse rationem pulchritudinis. Hic vero ostendimus, hominem hoc facere suo jure, ut pateat, recte id ipsum sumi. Pulchritudinem ædium facere ad vitæ jucunditatem notionibus communibus conforme est. Hic vero discimus, notionem communem non abhorreere a veritate. Constat ex Architectura civili, sari pulchritudinem ædium gradus. & esse quamdam pulchritudinem essentialem, quæ locum habet in omni ædificiorum genere. Unde vero definiatur gradus unicuique observandi, ex statu hominis externi intelligitur, quem nunc pendere a dominiis & imperiis introductis, nemo est, qui non nisi culpa sua ignoret. Unde & officia hominis quoad statum externum perspicere non datur, antequam de dominio & imperio summo civili fuerit actum. *Ut multas alias his similes pueritates præteream.* Hæc *Schmarius* de suo novo *Trismigisto*, & *Doctore humani generis*.

sime expenderat, ut vix quisquam eo melius de *Wolfianorum* voluminum pretio iudicium ferre posset. Is itaque, cum de rebus eruditus amice colloqueremur, injecta wolfii mentione, rogatus a me, quid de eo sentiret, inter cetera respondit: *Si Leibnizius scripsit, in scholastico stercore multum auri latere; multo potiore jure affirmari potest, in multo Wolfiano fursure parum farinae reperiri.* Si quis tanto viro flem adhibere detrectet, periculum ipse faciat, producta aliquandiu ejus operum lectione, comperietque, id esse verissimum, simulque de iactura temporis dolebit. Addebat eximius ille vir: *Jactat quidem Wolfius, sese omnia demonstrare, quae probenit; re ipsa tamen demonstrat prope nihil.* Quod essatum verissimum esse, pluries comperisse mihi videor. Nam cum plures ejus demonstrationes expendere, saepe vitæ sunt mihi *sophisticae* magis, quam *solidae*; *irresire* potius, quam *convincere*; ac demum in *paralogismos* quandoque degenerare. Huius rei specimen, si quod desideres, comperies infra Lib. VII. Cap. V. Neque vero in hoc solum promissa sua non implevit *Wolfius*; sed ab eo recessit etiam, quod initio sibi praestandum proposuit. Pollicetur ille, sese omnia ex ipsa natura & essentia hominis demonstraturum. *Legem naturae*, ait in praefat. *cum jure (se obligatione naturali ex ipsa hominis rerumque essentia derivamus.* At dum de obligatione naturali Lib. I. Cap. I. dilabitur, eam quidem in variatribuit genera, atque, priorem esse jure, hoc est, antependendam esse aliquam obligationem, quam *jus aliquod concipi possit; adeoque jus oriri ex obligatione passiva.* At in his omnibus obliviscitur inquit *Schmausius*, demonstrare ex ipsa essentia & natura hominis, quod tam exerte promiserat. Et sane (pergit *Schmausius*) ut recte procederet, demonstrare debuisset, cur *jus ex obligatione* potius, quam obligatio ex jure nascatur; & praesertim qua ratione fons omnis obligationis in hominis natura existat, atque illi innata sit. Quod *Wolfius*

„nullatenus praestitit; quanquam hæc
„una ex praecipuis sit, magisque ar-
„duis Juris Naturæ questionibus“. Alia etiam plura, quæ in Opere de *Jure Naturæ* proponit & docet, nequaquam derivat ille ex ipsa essentia hominis: adeo scilicet magis, fuit in promittendo liberalis, quam fuerit in adimplendo fidelis: nisi quis potius velit eum imprudentiæ damnare, quod ea sponderit, quæ præstare non poterat, immo quæ a nemine præstari valeant. Nam inter cetera pollicetur, *jus etiam privatum*, seu *jus Civile & Feudale*, quod quinque posterioribus operis suis de *Jure Naturæ* partibus complectitur, ex ipsa natura hominis deducturum se, & demonstraturum: quæ quidem promissio cuique sane mentis homini ridicula est, iudice jam saepe laudato *Schmausio*.

Verum enimvero hæc omnia doctissimo viro condonari fortasse possent, si in varios præterea errores, eosque apprime perniciosos, minime incidisset. Ægre, puto dictum hoc ferret ille, si adhuc esset in vivis, quippe qui adeo fidenter in omnibus veritatem se assecutum professus est, ut ferme omnimodam, *inerrantiam*, seu *inerrantiam* sibi adscriptis videretur. Ita enim de se ipso loquitur in *Morali opere germanice* conscripto: „qui absque præ-
„judicio (versione utor *P. Desjuzi*, qui hæc recitat ejus verba), „& cum
„capacitate in scripta mea incidit, inveniet veritatem esse quicquid hic scripsi. Dia est (quæ Dei sit laus)
„quod a deceptione mei ipsius in e-
„jusmodi iudiciis sim immunis, eo
„quod rem ex suis principiis iudicem, nihilque mihi sit rei cum ex-
„ternis. Qui præsertim Logicam meam latinam legerit, atque intellexerit, is videbit callere me, quid factu opus sit, ut verum ex fundamento
„comprehendatur, & quantum opus sit perpendere rem, donec securus esse possis, ejus te esse adeptum certitudinem, nec ne“. Optandum plane foret, ut celeberrimus iste Philosophus, qui in *abditis animorum recessibus*

Larva de-
scripta.
C. p.
XVIII.

Lib. I.
Divis.
Insti.
Cap. 1.

penetrare aggressus est, humanæ mentis imbecillitatem paulo magis perspektam habuisset, aut ejus non ita facile oblitus esset. At ex ejus affectis fortasse non deerunt, qui eandem de illo, ac ipse de se, sententiam ferentes, nimis audaciæ atque temeritatis me condemnent, quod ausim tanto viro errores ascribere. Ab his tamen ego *humanitatis jure posulo, ut si legant, perlegant* (utor Lactantii verbis) & *sententiam differant in extremum: & si ego plures VVolfii errores in hujus operis progressu non demonstravero* (quod in præsentia absque magna ordinis perturbatione fieri non posset) tunc me, qua libuerit, censura condemnabunt.

Quod hic duntaxat innuo de erroribus a VVolfio in suo jure naturæ admissis, incredibile minime videbitur iis, qui noverunt, de hujusmodi etiam erroribus a doctis aliis hominibus eum accusari, quorum si revinceretur, non juris sane naturalis *illustrator*, & *demonstrator*, quam sibi laudem arrogat ille, sed pessimus, & iniquissimus ejusdem everfor habendus esset; siquidem & *Atheismi*, seu *Spinosismi*, & *Fatalismi*, seu de sublata humanorum actuali libertate, non quidem dissentis verbis, sed ex pravorum principiorum consecutione, accusatur præsertim a *Joachimo Langio, in Causa Dei adversus Atheismum*. Accusationem hanc, eo præsertim elata voce reclamante, mihi persequi & urgere non libet. Novi, istud criminacionis genus in viros doctos, qui a communi loquendi usu recedunt, ni-

mis quandoque facile intorqueri; & ipse quidem lubentius *Atheorum* numerum minuerim, quam auxerim, ne videlicet vel ipse sanctorum numerus debitum erga atheismum horrorem imminuat, aut ipsi aliquid patrocinium impendat. At illud vitio procul dubio VVolfio vertent cordati omnes, quod singulari sentiendi, aut loquendi modo tantæ suspicionem impietatis viris doctis ingesserit (a); qua quidem re nihil ingenuo proboque philosopho magis indecorum videri possit.

Est tamen aliud, quod nondum quidem ab aliquo notatum comperio, id quod mihi potiore jure ac fundamento, huic philosopho obijci posse videtur; nempe ipsum se *Epicureismi* fautorem quatenus præstitisse, immo longius quam *Epicurus, circa voluptatem, commoditatem, jucunditatemque* progressum esse. Nam quum *Epicurus* ista tantummodo per se *expensenda esse* asseruerit; VVolfius præterea docet, nos naturali lege ad ea persequenda adstrictos esse. Ut quam justa sit mea hæc in VVolfium accusatio, judicare per se Lector valeat, proferam hic propositiones aliquot, quas habet ille in *Jure Naturæ*, ubi officia hominis erga semetipsum recenset, explanatque. Adnotanda imprimis est hæc præpositio Paragraphi 280. *Homo obligatur ad felicitatem consequendam, & infelicitatem fugiendam; seu operam dare tenetur, ut sit felix, sibi autem cavere debet, ut sit infelix*, in hac nempe vita, cujus tantummodo in hoc Opere rationem habet (b). Hujusce propositionis.

Parte 2.
Cap. 11.

(a) Narrat Formeyus in brevi ipsius vita, Theologos Halenses Oratione, quam habuit VVolfius An. 1721. (quum Prorektoratus gradum dimitteret) de *Scientia Morali Sinensium*, in qua illorum Philosophiam valde extollebat, ejusque cum suis principiis conformitatem ostendere nitebatur, adeo offensos fuisse, ut sequenti mane ex omnibus Cathedralis ipsi anathema dictum fuerit. Duobus vero post annis Regis Borussici decreto fuisse eum ob doctrinam suam e gradu, quem obtinebat, privatum, & ex Halensi Un-

be ejectum: quo non rediit nisi Anno 1741, quum interim in *Maringensi* Academia Mathematicam & Philosophiam docuisset. Addit Formeyus, VVolfium non solum dum viveret, se egregie ab impatiis accusationibus vindicasse; sed etiam quum mortis esset proximus clarissima Religionis & pietatis in Deum signa & argumenta edidisse. Hinc ego quoad hoc, ejus famam intactam relinquo.

(b) Non solum VVolfius, sed etiam *Thomasius* aliique generatim omnes *Germani Juristæ* non de alia quam de hujus

vi.

nis momentum & pondus explicat ille in nota adjecta; quia (1) *est homines per naturam appetant felicitatem, & averseantur infelicitatem, paucissimi tamen sunt, qui obligationem consequendæ felicitatis, & sibi cavendæ infelicitatis agnoscant, & alias* (2) *generalis determinatio, seu inclinatio & impetus ad felicitatem, non sufficit ad eam consequendam; quasi vero si naturalis obligatio eam procurandi superaddatur, id ad eam consequendam sufficiat.* Interim gratissimum erit felicitatis hujus vitæ amatoribus intelligere, sese, *Volfus* auctore, naturali lege ad eam sibi procurandam adstringi. Sed grata etiam erit Epicureis ratio, qua hujuscemodi legem evincere conatur, quia neipe obligamur ad consequendum ea, quæ nos felices necessario reddunt, nempe virtutes, & fugiendum ea, quæ nos necessario infelices reddunt, nempe vitia: hac namque ratione satis indicat *Volfus*, virtutes eo tantum fine excolendas esse, ut earum subsidio feliciter in hac vita vivamus; sicque virtutes, quas ratione omnium dominas judicat, terrenæ ipse felicitatis satellites & ministras facit, ut Epicurei voluptatis ministras esse volebant, teste Cicerone. Nec dubitari potest, quin *Volfus* ea in sententia fuerit, virtutes non propter se, sed velut humanæ felicitatis medium, esse expetendas, quum in nota insequenti propositioni subjecta ratum habeat, in *Philosophia morali præcepta moralia ex felicitate tanquam ex fine deducere lice- re, & a vero non aberrare, qui Ethicam habet pro ea Philosophia parte, quæ modum consequendi felicitatem docet: im- mo ex notionē felicitatis totum quoque jus natura deduci posse.* Clarius adhuc

sententiam hanc suam aperit in nota ad §. 466. ubi hæc habet. *Lex natura est medium felicitatem consequendi* (§. 857. Ontol.) *consequenter per virtutes felicitas nostra (hujus vitæ) tanquam finis intenditur: neque ad illam servandam obligamur, nisi quia ejus custodiam felicitatem consequimur, nec sine eadem eandem consequi datur.* Quantum hæc ad Epicureismum accedat, per sese liquet. Neque quis dicat, eo maxime discrepare *Volfum* ab Epicuro, quod hic virtutes faceret minitras voluptatis, ille felicitatis. Etenim honestius est quidem felicitatis nomen, quam voluptatis; at certum est, Epicureos voluptatis vocabulo quidquid ad hujus vitæ felicitatem spectat, fuisse complexos, nimirum præter transeuntes corporis voluptates, etiam & præcipue animi jucunditatem, quietem, & omnis doloris, tædii, molestiæque vacuitatem. (a) Hæc vero omnia (& quidem ipsa etiam voluptate corporis inclusa) felicitatis partes *Volfum* facere, clarum, exploratumque evadit ex sequentibus ejus propositionibus. Quoad voluptatem ita mentem aperit suam §. 281. *Quoniam homo obligatur ad felicitatem consequendam, seu operam dare tenetur, ut sit felix, felicitas vero status est, quo voluptas vera perduras; homo utique operam dare tenetur, ut eum consequatur statum, quo vera voluptas perduras.* Anne plus hac in parte dixerat Epicurus? Neque vero putes *Volfum* in eo recedere ab Epicuro, quod voluptatem tantummodo veram procurandam nobis edicat; nam & Epicurus de vera sine dubio voluptate locutus est, seu de ea, quæ ex vero bono percipitur, & quæ in se innocua est, scilicet quæ nec in tædium

Lib. II.
de Fin.

vitæ felicitate loquuntur, ut ex eorum scopo, & dictis compertum est. Quare ego etiam, dum non aliam exprimo, eandem inteligo.

(a) Non enim hanc solum sequimur, inquit Torquatus loc. cit., quæ suavitatis aliqua naturam ipsam movet, & cum jucunditate quadam percipiunt sensibus: sed

maximam illam voluptatem habemus, quæ percipitur, omni dolore detractis: nam quoniam quum privamur dolore, ipso liberati, ne & vacuitate omnis molestia gaudemus; omne autem, quo gaudemus, voluptas est; omne quo offendimur, dolor; doloris omnis privatio recte nominata est voluptas.

s. 286.

dium degenerat, nec tedium sive molestiam parit (quibus duabus conditionibus veram voluptatem eodem paragrapho definit *Volfius*) hinc etiam sapientiam ipsam ad felicitatem requirebat, negabatque, quempiam beatum esse posse, nisi esset sapiens; adeoque voluptatem duntaxat innocuam, & ex vero bono, non apparente, perciperet. Ceterum *Volfius* ipsum non minore in pretio habuisse sensuum voluptatem, quam *Epicurus* habebat, luculenter patet ex sequente ejus propositione: *Voluptas transitoria* (cujusmodi est voluptas sensuum) *aequipollet veræ, si fuerit innocua*. Ratio, quam subdit, mentem ejus clarissime manifestat. *Quum enim*, inquit, *voluptas vera sit innocua* (hoc ut demonstratum sumit ex §. 388. part. 1. Philosoph. pract. univer.), *ubi etiam transitoria fuerit innocua, non alia inter eam, & voluptatem veram differentia intercedit, nisi quod illa nonnisi exiguu temporis spatio duret, nunquam reditura, hæc autem utpote ex vero bono percepta, constans sit*. Quoniam itaque hæc differentia non attenditur, ubi de statu sermo est, in quo voluptas tedia sive molestias excludit, perinde omnino est, sive vera fruaris voluptate, sive transitoria innocua, eo scilicet momento, quo eadem frui tibi datur. *Atque adeo voluptas transitoria, si fuerit innocua, veræ equipollet* (a). De voluptate sensuum loqui *Volfius* hoc loco extra dubitationis aleam

constituit sequens, quam subijcit, uberior positæ propositionis explanatio & confirmatio: „Ex. gr. suavitas gustus, qui ex cibo & potu salubri percipitur, voluptas innocua est, quum metuentium non sit, ne tibi ideo pervoranda sint tedia, quia eadem frui tibi datum. Perinde igitur est, ac si voluptate vera tibi eo momento frui datum fuisset. Illa igitur voluptas in locum veræ substitui potest, nulla facta quoad statum animi mutatione; æquipollet adeo in hoc casu voluptati veræ, utut ea saltem momento percipitur, quo cibum comedis vel potum hauris. Nimirum si illo momento veram percepisses voluptatem, voluptate innocua tibi frui datum fuisset, nec metuentum fuisset, ut propterea tadiis affectus esset animus. Sed idem obtines, ubi suavitatis gustus, qui ex cibo, ac potu percipitur, delectariis. Transitoria igitur hæc voluptas, quia innocua, veræ equipollet“; Id unum superesse videtur, ut *Volfius* cum *Epicureis* quoad voluptatem perfecte consentiat, ut & felicitatem voluptate definiat, & transitoria, seu sensuum, voluptate augeri felicitatem affirmet. Utrunque præstat ille in sequenti propositione §. 286. quæ ita se habet: *Quoniam felicitas status est in quo voluptas perdurat* (quod ut exploratum sumit ex definitione, quam tradit, §. 636. Psychol. empir.) voluptas

(a) Distinctionem voluptatis innocuæ & nocuæ ante *Volfium* agnovērunt etiam *Epicurei*, & idem ac *Volfius* de utraque sentire. Quis, ait *Torquatus* *Epicureus* apud *Ciceronem* lib. 1. de fin. cum jure reprehenderis, qui in ea voluptate velit esse, quam nihil molestia consequatur... Eor. accusamus, & iusto odio dignissimos ducimus qui blanditiis præsentium voluptatum delinunt, atque corpepti, quos dolores, quas molestias excepturi sunt, occaecati cupiditate non provident. Quin ulterius progrediuntur, & fortasse magis caute, quam *Volfius* rem hanc definiunt. Unde simili sunt in culpa (pergit *Torquatus*), qui officia di-

serunt malitia animi, id est laborum, & dolorum fuga. Et harum quidem rerum facilis est, & expedita distinctio. Nam libero tempore quum soluta nobis est eligendi optio, quumque nihil impediat, quoque id, quod maxime placeat, facere possimus; omnis voluptas assumenda est, omnis dolor repellendus. Temporibus autem quibusdam aut infirmitatibus, aut rebus necessitatibus sæpe eveniunt, ut voluptates repudiandæ sint, & molestia non recusandæ, inique bonum verum hic tenetur a sapiente delectus, aut ut rejiciendis voluptatibus majores alias consequatur, aut perferendis doloribus æquiores regelas.

pias (a) vero transitoria, si innocua fuerit, vera equipollet; voluptas transitoria, si fuerit innocua, felicitatem augeat. Nonne si Epicurus ipse revivisceret, Philosophum hunc suspiceret velut genuinum discipulum suum, immo fautorem, singulareque patronum? Quinam vero pudor est, Christianum Philosophum ea ratione philosophari, quam dedecori sibi ducerent vel ipsi cordatiores Gentiles? Pergamus tamen; & propositiones, quas *Volfius* ex sua felicitatis idea ad *Epicureorum* plane gustum deducit, in medium proferamus.

Operam dare tenemur (ait. §. 451.), ut omnem molestiam, quantumlibet exiguam evitemus. Demonstrationem addit: Operam homo dare tenetur, ut eum consequatur statum in quo voluptas vera perdurat: consequenter quum tedium sive molestia voluptati contrarietur (qua de re, si quis dubitet; est enim aliunde satis capto difficilis, eum remittit ad §. 511. §. 518. *Pfyc. empir.*) oportet ut liberum possideat ab omni molestia animi. Necessse igitur est, operam dari, ut omnem molestiam quantumvis exiguam, evitet. Audistis delicatæ mulieres? Jam non amplius vobis vitio vertetur, si omne postmodum vel levissimum incommodum fugere satagatis. At ne indignemini quoque, si & viri vestri ita se gerant; quandoquidem novus iste humani generis *Doflor* id tanquam naturæ legem præscribit: ac ære sane ferre non debetis, si & ipsi felices esse velint. At vero felicitas (monet vos *Volfius*, si id ignoratis) omnem excludit molestiam (hoc demonstrat ille §. 636. *Pfyc. empir.*) Quicquid homini tedium aliquid, sive molestia quidpiam creant, id ad infelicitatem ejus quid-

piam confert. Si hoc vobis arduum videtur, consulite §. 639. *Pfyc. empir.*, quo vos amandat *Volfius* ipse. Ceterum grata quoque vobis erit sequens ejas propositio §. 466. Homo obligatur ad vitam commode transigendam; quæ propositio sponte fluit ex præcedente: quemadmodum & istæ, quam habet §. 469. *Ædes commode sunt extruendæ.* Sequens vero placebit omnibus, præsertim Juvenibus: Homo obligatur ad vitam jucunde transigendam. Vis ne plura? Timeat solertissimus iste Philosophus, ne contra obligationem commode, jucundeque vivendi agamus (in nota ad §. 474.) tunc etiam, cum eidem satifacere intendimus: eapropter necessarium ducit duas propositiones addere, ut pateat quousque se extendat obligatio vitam commode (jucundeque) transigendi. Ait itaque §. 474. Vitæ commoditas in potestate nostra non est, nisi quatenus facultatem virium ac rerum nostrarum usu, aliorumque ope ac auxilio efficere possumus, ut quod nobis agendum, absque molestia peragatur. Addit vero, in eo casu, quo commoditas & jucunditas vitæ non est in nostra potestate, nullam esse obligationem commode jucundeque vivendi. Quoniam enim nemo obligatur ad id, quod impossibile est (juxta §. 209. *Philos. pract. univers.*) vesanum esset, obligationem eo usque extendere. Necessaria plane admonitio, admonitionisque magis adhuc necessaria demonstratio! Quid vero eo in casu agendum est, ne contra naturæ legem aliquid peccemus? Præbto est *Volfii* consilium. Curandum est, subdit, ne molestia nobis accidant ea, quæ talia rebus haberentur, si quidem ea unde oritur molestia, evitare in potestate nostra positum fuisset. Videas, studiosse Lector, quam

(a) Ita idem *Torquatus Epicureus* loc. cit. Constituanus, inquit, aliquem magnis multis, perpetuis fruentem & animo & corpore voluptatibus, quem tandem hoc statu aut præstabiliorum, aut magis expectandum, seu magis felicem possumus hoc dicere? Huc faciant verba, quæ paullo post habet: præcipuum est, omnes rectas res,

atque laudabiles (hoc est omnes virtutes) eo ferri, ut cum voluptate (seu feliciter) vivatur. Quoniam autem id est vel summum bonum, vel ultimum, vel extremum, quod græce εἰς αὐτὸν nominant) quod ipsum nullam ad aliam, ad id autem res referantur omnes; satendum est, summum esse bonum jucunde vivere.

quam accurate Philosophus iste five præceptis, five consiliis hominum felicitati prospiciat. Miraberis & juste quidem miraberis tantam in eo homine diligentiam atque solertiam. At ego citius stupore & admiratione capior, dum quid novo hinc *Mercurio Trismegisto* in mentem venerit, considero, ut hominibus in terrenam hanc felicitatem pronissimis, & ad vitæ hujus commoditatem, jucunditatemque, & ad corporis voluptates sua sponte currentibus, quin & ruentibus impetu depravata naturæ, adderet stimulos & calcaria. Stupor tamen & admirationi dolor & longe quidem major accedit, dum video, proponi hæc, commendarique juvenibus, qui ad notitiam juris aspirant, de quibus periculum maximum est, ut si antiqui Romani jurisconsulti plerique omnes *Stoici* erant, isti non jurisconsulti evadant, sed *Epiciurei*. Vix alius e *VVolfiano* juris naturæ opere expectari fructus potest: & si quis alius, minime certe, qui valeat cum tanta perniciæ juvenum comparari. Quam ob causam quicumque recte & vere sapiunt, solertissime curabant, ut hujusmodi opus perniciosissimum e manibus studiorum præsertim juvenum, excutiant. Qui enim fieri potest, ut si *VVolfanis* hisce naturæ legibus, atque principiis imbuantur, ad Evangelium, quod *Crucem*, mortificationem, lacrymas, sui abnegationem, & id generis alia indefinenter deprædicat, inculcatque, bono animo audiendum dispositi sint, atque parati? Sed multo magis ad Evangelicæ legis dogmata amplectenda forent imparati Gentiles, si forte mala in *VVolfianum* juris naturæ opus inciderent. Qua enim, quæso, ratione persuaderi unquam poterunt, veram esse eam legem, quæ cum lege naturæ a *VVolfso* excogitata, qua ad jucunditatem, commoditatem, voluptatemque adstringimur, recta fronte pugnare videatur? Optandum igitur foret, ne *Jus istud natura VVolfianum* hunc unquam aspexisset: eo vel maxime, quod præter errores, ac pernicio-
sa principia, nihil novi adferat & pe-

regini: totum enim impenditur vel in iis, quæ notissima sunt, proponendis; vel in iis, quæ sunt certissima ac suapte natura clarissima, prolixa molestissimaque sua methodo demonstrandis, si quid tamen ipsa demonstrat: qua dere nos alibi plus quam semel. Perperam igitur & inutiliter in eo pervolvendo tempus insumeret quispiam, quum ex tanto labore nec doctor fieret, nec de rebus antea notis evaderet certior.

At hic insurget fortasse ex hujus Philosophi admiratoribus aliquis, meque velut reum calumniæ condemnabit, propterea quod eam ipsi sententiam adscripserim, nempe virtutes nonnisi ancillas esse, atque ministras voluptatis, vel utilitatis. Quomodo enim id senserit *VVolfus*, inquit, qui (1) summum hominis bonum in ipsius perfectione, seu non impedito progressu ad majores continuo perfectiones posuit: qui (2) virtutes ob eandem bonitatem intrinsecam exercendas docuit. Qui (3) solius voluptatis gratia cibum, ac potum appetere licitum esse, negavit: qui deum virtutem ipsam sibi ipse præmium esse, definivit?

Verum si quis hisce momentis Philosophum hunc a sententia, quam illi adscribere non dubitavi, alienum esse, pntet se posse evincere, fallitur egregie. Etenim primo nihil ei tribuo, quod suis ipse verbis non expresserit. Deinde perfectionem hominis in complexione bonorum animi, corporis, & fortunæ reponit ipse; adeoque et si sui perfectionem Juris Naturalis, virtutumque unicum finem faciat, propriam semper utilitatem seu felicitatem finem constituit; immo & voluptatem ipsam ex perfectionis propriæ notitia exurgentem unicum statuit seipsum perficiendi obligationis fontem: quod quum ex pluribus locis pateat, tum ex sequentibus ejus verbis clarissimum est. Perpendendum est imprimis, quod absque voluptate prævisa, quæ perfectio propria parit, nulla concipi possit obligatio naturalis, quæ scilicet ex ipsa natura humana fuit. Omnia itaque quæ juris naturæ sunt,

§. 374.
p. 1. N.
Ph. præd.
univ.
§. 315.
ibid.
§. 412.
p. 1. N.
§. 315.
p. 1. N.
p. 2. univ.

§. 321.
p. 2. N.

ib. §. 372.
in Not.

sunt, ad voluptatem tandem dirigit *VVolfius* non minus, ac *Epicurus*: neque aliter res esse potest, quum, quemadmodum *Epicurus* summum bonum in voluptate constituebat, ita & *VVolfius* in voluptate, seu in statu, quo volutus perdurat, felicitatem, ut supra vidimus, ponat: perinde est enim quod attinet ad rei substantiam, sive summum bonum, sive felicitatem summam in voluptate statueris. Et quidem beatitudinem a felicitate distinguere *VVolfiana* subtilitas est, quæ ab aliis jure negligitur. Illud certum est *VVolfio*, perfectionem quantumvis magnam, seu qualemcumque bonorum animi, corporis, & fortunæ copiam non posse quampiam, nisi voluptate parta, felicem constituere. Quod si *Epicureum* non est, quid aliud *Epicureum* esse possit, ignoro. (a) Recta igitur in *VVolfium* sunt argumenta omnia, quæ adhibentur contra *Epicureos*, sive alios quoscumque, qui finem juris naturalis, ac *Ethices*, adeoque virtutum omnium, constituunt vel felicitatem, vel utilitatem, vel voluptatem: nam hæc unum idemque sunt, vel saltem in idem recidunt. Et quidem ex *VVolfii* mente virtutes expetendæ sunt, quia perfectionem inducunt, sive eorum, quæ sæpe diximus, bonorum copiam: perfectio expetenda est, quia constituit hominis felicitatem, quatenus parit voluptatem: superest ergo, ut sola voluptas propter se sit expetenda: quod sine dubio *Epicureum* est.

Quæ in objectione subduntur, reliqua iis tantum fucum facere possunt, qui *Wolffii* mentem sententiamque illis subiectam propositionibus perspectam non habeant. Virtutes quidem seu actiones legi naturali conformes ob intrinsecam earum bonitatem exercendas statuit. Sed quænam est hæc intrinseca bonitas? Anne decus ipsum virtutis? Minime gentium. Sola enim utilitas est, quam homini actiones ex se, suæque intrinseca ratione, seu quatenus

Tom. I.

actiones physicae sunt, conferunt, ad consequendam sui perfectionem, hoc est ad assequenda bona animi, corporis & fortunæ. Hæc *VVolfii* mens liquet ex sequente ejus propositione: *Si actiones ad perfectionem nostram statisque nostrum perficiant* (hoc est ex se adferant nobis bonum aliquid vel animi, vel corporis, vel fortunæ) *bonitatem intrinsecam habent*: hujusmodi vero actiones, quæ descriptam bonitatem intrinsecam habent paullo ante affirmaverat, per se appetibiles esse. At manifestum est, bonitatem hanc intrinsecam non esse nisi intrinsecam aptitudinem ad producendum aliquid bonum, adeoque non esse nisi intrinsecam utilitatem, & insitam rationem medii ad aliquid commodum: cujusmodi intrinseca bonitas est etiam in medicina ab bonum fanitatis relata; quæ tamen nonnisi utilitatis causa adhibetur, sumiturque. Et sane qua, quæso, de causa sobrietatem *VVolfius* naturæ lege præscriptam docet? Ob bonitatem ipsius intrinsecam, respondebis. At in quo sita est hæc bonitas intrinseca sobrietatis? In eonim quod ex se & suapte natura conferat ad sanitatem comparandam, conservandamque: eadem scilicet ratione, qua etiam peritus quisque medicus clienti suo sobrietatem præscribit præfatæ utilitatis gratia. Quænam pariter est juxta *VVolfium* intrinseca ebrietatis malitia? in eo scilicet sita est, quod ex se, & vi sua mentis corporisque salutem lædat: qua quidem ratione vel rusticus quisque novit, temperandum sibi esse ab immodica potatione. At si non alius in his proponitur finis, jam patet, eum non esse virtutis proprium, sed communem utilitatis, ut inferius data opera demonstrabitur. Fucum igitur facit *VVolfius*, dum virtutes, seu actiones legi naturæ conformes ob bonitatem intrinsecam exercendas affirmat. Sed quid opus est multis? Proferre enim hic pos-

G

su-

(a) Effugium quod hic parari posset ex distinctione felicitatis *objectiva*, &

formalis, infra a nobis præclufum invenies.

q. 109.
p. 1 rhyt.
Præd. Q.
aliter.

l. 99.

§. 173.
Phil. 1.

sumus rationem ipsam, qua injure naturæ demonstrare aggreditur, bonitatem obligari ad virtutem omnem colendam, & vitia omnia fugienda. Ratio illius hæc est: Acquirere enim tenetur habitus facultatis appetendi & averfendi utendi.

§. 174.

Sed hoc qua de causa? Quia bono voluntatem & voluntatem, appetitum etiam fenfitivum, & averfationem fenfitivam perficere debet; facultates autem animæ perficiuntur acquirendo habitus iis utendi. At cur facultates animæ perficiuntur hoc pacto? Quia ubi anima acquirit habitum facultatis utendi, premie efficiuntur actiones, quæ per essentiali & naturam ejus poffibiles funt. Hactenus nihil sane vides, nifi perfectionem earundem facultatum, adeoque folam utilitatem ex virtutum exercitio promanantem. Perge vero, & quære a Volfo.

§. 175.

Cur homo facultates animæ perficere tenetur? Respondet ille, quia voluntas, fi fuerit perfecta, nunquam appetit nifi bonum verum, & voluntas, fi perfecta fuerit, non averfatur unquam nifi malum verum. Atquid, inquires, intereft, voluntatem nonnifi bonum verum appetere? Plurimum juxta Volfium: neque hac de re dubitabis, fi ex ejus Psychol. Empir. didiceris, bonum verum effe quod nos, statumque nostrum revera perficit: perficit autem nos quidem bonis animi & corporis; bonis vero fortune statum nostrum: quid vero utilius, quam virtutum moralium exercitio comparaffe habitum hæc omnia vera bona appetendi? Inde enim fiet, ut omni ftudio ea nobis comparare fatigemur, ficque nos, statumque nostrum indefinenter perficiamus. In non impedito autem progressu ad majores continuo perfectiones fitum effe summum bonum nostrum: summum autem hominis bonum cum vera voluptate confianter conjungitur; qui enim perfellionis fuae fibi confcius eff, voluptate neceffario perfunditur. Cumque felicitas non aliud fit, quam ftatus, in quo voluptas vera (hoc eff quæ ex vero bono animi, corporis & fortune percipitur) perdurat; jam perficiuntur eff, nos virtutum exercitio ad felicitatem nostram

§. 176.

portingere. Quid igitur virtutibus utilius? At, inquires, utilitatem, voluptatemque ex hujusmodi actionibus manantem video: virtutis tamen decus in ipsis non agnofco. Optime quidem; nam fi id velis, a libi, & ex alio, quam in jure naturæ Volfiano, & ex Volfio quære debes: interim vero perfuafus fis oportet, nihil ex intrinfeca actionum bonitate Volfiana extundi poffe, quod illi ab Epicureifini labe eximendo purgandoque poffit infervire.

§. 177.

Gravioris in fpeciem ponderis eff tertia objectionis pars: nam fi voluptatis folius cauffa cibum, potumque appetere licere, negat (ut ipfum negare manifestum eff ex indicato paragrafo) profectio a fententia Epicureorum, qui voluptatem propter fe expetendam cenfebant, fatis longe recedere videtur. At illud hac in re animadvertendum primo eff, cum non dicere, voluptatis gratia cibum appetere non licere; fed folius voluptatis: adeoque non negat, ipsam etiam voluptatem, in cibo effe per fe appetibilem, fed non vult illius tantummodo habendam effe rationem: cui rei Epicureorum nemo refragatur; nam & ipfi fanitatis rationem habendam effe, agnofcunt. Volfius præterea nullibi voluptatem per fe appetendam inficiatur; fed eam tantummodo, quæ nocua fit: qua in re omnino contentientes habet Epicurei. Immo certum eff tertio, Volfium voluptatem per fe expetendam cenfuiiffe, quum felicitatem, quam omnes neceffario & per fe expetunt, in voluptatis permanentia conflituierit, ut conftat ex definitione felicitatis ab ipfo propofita. Quarto, non negat, falus voluptatis cauffa cibum appetere licere aliquando, fed femper; vel fi hoc negat, ratio, quam exhibet, id non evincit. Id fcilicet minime licere affert, eoquod nonnifi fanitatis confervanda gratia cibum ac potum appetere quis debet: ac nimia cibi, ac potus etiam falubris quantitas fanitati inimica eff. At Volfio probandum remanet, cibi quantitatem ad salutem confervandam neceffariam ita determinatæ effe menfuræ, ut quilibet velexcel.

§. 178. 1b.

Phil. 1. 1. N. 1. 107.

§. 179.

Phil. 1. 1. N. 1. 107.

§. 180. 1b.

Phil. 1. 1. N. 1. 107.

§. 181. 1b.

Phil. 1. 1. N. 1. 107.

Part. 2.
1. N.
1. 107.

sus, vel defectus nocuenti quidpiam
 sit allaturus. Contrarium experientia
 suocere videtur: saltem determinata &
 certa cibi mensura comperta omnino
 esse non potest. Frequentissime igitur
 in cibi quantitate capiendi, servata et-
 iam temperantia a *Volfio* præscripta,
 voluptati possumus insulgere; quin &
 debemus, si ad ipsius leges attendamus.
 Nam si curandum nobis est, ut volu-
 ptas nostra vera perdurat, & voluptas
 transitoria ex cibo potuque (adde, si
 placet, ex venere) percepta, modo
 nullum sit aliquando tædium paritura,
 aut molestiam, pro eo tempore *æqui-
 pollet vera*; jam profecto curemus o-
 portet, ut tamdiu comestationi vacem-
 us, quamdiu absque nocuenti discrimi-
 ne illi facere posse, nobis videtur:
 quin & debemus, exquisitissimos con-
 quirere cibos, & confectionis facilitæ,
 non tantum ne noceant sanitati, sed
 & ut frequentius comedere liceat: ac
 exaturato ventre, aliæ voluptates capi-
 endæ: & demum quo promptius fieri
 potest, ex una ad aliam migrandum;
 ut videlicet voluptas nostra vera, seu
 vera *æquipollens* quam diutissime duret,
 nostraque felicitas augeatur. Quis-
 nam potest inficias ire, ad vitam huius-
 modi *Epicuream* nos recta ducere
Volfiana principia? An non juxta *Volfi-
 anarum* legum præscripta vivebat vo-
 luptuosus ille *C. Thorius Balbus*, quem
 Tullius contra Epicureos diserens de-
 scribit? Is ita vivebat, ut nulla tam
 exquisita posset inveniri voluptas, qua
 non abundaret: erat, & cupidus vo-
 luptatum, & cujusvis generis ejus
 intelligens & copiosus... cupiditates

„ non Epicuri divisione finiebat, sed
 „ sua satietate. Habebat tamen ratio-
 „ nem valetudinis: utebatur his exer-
 „ citationibus, ut ad cœnam & esuriens
 „ & sitiens veniret: eo cibo utens, qui
 „ & suavissimus esset, & idem facili-
 „ mus ad concoquendum: vinum & ad
 „ voluptatem, & ne noceret: cetera ad-
 „ hibebat, quibus demtis negat se *E-
 „ picurus* intelligere, quid sit bona.
 „ Absent omnis dolor, qui si adesset,
 „ nec mollior ferret, & tamen medi-
 „ cis plusquam philosophis uteretur. Co-
 „ lor egregius, integra valetudo, sum-
 „ ma gratia: vita denique confecta vo-
 „ luptatum omnium (utique *Volfiano*
 „ sensu, innocuarum, adeoque veris *æ-
 „ quipollentium*) varietate. Hunc ve-
 „ ro sin omnino, magna saltem ex par-
 „ te, felicem suis inherens principii, *Volfi-
 „ us*, plaudentibus quidem *Epicureis*,
 „ ceteris vero Philosophis indignantibus,
 „ pronuntiabit; quod ad ejus condemna-
 „ tionem (a) satis est.

Quarta objectionis pars nihil *volfii*
 causum juvat. Quo enim ille sensu vir-
 tutem *finiunt* ipsi *premium* esse intelli-
 gat, ex iis, quæ ad secundam objectio-
 nis partem diximus, satis liquet. Ni-
 mirum, id ille non alio sensu intelli-
 git, quam quo apud nos est vulgi ser-
 mone tritum, sobrietatem esse simul vir-
 tutem & premium; ebrietatem esse cul-
 pam simul, & penam; ob effectus vi-
 delicet, quos naturaliter produciunt:
 nam sobrietas sanitatem vel ejus con-
 servationem parit; ebrietas morbos,
 mentisque alienationem. At vero in
 hoc non decus ipsum virtutis, sed uti-
 litatem spectari, perspicuum est. Hunc,

G 2 & non

(a) Tullius lib. cit. II. de Finibus, il-
 lud ut maxime absurdum objicit *Epicureis*,
 quod si esset in voluptate summum bonum,
 optabile esset, in voluptate maxima: (cu-
 jusmodi est venerea) nullo intervallo in-
 terjecto, dicit, nolleque versari.) *Wolfsi-
 ana* principia non solum hanc consecutio-
 nem admittunt; sed conficiunt etiam
 extare hujus rei, modo possibilis foret,
 naturalem obligationem: quandoquidem
 juxta illam ex naturæ Legē curandum

nobis est, ut voluptas nostra vera quam
 diutissime duret, & alias, voluptas transito-
 ria, si sit innoxia, veræ æquipollet.
 Quare cum Tullius ibidem subdat: Quis
 est autem dignus nomine hominis, qui unum
 diem totum velit esse in isto genere volupta-
 tis? *Volfius*, ut suis inherat princi-
 piis, asserere debet, hunc dignum vel ma-
 xime esse hominem, quippe qui naturæ
 legi exactius obtemperaret.

& non alium esse *VVolfii* sensum, ratio, quam asserit, dubitare non sinit. Ait enim, idcirco virtutem esse sibi in acti ipsi præmium, quia effici, ut eas eam actiones, quæ ad nostri, statuque nostri perfectionem tendunt, hoc est bonum aliquod vel animi, vel corporis, vel fortunæ nobis conferunt: adeoque virtus præmia quædam naturalia, quæ scilicet ex actionibus ipsis naturaliter fluunt, in nos confert: quæ est utilitas manifestæ. Hac ratione, subdit ipse in nota, intelligendum quod cecinit Poeta: ipsa quidem virtus sibi in pulcherrima merces. Mihi tamen videtur longe probabilius, Poetam, dum ait, pulcherrima merces, non utilitatem aliquam ex virtutis actionibus profluentem, sed ipsam virtutis pulchritudinem atque decorem pro ipsa propriaque virtutis mercede habuisse; quæ semper saniorum sententia Philosophorum fuit. Sed hac de re alibi. Mihi modo satis fuerit, *VVolfio* non aliud esse virtutis præmium præter intrinsecam, si ita loqui fas est, utilitatem ipsius: adeoque quæcunque objecta sunt, satis non esse ad ipsum ab ea quam diximus, accusatione purgandum: ex quo, si verum sit, plane consequitur ipsius systema non tantum falsum esse, sed etiam perniciosum. Vide in rem hanc alia lib. VII. hujus operis, ubi primum ejus juris naturalis principium expendimus, nec non lib. VIII. ubi ejusdem de Fine Juris naturalis sententiam proligamus, planumque facimus, intrinsecam virtutibus bonitatem inesse distinctam a quocunque effectu ex earundem actionibus profluente; propriam item pulchritudi-

nem habere virtutes, ob quam sint ipsæ propter se expetendæ.

Alia hic, ne longior sim, *VVolfiani* systematis vitia prætereo, quæ aliis fortasse in locis & detegentur opportunis, & commodius redarguentur. Unum tamen, alterumve adhuc hoc loco commemorare non inutile fuerit, ut rectum statuatur *VVolfiano* systemati pretium. Occurrit in primis ea, quam exhibet ipse, obligationis naturalis activæ idea; quæ vel sola jus naturale evertit, nos demonstrabimus Lib. X. cap. I. ubi examen ejus instituemus. Vitium *VVolfii* alterum illud censo, quod is est impie *Atheorum* dementiæ immunis fuerit, ut puto; adeo tamen in illos clementem sese, benignumque exhibuit, ut patrocinium aliquod illis impendere quodammodo videatur. Nam non tantum docet, *Atheos* posse naturæ legem propriis viribus implere; verum etiam ut omnibus philosophicis virtutibus ornatos eorum plures reipsa fuisse, aut esse potuisse, conficeret, philosophicas virtutes a pietate philosophica secernit; ac si pietas ipsa inter virtutes philosophicas recensenda non foret; vel possit quispiam & impius esse, & virtutibus ornatus philosophus; (a) quum qui Deum ignorat aut negat, non solum philosophi nomine sit plane indignus, sed, mea quidem sententia, neque homo appellari mereatur. At *VVolfius* in oratione de veterum Sinarum sapientia eos, tametsi *Atheos* fuisse, non dubitaret, sapientissimos, virtutibusque ac moribus honestissimos, & quidem gradus summo ornatos prædicat, ac velut qui naturæ viribus omni religione puris felicif-

simæ

(a) *Pietatem philosophicam* definit in *Philos. Pract. Par. 2. §. 339. Habitum conformandi actiones legi naturæ vi motivorum ob attributis divinis & providentiæ divini deservitorum quatenus lumine naturali innoverunt*. Virtutem vero philosophicam paragrapho præe. ait esse *Habitu conformandi actiones legi naturali ob intrinsecam naturam bonitatem vel malitiam*. Eadem facilitate potuisset *VVolfius* ardere virtutes philosophicas ad habitus moderandi af-

fectus iræ & concupiscentiæ, ut quis posset esse *philosophice virtuosus*, quanquam *impious*. Ceterum dum in definitione ait: ob intrinsecam naturam bonitatem, non intelligit bonitatem moralem, sed physicam & utilitatis, seu bonum aliquod ex ipsis fluens, ut patet ex superius dictis. Alias, si de bonitate morali intelligatur, etiam pietas erga Deum ob bonitatem ejus intrinsecam exercetur.

fine sint usi, mire commendat. Permagno etiam sibi honori ducit, philosophiam suam cum *Confuciana*, atque athea, optime convenire. Negat demum, *Atheismum* quidquam ad pravos

mores *per se* conferre; ac solum ejusdem *abusum* bonis moribus perniciosum esse, contendit. Hoc vero totum quid aliud demum est, quam Atheorum causam quodammodo perorare? (a)

Hic

(a) De patrocinio *Atheis* prælitato accerrime *VVolfium* accusat *Jochimus Langius in causa Dei adversus Atheismum*. Duplici capite hæc innititur accusatio. Primum est, quod trita argumenta, quæ de Dei existentia solide demonstratur, velut invalida rejiciat, immo refellere aggrediatur; & unicum, quod ipse proponit, quamvis fortasse imbecillius ceteris, efficax esse contendit. Alterum ex eo petit, quod *Atheismum per se bonis moribus & Reipublicæ innoxium*, solumque *abusum* ejus noxium esse sustineat. Quoad primum atinet caput, id minime dissimulabo, mihi semper auctores illos vehementer displicuisse, qui in quæstionibus summi momenti, (ut est certe quæstio de Dei existentia) consuetam communique consensu probata, pro veritate argumenta temere rejiciunt, improbantque; ut argumentum aliquod, quod vel excogitarunt ipsi, vel ex aliis delumtum exornarunt, unice valere persuadeant: siquidem hac ratione seu prudentes, seu imprudentes veritatem ipsam in discrimen adducunt. *Seu imprudentes*, inquam, seu prudentes; nam compertum est, sæpe improbos homines illuc arte ista collineare, ut quas oderunt, veritates, quasque alias aperte impugnare non audent, sub specie certioris defensionis enervent, ac incertas esse demonstrent: norunt enim id, quod ipsi proponunt, argumentum vel non esse efficax, vel non adeo perspicuum & clarum, ut omnibus, iis præsertim, qui consuetam argumenta infirmari ægre ferunt, probari debeant. Hinc qui ita se gerunt suspicionem de se creant, ac si contrario adhæreant errori, vel saltem patrocinium aliquod eidem impendere velint; nec quidem immerito, nisi aliunde recta ipsorum mens innotescat, aut nisi propositum ab eis argumentum adeo clarum sit ac perspicuum, ut dubitationem omnem a veritate, quæ in contentionem venit, removere valeat. Quo loco sit habendus *VVolfius*, ego quidem non definiam: sed prælitat, ejus mentem meliorem in par-

tem interpretari. Attamen quod plura, etque validissima pro Dei extantia argumenta rejicere, & infirmare aggressus sit, ut unico argumento suo exactissimæ demonstrationis honorem asserat, ego sane probare non possum: ut enim illud validissimum sit, & efficacissimum (absit enim, ut ego argumentum ullum, quod pro tanti momenti veritate pugnat, infirmare velim) certe illud non est, quo hucusque homines de Dei extantia persuasi sunt, & quo nunc quicquam, qui acri ingenio præditus non sit, ac in Metaphysicis rebus plane versatus, convinci possit, atque omnimode persuaderi. Si igitur de patrocinio hac ratione, data opera, *Atheis* impensio *VVolfius* revinci non videatur, certe imprudentiæ, modicæque cautelæ condemnandum eum censeo, eo quod ad aliorum potius enervanda, quam confirmanda pro Dei extantia argumenta animi adjecerit; adeoque optimæ, gravissimæque causæ præjudicium inferre veritus non sit. Sed & *Langium* ipsum reprehendendum existimo, qui dum *VVolfianam* demonstrationem *rodinus* seu *illegitimam demonstrationem* redarguit, *Atheos* ad triumphum sibi arrogandum animosiores reddit. Quid enim pronius, quam ut hi sic occinant: *Per VVolfium invalida sunt ad extantiam Dei adstruendam consuetæ argumenta, quæ Langius arguit: Per Langium illegitima & nulla est VVolfiana demonstratio: igitur nulla est argumentum, quo Deus existere solide efficaciterque demonstratur*. En quo demum recidens hujusmodi rixæ. Interim dum ego ad aliud *Langiana* accusationis caput accedo, judicet Lector, num *VVolfius* sit *Atheismi* patronis ex hoc capite accensendus.

Si iustam accusationem renovere est patrocinari, profecto negari non potest, *VVolfium Atheismi* patrocinium quadatenus suscipere, dum illum *per se innoxium Reipublicæ*, & solum ejus *abusum* noxium moribus esse, si fides *Langii* declarat. Diserta sunt in rem hæc verba quæ *VVolfius* (referente eodem *Langio* lib.

Hic vero non fuit mira *VVolfii* clementia atque benignitas; sed in vitiosis etiam homines, ut *averos*, *voluptuosos*, & *ambitiosos*, sese effundit; ut pene fautorem eorum omnium dixeris.

Nam & docet, unumquemque ad voluntatem, opes, atque honores sectandos naturali adstringi lege; quo nihil desiderabilius esse potest id generis hominibus; & eam vitiorum illorum ideam præ-

lib. cit. Sect. I. mem. II. prop. V.) habet in *Politica* Germanice scripta: Jam demonstravi, inquit, (verba ejus Germanica latine reddo) solum *abusum Atheismi* ad pravam vivendi rationem ducere posse; nullo autem modo illum per se. Nunc si hæc verba presse sumantur, indicant, a *VVolfio* habitum bonum censei *Atheismum*, quum asserat, ejus tantummodo *abusum* esse causam mali? *Abusus* locum non habet nisi in rebus bonis: nec dicere solemus, quempiam abuti malis, sed uti ad mala vel majora vel minor. Sed illud minus ferendum in *VVolfio*, quod *Atheismum* cum *Religione Christiana* quoad *abusum*, ausit comparare. Quemadmodum *verimus* (inquit in *Naturali Germanica* §. 22. apud eundem loc. cit. mem. VI. §. XV.) etiam *Christiana Religio* vestitus ab iis, qui in ignorantia & errore circa bonum & malum versantur, ad fovenda delicta trahi. Quam indigna comparatio! At in operibus latine scriptis, ac præsertim in *Philosophia Practica* cautius de *Atheis* & *Atheismo* loquitur: quinimmo cum sese ab accusatione ista defendit, tum adversarios recriminatur, quasi ipsi potius *Atheis* patrocinentur. Ut æquus Lector hac de re judicare possit, aliqua ipsius verba hic referre placeat & expendere. Igitur in *Philosophia Practica* hanc statuit propositionem §. 254: *Lex naturalis subsistit etiam in hypothesis impossibili Athei*; hoc est, ex eo quod ponit *Atheus*, non dari Deum, minime sequitur, non dari legem naturæ. Verissima est hæc propositio, posita idea *Legis naturæ*, ut a *VVolfio* proponitur, in qua scilicet obligatio quidpiam agendi non aliunde sumitur, quam ex bono aliquo, quod ex actione fluat. Hoc sane posito, non valet consequentia (ut ait *VVolfius* ibid. in nota) si *Atheus* ita argumentetur. Non datur Deus, erga non datur lex naturæ, seu nulla datur obligatio ad actiones alias committendas, alias vero omittendas, nisi quæ a lege humana venit. Erit proculdubio, inquit ego, alia obligatio, eaque in sensu *VVolfii*, ac etiam *Epici*, legis naturalis: ex. gr. o-

bligatio edendi ad servandam vitam & sanitatem; abstinendi a crapula, ut evitentur valetudinis incommoda; non lædendi verbo contumelioso alterum, ne is iratus aliam impingat &c. Sed quam pulchra sit istæ lex naturæ, qui sapiunt, videriat. Quot enim iniquitates bona ejus venia, parari adhuc ab *Atheis* non poterunt? Nonne quotquot poenis, vel naturaliter connexis se vel arbitraria potestate impositis aut per se, aut per accidens immunes fore, crediderint? Scilicet *Atheus* unice a noxiis voluptatibus, si vel maxime sapiat, abstinbit: neque enim obligationem aliam agnoscere potest, quousque Deum jubentem, aut vetantem non agnoscat, aut saltem rationi morem gerere non eligat, cuius tamen regulam *Atheo* suo non proponit *VVolfius*, qui non negat utique dari *Atheis*, qui negent legem naturalem existentiam: sed negare id eos, ait, ex illo errore, quem communem habent cum Deum præstentibus; quod nulla detur obligatio naturalis ex ipsa hominum essentia atque natura manant, nec moraliter quidpiam sit bonum, nisi a superiore præcipiatur... nec nos obligari posse, nisi ejusdem voluntate: ex quo concludit, *Atheis* potius patrocinari eos, qui obligationem naturalem tollunt, nec hominem obligatum esse voluit, nisi Dei voluntate. Verum, qui Deum profitentur, profecto obligationem naturalem *VVolfiano* sensu intellectam non negant, neque negare possunt vel ipsi *Athei*: quis enim unquam negaverit, esse in natura congruum aliquod motivum se continendi ex. gr. ab ebrietate, ex qua tot profluunt incommoda: sed utique rident *VVolfium*, quod hujusmodi motivum nomine obligationis naturalis insigniat, & quod abinentiam ex illo motivo ab ebrietate moraliter bonam, ceu legi naturali conformem, appellet; & quod demum putet ejusmodi obligationis doctrinam quidpiam prodesse ad *Atheos* ab innumeris (ex quibus malum nullum sibi imminere potest) iniquitatibus absterrendos. Præterea, qui Deum profitentur, si sit cum *Atheo*, qui legit naturalis

præbet, quæ omnem turpem notam, infamiamque ab iis etiam hominibus, qui voluptatibus, opibus, honoribusque

impensissime sunt adhiſti, removere videatur (a) ac ſi timuiſſet, ne illorum quiſpiam huiſcemodi exterritus infamia,

extantiam in dubium vocat, diſceptandum, ſi ſi ſapiunt, ante de Dei exiſtentia tum convincere, aggrediuntur, quam cum eo in arena deſcendant, & in hoc plus apud eos valebit Authoritas Tuſſii licet gentilis, qui inde legum naturalium cauſam exordiendam eſſe decernit, quam VVolſii, qui iſto exordio opus non eſſe pronuntiat: (ibid. in cit. nota) Quod ſi Athei vel evidentiffimis argumentis manus dare recuſaverint, tunc aut eos ut immedicabiles, dimittent, vel urgebunt, ut ſaltem juxta præſcripta rationis, qua homines ſumus, vivendum ſibi eſſe ſciant: fieri enim poteſt, ut hoc pacto, qui melioris ſunt indolis, ſaltem a craſſioribus quibuſdam iniquitatibus contineantur. At non ideo ius naturale Atheis more VVolſiano accommodabunt unquam: quod exinde non Atheorum proſectum ſperandum, ſed aliorum damnum timendum eſſe, norunt. Alia, quæ VVolſius in ſui deſenſionem diſputat, tum quia eodem ſuntur principio, tum ne notam hanc longius protraham, hic prætereo. Satis hæc puto, ut Lector dijudicet, num ille Athei quodammodo patrocinatus dici poſſit. Ad me quod attinet, neminem injulte damnari volo.

(a) Corruptiſſimam eſſe moralem VVolſii doctrinam pluribus ex ipſius ſyſtemate Germanice ſcripto, demonſtrat Langius. Quom opus illud Germanicum penes me non ſit, exſcribere placet pauca ex iis, quæ habet Langius ipſe, (in cauſa Dei adv. Atheiſm. Tractat. II. Mem. VI. §. XIX.) verbis, quæ ille Germanice proſert, latine verſis. „Capite, inquit, quinto alterius partis exterritas divitias inter eas perfectiores recinſet, ad quæ vi legis naturæ omnibus viribus, omnique opera niti debemus: atque commendat ſub induſtriæ nomine veram avariciam, veluſ ſufficiam, debet, tumque, quod a nobis exigis lex natura pag. 444. En vero hic abſurdam avaritiæ, & avaritiæ, (ſeu moderationis) diſtinctionem §. 538. Avaritiæ eſt cupiditas plus habendi, quam neceſſitas & decencia poſſulet, & quam quis, juxta cir-

cumſtantiæ, in quibus eſt, ſibi comparare poteſt. E contra, Moderatio eſt cupiditas habendi quantum neceſſitas & decencia poſſulant, & quantum quis juxta circumſtantiæ, in quibus eſt, ſibi comparare poteſt. Hic avaritiæ (moderationem) cujus forma conſiſtit in quæſte, ſeu acquieſcentia in iis, quæ adſunt, reſpectu, ponit in motu ſeu cupiditate tantummodum habendi, ſeu acquirendi, quantum non ſolum neceſſitas, & decencia (at quam centum & ſpecioſum hoc vanitati & luxur monſtrum vulgo eſt!) requirunt; ſed quantum etiam circumſtantiæ alio modo ſecum ferunt, ſeu quantum cuilibet in acquirendi augendique ſtudio poſſibile eſt, & quantum nexus permittit. Quæ iſtus deſinitio avaritiæ eſt, quam nec avari ipſi ultra tendant, nec tendere poſſint; quis enim tenderet ultra id, quod poſſibile eſt? Ejuſmodi vero avaritiæ, quæ ultra poſſibilia, ſeu, ut ex hypotheſi Auguſti loquitur, ultra naturam, & ſaturnitatis, & eſt utopica, & ſi alibi eſt, tanta eſt infans, & ridicula. Eodem loco commemorat VVolſius honorem, & gloriam eas inter perfectiones, quas vi legis naturæ omnibus viribus ſibi procurare quiſque debet; & ita quidem, ut ad ſibi ſelicitatem conſtandam & ſimulationes, & propriæ, eſſi falſæ, & vanæ laudes, quibus pulvis, & fumus oculis aliorum obſcuretur, adhiberi poſſint ac debeant, pag. 450. Hinc inter alia hæc traduntur §. 594. Quando alii bonum, quod nobis ineſt, non cognoscunt, debemus nos eos hac de re inſtruere (o quam ſolus auctor noſter fuit in eo, ut auditores ſuos viva, & lectores ſcripta voce ſua de perfectionibus ſuis inſtrueret!) Et quoniam homines sæpe ex malevolentia nobis honorem, qui nobis convenit, denegant; debemus pro virili noſtra, eorum amicitiam nobis capta, ac procurare (en ſcopum amicitia non inveniſſe ſolum, ſed omnibus modis etiam captandæ!) item §. 597. Qui honorem cupit majorem, quam mereatur, vel juxta circumſtantiæ, in quibus eſt, aſſequi

po-

mia, minus inhiaret opibus atque honoribus, minusque voluptatibus indul-

geret. O præclarum sane eximiumque Moralis doctrinæ Auctorem! Ne plura.

potest, is est ambitiosus. Sic ambitio
tantum ponitur in ejusmodi vana gloria
auctupio, quod ad impossibilia exten-
ditur. Sic Laelius: quod tamen non est
undequeque verum; nam VVolffius etiam
eum ambitiosum dicit, qui plus honoris
appetit, quam mereatur. Sed cui facile
non videtur, sese tantundem & etiam
plus honoris mereri, quam consequi pos-

sit? Vix aliquis igitur hac regula ambi-
tiosum se credat. Fortasse etiam minus,
si pro norma sumat definitionem ambitio-
nis, quam VVolffius tradit in *Jure naturali*
Par. I. §. 570. Ambitio, ait, est insatiabilis
honoris cupiditas. Quis enim credat, se ho-
noris adeo cupidum, ut nullo quantumvis
magno, & multiplici honore satari possit?



DE PRINCIPIIS JURIS NATURÆ, ET GENTIUM LIBER II.

De idea Juris Naturæ.

Absoluta hujus Operis *protheoria*, ut modo ad jus quo de agimus, propius accedamus, varias multiplicesque illius definitiones, ac divisiones tradere aggredimur, ut & inde compertum fiat, quænam juris, tum generatim, tum maxime naturalis, idea celebrioribus insit auctoribus; & simul plura patefiant, quæ homini feriam navare operam huic studio cupienti ignorare minime licet. Hac vero occasione nonnullos etiam explodem errores, & inconsultam in his quoque quorundam temeritatem castigabimus. Si tui vero minutiora persequi in hoc capite videbimur, is cogitet, huc nos congerere voluisse id generis fere omnia, ne infrequentibus admixta capitibus horum vel magnitudini quodammodo officerent, vel claritati. Ne vero breviores effemus, in causa fuit studium depellendæ confusionis omnis, quam variorum, multiplicesque loquendi rationes adhibita ab Auctoribus de Jure naturali tractantibus, ingenerare tyronibus solent; ut experientia ipsa comperimus.

CAPUT I.

*Juris etymon, varique illius
significationes.*

UT consuetudini, quæ in disciplinis tradendis obtinuit, morem geramus, de Juris etymo pauca, & quidem ex aliorum potius, quam ex nostra sententia, præmittimus. Ulpianus itaque *jus* a *justitia* appellatum censet: quæ tamen *etymologia* minime probatur recentioribus plerisque, qui potius a *jure* *jussum*, & a *justo* *justitia*

Tom. I.

nomen derivatum arbitrantur. Hinc plurimi *jus* a *jubendo* deducunt, ut perinde sit *jus* ac *jussum*: nimirum, eodem plane modo ex *jussum* oriri *jus* putant, quemadmodum ex vetusto *offumfactum* dicitur *os*, postremarum scilicet abscissione litterarum. Addunt vero, dictum olim fuisse *jus jursi*, idque postmodum in *jus juris*, mutatum, ea ferme ratione, qua una ex præcipuis Romanæ Reipublicæ familiis dicta est *Papiria*, quæ antea, Cicerone teste, *Papisa* dicebatur. Huic favet opinioni Festus vetustissimus Grammaticus, apud quem unum idemque sonant *jusa*, *jura* & *jussa*. Hugo Grotius a Jovis nomine latinis *jus dictum esse probabile*, putat. Quam sententiam ceteris omnibus præfert Jo: Baptista Vico, ex eoque confirmare conatur, quod vetustissimis latinis *Jupiter* diceretur *Jous*, ex quo genitivus *Jovis* & *Jovis* casus nominabat: atque exinde horum nominum contractione *jus juris* ortum esse arbitrat. Si res ita se habet, augmentum plane est nomen istud, divinamque juris originem prodit. Atque hæc de juris nomine ejusque etymo dicta sint.

Jam vero, varias vocabuli *Juris* acceptiones exponamus oportet, ne qua in decursu operis confusio subrepat. Quum ex tamen plurimæ variorumque sint, nos ex omnibus quatuor duntaxat commemorabimus, quæ ad nostrum pertinent institutum. Prior est, quæ dicitur *pro lege*: altera *pro adjuncto persone*, ut vocat Grotius; seu *pro facultate quidpiam faciendi*, vel *habendi*: tertia *pro adjuncto actionis* juxta ejusdem phrasim; quo quidem sensu idem est *jus ac jussum*, aut *sicium*: quarta *pro scientia*

H

le.

legum, easque interpretandi applicandique arte, quæ vulgo *Jurisprudencia* appellatur. Acceptiones tamen illæ apud Auctores non omnes æque frequentes sunt ac tunc. Pro *legi* ac pro *facultate*, seu pro *adjuncto personæ* frequentior est; rarior vero pro *arte* vel *scientia*; rarissima pro *adjuncto actionis*, seu pro *bono* & *licito* &c. Sunt qui ceteras quaslibet respuentes pro *adjuncto tantummodo personæ*, seu pro *facultate*, id nominis usurpandum censent, ea ducti ratione, quod reliquis exprimendis peculiariter supponunt vocabula, nimirum *lex*, *jussum* vel *licitum*, *Jurisprudencia*. Atque hæc quidem dicendi ratio satis mihi probatur, quod ambiguitati e medio tollentur, claritate procurandæ paullo aptior videatur. At quadruplex commemorata juris acceptio aniam nobis suppeditat; eas omnes proponendi hoc in libro, explicandique definitiones ac divisiones, quæ instructum esse Tyronem oportet, priusquam ulterius in hujus lectione operis progrediatur.

CAPUT II.

Juris pro Lego sumpti definitiones, & divisiones. Jus concessivum seu permissivum a Barbeyrac & Burlemano quo perperam explicatur. Absurdum est legis a consilio discrimen, quod Hobbesius constituit; neque hunc satis corrigis Pusendorfus.

Juris vocabulum sæpe usurpari pro ipsa lege dictum superius est. Nunc itaque in primis naturam, & indolem legis exponere juvat. Porro *lex* generatim ab Angelico definitur: *regula & mensura actuum, secundum quam inducitur (seu obligatur) aliquis ad aliquid agendum, vel ab agendo retrahitur*. Quam definitionem amplectuntur non modo Scholastici omnes, sed etiam ex Protestantibus plures præstantioresque Scriptores. Ad eam quippe proximè accedit tum hæc Groti definitio: *lex est regula actuum moralium obligans ad id, quod rectum est*; tum hæc alia, quam

exhibet VVolfius in Philosophia prædicta universali: *est regula, juxta quam actiones nostras determinare obligamur*. At vero Thomasius inurbane Scholasticos carpiens ait: *mirè vero & ineptè (in lege generatim definienda) judant Scholastici*. Deinde modo quodam didactorio subdit: *nos ita definimus: lex est jussus imperantis obligans subiectos, ut secundum ipsum jussum actiones suas instituunt*. At Thomasius ineptè prorsus substituit *jussum* pro *regula*. Nam satis compertum est, non omnem imperantis jussionem habere rationem legis. Hæc enim permanens diuturnaque sit, oportet: jussus autem, seu jussum nullam per se exigit diuturnitatem. Insuper lex communitatem integram, bonumque commune respicit; non ita quodvis Imperantis jussum.

A Thomasiانا vix in aliquo differt legis definitio a Pusendorffo traditatum in majori opere *de jure naturæ*, & *Genium*, tum in minore *de officio hominis & civis*; sic enim illam definit: *lex est decretum, quo Superior sibi subiectum obligat, ut ad istius præscriptum actiones suas componat*. Qua in definitione Thomasius Superioris vocabulum in Imperantis mutandum censet. Nam præter Superioritatem imperii (inquit) datur & aliæ superioritatis ordinis, puta dignitatis, addo etiam beneficii, quibus *jus loci* non sum: quasi vero præcedens vox decretum, vel jussus satis minime indicaret, hoc loco Superioris nomine nonnisi Imperantem venire.

Martinus Hubnerus eandem Pusendorffianam Legis definitionem reprehendendam arbitrat, propterea quod nec promulgationis, neque legitime potestatis in ipsomet imperante existentis, neque sanctionis (seu comminationis pœnæ violatoribus infligendæ, promissionisque premii legem implentibus conferendi) mentionem faciat: quoniam, inquit, Lex priore conditione destituta non est nisi propositum, ut vulgo dicitur, in peiorior; altera vero si careat, aut ridicula est, aut tyrannica jussio; ac, si tertia desit, valde imperfecta est Lex, quippe omni ferme robore destituta. Hub-

per. Div.
lib. 2. cap.
§. 4. §. 1.

Lib. 1. c.
§. 4. §. 6.
Lib. 5. 10.

Essai sur
l'Histoire
du Droit
naturel
par. 2. 5-7.
pag. 230.

l. 1. Quest.
ac. 2. 1.

Lib. 1. c.
§. 1. §. 9.

neri hæc in *Pufendorfanam* Legis definitionem censura æque in aliorum, & fortasse omnium, qui ipsam præcessere, definitiones cadit: nemo enim, quem sciam, omnia illa in definitione Legis censuit exprimenda; quod vel solum ab ea ferenda censura doctum hunc hominem revocare debuisset. An neenim vidit ipse in tritissimæ rei definitione, quod viderit nemo? Equidem, quænam fuerit ea omnia describendi declarandique necessitas, nec ipse video. Nam ad promulgationem quod attinet, ea legem minime constituit, sed unice manifestat; ut subditi agnitam impleant, quam ignotam implere non possent. *Superioris* vero nomen, quum indefinite ponitur, nonnisi legitimum, qui unus verus est, superiorem significare valet: *Tyrannus* siquidem proprio vocabulo a vero superiore discernitur. Demum *sancitione*, sive promissione præmii, & comminatione pænarum subditi ad legem implendam aut alliciuntur, aut compelluntur; adeoque legi robur aliquod adjicitur, non ejus substantia confiat. Verum quamquam nulla mihi videtur necessitas omnia exprimendi in definitione legis quæ vult *Hubnerus*; tamen improbandum non cenfeo, si quis ad explicatiorem habendam definitionem, quæ scilicet non solum legis substantiam atque essentiam exprimat, sed etiam condiciones ad plenum ejusdem vigorem necessarias complectatur, eadem addicere voluerit, improbandum non puto; præsertim cum ipse Angelicus Præceptor hoc ipsum probare videatur. Nam posteaquam allata definitione satis legis substantiam exprexit; sequente art. 4. ejusdem questionis aliam proponit, quæ necessariam ad ejus vigorem promulgationem inseruit, ita inquires: *Lex nihil aliud est, quam quædam ordinatio rationis ad bonum commune ab eo qui curam communitatis habet promulgata.* Quam adhuc explicatiorem redde-re quis posset ex mente *Hubneri* addendo:

Lex vel promissione præmii, vel comminatione pæne roborata.

Barbeyracus etiam *Pufendorfanam* Legis definitionem ut non satis ampliam & accuratam suggillat. Quare hanc iudicio suo meliorem proponit: *Lex est decretum superioris quocunque modo sufficienter manifestatum: quo is subditorum aut omnes in universum, aut saltem aliquis generis actiones dirigit; ita ut ratione illarum aut necessitatem certo modo agendi, vel non agendi imponat; aut libertatem pro lubitu agendi, vel non agendi relinquat.* Cur posteriora verba adjicienda *Barbeyracus* existimavit, perspicuum fiet ex Legis divisione, ad quam tradendam accedimus.

Juris itaque pro lege accepti ea videtur mihi optima ac generalissima divisio, quæ ex parte Legislatoris in *divinum* & *humanum*; ex parte vero intimæ ejusdem proprietatis in *præceptivum* & *concessivum*, seu *permisivum* tribuitur. Singulis hisce divisionis partibus aliqua subjecta partitio est. *Divinum* namque jus aut *necessarium* est, aut *liberum*: *humanum* vero aliud *naturale* est, *positivum* aliud, seu *voluntarium*. *Præceptivum* pariter in *affirmativum* & *privativum*, quod aliud *negativum* appellant, tribui solet. Sed melius fortasse dixeris, illud dividi in *præceptivum proprium dictum*, & in *prohibitivum*; priore enim illo quidpiam ut fiat præcipitur, isto quidpiam fieri prohibetur. (a) *Jus divinum necessarium* est ipsum *jus naturale*; quod etiam *humanum* dici potest, eoquod in humana natura fundatur, & ab ea velut ab immediato fonte dimanat: at proprie est *jus divinum*, quia ejus auctor Deus est; hinc *jus naturale divinum* a quibusdam vocatur. *Jus divinum liberum* aliud est *legale*, aliud *evangelicum*. Minutiores alias divisiones prætereo. Ad *jus humanum positivum* quod spectat, illud ab aliquibus triplex statuitur, nimirum *Jus Gentium*, *Civile* & *Ecclesiasticum*: quæ tamen parti-

H 2

tio:

(a) Posset etiam brevius primo dividi ex parte *intime constitutionis* in *præceptivum*, *prohibitivum*, & *concessivum*.

In Not.
ad cit.
loc. *Pufendorfi*.

tio a pluribus improbat; alii namque *Jus Gentium naturalis juris* partem faciunt; alii *naturale inter, & civile* medium esse contendunt: qua de re suo loco disputabitur. Singula hæc Juris genera accurate definire & explicare ad præsens non attinet: pleraque etiam ex ipsa eorum nuncupatione satis innotescunt. Duo duntaxat nobis potissimum explicanda sunt, *jus naturale & Gentium*. At quum postremi hujus idea in controversia posita sit, hinc ejus definitio tunc tradenda nobis erit, quum quid sit, aut saltem quo a nobis sensu accipiat, constituemus. De *Jure* autem *naturali*, quod ad nos maxime spectat, peculiari opera inferius agemus.

Hic vero animadvertere præstat, divisionem *Juris* in *præceptum & concessum* licet vetustissimam; nam eam tradit *Modestinus* vetustus ac celebris *Jurisconsultus Romanus* (a) a quibusdam ex eo improbari, quod *concessio* seu *permissio* actionem nullam per se includere videatur: *Permissio*, ait *Grotius*, cui ad stipularem videtur *Thomasius*, quamvis nihilofecius eam partitionem amplectatur, *proprie non actio est legis, sed actionis negatio, nisi quatenus alium ab eo, cui permittitur, obligat, ne impedimentum ponat*. Similia habet *Tufendensis*. Verum *Barbeyracus* contendit, ipsam etiam *permissionem* præsertim in *naturalibus* (in quibus mere *negativa* *permissio*, aut *tolerantia* locum non habet) actionem esse *positivam* *sin expressam, scilicet tacitam* Legislatoris, qua moralem facultatem tribuit quidpiam legitime habendi, agendi, vel exigendi.

Etsi vero controversia illæ exigui plane momenti videri possit, eamque parum a questione nominis abesse; attamen quum *Barlemaquius* non obiter quidem sed data opera *Barbeyraci* sententiam defendendam suscepit, eique propterea quidpiam celebritatis addiderit; haud omnino abs re fuerit, si eam hoc loco paucis dirimamus. *Permissionem* itaque seu *concessionem* non esse veram lo-

gis actionem ex eo primo confici posse videtur, quod omnium sensu *obligatio* sit essentialis veræ legis proprietas: ac vero *concessio* sive *permissio* non obligat, nisi forte alium, ne alterius libertati obstat; ut recte animadvertit *Grotius*; quanquam & hæc ipsa obligatio, qualiscunque sit; non tam ex *permissione* quidpiam agendi, quam ex *injuriæ* cuiusquam inferendæ prohibitione oriatur. Deinde vero, si ponamus, Legislatorem ad qualemcunque actionem indifferenter se habere, videlicet neque eam præcipere, nec vetare; jam eo ipso intelligimus, *permissionem* adesse, seu liberum cuique esse operari, si velit; vel ab actu abstinere: cur igitur ad hoc positiva voluntate Legislatoris opus fuerit? Quin nec illud intelligitur, qua ratione, positiva hæc voluntas sit ei in *permissione* adscribenda. Vel enim actio illa, quæ dicitur *permissa*, spectat, aut confert ad finem Legislatoris, necne: si spectat, jam consensum est Legislatori, qui sapiens fuerit, eam aut præcipere, aut vetare: si secus vero, quum prudens Legislator nihil nisi ob præstitutum sibi finem statueret possit, nihil pariter de ea decernere credendus est. Quamobrem quæ exinde effluit, *permissio* nihil positivæ voluntatis Legislatoris includere, recte concipimus. Si ergo *strictè*, ut ajunt, & *rigorose* loquamur, divisio *Juris* in *præceptum*, & *concessum* sive *permissum* abiciens da est, & *permissio* non *actio legis*, sed *actionis negatio*, ut ait *Grotius*, existimanda.

Si vero quis dixerit, libertatem agendi, qua homo pollet, esse positivum Dei donum a positiva ejus voluntate collatum; adeoque, quum *permissio* nihil aliud esse videatur, quam ipsa agendi libertas, negari non posse, *permissionem* quidpiam positivum esse, ipsamque propterea permittentem legem esse pariter positivam. Respondemus, libertatem humanam esse quidem eximium Dei donum, sed tamen ut Con-

Cap. 2.
p. 12.
Lib. 1. c.
§ 5. 19.

Lib. 1. c.
VI. §. 15.
ibi not. ad
citra loc.

Princip.
du Droit
naturel
pars. 2.
cap. 2.

(a) *Legis est inquit, Digest. libro VII. præcipere, vetare, permittere, punire &c.*

ditor est, non ut legislator; nam legislatio libertatem invenit, non inferit. Distinguenda deinde est *physica* libertas a libertate *moralis*; illa rationalis naturæ essentialis proprietas est; adeoque ab ipsamet natura dimanat; estque propterea donum quidem Dei, sed a natura ipsa minime diversum. *Moralis* autem libertas in facultate (salvatamen semper actionis rectitudine) agendi & non agendi reposta, ex eo unoconfergere intelligitur, quod Legislator actionem aliquam, quæ nihil confluit ad suum finem, nec præceperit, nec vetuerit. Verum audiamus *Burlemaquium* sententiam *Barbeyraci* propugnantem.

Princ. du
droit Nat.
par R. C.
L. §. 6.

„Legislator, inquit, *nil nisi deliberare & sapienter decernit*. Si solum in aliquibus necessitatem certo modo agendi imponit, neque ulterius necessitatem istam extendit, id exinde est, quod fini sibi proposito congruere arbitrat, si certis in rebus libertatem pro lubitu agendi subditis suis relinquat. Idcirco silentium Legislatoris insert *permissionem positivam*, quantumvis tacitam, agendi quidquid nec vetat, nec præcipit“.

Responsio. Legislator non idcirco libertatem certis in rebus subditis suis relinquit, quod ea propositum sibi fini; sed quia actiones illæ subditorum voluntati relicte fini præstituto nec profunt, nec obfunt: quomobrem de illis nihil decernit, quod ad permissionem satis est.

„Qui certos limites statuit (subdit *Burlemaquius*) quos præterire non liceat, eo ipso significat, quousque ipse se progredi permittat, & assentiatur. Permissio igitur effectus legis est non minus quam obligatio“.

Responsio. Qui certos limites statuit quos præterire non liceat, eo ipso significat, actiones alias ad scopum finemque suum minime pertinere; adeoque quemadmodum ipsæ, ad finem indifferentes sunt, ita voluntas Legislatoris ad easdem indifferens est: atque adeo illius assensus, quo subditi iis in rebus pro lubitu agere permittuntur, non positiva voluntate consistit, sed mera nega-

tione, sive potius remotione dissensus; quæ equidem dici potest tacitus & moralis assensus, quatenus idipsum moraliter præstat quod positivus & expressus præstaret; non quia libertatem aliterat pro lubitu agendi (qui positivus esset effectus,) sed quia præexistente libertatem nec aufert, nec imminuit. Ex his vero cetera facile refutantur, quæ urget *Burlemaquius*.

„Quum homo, instat ille, pendeat a superiore Deo, cujus voluntas esse debet universalis regula ejusdem actionum; hincjussuodlibet, quo gaudet homo, innoxie & impune quidpiam agendi, nititur expressa vel tacita ipsius Superioris, vel legis permissione.“

Responsio. Ex eo quod homo pendeat a Deo tanquam a Superiore, id solum conficitur, exigendas illi esse actiones omnes ad normam, & regulam, quam Deus ipsi præstituerit. At vero Deus, & quilibet Superior in iis tantummodo normam præscribit, quæ ad finem sibi propositum quidpiam momenti habent; in reliquis nullam præscribit, sed plenam agendi, vel non agendi libertatem relinquit. Jus itaque pro lubitu agendi, quæ tunc homo potitur, proprie a naturali sua libertate profluit, quæ tamdiu integra manet, quamdiu Legislatoris præcepto vel interdictione non imminuitur, aut moraliter aufertur. Atque in hoc quidem permissione sita est.

Postremum *Burlemaquii* argumentum eo nititur, quod *permissio a lege alicui concessa, jusque ex ea confurgens ceteris obligationem imponat minime ei resistendi*. Hinc concludit: igitur obligatio & permissio naturaliter colligatae sunt, & hoc totum effectus est legis. Utique respondeo; sed non peculiaris effectus legis illius, qua alteri pro lubitu agere permittitur; sed alterius generalis, qua cuilibet inhibetur, ne alienum jus impediatur, aut lædatur: ut supra innuimus. Plura in hanc rem congerere operæ pretium non est.

Aldere potius pauca libet de *Legis a Consilio* discrimine, quod ab *Hobbesio*, quum

De civi
cap. XLV.
§. 1.

quem secutus est Pufendorſius, perpetuam assignatur. *Diffinitio* (ait Hobbesius) *inter conſilium ac legem deſumenda eſt a differentia inter conſilium ac mandatum. Nam conſilium eſt præceptum, in quo ratio quare paremus, ſumitur ab ipſa re, quæ præcipitur. Mandatum autem eſt præceptum, in quo parendi ratio ſumitur a voluntate præcipientis; proprie enim non dicitur, ſic volo, ſic juſſeo, niſi ſit pro ratione voluntas. Hinc legem ita ille deſinit: Mandatum ejus perſona (ſive hominis, ſive curiæ) cujus præceptum continet obediendi rationem. Congruit hæc Hobbeſii doctrina cum ejus de Imperii fundamento ſententia, quod eſſe ait potentiam irrefragibilem; (quem errorem nos ſuo loco rejiciemus) quemadmodum enim ibi legitimum imperium a tyrannico non ſecernit; ita hoc loco veram legem cum tyrannico mandato, ſeu potius cum violentia, ac coactione confundit. Tyrannicum ſane mandatum eſt illud, quod ratione deſtituitur, unaque nititur vi, ac potentia, quæ valeat Tyrannus alios ad obediendum compellere. Errat igitur enormiter Hobbeſius, dum generationem ex præmiſſis concludit: *Univerſaliter præcepta omnium potentium reſpectu eorum, qui non poſſunt reſiſtere, eorum leges dicende ſunt.* At dantur, ſi placeat, leges; ſed iniquæ illæ tamen, & tyrannicæ, adeoque ex verarum legum albo omnino expungende. Caſtiganda ergo ſunt & corrigenda, quæ hic Auctor ibidem ſubdit: *Differunt, inquit, muſtifieriam lex & conſilium. Lex enim ejus, qui poteſtatem (adde legitimam) habet in eos, quibus præcipitur; conſilium ejus, qui non habet. Facere id, quod leges præcipiunt, officii; quod conſilio, arbitrii eſt* (hic limitatione utendum; nam ſi conſilium de re fuerit neceſſaria aut utili, tum lex naturæ præcipit, ut conſilium danti pareamus). *Conſilium* (pergit Hobbeſius) *dirigitur ad finem ejus, cui præcipitur; lex autem ad finem ejus, qui præcipit. Abſurde plane eſt hæc doctrina, ſi hunc reddat ſenſum, finem legis minime eſſe utilitatem eorum, quibus imponitur**

lex; quum contra, certum ſit, probi Legislatoris officium eſſe, ſubditorum felicitatem ſuis legibus promovere: atque in hunc certe finem conſtituuntur Principes & Legisatores; ita ut qui propriam utilitatem legibus ſuis unice ſpectant, hi quod probi Principis eſt, minime gerunt, ſed quod Tyranni. Jam vero ſi finis legis ſubditorum utilitas ſit, illud quoque diſcrimen corrumpit, quod ſubjicit Hobbeſius, *Conſilium nempe non niſi volentibus dari, legem etiam nolentibus.* Patet ſiquidem non poſſe ſubditos recta ratione legem illam nolle, aut reſpuere, quæ eorum felicitati conſulitur. Et hinc qui recti & probi ſunt Imperantes, ſolent ea de re ſubditos præmonere, ut eos ad obediendum ſuaviter alliciant, non invicoſe compellant. Norunt enim ipſi ſeſe ſubditis ratione utentibus imperare: eapropter non mera quidem auctoritate, ſed etiam, immo maxime, ratione eos ſitagunt permoveere. Illud tamen verum eſt, haud debere ſubditos in cauſas, ob quas feruntur leges, curioſius inquirere; ſed potius conſidere, æquam & juſtam Imperantibus ſubeſſe legem ferendæ cauſam, tametiſi minus forſitæ appareat. Et hoc quidem ſenſu probari utrunque poteſt quod ait Hobbeſius, *rationem parendi legi ſumi a voluntate* (quæ creditur recta) *præcipientis.* At vero in hoc minime diſcriminatur conſilium a lege: neque enim ſemper redditur conſilii quod datur, ratio; ſed quandoque, etſi minime pateat, præſto tamen eam eſſe conſilium danti, non dubitatur. Hæc plane ratione pharmaca a Medicis præſcripta plerumque ſumunt ægroti, licet quæ ipſis inſit ſanandi virtus, proſuſ ignorent: ſcilicet Medicorum peritiæ, bonæque eorum voluntati & æquitati unice acquieſcunt.

Pufendorſius in assignando legis a conſilio diſcrimine, Hobbeſii veſtigia proxime premit, quanquam nonnihil pro more ſuo ejus doctrinam emollire non omittit. Fatetur ille primo, *legem ſuis non debere carere rationibus; ſubdit tamen, eas non propriæ eſſe cauſam, quare imperanti obſequium præſtetur, ſed*

De J. N.
& G. III.
I. cap.
VL §. 1.

hanc

hanc esse *potestatem præcipientis*. Immo, inquit ego, rationes *proprie causæ sunt*, cur subditi lubenti bonoque animo sese imperanti subiciat; nanque potestas imperantis, si pro facultate cogendi sumatur, prout a *Pufendorffio* sumi videtur, a rationibus omnino se-juncta, causæ esse non potest, nisi ut quis invitatus, repugnanteque animo pareat. Non etiam satis proprie loquitur *Pufendorffius* dum pronunciat, *leges suis non debere carere rationibus*; hoc enim loquendi modo se in ea esse sententia indicat, rationes non proprie & per se, ut ajunt, ad legem pertinere; sed solummodo, ut quid *additum*; quum tamen rationes ita integrent legem, ut mandatum ratione omni prorsus destitutum, etiam si a legitimo Imperante latum, *coactio* censenda sit potius quam lex. Verum in legitimo Principe rationes, ut dictum est, præsumendæ sunt potius, quam audacius intelligendæ. Ceterum illud est certissimum, Superiorem, dum quidpiam sine justa ratione decernit & jubet, autoritate abuti sua; nec ut verum tunc sese gerere Superiorem: multoque magis, si iniquum aliquid, vel injustum præcipiat: quin tunc subditi, dummodo mandati injustitia evidens & certa sit, obtemperare non debent, nec innoxie valent. Pergit vero *Pufendorffius Hobbesium* suum hac de re loquentem emolli-re: quum enim *Hobbesius* absolute protulisset, in consilio rationem parandi sumi ab ipsa re, quæ præcipitur, in lege autem accipi a voluntate præcipientis, *Pufendorffius* ait, legibus obediri non principaliter propter rem ipsam, sed propter voluntatem præcipientis. At si ratio, ob quam lata lex est, sit, ut esse debet, communis subditorum felicitas, non video, cur non æque, si etiam principaliter, sit propter rem ipsam obtemperandum. Scilicet quavis lege illud duntaxat recte præcipitur, quod subditi, nullo etiam accedente præcepto, præstare deberent, eo quod res ipsa præscripta in ipsorum cedat utilitatem ac commodum. Quod quidem quum verum sit in legibus ipsis

positivis, modo ad rationis præscriptum fuerint latæ; longe tamen verius est in legibus naturæ, quibus nihil præcipitur, nisi quod in propriam cujusque, vel in publicam vergat felicitatem. Sic temperantiæ præcepto principaliter etiam propter rem ipsam, nimirum ob eximios hujus virtutis fructus parere debemus: quanquam neque negandum, perfectius agi, si eæ leges impleantur præcipue ob eam rationem, quod ab Auctore naturæ, ceu ab infinitæ dignitatis Legislatore fuerunt præscriptæ.

Quod demum *Hobbesius* ait, *Consilium dirigi ad finem ejus, cui præcipitur, Legem autem ad finem ejus, qui præcipit*, ita corrigit *Pufendorffius*, ut admittat, legem quoque *sæpe habere finem tendentem ad eos, quibus præcipitur*. Verum dum dicit *sæpe*, satis jam indicat, finem legis æquo modo esse posse privatum Legislatoris commodum, quod est falsissimum: nam finis legitimus cujuscumque Legis nonnisi publica felicitas est; ob id enim Imperantes constituuntur, ut communi subditorum, non privatæ suæ utilitati prospectum velint. Eapropter si imperans quispiam legem aliquam ferat, ut unice privatæ suæ utilitati consulat, hoc ipso & auctoritate abutitur sua, & ad tyrannidem quadatenus accidit. Verum hac de re ne plura. Clarior vero est differentia *Legis a pædo*, & a *Jure*, si hæc pro libertate agendi sumatur, quam ut in ejus explicatione tempus teramus.

CAPUT III.

Definitiones, ac divisiones Juris summi pro attributo persone.

JUS acceptum pro attributo persone defini communitur solet: *potestas legitima ad rem aliquam obtinendam, vel ad aliquam junctionem, vel quasi junctionem, cujus violatio constituit injuriam*. Ab aliis eodem in sensu definitur: *facultas legitima* (hoc est *legi consentanea*; alioquin non juris, sed injuriæ rationem haberet) *utendi, ac fruendi*.

fruendi re aliqua, aut certe obfistendi, ne qua actio ab alio fiat. Grotius vero *jus* ita definit: *est qualitas moralis personæ competens ad aliquid iuste habendum vel agendum.* Hanc Grotii definitionem ampliat Thomafius certis, ut ait ille, *de causis*, quas tamen non explicat; sed solum verba aliqua adjungit. En vero absolutissimam juris definitionem a Thomasio traditam: *Jus pro attributo personæ sumtum est qualitas moralis activa ex concessione superioris personæ competens ad aliquid ab altero domine, cum quo in societate vivit, iuste habendum vel agendum.* Si mancā imperfectamque Grotii definitionem certis *de causis* Thomafius existimat; ego definitionem istius certis *de causis* (quas utpote per se manifestas, opus non est ut exponam) verbosiorē arbitror & redundantem. Sed ut ad Grotianam definitionem revertar, utitur Grotius *qualitatis* vocabulo, ut unica definitione comprehendat nedum facultatem perfectam (quæ proprie facultas vocatur) sed etiam imperfectam, quam ipse *aptitudinem* vocat, sed alii fortasse rectius *dignitatem*, vel *meritum*, Greci autem *ἐξουσιαν* *dignitatem*. Quod a Jurisconsultis *facultas*, ab aliis *jus strictum*, vel etiam absolute *jus* dicitur: nam *juris* vocabulum frequentius pro hac facultate, quam pro lege usurpatur, ut & alibi dictum est.

Facultas isthæc sub sese continet tantum species, *Libertatem* tum in se, tum in alios, ut *Patriam*, *dominiam* &c. *Dominium* tam plenum, quam *semiplenum*, cujusmodi sunt *ususfructus*, *jus pignoris* &c. *Creditum*, cui *debitum* respondet; *jus puniendi*, cui respondet *obligatio ad poenam*. Partitur quoque hæc facultas in *vulgarem* & *eminentem*. Illam particularium personarum est, particularemque respicit usum: hæc convenit Communitati seu Reipublicæ, eique, qui rempublicam administrat, versaturque circa ipsius Reipublicæ partes, sive subiectos, eorumque res boni communis causa. Id generis est *potestas Regia*, cui *patria* & *dominia* potestas subijcitur. Expropter majus est

Regis, quam agitur de bono communi, in singulorum bona dominium, quam ipsorummet peculiarium dominorum. Hinc debitor quisque quoad usus communes, magis obligatur Reipublicæ, quam creditori suo. Hæc sermo Grotius.

Jus, quod *facultatem* appellat Grotius, *jus perfectum* vocant plerique: quam vero ille *aptitudinem* nominat, *jus imperfectum* dicunt. *Perfectum* *jus* vulgo definitur id, cui, ut *satisfaciat*, *cogi potest alter*: hinc etiam *jus cogens* ab aliquibus nuncupatur. *Imperfectum* vero dicitur illud, quod *jus ad eactionem* non continet. In *jure Civili* solius *juris perfecti* habetur ratio, quod & simpliciter *jus* appellatur. Quin etiam minime desunt, qui hujusmodi in *perfectum*, & *imperfectum* *juris* divisionem e medio penitus auferendam existiment: involvit enim *contradictionem*, inquit *Jo. Laurentius, Fleischerus*, *jus habere, & eo tamen non posse uti*; *jus adesse, sed sine obligatione*; *obligatum esse, & cogi tamen non posse*. Sed hæc mera *logomachia* est. Quid enim prohibet, aut quid obstat, eam qualemcunque exigentiam, quæ alias *aptitudinis*, *dignitatis*, *meriti*, vel etiam *convenientiæ*, aut *decentiæ* vocabulo indigitatur, *imperfecti* *juris* nomine appellare; præsertim quum id saltem *juris* illa obtineat, ut nemo absque injuria rei, ad quam *jus* istiusmodi est, *assercutionem* valeat impedire? *Fleischeriana* vero contradictiones vel ipsa *imperfecti* *juris* idea evanescunt. Possent hic aliæ adnecti *juris* huiusmodi divisiones; sed eas Lib. VI., qui de *jure naturali* futurus est, commodius trademus.

Jurisprud.
div. lib. 1.
Cap. 1.
§. 11.

Insti. Jur.
Nec lib. 1.
cap. 1.
§. 33.

CAPUT IV.

Juris accepti pro adjuncto actionis definitiones, & divisiones. Immerito gloriatur Thomafius, se omnium primum tradidisse discrimen Justitiae, honesti, & decori: imo veram decori ideam neque tradidit unquam, neque habuit. Justitiae definitio, & partitio traditur. Pusendorfii haec de re errata emendantur.

Lib. I. c.
I. §. 1.

Jus pro adjuncto actionis sumtum significat (inquit Grotius) illud, quod justum est. Quocirca cum primum suum de iure Belli tractatum inscripserit, perinde significat, & intelligi vult, sine aliquod bellum justum, & quid in illo justum sit. Monet autem hoc vocabulum justum accipiendum hic esse magis in sensu negante, quam agente, ita ut jus sit illud, quod injustum non est. Sed ipse addiderim, justum hoc loco non accipi stricte pro eo, quod pertinet ad virtutem justitiae, sed in sensu latiore, nimirum pro eo, quod nulli omnino legi contrarium est; adeo ut hoc loco idem sit jus, ac illud, quod ex quacunque lege debitum est; vel (si sumatur in sensu negante), id quod nulla lege prohibetur; uno verbo, quod licitum est. Nam quemadmodum jus acceptum pro lege legem omnem completur; ita sumtum pro actionis adjuncto congrue usurpatur pro eo omni, quod legitimum est, nullique legi contrarium; adeoque quod culpa vacat, & jure reprehendi non potest.

Jus hoc modo sumtum dividi potest in justum, honestum, atque decorum. Quae partitio celebris est apud recentiores juris naturae scriptores, praesertim postea quam Thomafius eam sibi tribuit laudem, se primum omnium distinctionem justitiae ab honesto, & decoro agnovisse, & explicasse, cum Doctores scholastici (ait ille) fere unanimiter justum, & honestum confunderint, sed decoro vero plane non cogitaverint. Sed injusta plane censura, & criminatio haec est. Nam adeo certum exploratumque esse debet,

Tom. I.

scholasticos quosque doctores alterum ab altero distinxisse, videlicet justum ab honesto, sicut certum & exploratum est, eos habuisse justitiam ut peculiaris virtutem a ceteris, quae circa honestum versantur, omnino distinctam. De eo autem, quod decorum dicitur, satis egerunt quicumque Ethicam tradidere, sin expresse sub hac voce decori, saltem quoad rem ipsam agentes de virtutibus illis, quibus decorum omne (teste Cicerone, continetur, nimirum de constantia, moderatione, temperantia, & verecundia. Sed quod majus est, doctores scholastici in suis operibus decori leges accurate servarunt; secus ac Thomafius, qui eas haud raro transgreditur, cum de Catholicis, aut scholasticis mentionem facit. Sed quod quidem tantopere jactat, se primum omnium discrimen inter honestum, decorum, & justum explicuisse, id pacis expentere libet. Honestum, inquit, dirigit actiones insipientium internas. Decorum externas, ut aliorum benevolentiam acquirant. Justum externas, ne pacem turbent, & ut turbatam restituant. Haec propositiones pro totidem definitionibus habet Thomafii interpretes Fleischerus, ut constat ex marginalibus notis. Eas porro ille ita proponit: intelligimus sub regulis honesti illa praecepta moralia, quae docentur in Ethica, id est ea, quae nihil aliud intendunt, quam felicitatem hominis internam &c. Decorum nihil aliud comprehendit, quam qualitatem moralem actionum humanarum, qua homo intendit amicos sibi parare. Justum involvit illa officia, quibus homo intendit, sibi non facere inimicos. Scilicet quum juxta Thomafianam principia jus naturae nihil aliud sit, quam ars feliciter, id est incundo suaviterque vivendi, ut supra monuimus; ad hoc autem necessaria sunt tria; primum nempe pax interna, quae ex sedatio passionum tumultu confurgit, secundo pax externa, quae nulla aliis hominibus irrogata injuria obtinetur; demum illorum, quibuscumque vivimus, benevolentia, ut quotidianae nostrae indigentiae prospiciant, primum nobis suppeditat honestum, sive potius honestas; alterum

De Off.
lib. I.
n. 18.

Op. cit.
lib. I.
cap. IV.

Int. Jus.
lib. I.
cap. VI.
§. 71.

Fund. Jur.
nat. & po.
la cap.
procap.
§. XII.

I tri-

tribuit *justum*, seu *justitia*; tertium præstat *decorum*, seu *decetia*. Sic itaque *Thomasius honesto*, *justo* ac *decoro* suas veluti provincias distribuit, invicemque jampridem circa hæc omnia a scholasticis confusionem a se primo tandem sublatam e medio, gloriatur.

At ego facile *Thomasio* concesserim, ipsum omnium primum extitisse, qui hujusmodi ideam *Honesto*, *Justo*, ac *decoro* affinxerit, quique primocommemoratum differentiam tradiderit; nego tamen ac pernego, veram eorum ideam exhibuisse, veramque inter hæc tria distinctionem adinvenisse: quod hoc modo ex ipsiusmet verbis evinco. Gloriatur ipse, sese primo hanc distinctionem protulisse, adeoque & earum rerum ideam, unde fuit ipsa distinctio: veterum ergo nemo talem iis vocibus subesse ideam existimavit. At, subsumo, quæ vocibus subit idea, nonnisi ex veteribus, qui eam affinxere, scire valemus: idea ergo *honesti*, *justi*, atque *decori*, eorumque inter se differentia a *Thomasio* inventa non est vera, sed pro arbitrio & gratis omnino ab eo conficta; quandoquidem nec ulla auctoritate ab eo fulcitur, nec confirmatur ratione ulla, neque ex ipsa notione vocis elicitur; sed unice asseritur & enunciatur. Veniam, puto, dabit humanissimus Philosophus, si ipsi nos minime talem tantamque attribuamus auctoritatem, ut subiectionem vetustis vocibus sensum mutare valeat, novæque ideas constituere. Quatenus potestate etiam si donatus esset, non idcirco gloriari posset, sese veram detexisse *honesti* a *justo* & *decoro* distinctionem, sed novam proprio Marte procedisse. Interim vero nos, qui neque veteris detegendæ aciem, nec facultatem novæ cudendæ in eo agnoscimus, hoc ipsius commen-

tum abiicimus; & eo quidem vel maxime, quod *justo* & *honesto* non alium quam utilitatis finem, pacem videlicet externam, internamque ipse præstituit; *decoro* autem eum tribuat scopum, quo collineant etiam abjectorum hominum famulatus, immo & pravæ adulatorum, hypocritarumque artes, atque improbi ambitionum conatus; ad captandam videlicet benevolentiam aliorum (us nostræ quotidiane subveniant indigentie) aliorumque laudes sibi comparandas (a). Itaque dimissa *Thomasii* doctrina, triplicis huius attributi, videlicet *decori*, *honesti*, & *justi* notionem ex melioribus magistris exhibeamus. (b)

Iustum vel *positivum* sumitur, vel *negative*, pro eo videlicet quod non est *iniustum*. Primo modo acceptum definitur potest id, quo alterius juri satisficit, vel quidquid sit juxta *jus alterius*: sumtum vero *negative* id, quo nullius *jus læditur*, aut *violatur*; nam e contrario *iniustum* est id, quo læditur alterius juri, seu quidquid est contra *jus alterius* (c). Quemadmodum vero *jus alterius* vel *perfectum* est, vel *imperfectum*; ita quoque *justum* aliud dicitur *proprie* atque *perfecte* *justum*, quod etiam *justum* absolute vocatur, & est id, quod fit secundum *jus perfectum* alterius: aliud est *justum* minus *proprie* & *imperfecte*, peculiarique vocabulo appellatur *æquum*; id nimirum, quod est secundum *imperfectum* alterius *jus*, cujus oppositum dicitur *iniquum*.

Honestum vel ample sumitur juxta integram hujus vocabuli significationem: atque definitur sic potest, id, quod *legi naturæ convenienter* sit, vel est: quaquidem ratione comprehendit etiam *justum*. Vel minus ample accipitur, quatenus distinguitur, vel distingui potest a *justo*. *Honesti* porro sic accepti nullam apud

(a) Recolantur hic quæ diximus de *Thomasii* doctrina lib. præcedenti cap. 7.

(b) Arbitraria ejus principia, ob quæ adeo sese effert, infra lib. VII. discutimus.

(c) Grotius lib. I. Cap. I. §. 3. definit, *justum* id esse quod *natura societa-*

tis ratione attentum repugnat: ex quo efficitur, *justum* illud esse, quod *natura societatis* sit *conforme*. Verum hæc definitio ab illa ejus sententia fuit, quæ statuit, *socialitatem* esse *primum* & unicam *juris naturalis principium*, cuius sententia talitas inferius demonstratur.

apud alios definitionem invenio; ita vero congrue definiri posse videtur: *honestum est rectus, seu rationi consentaneus, passionum iræ & concupiscentie usus*. Rectus enim harum passionum usus eatenus dicitur *honestus*, quatenus excludit turpitudinem & deformitatem, quæ ex earundem oritur immoderantia, efficitque hominem laude & honore maxime dignum. Ceterum quum turpitudine atque deformitas toties hominem dehonestet, quoties in actione elicit minus convenientes legi naturæ (a), adeoque etiam quum quilibet *infestum* patrat; hinc Auctores *honestam* a *justo* atque *decoro* nonnisi tanquam a magis a minus amplo, seu tanquam genus a specie distinguere solent, quum de *honesti* definitione agunt; quamvis id quod *justum* est, ab eo, quod est tantummodo *honestum*, distinguant omnes, qui in morali Philosophia sunt vel mediocriter versati; quidquid *Thomasius* blateret de confusione *justi* & *honesti* a scholasticis inventæ, & a seipso magna cura sublata.

Ad *decorum* quod attinet, non illiegeo, ut *Thomasius*, ideam proprio Marte & temere assingam, sed ex vetusto gravissimoque scriptore erutam exhibebo, ac declarabo. Is est vero *Marcus Tullius*, quem ex communi sui temporis Philosophorum sensu hac de re scripsisse dubitari non potest. De *decoro*, sermonem habet in opere de officiis. Adnotat autem primo, *decorum* dici ad imitationem *Græcorum*, qui hanc *honestatis* partem *ἐπιεικείας*, quasi id, quod decet, dicunt. Hinc vero subdit: *hæc vis ea est, ut ab honesto non queat separari*. Nam & quod decet *honestum* est; & quod *honestum* est, decet. Esse tamen, subdit, inter *honestum* & *decorum* differentiam aliquam; sed eam facilius intelligi, quam explanari. Rationem addit inquires: *Quidquid enim est quod deceat, scilicet decorum, id tum apparet, quum antegressa est honestas*. Est enim quiddam, idque intelligitur in omni vir-

tute, quod deceat, quod cogitatione magis a virtute possit, quam re separari. Quod satis apto exemplo declarat. Ut *vanitas*, ait, & pulchritudo corporis discerni non potest a vaetudine: sic hoc, de quo loquimur, *decorum*, totumquidem illud est cum virtute confusum (est enim Nam. 96. omnis virtus *decora*); sed mente & cogitatione distinguuntur, quatenus videlicet consideratur quidpiam tantummodo decere. His præmissis definitionem tradit tum *Decorum generaliter*, quod in omni honestate versatur; tum alterius huic *subiecti*, quod nos speciale ac proprium appellare possumus. Porro illud superius (pergit *Tullius*) sic fere describi solet, *decorum id esse, quod consentaneum sit hominis excellentie in eo, in quo natura eius a reliquis animantibus differat*. Alterum autem sic definiunt, ut id *decorum* esse velint, quod ita nature consentaneum sit, ut in eo moderatio & temperantia appareat cum specie quadam liberali. Verum hoc utrumque *decorum* prælat exemplo aliquo illustrare. Illud ex esu & potu desumimus. Si quis itaque ita temperate de cibo aut potu sumat, ut neque excedat eam mensuram, quæ vitæ ac sanitati tuendæ conservandæque consentanea est, neque ab ea deficiat, is *honestus* imprimis est homo, quia ea, quæ legis naturalis sunt, implet; est etiam *decorus* *decoro generali*, quia maxime decet, ut homo nec magis nec minus edat, quam vita exigat, aut sanitas patiatur. Erit vero etiam *decorus* *decoro speciali*, si qui ita temperate quoad quantitatem comedit, temperate etiam comedat quoad modum; ita scilicet, ut in eo moderatio & temperantia appareat cum specie quadam liberali: quod tum præstabit, si nec nimis festinanter, nec avide nimis cibum sumserit, ac si comedendo nullum motum gestumve ediderit, quod adstantium oculos offendere possit.

Ex his vero *Decorum* ab *Honesto* discrim-

I 2 men

(a) Hinc *honeste vivere* apud vetustos Auctores idem est, ac legi nature con-

venienter vivere, adeoque etiam *juste* ac *decere*.

Num. 98.

men habes; hæc duo nimirum non re, ut ait *Tullius*, sed cogitatione differre, si de decoro generatim accepto sermo sit: at *honestum* etiam re ipsa scerni posse a *decoro speciali* (licet non e contrario *decorum* hoc ab *honesto*) allatum supra exemplum luculenter ostendit. Docet insuper idem *Tullius*, proprietatem esse hujusce *decori*, quod elucet in vita, movere approbationem eorum, quibuscum vivitur, ordine & constantia & moderatione dīstorū omnium atque factorū, simili ratione, ac pulchritudo corporis apta compositione membrorum movere oculos, & delectat hoc ipso, quod inter se omnes partes cum quodam lepore consentiant. Multo vero magis *decori* munus est, aliorum quamlibet offensionem vitare: quod præsertim præstat *Verecundia*, quæ aliorum hominum, quemadmodum & justitia, rationem habet. Sed hoc differt, inquit ille, in hominum ratione habenda inter justitiam & verecundiam, quod justitia partes sum non violare homines, seu ab injuria cuique interferenda se continere; *Verecundia* non offendere: in quo, subdit, maxime perspicitur vis *decori*. Quod quidem verissimum est: etenim omne indecorum offensionem aliquam parit: quemadmodum e contrario *Decorum* & delectat, & aliorum approbationem sibi conciliat: quæ quidem approbatio ab honesto homine negligenda non est; nam negligere quod de se quisque sentiat, non solum arrogantis est, ut ait idem *Tullius*, sed etiam omnino dissoluti. Quod vero finis *Decorī* sit aliorum benevolentiam comparare, ut quotidiana subveniant indigentia, est inane *Thomasi* commentum nulla ab eo ratione confectum; quippe quod nec communi sensu, nec Philosophorum opinione, nec vi vocis ipsius nititur, aut sulcitur. Et ut de voce ipsa aliquid dicamus *Decorum* a decendo dicitur, ut perinde sit *decorum*, ac decens, seu id quod decet. Hinc de ipso agunt nonnulli sub nomine *decencie*: *Bienfiance* vocant Galli, Germani

Wolfsand, & *Wolfsandigkeit*, Itali *Decoro*, *decenza*, Græci, ut dixi, *πρεπον*. Quid sit vero decere, quamquam omnes intelligant, attamen ex sæpius laudato *Tullio* ita describi potest, ut illud decere dicatur, cuius possit ratio probabilis reddi, videlicet vel ex principiis internis actionis, vel ex statu & conditione agentis. Simillima est huic a *Wolffo* exhibitā descriptio: *Homines decere dicitur*, inquit, *cujus aliqua ratio continetur in iis, quæ eidem insunt, aut inesse concipiuntur, vel ejus statui, cur ita potius agere debeat, quam aliter. Dederet vero, quod cuidam eorum, vel quæ eidem insunt, vel ejus statui, aut inesse concipiuntur, vel ejus statui disconvenit, seu repugnat. Ex quo colligi potest, Wolffium ficitæ a Thomaso invecitæ decori notioni vetustam communemque ideam prætulisse: qui demum admonet (licet & hoc pariter omnes noverint), naturale decorum, quod ipsa natura præscribit, confundendum non esse cum decoro arbitrario, quod nonnisi hominum opinione tale est; adeoque varium pro diversitate locorum ac temporum.*

Habes ex his, ut puto, claram, distinctamque *Honesti*, *Decorī*, & *Iustitiæ* ideam. Pauca hic addo de virtute, quæ iustum respicit, scilicet de *Iustitia*: de aliis namque Virtutibus, quæ circa bonum & decorum versantur, alibi opportunior dicendi erit locus.

Itaque *Iustitia* a celeberrimo Romano Jurisconsulto *Ulpiano*, & a *Justiniano* Imperatore definitur *conscientia* & perpetua voluntas ius suum cuique tribuendi. Quæ definitio communiter recepta est, atque ex supra dictis de Jure satis perspicua. Ea ex *Stoicorum* schola fluxisse creditur ad Romanos: hinc etiam traditur ab ipso *Tullio*, aliis tamen verbis concepta, nimirum: *Iustitia est habitus animi, communī utilitatē conservata, suam cuique tribuens dignitatem*: quæ vox dignitas id totum complexitur quod alteri debetur, sive is ad illud reddendum cogere alium possit, sive non (a).

Hoc

(a) Apud alios etiam Auctores latinos, ut *Svetonium*, & *Sallustium*, dignitas nihil est, ac suum.

Lib. cix. c. XXX.

Instit. Jur. nat. & Eccl. 11.

Instit. Jur. nat. & Eccl. L.

Hoc idem significat *ius suum* in alata *Ulpiani* definitione : quam ita ad strictiorem formam *logicam* revocat S. Thomas : *Iustitia est habitus, secundum quem aliquis constanti ac perpetua voluntate ius suum cuique tribuit* (a).

At vero quum *ius* duplex sit, perfectum videlicet, & imperfectum, ut dictum est, hinc duplex quoque vulgo distingui solet ipsa *iustitia*, altera quæ perfectum, altera quæ imperfectum respicit *ius*. Illam *Aristoteles* *δικαιοσύνην* quasi contractariam, vel commutativam, hanc *ἐπιεικειαν* distributivam vocat. Communiter vero prior illa commutativa, posterior hæc distributiva appellatur. *Grotius* aliis nominibus eas designat. Et quidem hanc modico discrimine *Attributivam* dicit, & alicubi *Assignativam*. Illam vero vocat *Expletivam*, inde quod, ut adnotat *Gronovius*, per eam expletur *ἐν* satisfactio cuique pro eo quod ab ipso accipimus; nam expleat *latinitas* interdum *est* satisfactio. Hic tamen non sistit *Grotius*, sed *Aristotelem* carpit, quod huiusmodi *iustitiam* *ἀρχονίσι* vocabulo contractariam appellavit. Nam, subdit, ut possessor mea rei eam mihi reddat, non est ex *δικαιοσύνην* (contractu) *ἐν* tamen ad eandem hanc *iustitiam* pertinet. Sed *Grotium* meminisse oportebat, *Stagyritam* præter contractus voluntarios, cuiusmodi sunt emptio, venditio &c. aliud contractuum genus asseruisse *ἐν* involuntarium (b), ad quod pertinet *iustitia* actus ab eo objectus. At præterea eo vocabulo *Aristoteles* minime significare censendus est *fundamentum* integrum obligationis, quæ profluit ex hac *iustitia*; sed rem ipsam, circa quam ea versatur, quæ videlicet talis est, ut sub contractum cadere possit, & quæ vi ipsiusmet *iustitiæ* sit com-

mutanda, hoc est ab unius ad alterius possessionem transferenda: sicquicunque rem possidet meam, mihi possidendam tradere debet. Ceterum *Aristoteles* alia etiam appellatione, quæ *Grotio* magis probatur, hanc *iustitiam* designat, nempe *ἐναντιοδικὴν* directoriam & correctoriam etiam vocat; quod & contractus dirigit, & si quid peccatum fuerit, corrigit.

Præter *iustitiam* *Communitativam* & *Distributivam* (recepta hæc vocabula adhibere placet et si minus *latina*) alia est *iustitia*, quæ dicitur *Generalis*, ut a *particulari*, cuius duo membra sunt, *Communitativa*, & *Distributiva*, discernatur. Hinc accurata divisio *iustitiæ* est primo in *Generalem* (quæ etiam *legalis* dicitur) & *Particularem*. *Particularis* vero in *Communitativam* & *Distributivam* tribuitur: ex quo tres *iustitiæ* species confurgunt, *Generalis*, sive *Legalis*; *Communitativa*, & *Distributiva*. Et hæc quidem divisio ratione non caret. Virtutis enim *iustitiæ* proprium est, quemlibet hominem rectum elicere erga alium; efficit namque ut quisque unicuique *ius suum*, seu quidquid ei debetur, reddat. Quot itaque modis potest quis ad alterum comparari, tot sint oportet *iustitiæ* species. At vero tripliciter, quoad præsens attinet, potest quis erga alterum se habere: nimirum vel ut *pars* ad totum, vel ut *pars* ad partem, vel ut totum ad partem. Prior modo *Civis* comparatur ad *Civitatem*: altero *Civis* ad *Civem*: tertio *Superior*, vel *Civitas* ad *Subditum*. *Iustitia*, quæ hominem priore modo consideratum efficit rectum, dicitur *Generalis* & *Legalis*: *Generalis* quidem, tum quia persequitur, intenditque *Civitatis*, seu *Reipublicæ* bonum, quod est bonum

Lib. V.
Eth. c.
V. & VII.

II. 2. 9.
II. 2. 1.

Lib. II.
cap. VII.
§. 7.

(a) Pasendorfus lib. 1. C. VII. §. 7. perperam asserit, *differe iustitiam actionem a bonitate in hoc possumus, quod bonitas simpliciter notet convenientiam cum lege; iustitia autem præterea involvat respectum ad eos, in quos actio exercetur*. Siquidem quum bonitas generatim notet convenientiam cum lege, sine completitur

etiam convenientiam cum ea lege, quæ dirigit actiones, quæ sunt ad alterum; adeoque *iustitia* a bonitate non differt, sed species ejus est.

(b) *Involuntarius* contractus alios claudens facit, ut tutum, adulterium, veneficium &c. alios violentos, ut rapinam, convitium, eadem &c.

num quoddam generale, utpote commune omnibus, quos Respublica comprehendit; tum quia ad aliarum etiam virtutum actus permovet, & impellit, quatenus illis omnibus commune bonum perficitur, & integratur: *Legalis* vero, quia dum dirigit aliarum virtutum actus in bonum commune, indolem *Legis* exprimit, cuius est bonum commune respicere. *Iustitia*, quæ secundo modo hominem ad alterum comparatum rite recteque disponit, ea est, quam *commutativam* ex allata ratione vocari diximus; contractus enim, permutationes, commercia inter privatas personas exerceri solent, quæ se habent in Republica ut *pars ad partem*. Quæ demum *iustitia* dirigit hominem tertio modo consideratum, dicitur *Distributiva*, quia locum habet in bonorum, onerumque *distributionibus*; efficit enim, ut tam bona quam onera communia privatis personis recto ordine, rectaque ratione distribuantur. Ex quibuslibet, *Iustitiam* tum *Distributivam*, tum *Commutativam* privatas respicere personas: qua de causa utraque *Iustitia* particularis vocatur. (a)

Præter discrimen, quod *Commutativam* (b) inter & *Distributivam* *Iustitiam* versari jam diximus, in eo repositum, quod illa jus alterius perfectum expleat, imperfectum ista; aliud, exinde tamen ortum, assignat *Aristoteles*, nempe quod *Commutativa* proportionem servet simplicem, quam ille *Arithmeticeam* vocat; *Distributiva* vero proportionem comparatam, quam *Geometricam* appellat: videlicet *Commutativa* *Iustitia* omnimodam inducit æqualitatem, cu-

jusmodi est inter rem & rem, seu inter tantum & tantum. Ex. gr. si quatuor quis debeat alteri, quæcunque demum ejus obligationis causa fuerit, *Commutativa* *Iustitia* quatuor omnino reddenda præscribit. At vero æqualitas, quæ a *Distributiva* servatur, hujusmodi non est, nisi proportionem quadam; ut scilicet tanto plus alio quis recipiat, quanto amplius præ illo dignitate præstet, aut merito: adeoque non est æqualitas rei ad rem, sed proportio rei ad personam.

Grotius putat, hujuscemodi discrimen ex eorum genere esse, quæ sæpe locum habent, non semper: neque per se *iustitiam* Explericem ab *Attributrice* differre tali proportionum usu, sed materia, circa quam versatur. Itaque, subdit, & contractus societatis expleretur proportionem comparata, & si unus tantum inveniat aptus ad munus publicum, non alia quam simplici commensatione attributio fiet. Hæc *Grotius*. At ejus Commentatores in varias hæc de re sententias abeunt. Nam *Gronovius* contra *Grotium* *Aristotelis* partes propugnat; *Barbeyracus* contra *Gronovium* tuetur *Grotium*. Milites hæc tanti non esse videtur, ut in ea dirimenda quidpiam operæ vel temporis impendendum sit. Fortasse *Aristoteli* satis fuit, a *distributiva* *iustitia* per se proportionem respici: comparatam, quam *geometricam* vocat, licet quandoque veluti per accidens, ex adjunctionempe, ut in contractu societatis, pacto, etiam *iustitia* ipsa *commutativa* eandem respiciat: vel ipsamet *iustitia distributiva* in rarissimo casu, defectu aliorum subditorum: capacium æqualitatem simplicem.

(a) *Pufendorfius* etiam in idea *iustitiæ generalis*, seu, ut vocat ille, *universalis*, & *particularis* vehementer hallucinatur. En enim qua ratione unam ab altera fecerit loc. cit. §. VIII. Quando exhibentur alicui actiones, aut res, quæ illi ex jure dominatæ imperfecto debentur, aut quando adversus alterum exercentur actiones in commercium non venientes, nec certo pretio tantæ communitur dicitur servari *iustitia universalis*, . . . At quando alicui exhibentur

actiones in commercium venientes, aut quibus res aliqua in alterum transferitur, ad quam ille jus perfectum habebat, *iustitia particularis* dicitur. Sane *Aristoteles*, ceterique Doctores ante *Pufendorfum* hocce discrimen minime agnovere: inter *iustitiam universalem*, & *particularem*.

(b) Haec *Pufendorfus* minus recte ad effectum conventionis alicujus restringit.

Loc. cit.
num. 2.

placi commensatione perficere debeat. Sed hæc de iustitia satis.

CAPUT V.

Juris pro arte, vel scientia definitiones, ac divisiones.

JUs pro arte, vel scientia sumtum unica voce *Jurisprudentia* vocatur. Illius indoles atque natura facile intelligitur ex duplicis vocis, quam componitur, significatione. Quid juris nomine veniat, satis constat ex dictis haecenus. Patet etiam, quid sit prudentia, nimirum *habitus intellectus practici dirigens actiones nostras in rectum finem*. Cum autem ad directionem duo sint necessaria, nimirum cognitio regulæ, ejusque ad aliquod peculiare opus applicatio, prudentia utrunque complectitur. Quare *Jurisprudentia* nihil aliud est, quam prudentia legum (*Juris* vocabulum hic præsertim pro lege accipitur, licet & aliæ juris notiones alienæ ab hoc loco non sint) seu cognitio, vel scientia legum, & applicatio earundem ad facta moralia, & quæ a nostra libertate dependent. Alii definire *Jurisprudentiam* malunt, quod sit *habitus intellectus dirigens actiones nostras liberas secundum leges*. Igitur *Jurisprudentia* continet *Jurisprudentiam* tanquam partem sui propriam, cui & applicationem adjungit. Unde patet discrimen inter *Jurisprudentiam*, & *Jurisprudentem*, seu *Jurisconsultum*; & cur a veteribus definatur: *ars æqui bonique*.

Porro quemadmodum prudentia ob diversitatem actionum, circa quas versatur, dividitur in *legislatoriam, consultatoriam, & judicalem*, quarum prima respicit futuras inferiorum actiones; altera Superiorum; tertia præteritas aliorum hominum actiones: sic *Jurisprudentia* alia est *legislatoria*, quæ considerat leges ferendas; alia *consultatoria*, quæ spectat actiones juxta legum præscripta dirigendas; alia *Judicialis*, quæ respicit leges ut præteritis actionibus applicandas, quæ applicatione dignoscitur, juxta ne fuerint, vel iniquæ. Hæc Ju-

risprudentia, quæ ad præfens institutum maxime pertinet, definitur: *ars leges salutem hominis in hac vita concernentes cognoscendi, & ad actiones hominum applicandi*. Hinc *Jurisprudentie Judicialis* sunt partes duæ, nimirum *leges interpretari, easdemque applicare*. Prior *Dofiores, & Profefsores*; posterior *Judices, & Causidicos* spectat.

Quum *Jurisprudentia* omnis in legum disquisitione versetur, comparate ad leges primo dividi potest in *divinam, & humanam*. Utraque vero subdividitur in *naturalem & positivam*: quæ partitiones satis constant ex dictis. Alia *Jurisprudentiæ* divisio est in *universalem, & particularem*. Prima respicit leges universales, quæ scilicet totum genus humanum, vel maximam illius partem adstringunt; adeoque complectitur *Jurisprudentiam naturalem, & Gentium*. *Particularis* vero, quæ alicujus Reipublicæ particularis curam habet, ut *Atheniensis, Romanae* &c. *Jurisprudentiæ universalis* plures sunt partes, quæ varia fortuntur nomina juxta varios hominum status, qui legibus obstringuntur. Alia est igitur *Jurisprudentia simpliciter talis*, quæ statui Sociali absolute officia præscribit. Alia *Jurisprudentia Socialis*, quæ statum *Sociale* hypotheticum spectat. Alia *Oeconomica* specialis, quæ minoribus societatibus officia statuit; quæ vero majoribus, dicitur *Jurisprudentia Oeconomica generalis*: & hæc iterum ex Societatum quas respicit, diversitate varias denominationes fortitur. Sic dicitur *Jurisprudentia Ecclesiastica*, quæ Ecclesiæ leges expendit &c.

Jurisprudentia universalis ad Civitatem determinata vocatur *Jus civile universale*. Quumque in Civitate ipsa statum publicum a privato distinguere opus sit; hinc *jus civile universale* dividitur in *publicum, & privatum*. *Jus publicum universale*, seu *Jurisprudentia publica, & universalis* definitur vulgo, *habitus prudentie per se dirigens actiones publicas omnium, vel saltem plurimum Civitatum ad justitiam, & salutem publicam in suo genere consummatam*. Hinc vero *Juris publici, seu Jurisprudentiæ publi-*

publicæ, & universalis subditum, & forma innotescent; adeoque & ejus discrimen a ceteris facultatibus.

Itaque subiectum constituunt Jurisprudentiæ *universalis* 1. *Imperantes*, qua tales, sive supremi sint, sive subordinati in ordine ad subditos. 2. *Ipsemet subditi*, non quidem ad se invicem considerati (hoc enim modo ad *jus publicum* cujusvis Reipublicæ proprium, non, ad *universale publicum* spectant, quemadmodum & *Imperantes* ipsi, siut privatæ personæ sumantur); sed relate ad *Imperantes*, & ut membra ad *Reipublicam*. 3. *Civitates omnes*, vel plures inter se. Eapropter optime ait *Grotius* ep. 4. *Jus publicum ordinat totum ad partem, partem ad totum, & duo inter se*. Eiusdem Jurisprudentiæ forma est dirigere actiones non quidem ad privatam, sed ad publicam omnium vel saltem plurimum Civitatum felicitatem. Demum finis ejus proximus est *justitia*, remotus vero *salus publica* in suo genere perfecta, atque completa.

Jurisprudentia universalis ab *Ethica* vulgo distinguitur *inadequate*; quia hæc, aiunt, versatur circa actiones tum privatæ tum publicas sub ratione potius *honesti*, atque *decori*, quam *justi*; *Jurisprudentia* vero potius sub ratione *justi*, quam *honesti*, atque *decori* (a). Hinc etiam distinguitur a *Politica*, quia licet utraque Civitatem respiciat, hæc tamen id sub ratione *utilitatis* præstat, quatenus separat proficua a noxiis; *Jurisprudentia* vero sub ratione *Justitiæ*, quum ejus sit *justa* secernere ab *injustis*. Simili modo parique ratione *Jurisprudentia* nostra differt ab ea facultate, quæ *Ratio status* vulgo appellatur, ac pars *Politice* esse censetur, quæque circa seligenda Reipublicæ conservandæ media præcipue versatur.

Demum a *moralis Theologia* distingui-

tur, quatenus hæc sub generali ratione bonitatis, ac malitiæ de virtutibus ac vitiis agit, & insuper actiones omnes considerat sive ad Civitatem referantur; sive non; atque præterea primo ac per se forum spectat internum, licitum, ab illicito absolute secernens. *Pufendorffus* *Jurisprudentiæ Universalis*, seu *Naturalis* a *Theologia* discrimen in eorepositum asserit, quod illius *finistantum ambitu* hujus vitæ includatur, & *magnam saltem partem circa formandas hominis exteriores actiones versetur*; hæc vero felicitatem alterius vitæ spectet, & *internos motus ad placitum Numinis effingere* intendat. *Pufendorffo* hac in re consentit *Thomassius*. Verum utrumque in hoc errare infra demonstrabimus. De ceteris porro *Jurisprudentiæ* generibus non est hic loquendi locus. Hæc itaque de jure generatim inspecto, variisque ejus acceptionibus, divisionibusque dicta sufficiant. Jam vero juris *Naturalis*, quod hujus operis præcipuus scopus est (*jus enim Gentium* est minus principale) peculiare definitiones, partitionesque in medium adferendæ sunt, & explicandæ.

Præfat.
in lib. de
Offic. his
hom. &
civ.

Jurisprud.
div. lib. I.
cap. II §.
116.

C A P U T VI.

Definitiones peculiare juris naturæ: & in earum aliquas censura.

JUS naturæ varii varie definiunt, prout illud sub diversa ratione quisque considerat. Præcipuas hic definitiones ad tyronum eruditionem referre non pigebit; quarum aliquas etiam discutiam & improbabo.

Pervulgata in primis est definitio, quæ continetur in corpore juris, & quæ ita se habet: *Jus naturæ est, quod naturalis ratio inter homines constituit, & quod omni humano generi commune est, quod-*

(a) Hinc tamen non interas, *jus naturale* ea tantum respicere, quæ *justitiam* spectant; nam quum *jus naturale* leges omnes naturales complectatur, ad ipsum profecto pertinent ipsæ etiam *honestatis* leges. Aliud est earum facultatum,

prout vulgo sumuntur, discrimen assignare; aliud vero terminos ipsius juris naturalis definire. Quamquam alii diverso modo ipsarum facultatum differentiam constituent.

quodque semper aequum, & bonum est. Trita pariter est, & quam plerique amplectuntur Scholastici, definitio hæc: *Jus natura est dictamen rectæ rationis circa ea, quæ homini vel agenda, vel omittenda sunt.* Ad hanc accedit & illa Grotii definitio: est dictatum rectæ rationis indicanti alicui alicui ex ejus convenientia, aut disconvenientia cum ipsa natura rationali, ac sociali, inesse moralem turpitudinem, aut necessitatem moralem, ac consequenter ab auctore naturæ talem actum aut vetari, aut præcipi. Grotii commentatores paulo brevius ita definiunt: dictamen rationis congruentum præcipiens ea, quæ creatura rationali, quæ tali, consentanea sunt, & prohibens contraria. Pufendorffius, seu potius sectatores illius definitionem hanc ad ejus mentem exhibent: dictamen rationis rectæ supra socialitatem reflexum officia homini incumbenda proponens. Ita Weverus Pufendorffii scholasticus. Has omnes definitiones, quæ jus naturæ expriment per dictamen, seu dictatum rationis, aliqua ex parte peccare, ex dicendis infra constabit; maxime vero Pufendorffianam, eo quod amplissimum naturæ jus ad Socialitatem sine certa ratione restringit.

Præcedenti capite adnotavi, jus naturale etiam divinum necessarium appellari; eo quod ejus Auctor est ipse Deus: quam quidem rationem multi exprimentam in suis definitionibus censuerunt. Hinc frequens est hæc definitio: *Jus naturale est illud, quod Deus toti humano generi innatus lumine, seu naturali ratione notum facit, ac promulgat.* Similem huic sed paullo fusiorem proponit Thomæsius, nimirum: *Lex naturalis est lex divina cordibus hominum inscripta obligans eosdem, ut ea, quæ necessario conveniunt naturæ hominis rationali, faciant; ea vero, quæ eidem repugnant, omittant.* Parum ab hac differt illa Joachimi Langii. *Lex natura est iustum a Deo humane naturæ in ipsa creatione ita impressum, ut sub exhibitâ honesti, ac turpi notitiâ conscientiam ad hujus fugam, & ad ipsius studium reli-*

giose obliget, & sic actiones dirigat. Cumberlândius hanc proponit Legis naturalis definitionem: *Est propositio a natura rerum ex voluntate primæ causæ menti satis aperte oblata, vel impressa, quæ actionem communi rationalium agentium bono promovendo idoneam indicat, & cujus exercitium sequantur distributiones, violationem vero pæne, utraq; sufficientes juxta naturam entium rationalium. Hujus definitionis prima pars, ut ipse subdit, præceptum, effectum, finem principalem; posterior sanctionem, effectumque Legis subordinatum manifestat.*

Quoniam vero Jus naturale multas ambitu suo complectitur leges; hinc illud ita definire malunt alii: *Est complexio regularum secundum quas omnes actiones nostras componere debemus, quasque Deus Auctor naturæ cordi nostro insculpsit, & mediante ratione promulga- vit.* Demum S. Thomas ait, *Legem naturalem nihil aliud esse, quam participationem legis æternæ in rationali creatura.* Scilicet, inquit ille: *Lex quum sit regula, & mensura, dupliciter potest esse in aliquo, uno modo sicut in regulante, & mensurante; & sic Lex æterna est in Deo. Alio modo sicut in regulato, & mensurato: quia in quantum aliquid participat de regula, & mensura, sic regulatur, & mensuratur: & hoc modo Lex æterna est in creaturis; quoniam omnia, quæ divine providentiæ subduntur, a lege æterna regulantur, & mensurantur: atque adeo omnia participant aliquatulis legem æternam, in quantum scilicet ex impressione ejus omnia habent inclinationes in proprios actus, & fines.* Inter cetera autem rationalis creatura excellentiori quodam modo divine subjacet providentiæ, in quantum & ipsa sit providentiæ participi, sibi ipsi, & aliis providens; unde & in ipsa participatur ratio æterna, per quam habet naturalem inclinationem ad debitum actum, & finem. Et talis participatio legis æternæ in rationali Creatura lex naturalis dicitur. Itaque juxta verissimam hanc doctrinam Lex, seu Jus naturale in Deo

De leg. natur. c. v. §. 4.

Li. quæ. xci. etc.

De jure
lib. I. c.
l. 2. §. 2.

De Off.
hom. lib.
I. cap. I.
§. 6.

Jussur.
div. lib.
I. cap. II.
§. 77.

Causa
Del. adv.
archie. lib.
pécudo.
phi. pro-
theor de-
du. XXI.

Tom. I.

K

est

est velut in *fonti*, & est ipsa *Lex æterna* Dei: in homine vero reperitur per quandam emanationem, & participationem, quæ ex ipsa sapientissima Dei providentia profluit, quatenus ipsa rationalis creatura habet *naturalem inclinationem ad debitum actum, & finem*. Sed hæc de re fusius alibi. Illud interim ex hæcenus dictis ratum esto, jus naturale esse legem, seu plurium legum complexionem; legem hanc vel ipsam esse legem Dei æternam, vel ejus effectum, & participationem; eamque naturali lumine nobis innotescere; adeoque nos naturaliter adstringi, ut actiones nostras liberascidem accomodemus: quæ omnia in hujus operis progressu clarissima fient. Satis est in præsentia, ut quid Legis naturalis nomine intelligendum veniat, utcunque habeamus.

Quoniam vero non omnes definitiones, quæ ab Auctoribus traduntur, æque probari possunt, ut jam innuimus, juvat quatuor ex iis, quæ celebritate suorum auctorum, magis conspicuæ evaserunt, hic breviter expendere. Harum duæ vetustæ sunt, nempe *Ulpiani*, & *Gaii*: duæ aliæ recentiores, *Grotii* videlicet & *Wolffii*. Ulpiani definitio est: *Jus naturale est, quod natura animalia omnia docuit*. Gaii vero: *Quod naturalis ratio inter omnes homines constituit, idque apud omnes peræque custoditur*. Subditur quidem hoc loco, *vocaturque jus gentium*; non quod hic jus naturæ non definiatur, sed ob aliam causam, quam nos inferius suo loco pandemus. Definitio *Grotii* ipsa eadem est, quam superius attulimus, quamque accepit ipse ex Scholasticorum vulgo, *jus nempe naturæ esse dictatum rationis* &c. *Wolffii* denique definitio, quam ipse ex proprio penu depromsit, hæc est: *Lex naturalis est, quæ rationem sufficientem habet in natura*.

Ad primam quod attinet harum quatuor definitionum, ea idcirco nobis minus probatur, quod *jus naturale* Brutis etiam commune facere videatur: quod vel maxime confirmatur per hæc verba, quæ in definitione ipsa subduntur:

Nam jus illud non humani generis proprium est, sed omnium animalium, quæ in Cælo, quæ in terra, quæ in maribus feruntur. Hinc descendit Maris, atque *Fœmivæ confusio*, quam nos *matrimonium* appellamus; hinc *Liberorum procreatio*, hinc *educatio*: videmus enim cetera quoque animalia istius juris potestatem censeretur. At vero certius est, quam ut probari oporteat, jus nullo pacto convenire posse animalibus ratione carentibus. Si id igitur definitione sua intendit *Ulpianus*, quod præferrentur ejus verba (quæ res tamen alio in loco a nobis discutitur) ea dubio procul ceu falsa rejicienda est. Admitti tamen utcumque poterit, si hunc illi sensum adhibeamus, *jus naturale* illud esse, quod circa ea versatur, quæ nobiscum brutis quoque animantibus communia sunt, salvo tamen eo discrimine, quod bruti naturali duntaxat inclinatione, & necessario instinctu ad ea feruntur, homines vero præter naturalem inclinationem, sequuntur in iisdem rationem ducem, adeoque & libere eadem operantur. Verum enimvero si hoc sensu ea definitio intelligatur, satis manca & inadæquataprehenditur; constat enim, *jus hominum naturale* complecti plurima, quæ nulla ratione Brutis communia sunt. Potest tamen res hæc ita componi, ut duo Juris naturalis genera secerentur: alterum *strictum*, & *rigorosum*, quod fundatur in principiis, quæ sunt homini cum ceteris animalibus communia, adeoque complectitur ea duntaxat, ad quæ homines vehementer quadam naturali inclinatione, & instinctu feruntur, cujusmodi ea sunt, quæ Philosophi *Stoici* & *Epici* & *Poëtarum* *prima naturæ* appellabant: Genus aliud *naturæ* Juris magis late patet, eaque omnia comprehendit, quæ homini dicuntur naturalis ratio: atque hoc peculiari nomine *Jus Gentium* dici potest, quam sit hominis proprium; indeque vocari etiam posset *jus naturale humanum*. Sensum hunc præ oculis habuisse videntur veteres Latini Jurisconsulti, ut colligi facile potest, si *Gaii* definitio cum *Ulpiani* de-

fini-

hincione conferatur. Et re ipsa quidem quum jus naturale fundetur in principiis humanæ naturæ, quumque hæc complectatur cum principia ceteris animalibus communia, quæ nimirum ad animalitatem pertinent; tum propria hominis, nempe rationalitatem: satis congrue jus naturale in duo inæquata genera parti valeat; alterum, quod in principiis homini, ac animalibus reliquis communibus fundatur; alterum quod principiis nititur ipsius hominis propriis: ac distinctionis gratia illud *jus naturæ* nempe *strictum*, hoc *jus Gentium*, seu hominum proprium appellari. Sed de *Ulpiani* definitione satis.

In *Gaii* vero definitione illud reprehensione dignum videtur, quod si riguroso sensu accipitur, juris naturalis præcepta ad modicissimum redigit numerum. Quam enim pauca sunt, quæ humana ratio apud omnes constituit, atque ab omnibus peræque custodiantur? Constat enim, plurima apud varias nationes, ut licita permitti, immo etiam ut honesta commendari, quæ apud alias & injusta & illicita censentur, & execratione digna. Potest scilicet Ratio & pravis affectibus obnubilari, & educatione corrumpi, & consuetudine obtundi, hebetarique. Ad *jus* itaque *naturæ* constituendum non tam spectare oportet quid cujusvis hominis ratio dicat, quam quid dicere debeat, si affectionibus pravis, si educatione, si consuetudine corrupta non sit: parique prorsus ratione non tam investigandum, an quidpiam ab omnibus peræque custodiatur, quam quod debeat ab omnibus custodiri. Probabile mihi est, hoc sensu definitionem suam celebrem illum jurisconsultum intellexisse: atque hoc pacto ea admitti utcumque potest.

Minus quoque accuratæ definitiones sunt *Grotii* aliorumque, qui *jus naturæ* ajunt esse *dictatum*, sive *dictamen rationis*: nam eo nomine non satis exprimitur id, quod ad *Juris naturalis* ideam spectat, quod nimirum sit vera Lex naturalem hominibus obligationem imponens. Neque enim *dictamen*, seu *dicta-*

tum rationis aut proprie lex est, aut legem proprie dictam constituit; sed duntaxat latam ab Auctore naturæ legem promulgat, indicitque; atque adeo humana Ratio in *jure naturali* non *Legislatoris* quidem locum tenet, sed *Præconis*. Ut igitur recta sit hujusmodi definitio ita est intelligenda, ut illud *dictamen*, sive *dictatum* perinde se habeat, ac Lex Auctoris naturæ, *dictata*, seu promulgata, manifestata, atque indicta per naturalem rationem. Hoc sensu definitiones hujusmodi fuisse a suis auctoribus, ac fautoribus intellectas dubitari vix potest, ut proinde minus recte se gerant qui eas acrius insectantur. Ex earum tamen numero, quæ sic benigne explicari possunt, expungenda videtur definitio *Hobbesii*. Ipsum namque per *dictamen rationis*, quo Legem naturæ definit, non rationem Dei imperantis, ac promulgatam dictaminem rationis, sed purum putumque ipsius rationis humanæ præscriptum oportet intellexisse; alioqui inferre minime potuisset, leges naturæ non veras esse leges, nisi quatenus divinis Scripturis revelatæ sunt: qua de re inferius.

Dispicit demum *Wolffiana* definitio, eo quod, quum asserat, legem naturalem habere *causam sufficientem* in natura, jam perfectam rationem legis, obligandique vim ex sola ipsa natura, sive seclusa supremi Legislatoris autoritate, derivat: quod quidem a vero prorsus abluere, suo loco demonstrabimus.


Quoad *Juris naturæ* divisiones attinet, tametsi plures a quibusdam afferuntur unicam hic commemorare operæ pretium duco. Ea est jam vulgo recepta in *absolutum*, & *hypotheticum*, seu *conditionatum*. *Absolutum* dicitur, quod convenit homini eo ipso quod homo est, adeoque independentem a quolibet statu, vel conditione. Ut *amare*, & *colere Deum*, si *jus* pro lege sumatur: ut *seculo conservare*, & *defendere*, si sumatur pro facultate. *Jus conditionatum*, ut nomen ipsum indicat, est quod pendet ab aliqua conditione, seu facto humano, quodcumque illud sit: cujusmodi est fa-

cultas utendi re aliqua tanquam propria, posita divisione rerum: debitum servandi pacta, posteaquam libero contractu sunt inita &c. Jus *absolutum* pro *facultate* sumtum *connatum* vocat cum aliis

Ind. p. N.
A. 26.

Wolffius, definitque illud esse, quod ex *obligatione connata* oritur: eam autem

dicat obligationem *connatam*, quæ cum *assensu & natura hominis* ponitur. Juri *connato* opponitur *adventitium*, id scilicet quod posito aliquo humano facto homini advenit: adeoque idem est ac quod *hypotheticum* vulgo dicitur. Sed de his jam satis.



DE PRINCIPIIS JURIS NATURÆ, ET GENTIUM LIBER III.

*De primario juris naturalis fonte, nempe,
Deo, O. M.*

Quemadmodum quisquis ædificium construere vult, a jaciendis fundamentis sumit initium; ita nos, quibus in animo est de jure naturæ disserere, illudque ab impiorum insultibus vindicare, optimum ducimus, a Deo illius primario fonte, & auctore exordiri. Ordinem hunc in re, qua de agimus, esse servandum vel ipse Romanus Orator agnoscit, & profitetur. Ita enim in libro, quem de Legibus scripsit, Quintum Fratrem alloquitur; *vis ne ergo, juris ordinem a fonte ipso repetamus?* Cui cum Atticus, alter ex collocutoribus, annuisset, orationem in eum convertens: *dasne igitur*, inquit, *hoc nobis Pomponij (nam Quinti non sententiam) Deorum immortalium natura, ratione, potestate, mente, numine, proe quod est illud verbum, qua planius significem, quod volo, naturam omnem regi?* Nam si hoc non probat, a Deo nobis causa ordiunda est potissimum. (a) Cum hoc igitur inficiari videantur nonnulli etiam ex iis, qui juris doctores haberi volunt, ab ipsa existentia Dei demonstranda ordiamur, oportet. Nam quæ huc usque præmissimus, procemii seu præparationis loco habenda sunt. Non fuisse tamen, ut rei dignitas postularet, sed strictim, breviterque hac de re disputabimus, ut instituti nostri ratio videtur exigere; præsertim cum plurimi, ac doctissimi viri Spartam hanc

contra atheos ornandam susceperint. At quia satis non est ad naturæ jura firmanda, utcumque Deum existentem evincere, nisi etiam evincatur esse providus, qua ratione naturalium legum fons est, & origo; ideo præter Dei existentiam summa illius providentia; qua rebus omnibus absolutissime prospicit, demonstranda est. Deinde pro de illius in homines imperio, seu potius de imperii ipsius origine & fundamento disputabimus. Quibus omnibus præstitutis, facile erit Juris naturalis extantiam comprobare.

CAPUT I.

Existentia Dei adeo clara, ac facilis est, ut quivis vel mediocri ingenio pradius adhibita mediocri attentione detegere illam possit, ac debeat.

Quilibet vel mediocri ingenio præditus, adhibitaque vel mediocri attentione, facillime intelligit, non omnia cœpisse in tempore, nec incipere potuisse. Si enim omnia temporanea fuere, aliquando igitur nihil fuit. Si aliquando nihil fuerit, etiam modonihil esset. Nam quæ modo existunt, unde originem trahere potuissent? Ex nihilo? Quis unquam hoc dixerit? A seipsis? Sed evidens pariter est, nihil posse causare seipsum; cum id contradic-
dictio-

(a) Sublato impie Deo, nullum remanere verum propriumque jus naturale, nullamque perfectam ad naturalia officia præstanda obligationem; adeoque

ejus agnitionem cum ad naturalem tuendam societatem, tum ad civilem statum firmandum necessariam esse, ex infra dicendis constabit.

dicticnem involvat. Nam quod causat, est; quod causatur, non est; adeoque quod producit seipsum, simul esset, & non esset: quod omnes repugnare fatentur. Admittendum igitur aliquod ens existens ab æterno.

Porro hujusmodi ratio non solum evincit ens illud æternum, sed etiam necessarium esse debere; ut quisque facile intelligit. Si enim necessarium non sit, erit contingens; si contingens, ergo potuit non esse ab æterno. Igitur absque certa ratione æternum esse affirmatur. Insuper si aliquando potuit non esse, consequens est, non habere in se principium sufficiens, & integram causam existendi; nam quod in se habet integram causam cur sit, illud non potest non esse. Si igitur non est per se ipsum integra causatur sit, hoc habuit ab alio, saltem ex parte. Porro etiam de illo, a quo habuit esse, potest inquiri cur sit, & sic de cæteris omnibus, donec perveniatur ad ens necessarium. Ergo ens aliquod æternum ac necessarium admittatur oportet.

Quod autem ens æternum ac necessarium sit a seipso, & a nullo dependens, luculentissime eruitur ex iis, quæ modo diximus; imo est illud idem, quod diximus. Nam idea necessarii, si bene evolvatur, exprimit id, quod in se habet causam, seu rationem sufficientem existendi, seu cur existat, & existere debeat. Quod igitur necessarium est, ab alio non recipit esse, nec recipere potest: adeoque a se est. Itaque jam demonstravimus, existere ens æternum, necessarium, & a se. Hinc vero facili negotio progredi quisque poterit (si ratione uti pergere velit) ut Deum tandem esse concludat. Hunc enim jam senebit, si vel prætereapercipiat, illud idem ens esse aliarum quoque rerum causam, totiusque Universi principium: hoc enim est, quod Dei nomine intelligimus.

Qui igitur ad rem hanc paullo attentius animum adverterit, statim intelliget horum alterutrum sibi esse concedendum; vel omnia, quæ in universo sunt, æterna, necessaria, & a se esse;

vel ab unico illo ente, quod æternum, necessarium & a se est, fuisse producta. Stupidus vero omnino, ac demens fuerit, si in priorem hujus dilemmatis partem, vel modicum propenderit. Cui enim ex duabus iis partibus, quibus constat Universum hoc totum, æternitatem, necessitatem, aseitatem (sic enim loqui non vereor, licet minus latine, ut me brevis explicem, atque facilius) tribui posse putaverit? Anne materię? Quæ neque æternum moveri potuisset (nam motus nonnisi successione quadam perficitur, quod pugnat cum idea æternitatis); neque si æternum quieviisset, sese ad motum excitare potuisset unquam: qui enim id fieri potuisset? cum nonnisi aliquo alio, seu alterius alicujus partis motu præstandum id foret, qui nullus ab æterno fuit, si tota quieviit? Quid? Quod si ea ab æterno vel in motu fuisset, vel in quiete (alterutro sane ex his modis necessario omnino esse debuisset); nulla etiam æterna vi ad statum alium transierit vel potuisset unquam, vel nunc posset: quemadmodum enim necessario esset, si pari necessitate, aut moveretur, aut quiesceret: nam sicut ideo esset necessario & ab æterno, quia in se sui esse sufficientem, integramque causam haberet; ita si ea ab æterno fuisset vel in quiete, vel in motu; id esset, quia in se sufficientem, & integram haberet causam, cur in motu potius esset, quam in quiete, vel e converso in quiete potius, quam in motu: & hinc sicut in suo esse, sic etiam in suo motu aut quiete a nullo penderet: vel igitur semper moveretur, vel quiesceret semper: sed neutrum horum esse experientia compertum est. Hoc totum plane nemo, qui facile non intelligat, est, modo vel mediocri polleat mentis acumine.

Sed & illud sponte in oculos incurrit, id quod æternum, quod necessarium, quod a se est, perfectissimum quoque, omnique limitationis expert esse oportere. Unde enim illi ullius limitationis accessio? Unde perfectionis alicujus decisio? Si omnia abs se habet esse, curitatem non omnium perfectionum cumulum

lum abs se habere debeat, causam nullam quis poterit comminisci: quinimmo clare intelligitur; quod si a se habet esse, seu rationem entis a se, a se quoque habere debeat quidquid ratio ipsa entis complectitur: quazatione comprehendendi etiam perfectiones omnes, neminem fugit. Quod quum ita se habeat, nemo pariter non intelligit, quam absurdum sit, *Materie*, enti utique, imperfectissimo (cum tota ejus idea sola extensione seu dimensione, adeoque sola inerti inactuosaque ad *motum* & *quietem*, ad figuram, situm & familia capacitate compleatur) velle *æternitatem*, *necessitatem*, *ascitatemque* adscribere. Ex quo clare evidenterque conficitur, eam ab alio aliquo esse receptisse suum: a quo vero? nisi ab eo ente, quod *æternum*, quod *necessarium*, quod a se esse demonstravimus.

Est ne vero quidpiam aliud in Universo, cui expolitas *æternitatis*, *necessitatis*, *ascitatisque* prærogativas aliqua vel tenuissima verisimilitudinis specie quis putet esse tribuendas? Non video, quid hic in medium, quamvis temere, adferri possit, nisi una *humana mens*, quæ quum sit substantia rationis, & intelligentiæ capax, ceteris universi partibus præstantia dignitateque longe præcellit. Sed hujus quoque deplorata causa est; si ratum id habeatur, quod inficias ire nemo potest, *Ens æternum, necessarium, & a se, perfectissimum, illimitatum, & omnino independens* esse debere. Quanta porro sit humanæ mentis imperfectio, quanta limitatio, quanta demum ab ipso corpore dependentia, opus non est enarrare, quum id noverint omnes, & quisque propria sibi experientia tellum habeat. Quamquam ea etiam ratione nonnisi dementissime æternitatem, & ascitatem ei tribueret quisquis novit, sese, alioque homines, qui modo sunt, indeque & cujuslibet mentem non multo ante (determinato certe tempore,) existeri cœpisse. Anne dicent fortassis, ipsorum animam a tota retro æternitate somno quodam obrutam fuisse, quem demum tunc excusserit, quum primum cœpit intelligere? Si cui ita somnari

placeat, ens plane præclarum, atque sensitivum efformat, proponiturque; quod nempe *æternum* sit, *necessarium* & a se, simulque per integram æternitatem iomno detineri poterit. Si vero quis dixerit, mentem non intertem & inactuosam, sed semper cogitantem suoque modo operantem ab æterno fuisse; at quum corpori juncta est, ejus veluti contagione eorum omnium oblitam esse, quam antea sciebat: jam hoc erit somnium alterum, & quidem præcedente aut non minus, aut etiam fortasse magis absurdum: hac nempe ratione summa humanæ menti imperfectio asingitur, ut ea perfectissima, hoc est *æterna, necessaria, & a se* constituitur. Quis enim non videat, quam belle congruat iste oblivionis defectus ex conjunctione cum corpore ortus, cum summa & cuiusque limitis experte perfectione ascitatis? Verum enim vero, quemadmodum merum somnium somniantis est dicta præteritorum omnium ex contactu corporis oblivio, ita indubia veritas est, propria cujuslibet experientia firmata, eam in actionibus suis, quamdiu est huic corpori alligata, quam maxime ab eo pendere: quod vel unum immaniter abhorret ab idea entis *æterni, necessarij & a se*, quæ imperfectionem omnem, omnemque a quacunque alia re pendentiam, ut supra dicebamus, excludit. Itaque non admodum profunda meditatione opus est, ut quis humanam quoque mentem a perfectissimo illo ente *æterno, necessario, & a se* productam esse concludat.

Quod quum præstiterit, jam tenebit ens *æternum, necessarium a se*, omniumque rerum opifex. Si enim partes illæ duæ (e quarum altera, nempe materia, constant omnia hujus Universi corpora) productæ ab eo sunt, jam ab eodem quoque totum hoc Unwersum; quod nihil nisi *materiam* ipsam, mentemque complectitur, effectum esse minime poterit dubitare.

Jam vero si vel hic sistat rei, quæde agimus, indagator Deum a se deprehensum comperiet: nec enim aliud a nobis aliisque Dei nomine intelligitur, quam ejusmodi *ens*, quod cum in se per-

perfectissimum est, tum rerum omnium est causa. Quod si ad uberiores Dei ideam alias ei perfectiones addere, seu potius explicare velit, nullo id negotio efficere poterit: promptum enim illi erit, vel ex infinita, & illimitata perfectione entis a se, quod ut diximus, omnium perfectionum plenitudinem in se comprehendit; vel ex ratione causæ, quæ omnem effectus sui perfectionem modo excellenti continere debeat, eas elicere. Hinc enim statim deprehendet, perfectiones omnes, quæ hoc in Universo, omnibusque ejus partibus elucet, in ente illo, tanquam in primo & unico fonte, plenissime reperiri. Hoc ratiocinio facillime ad intelligendum deducitur, illud idem ens non solum utcumque ratione, & intelligentia prædictum esse, sed esse etiam sapientissimum; quæ sit causa mentis humanæ, quæ intelligendi facultate pollet, ac præterea pulcherrimi, & perfectissimi illius ordinis, quem in hoc Universo, singulisque illius partibus demirantur omnes, qui oculis & mente non sunt destituti. Eodem filo deducente comperiet, ipsum esse etiam *omnipotens* non solum quia tot tantaque produxit, sed quod ad ea efficienda nullo opus habuit subiecto, nullave circa quam operaretur, materia, neque adjutor ullus præsto illi esse potuit; adeoque omnia ipse propria virtute a nihilo eduxerit: cujus proinde effectrix facultas, seu producendi potentia nulla ratione imminui potest, vel coarctari: quamobrem plane infinitam esse oportet, quum ipsam universalissimam entis rationem attingere, atque efficere debuerit: nullum exinde concipi potest ens, quod ejus facultatem, seu efficiendi virtutem quocumque modo exuperet, sive transcendat. Cæteras etiam perfectiones, atque ut vocant, attributa ejus Entis æterni, atque necessario & a se existentis, poterit quis hoc similive pacto facillime deducere: sed pluribus opus, puto, non habebit, ut Dei O. M. extantiam compertam sibi, exploratamque arbitretur. Adeo igitur clara & obvia est Dei existentia, ut a quovis mediocri ingenio, & mediocri attentione

detegi facile possit. Quod erat demonstrandum. Qui plura hanc in rem desiderat, adeat libros eam data opera verstantes, qui obviæ sunt.

CAPUT II.

Extrema dementia & impietatis est, negare, Deum universi hujus, omniumque in eo contingentium providentiam & curam habere.

IN hanc summam dementia, impietatemque prolapsi olim fuisse duobus Philosophis non decora, sed opprobria, *Democritus*, & *Epicurus*, & nunc temporis ii qui *Deïstæ* vocantur, eo quod Deum admittere non detrectant, sed tamen stultissime negant, a Deo curari, administrarique Universum. Hos omnes brevissima hac, facillimaque demonstratione refello.

Stultissimum impiissimumque est propugnare, vel Deum Mundi hujus auctorem non esse; vel illi sapientiam, prudentiamque subtrahere. At horum alterutrum eligat, necesse est quicumque Deo abnegat mundi hujus curam, atque providentiam. Nam si Deusex una parte sit sapiens, ex alia Mundi hujus sit auctor, ob finem aliquem produxerit mundum, necesse est; solius enim insipientis est operari sine aliquo fine. Si autem produxisset mundum ob aliquem finem, simulque prudentem esse concedas, necessario admittere debes, ita eum ordinare, ut exigit finis a se præstitutus. Id vero quid aliud est, quam Mundi providentiam habere? Hac enim utpote prudentiæ pars nihil aliud est, quam *ratio ordinandorum in finem*. Si igitur ex una parte Mundum ille produxit, ex alia sapiens, & prudens est; illius curam & providentiam habet, seu illum gubernat & regit. Quocirca qui Deo admittit providentiam, alterutrum necesse est, vel Deum condidisse Mundum (quemadmodum re ipsa negarunt *Democritus* & *Epicurus*) vel prædictum esse sapientiam, atque prudentiam: utrumque vero summæ stultitiæ, & impietatis est; proinde stultissimum impiissimumque est, ne-

negare Deo providentiam, curamque Universi: quod erat demonstrandum.

Hæc ratio clarissime patet, non modo totum hoc universum divinæ subijci Providentiæ; sed etiam singulas ejus partes contra vetustos quosdam Philosophos; quorum alii res corruptioni obnoxias, alii homines, vel omnimode, vel saltem quoad liberos eorundem ætus, eidem providentiæ subtrahere non dubitarunt. Si enim Deus omnium omnino, quæ sunt, auctor est, & quidem auctor sapientissimus, jam non potest, non omnia ad debitum finem non ordinare, & promovere: quod est providentiam habere, ut dictum est.

Robur amplius sumit hæc ratio, si quis consideret, nedum hoc universum a Deo fuisse ab initio productum; sed etiam perpetuo ipsius conservari virtute; alioqui non tantum utcumque turbaretur exquisitissimus ejus ordo, sed in nihilum prorsus Universum ipsum abiret. Actio autem Dei conservans eandem est prorsus ac ea quæ produxit juxta tritum illud: *conservatio est continuata productio*. Igitur Deus etiam nunc agit, & operatur in hunc Mundum, eamque quodammodo continenter producit. Anne vero totum hoc sine aliquo erit sine? dementissimus sit oportet qui hoc affirmet. Ergo nunc Deus Mundum procurat, regitque, singulasque ejus partes in propriis dirigit fines, ipsosque fines omnes particulares in ultimum aliquem finem, qui alius esse non potest, quam ipsemet Deus, quatenus sese quodammodo in creaturas effundit, seque illis communicat, & ex iis, seu ex perfectissimo illarum ordine divina ejus bonitas, ceteræque ejus perfectiones manifestantur, & elucet.

Huic rationi, quæ si recte perpendatur, ineluctabilis demonstrationis vim habet, aliæ addi possunt argumentationes non paucæ, quæ adquemlibet cordatum hominem persuadendum aptissime sunt; cujusmodi est, 1. Quod notio Providentiæ divinæ humano cordi naturaliter insita videatur, ut idcirco in repletis ad Deum invocandum, natura veluti ducente, feramur. 2. Quod peri-

tiores quique philosophi, ipsique poetæ (qui ex communi sensu in moralibus loqui solent) eandem agnoverint Providentiam ab ultima vetustate. 3. Quod dubitandum non sit, hanc fuisse gentium, quæ aliqua religione usæ sunt, adeoque omnium, vel pene omnium, persuasionem: neque enim Deum cultu aliquo sibi propitium reddere conati essent, nisi humana ab ipso curari, administrarique existimassent. 4. Experientia compertum est, artifices operum suorum, parentes filiorum, quin & bestias suorum sætuum, naturali instinctu curam gerere: quidni idem sentiendum de Deo sapientissimo artifice, & parente optimo suarum creaturarum? Hæc, & similia alia argumenta tum quod ab aliis fuisse dataque opera sunt, expensa, tum quod in re certissima versetur, evidentissimæque, pluribus persequenda non arbitror; adeoque lubens prætereo.

At vero quanto clarius emicat in omnibus divina Providentia, tanto audacius, fidentiusque in eam insurgunt ipsius osiores, ac ut poetice paulisper loquar, *imponunt Pelion Offe*, ut Deum e throno præsentis suæ, si fieri posset, deturbent. Quodque magis est, dementem impiamque temeritatem suam pietatis etiam furo delinire nituntur. Ajunt nimirum, melius Dei honori consultum esse, si ei omnis adimatur hujusce mundi procuratio, quam si tribuatur; quia, inquit, hujusce modi procuratio nec ipsius congruit naturæ, neque ea, quæ in hoc mundo contingunt, cum divinæ procurationis decore conciliari valent. Nam alienum est, ajunt, a Dei natura, utpote æterna, atque beata, alienis implicari negotiis, quum ipsam quiete perfectissima, summaque tranquillitate gaudere deceat: igitur non recte tantæ molis ipsi imponitur procuratio. Nullum deinde ex istiusmodi procuratione potest Deus percipere fructum, quum illius natura nullius rei indiga sit, sed sibi plene sufficiat. Nemo vero prudens frustra operatur quicquam. Tertio, Deus eiusdem procurationis finem nullum præstiturum potest: scilicet non sese; quia nihil sibi potest acqui-

rere, quod antea non haberet: non alia quæcunque; quia indignum est Dei perfectione tendere in finem extra se constitutum. Quarto, ideo Rex subditorum, pater filiorum, domusque suæ curam gerunt, quia exinde ex parte saltem, ipsorum felicitas pendet: bruta etiam, infligante natura, suorum sætuum curam habent, quia ex eo pendet conservatio eorundem speciei. Quam vero nihil horum locum habere possit in Deo, dicendum est, mundi curam ei nullatenus convenire. Quinto, peritissimi Artifices multoties opera negligunt sua, abijciuntque: cur non eodem modo sese potest gerere Deus? Quod si quidam Artifices opera sua sedulo conservant, id propterea faciunt, quod ex eis aliquid emolumentum sperant, vel gloriam saltem, quæ ipsorum augeat felicitatem: at Dei felicitas neque utilitate ulla, neque gloria quâcunque augeri ullatenus valet: potest igitur cunctorum, quæ fecit, curam omnem abijcere: at si potest, quid demum obstat, ne dicamus re ipsa abijcisse?

Levisima sunt hæc, & vix responsione digna; primumque præsertim membrum, quod unicum tamen Epicuri fundamentum erat. Eapropter in *selektis ejus brevioribusque sententiis*, ut ait Tullius, quas Epicurei appellant *ætas dicitur* (quasque refert Laetius in ejus vita) hæc est prima sententia: *Quod beatum, & immortale est, id nec habet, nec exhibet cuiquam negotium: quasi vero, Ens omnipotens, perfectissimum, sapientissimumque aut perturbari negotiis, aut curis delatigari, aut lassari operibus valeret: quo nihil absurdius, aut dementius cogitari potest. Dispelluntur quoque paucis verbis cetera hujus objectionis membra. Hinc ad secundum respondeo, beneficæ naturæ factis esse aliis benefacere; neque frustra & incassum qui alios juvat, operari. Operari porro absque spe utilitatis, perfectionis est; absque hinc operari, est dementia. Et si quidem aliquis Deo finis fuit, ut crearet, idem illi esse potest, ut gubernet. Creationem quidem Mundi a Deo factam negat Epicurus,*

sed quam insipienter, & stolidè, constat ex præcedente paragrapho. Ad tertium aio, procuracionem proxime quidem tendere in creaturæ bonum, ultimo autem in Deum ipsum, ejusque gloriam; quæ ex exquisitissimo ordine hujus Universi resultat: quod utrunque summopere divinæ bonitatis convenit. Quartum ex responsione ad secundum & tertium omnino concidit. Ad quintum vero dico, artificem nullum, si sapiat, opus aliquod eximium plane abijcere; multo minus Deum: qui neque posset, omnem Mundi curam dimittere, quia in nihilum abiret.

Firmiora in speciem sunt argumenta, quæ alio ex capite opponunt providentiæ Dei oses. Ajunt enim: quomodo cum Dei O. M. providentiâ, gubernatione, & cura tot conciliari possunt mala, quæ in hoc Universo contingunt, & naturæ & pœnæ & culpæ? Et primo quidem, mala seu errores naturæ quot, quantique sunt? Perpetua nempe serme, tempestatum inconstantia, ac perturbatio: modo igniti summique calores, qui cuncta exurunt; modo exundantes enormæque aquæ, quæ magnam terrarum abruunt partem; modo erumpentes subterranei ignes, qui longe lateque campos devassant; modo terræ motus, & concussionis horribiles, quæ civitates evertunt; nec frigora nec calores tempestatum ordinem servant, & alia id genus innumera. (2.) Mala pœnæ sunt innumera. Quot enim ærumnis, quot miseriis non consistunt homines: quorum potissima cura Deo, si quid provideat, incumberet. Ac si quidem improbi duntaxat, vel saltem potissimum, ejusmodi ærumnis essent obnoxii, id atuncque ratione aliqua non vacaret. At (3.) contra videmus, malos sapissime in summa prosperitate versari, dum interim boni premuntur intolerabili malorum mole. Sed hoc ipsum (4.), quod in hoc Mundo tot mali, & improbi sunt, num bene, recteque cum divina gubernatione cohæret? Cur Deus, si ulla ipsum tangit hominum cura, eos minime continet in recto virtutis, & probitatis tramite? I n-

I lib. I. de
Naturæ,
Deor.

Cap. 15.
v. 12.

Com. 10.
Cap. 1.
Abacuc.

mo cur (1) vel ab initio non omne exterminavit peccatum, quum hoc Deo ita contrarium sit, ut si fieri posset, ipsum e throno Deitatis deiceret? Quæ quum ita sint, concludunt illi, melius honori divinitatis consuli, si asseratur, Universum, ac præsertim genus humanum, potius quam tanta fœcordia ac pravitae, nullo modo a Deo administrari. Quin hominem revera a Deo minime regi, aut gubernari certum vel ex hoc ipso videtur, quod illum plena libertate donavit, ac, ut ait Siracides, *reliquit in manu consilii sui*: quod perinde est, ac ejus curam abdicasse; quemadmodum Parentes sese gerere saepe solent erga filios, qui ad adultam jam ætatem pervenere. Demum saltem minima animalcula a Dei providentia ipsa gubernante oportet excipere. *Absurdum est enim*, ut ait S. Hieronimus, *ad hoc Dei deducere Majestatem, ut sciat per momenta singula quot nascuntur culices, quotve moriantur: quæ cimum, pulicem, & muscarum sit in terra multitudo &c.* Quorum vero non est in Deo cognitio, illorum nec providentia ulla esse potest. Hæc ferme illi.

Attamen iis omnia, quanquam summa præsentia ab impiis proponantur, jactenturque, haud difficile est respondere. Dico itaque ad primum, ea quæ videntur errores naturæ, errores re ipsa non esse, sed necessarias legum ab initio positarum consecutiones. Hujusmodi vero leges esse sapientissime constitutas nemo dubitaverit, nisi qui temerarius adeo & impius fuerit, ut Deum insipientiæ arguere non vereatur. Ad secundum: Deus sapientissima providentia disposuit esse mala in hoc mundo (1) ad exercitium virtutum, quarum pleræque absque hujusmodi malis locum non haberent. Quæ enim sine malis Fortitudo, aut Patientia? Quæ sine ærumnis Misericordia? Quæ sine paupertate Liberalitas? (2) ut homines intentius vacarent Sapientiæ, quæ ma-

xime in malis discernendis, cavendis, repellendisque elucet. (3) Ad Mundi pulchritudinem quæ sine admixtione malorum minor esset; quemadmodum & pictura minus pulchra est, in qua nullæ sint umbræ. Sane bona ipsa comparatione malorum potissimum elucet; hinc nos magna ex parte ignoraremus, quot quantisque bonis donati a Deo simus, nisi comperta forent mala, a quibus liberamur. (4) Mixtio malorum magis immo commendat providentiam, bonitatem, & omnipotentiam Dei: Non enim ille, quum sit omnipotens, & summe bonus ullo modo fuisset, ut adnotat S. Augustinus, *aliquid esse mali in operibus suis, nisi usque adeo esset omnipotens & bonus, ut beneficeret etiam de malo.* (5) Quæ respectu hominum mala sunt, bona esse possunt relate ad systema integrum Universi. Spectat vero ad Supremum generalemque Provisorum peculiarium creaturarum bonum aliquando negligere, si hoc ad bonum & perfectionem totius Universi necessarium sit: (a) ob quam rationem sapiens Princeps etiam cum aliquo peculiarium personarum damno bono totius communitatis quandoque prospicit. (6) Demum quamquam Providentia divina, quoad mala, quibus premuntur homines, satis hisce rationibus vindicetur, fides tamen catholica multo melius nolum hunc solvit, præciditque, docens, omnium hujusmodi malorum causam & originem esse peccatum, quod primus homo patravit, & quo omnes mox nascuntur infecti. Et quidem hoc est dogma Fidei: quod tamen vel ipsi saniores philosophi quoadentenus suspicati sunt; nec ipsi *Dei* illud refellere ullatenus valent, ut necessarium foret, priusquam ad divinam Providentiam ex malorum capite impugnandum accederent, etiamsi daremus, rationes alias eandem Providentiam tuendi minus idoneas esse.

Ad tertium. Quam mala præter ra-

L 2 tio-

Exchie,
n. p. alia
cap. 11.

(a) Cum Deus sit universalis provisor totius entis, ad ipsius providentiam pertinet, ut permittat quosdam defectus; ne im-

petatur bonum universi perfectum. S. Th. 1. p. quæst. XXII. a. 2. ad 2.

quam fit cum peccato; sicut imperfecta foret pictura, quæ umbra careret omni, ut dictum est. Itaque quemadmodum Imperantes sapienter iusteque mala quandoque permittunt ob bonum communitatis; ita Deus potuit, peccatum primi hominis permittere ob maiorem totius Universi perfectionem, atque ob maius bonum totius Genus Humani. Scilicet omni in hominibus excluso peccato, minus esset exercitium virtutis, quia plurimarum virtutum materia, & occasio deesset, ut iam innuimus: minus quoque haberetur gratiæ, quia dempto peccato, divini Verbi Incarnatio, vel nullo pacto, vel non ita congrue, nec tanto cum hominum emolumento facta fuisset: minus quoque demum gloriæ & beatitudinis; nam hæc respondet gratiæ magnitudini. Hic ista innuere sufficiat; nam hæc de re fusius disputare alterius loci est. Illud duntaxat hic addo ad maiorem objectionum, quæ ex malis deducuntur refutationem: si homines non adeo superbi, sui que amantes essent, ut Mundum sui tantum causa creatum a Deo putarent, non tot adversus Dei providentiam, malorum, quæ perferunt, prætextu querelas instituerent. Quemadmodum civis, si prudens, & sapiens fuerit, is minime de Imperante conqueritur, si quandoque ex lege ab ipso lata aliquid sibi nocuentum obveniat; novit enim, imperantem non privato sui, aliorumve commodo, sed totius præsertim Communitatis bono legibus suis consulere debere. Ita plane quæcunque in hoc universo quædam mala, etiam si mala sint respectu particularis alicujus ejusdem partis nempe hominis; si tamen cum bo-

no totius Universi conferantur, adeoque relate ad finem ut ita dicam, *universalem* creatoris, & provisoris, bona dici possunt: atque vel hæc sola consideratio satis esse deberet ad obtruenda ora loquentium iniqua adversus supremi Nominis providentiam.

Ad sextum. Libertas quæ homo donatus est, eum a necessitate quidem, non a providentia divina eximit ullo pacto: potest enim Deus, eius libertate incoluni, ad finem, quem in eo creando sibi præstituit, certissime dirigere, modo scilicet illum suaviter permovendo ad bonum, modo in eo iuste, sapienterque permittendo malum. Ac ipsa sese Deum ita erga hominem gerere, tam certum esse debet, quam certum est, Deum nec sine certo fine potuisse hominem condere, nec assequendi finis, quem sibi constituerit, impotentem esse, neque finem bene sapienterque constitutum posse negligere. Hinc allatus *Ecclesiastici* textus intelligendus est procul dubio de libertate ei concessa, non de abdicatione ejus curæ: eo enim collineat illo loci *Siracides*, ut doceat, peccata hominum Deo adscribenda non esse: ad quod satis est, ut homo ad ea patranda minime adigatur a Deo; neque impulsu aliquo necessario ad ea moveatur. (a) Ad rem vero non facit similitudo Patris, qui filium abdicavit; nam huiusmodi abdicatio in supremo ac generali Provisoris locum habere non potest: neque enim ille alicujus partis curam valet abjicere, quin una simul totius Universi negligat bonum, sine quo, qui ex partium singularum ordine necessario consurgit.

Demum tantum abest ut minutissima-

Deo coudi potuisse. Ceterum etiam S. hic Doctor in hac sententia fuisse videtur, Deum potuisse permittere peccatum ne minueretur universi perfectio, ut colligitur ex ejus verbis in nota præcedente allatis, & ex his quæ immediate sequuntur: *Si enim omnia mala impeditentur, multa bona deessent universo. Non esset vita leonibus, si non esset occisio animalium; nec esset potentia Martyrum, si non esset persecutio Tyrannorum.*

(a) *La hoc quod dicitur, Deum hominem sibi reliquisse, non excluditur homo a divina providentia, sed ostenditur, quod non præfigitur ei virtus operativa determinata ad unum, sicut rebus naturalibus, quæ aguntur tantum, quasi ab altero directæ in finem, non autem se ipsa agunt, ut creatura rationales per liberum arbitrium, quæ cunctantur, & eligunt.* S. Th. p. I. quæst. XXII. art. 2. ad 4.

C A P U T III.

marum rerum cognitio divinam dedecet majestatem, ut summam potius ejus sapientiam magnopere commendet, quæ infinita esse nequiret, si quidpiam etiam si minutissimum ignoraret. Et profecto si Deum minime dedecuit, minutissima ista producere, cur dedecernerit, si ea omnia cognoscat; eo vel magis, quod nihil adeo minutum esse possit in Mundo, quod ad perfectionem Universi non conferat suo modo. Si nobis aliter videatur, ideo est, quod imbecilli mentis nostræ acie intus rerum omnium nexum, colligationemque non percipimus. Neque vero putandum est, adeo desipuisse Hieronymum, ut vel minutissima animalia a Dei scientia & providentia omnimode eximeret (quam alibi disertissime doceat, & parva animalia absque Deo Autore non decidere, & in omnibus providentiam esse, fateatur) sed ab ea duntaxat speciali, quæ hominibus impenditur, cujusmodi præfertim est, quod Angeli hominibus præfideant: exinde enim insert, apocryphum habendum esse librum illum, in quo scriptum est, quendam Angelum nomine Tyri præfisse reptilibus. Favent sane verba, quæ ibidem præmittit: Ne finis tam satui adulatores Dei, ut dum potentiam ejus ad ima detrabimus, in nosmetipsos injuriiosi finis, EANDEM rationalium quam irrationalium providentiam esse dicentes. Quum tantummodo neget eandem esse reptilibus ac nostri providentiam, aliquam etiam ipsorum esse satis ostendit. Igitur nonnisi summa injuria, Doctori maximo, vel minimum summæ dementiæ ac impietati, quam hic reffellimus, patrocinium adscribi potest. Atque hæc de Divina Providentia quod præsens attinet, satis.

Deo convenit verum & legitimum jus imponendi leges hominibus. Jus istud non fundatur in sola Dei potentia irresistibili, ut vult Hobbesius: neque in præcellentia naturæ, ut aliqui docent apud Pufendorhium: nec in collatis beneficiis, ut ipse Pufendorhium censet: nec in sola creatione, ut existimat Barbeyracus: sed in creatione cum summa potentia, sapientia, & bonitate conjuncta.

DE O. M. legitimum jus imponendi hominibus convenire, nemini negaverit qui Deum existeret, hominibusque creare fateatur. Atque nunc sit radix, & fundamentum hujus imperii, non ita conveniunt qui de hoc argumento scripsere, sed in varias distrahuntur sententias. Hobbesius ceteris longius a veritate recedens, illud ex sola Dei omnipotentia repetit; ac debitum quo obstringantur homines, obtemperandi Deo, in eorum imbecillitatem refundit; ait enim: regendi & puniendi eos, qui leges suas violant, jus Deo est a sola potentia irresistibili. Et paulo post iis, quorum potentia resisti non potest, & pen consequens Deo omnipotenti jus dominandi ab ipsa potentia derivatur; & quotiescunque Deus peccatorem punit vel etiam interficit, etsi ideo puniat, quin peccaverat, non tamen dicendum est, non potuisse Deum eundem jussu affligere, vel etiam occidere, etsi non peccasset. Infra vero hæc habet: quod si jus regnandi habeat Deus ab omnipotentia sua, manifestum est, obligationem ad præstantiam ipsi obedientiam, incumbere hominibus propter imbecillitatem. Hæc Hobbesius. Alii, Pufendorfo teste, originem imperii, potestatisque quam habet Deus, imponendi obligationem hominibus, deducunt ex *εἰσροχή*, seu ex eminentia naturæ divinæ. Rationem petunt ex ipsa natura hominis, in quo mens seu præstantissima pars, dirigendi vim habet. Pufendorfus vero jus istud arcessit ex beneficiorum collatione: omnino agnoscitur

De Civ. cap. XV. sum. 3.

Cap. XV. sum. 3.

De Jur. nat. de gen. lib. I. cap. VI. §. 1.

In Cap. X. Matth. v. 29.

dum est, inquit, non solas vires sufficere (aut solam naturæ eminentiam) ut mihi ex alterius voluntate obligatio nascatur; sed accedere insuper oportere, ut aut nō isto insignia quadam bona sint in me profecta, aut ut ipse ultro in ejus directionem consenserim. . . . nam uti naturaliter non potest non quis illi conciliari, ab i quo multa bona accepit; ita, si confiterit, eundem & bene mihi vellet, & certius quam ipse velleam, mihi prospicere posse, sinulque idem alicui mei directionem sibi vendicat, nil apparet rationis, quare imperium istius detestare velim. Paulo aliter & aliquanto confusius hac ipsa de re alibi loquitur. Quæ quidem varietas, ut adnotat Barbeyracus, signum est rei minus liquido perceptæ. Nec omnino prebat *Pufendorfi* sententiam implet *Barbeyracus* exillmans, causam omnem divini in homines imperii revocandam esse ad dependentiam naturalem, qua supremi Numinis imperio subsumt, eo quod ab ipso existentiam habent, & motum, & vitam. Porro istorum neminem rem acu tetigisse, ex probationibus mox atferendis compertum fiet.

In primis itaque dico, in dubium vocari non posse, an Deo conveniat verum, legitimumque jus imponendi leges hominibus. Nam quæcunque demum statuatur origo illius naturalis imperii, & fundamentum, sive summa & irresistibilis potentia cum summa sapientia, & bonitate conjuncta, sive excellentia præstantissimæ naturæ, sive eximiorum collata beneficiorum, sive demum ratio productionis, seu causæ effectricis; perspicuum est exploratumque, id omne perfectissimo gradu in Deo quoad homines reperiri. In confesso nanque est apud omnes ejus omnipotentia, cui resistere nemo valet. Nemo etiam ignorat infinitam ejus sapientiam, bonitatemque. Divina autem natura tanto est natura humana præstantior, quanto creaturam Creator dignitate præcellit. Beneficia vero homini a Deo collata immensa esse, quis dubitet? quum quidquid habet homo, Dei beneficentia pos-

sideat. Est demum Deus efficiens hominum causâ, quippe qui eos e nihilo creavit, adeoque verus illorum Dominus est: quemadmodum quilibet Artifex operis sui dominio gaudet. Ambigendum igitur non est, Deo verum legitimumque legum hominibus imponendarum jus convenire.

Ajo tamen secundo, divinum hujusmodi jus minime fundari in sola ejus potentia irresistibili, ut vult *Hobbesius*. Nam primo, illud est verum legitimumque jus imperandi, quod recta adprobat ratio, seu cujus gratia ipsa dicat, veram obligationem moralem parendi in subdito oriri; itaut iudicet, malum moraliter esse nolle. sese imperanti subicere, atque obedientiam præstare. At vero rectio ratio nullatenus adprobat, eum, qui viribus præstat atque potentia, eo ipso imperium in alios sibi arrogare posse; neque omnino judicat, ex sola alterius majore validioreque potentia moralem parendi obligationem in imbecillioribus oriri: neque demum ulla ratione dicat, sese eidem submitendum esse ex moralis obligationis idea, sed potius, si fieri utique posset, ei resistendum; cedendum vero, non quia resistere iniquum, sed quia aut inutile foret, aut noxium. Scilicet eo in casu recta ratio agnoscit quidem patiendi imperii necessitatem, non vero morale debitum illius æquo animo acceptandi ferendumque. Sola igitur potentia irresistibilis nemini ratio sufficiens est juris legitime imperandi; atque adeo sola omnipotentia nequam Deo tribuit naturale jus imperandi, seu imponendarum hominibus legum. Deinde Imperium, quod sola nititur potentia, communium omnium sensu est tyrannicum: neque enim alia ratione legitimi Imperantes differunt a Tyrannis, nisi quod illi, seclusa etiam potentia, qua cogere possint, imperandi habent facultatem; hi vero sola potentia invitos ad obsequium compellunt. Quis porro sana mente sanoque consilio tribuere audeat Deo imperium, quod illi sit cum Tyrannis commune?

Igitur nonnisi absurdissime dicitur, illius imperandi jus in sola potentia irresistibili, seu in ejus omnipotentia fundari.

Aio tertio, Dei imperium nequaquam fundari in sola præcellentia Divinæ Naturæ. Major enim excellentia naturæ ex se apta est tantummodo ad æstimationem, seu admirationem in aliis excitandam: seu is, qui natura præstat, id duntaxat recto jure exigere ab aliis potest, ut veritatem istam agnoscant & fateantur, seseque illi nobilitate pares haud existiment: at vero totum hoc consistit in mera cognitione: igitur sola naturæ excellentia satis non est ad legitimum imperandi jus cuiquam tribuendum.

Accedit fieri utique posse, ut qui naturæ præstantia altero inferior est, atamen sibi ad sui regimen ipse sufficiat; id saltem ex natura rei minime repugnat: quo sane posito, nulla ratio est, cur is moralem parendi alteri in se obligationem agnoscat, quantalibet ille naturæ perfectione superemineat.

Præterea, si quispiam perfectione præditus natura, sibi que in alium imperium arrogare præsumat; nonne hic priusquam sese illi sponte submittat, primum ab eo exquirere recte potest, quem in finem, bonum ne, an malum velit eum dirigere, quibusque uti erga ipsum mediis, bonis ne an malis, & hac de re cum ipso pacisci? At hoc vero signum evidens est, solam maiorem naturæ præstantiam non tribuere jus imperii in quempiam: ab eo enim, qui jus imperandi habet, conditionem nullam exigere quis valet ab obedientiam ei præstandam, sed jubenti parere simpliciter debet.

Ajo quarto, errare *Pufendorfum*, dum divinum imperandi jus ex beneficiis a Deo hominibus collatis unice arcessit. Etenim (1) collata alteri beneficia ex se & suapte natura nil aliud præter gratitudinem exposcunt: at hæc ab eo, qui beneficia accepit, haberi, exerceri que potest, quin sese benefactoris imperio subjiciat: igitur beneficiorum quo-

rumcunque collatio satis non est, ut quis imperium sibi in alium arrogare merito valeat. Addo, nullum fortasse majus beneficium quempiam impendere, quam qui vitam alteri servat: at hic tamen inique se gereret, si hoc ipso in hominem illum vellet imperium arripere; ut omnium sensu exploratum est.

Præterea, obligatio moralis ei parendi, qui imperandi jus habet, est obligatio strictissima & necessaria: at obligatio, quam collata beneficia pariunt, non est hujusmodi; sed *conventientie* potius, quam necessitatis obligatio ista est: neque enim necessitatem ullam inducere potest virtus gratitudinis: sola igitur beneficia ad jus imperii constituendum minime sufficiunt.

Ajo quinto, falli *Barbeyracum*, dum divinum imperandi jus ex sola repetit creatione: quod ita ostendo. Quod aliquis causa sit rei alicuius, v. g. Artifex alicujus artefacti, hoc illi tantummodo jus tribuit, ut de eadem quicquid libuerit, facere possit, uti figulus de vase abs se confecto; sed hoc ad ejus potentiam pertinet: diximus vero, potentiam non esse sufficiens imperii fundamentum: igitur ex eo solummodo, quod Deus hominem creaverit, non consequitur, ut in hominem ipsum imperandi jus habeat; sed ut valeat duntaxat, de ipso quicquid libuerit facere; adeoque eum ad obediendum compellere, vel etiam in nihilum redigere.

Deinde, productio rei, si sola spectetur, parit utique dominium *propriæ* tatis, secus autem *jurisdictionis*: ex eo enim, quod rem aliquam quis condiderit, id solum conficitur, eam rem esse suam. At imperium est dominium non *propriæ* tatis, sed *jurisdictionis*: igitur productio hominum a Deo patrata, si ea spectetur sola, sufficiens jus ipsi non tribuit ad leges iisdem imponendas. Quod potest & alia ratione firmari. Nam si homo creatus esset ab aliquo *principio malo*, cujusmodi *Manichei* admittebant, & quidem ob malum finem, ut nempe miser redderetur, perpetuæque crucia-

ciatibus torqueretur; nullo profecto morali debito adfringeretur ad sese illi sponte submitendum; quin potius eidem optimo jure reluctari animo posset, tametsi imbecillitate virium resistere non valeret: & tamen malo illi principio ea in hypothesi, integrum conveniret creationis jus: nuda igitur creatio sufficiens non est naturalis imperii fundamentum.

Sexto demum aio, Dei in homines naturale jus exurgere ex ejus creatione cum infinita ejus sapientia, potentia, bonitateque conjuncta. Duplici ratione id planum facio. Primo, si quispiam alterius sit causa efficiens, eaque bonitate sit praeeditus, qua velit, personam a se productam felicem reddere: ac insuper ea sapientia polleat, qua idonea ad id media feligere valeat: atque demum ei potentia non desit, qua id valeat executioni mandare, reluctantemque punire; tunc recta ratio causam nullamprehendere potest, ob quam sibi persuadeat, illi non esse parendum: immo cum probe intelligat, hujusmodi obedientiam unicum esse medium, quo propriam, quam non amare non potest, beatitudinem consequatur, jam non valet ratio non improbare inobedientiam, inobedientemque damnare. Si igitur creationis divinae, adeoque & divinae omnipotentiae addatur quoque summa ipsius sapientia, & bonitas infinita, comperta res est, Deo verum legitimumque jus imperii in homines convenire, hominibusque veram atque strictissimam eidem parendi obligationem.

Contra vero, si vel una ex modorecensatis conditionibus desit, divinum in homines imperium neque legitimum, neque satis firmum esse intelligitur. Nam primo, sola omnipotentia non sufficit, ut superius demonstravimus. Sed neque sapientia & bonitas ab omnipotentia sejunguntur, quia absque potentia ad benediciendam inefficaces sunt. At nec cujuscumque quidem particularis beneficii collatio satis est, ut probatum est: sed tale sit oportet, ut naturalem hominis a Deo dependentiam in omnibus

inducat; cujusmodi est sola creatio. Sed hanc etiam solam nequaquam sufficere item demonstravimus. Igitur insuper requiritur bonitas & sapientia. Demum nec etiam satis est potentia cum sapientia, & bonitate, si illa a beneficio creationis sejungatur. Fac enim (hypothesim porro absurdissimam quidem, sed huic manifestandae veritati apprimè idoneam) hominem quidem creatum esse, sed qui creavit, ejusdem curam nolle gerere omnino ullam (ut ii Philosophi docent, qui Deo abnegant humanarum rerum procuracionem) tum vero fore aliud Numen, quod potentia, sapientia, ac bonitate praecelleret, quodque idcirco hominem & pluribus beneficiis cumulare, & ad felicitatem promoveri posset ac vellet; clarum esse videtur, hujusmodi Numen, non adhuc posse pleno jure imperium sibi in hominem vindicare, nec hominem vera obligatione morali ad sese illi submitendum adfringere; quandoquidem, quum ab eo esse non habuisse supponatur, naturalem ab ipso dependentiam non haberet: atque adeo posset cuicumque beneficio & felicitati ipsi ab eo Numine conferendae renunciare. Igitur haec omnia simul, nempe potentia superior, summa sapientia, ac bonitas, & creationis beneficium ad naturale, legitimumque Dei in homines imperium fundandum concurrant, necesse est.

Ex his vero inferri facile potest, nec Joannem Jacobum Burlamaquium, qui alioqui egregie aliorum refutavit sententias, satis accurate divini juris fundamentum proposuisse, dum Dei imperium ex potentia superiore junctum cum sapientia & bonitate deduxit. Attamen, quum ex iis, quae praemittit, satis colligatur, eum etiam Creationi in Divino jure fundando partem suam tribuere, non putamus, ipsum a nobis dissentire; sed per potentiam superiorem non qualemcumque, sed creatricem potentiam, seu qua Deus homines creavit, intelligere, facile nobis persuadeamus. Haec quidem de naturalis Dei in homines imperii fundamento: nam de

Principes
du Droit
d'Nature
Part. I.
Cap. IX.
§. 4.

Tom. I.

M

fun-

fundamento imperii humani, seu unde Regibus, & Principibus jus imperandi obveniat, alia, alteriusque loci res est. Ex his tamen, quæ hoc loco dicta sunt, illud exploratum fit, compertumque, eorum imperandi jus, neque a sola sa-

piencia & bonitate, neque a collatis beneficiis, & multo minus a *potentia irresistibili* (quod absurdissime asseruit *Hobbesius*) oriri posse. Sed hac de re alibi.



DE PRINCIPIIIS JURIS NATURÆ, ET GENTIUM LIBER IV.

*De secundario, & proximo juris naturalis fonte,
nempe humana natura.*

Naturam humanam aliquo modo esse juris naturæ fontem, veterum Philosophorum sententia est, quam Tullius proponit his verbis: *natura juris explicanda est nobis, atque ab hominis rependa natura*. Veteribus etiam Recentiores plerique consentiunt; quibus & ego maxime assentior. Per se quippe manifestum videtur, humanæ naturæ jus ex ipsa hominis naturâ effluere aliquo modo debere. At natura humana si ad primum juris naturæ fontem, quem Deum esse, diximus, referatur, secundarius est: & quia post se alium non habet, proximus jure vocatur. Ex duobus hisce fontibus prior ut juris auctor, & conditor habendus est; alter nempe humana natura, haberi potest ut codex, in quo inscriptæ insculptæque Dei leges continentur. Qua etiam ratione Apostolus eam spectasse videtur; dum ait,

Rom. II. habere homines opus legis scriptum in cordibus suis. Aperiendus igitur est hujusmodi codex, ut inscriptæ a naturâ leges detegi, & ut ita dicam, perlegi queant; atque etiam identidem considerandæ cum primo juris fonte, seu cum indole, & genio Legislatoris supremi, ut recte, & perfecte intelligi, explicarique possint. Quamobrem in hoc capite disseremus de humana natura: ita tamen, ut illas tantum quæstiones enucleandas sumamus, quæ explicandis vindicandisque naturæ legibus inserviant. Eas inter locum principem tenent duæ illæ gravissimæ, maximeque necessariæ disputationes, quæ de animi immaterialitate, immortalitateque institui a Philosophis solent. Nos enim

longissime absumus ab illorum errore, qui in hisce quæstionibus disentiendis frustra nos fatigat, ac sollicitos esse contendunt. Nonne Philosopho cuique, jurisque naturæ consulto indiguum plane videatur, quod scribit *Fleischerus* Thomasi explanator his verbis: *frustra sumus solliciti an anima sit immortalis? . . . an sit spiritualis, an vero materialis?* Eo quod ut dixerat paullo ante, *cacutit, & ineptit ratio in ejus indole & essentia indaganda*. Quid absurdius dici potest? At hac in re non humanam quidem generatim, vel tot præclarissimorum hominum, qui in *indole & essentia animi indaganda* insudarunt, sed *Fleischerianam cacutire, & ineptire* rationem suo loco demonstrabimus. Interim vero judicet prudens Lector, an non *solliciti* summopere esse debeamus de ea quæstione, ex qua validissimum pendet incitamentum aculcimentum Virtutis. Et sane nostram maxime interest nosse, an post mortem eorum omnium, quæ in vitâ gesserimus, reddenda sit ratio; & an in futura vitâ expectanda sit aliqua bene vel male gestorum retributio, cum præsentis vitæ, quibus fruimur, bonæ, malæque, quæ perferimus, omnia finem suum habitura. Enimvero quicumque de animi nostri immortalitate indaganda *solliciti* non sunt, atque per consequens brevissimæ hujus vitæ exilibus, semperque incertis bonis fruendis, malisque, sæpe frustra, cavendis unice sunt addicti, maximam pulcherrimæ juris naturalis disciplinæ injuriam irrogant, ac ferme infamiam creant. Has itaque nos diligenter quidem, uti per nos fieri po-

*Idem Jur.
Nat. de
Gen. lib.
I. cap. I.
p. 22.*

*De leg.
lib. I.
cap. VII.*

*Rom. II.
97.*

M 2 te-

terit, tamen æque pro instituto nostro breviter, quæstiones verfabimur. Sequitur alia de libertate nostra nil minus necessaria disputatio: cui adjuvamus de recta ratione judicanda, de incitamentis & instrumentis, quibus voluntas nostra ad agendum quicquid agit, moveatur, aliasque nonnullas in rem nostram utilissimas quæstiones.

CAPUT I.

Homo non solo corpore constat, sed & animo prorsus immateriali, seu spirituali. Falsissimum absurdumque est Jo. Lokii commentum, videlicet incertum esse, utrum Deus cogitandi vim possit materia conferre.

Nemo forte negavit, homines verum corpus habere. Nam Philosophos illos, qui nobis non corpus, sed solam corporis ideam inesse affirmabant (ideoque *Idealiste* vocati sunt) paradoxum illud non tam serio, quam ostendendi acuminis causa propugnasse reor. Utinam vero quemadmodum illi perpauci, ita & pauci essent ii, qui solo corpore, seu tenuissimorum corpusculorum congerie, ac textura constare se tueantur, & propterea *materialiste* vocari solent. Cum vero illi per intimum sensum certo cognoscant, substantiam sibi cogitantem inesse, ideo non minori audacia, quam stupiditate contendunt, substantiam cogitantem non esse distinctam a corpore. Non una tamen eademque ratione id explicant, seu potius implicant *Materialiste*. Veteres Epicurei, ut colligitur ex Lucretio censebant, cogitationem esse motionem tenuissimam, mobilissimamque substantiam cerebro in-existentis. *Dicæarchus* celebris Aristotelis discipulus, Tullio referente, autumabat, substantiam qua cogitamus, non esse, nisi corpus unum & simplex, ita figuratum, ut temperatione naturæ vigeat, & sentiat; addebat vim eam, qua vel agamus quid, vel sentiamus in omnibus corporibus vivis equaliter esse factam, nec separabilem a corpore esse. Vim hanc, seu habitum Græci *armoniam* vo-

cabant teste *Incretio*. Ex recentioribus *materialistis* *Hobbesius* cogitationem ut & sensationem docet esse actionem cerebri. Quoniam, inquit, motus ab obiecto per media ad organi partem intimam propagato fit aliqua totius organi resisten-tia, sive reactio; fit propterea conatus ab obiecto conatus ab organo contrarius; ut quum conatus ille ad intimam ultimam a-dus sit eorum, qui sunt in actu sensio-nis; tum demum ea reactione aliquandiu durante ipsum existit phantasma, quod propter conatum versus externa semper videtur tanquam aliquid situm extra or-ganum. Nec aliter explicat cogitationem, ut patet ex sequentibus ejus verbis: or-bis p. optuus tum sentientibus, tum co-gitantibus phantasmatum idipsum est; quod appellari solet animi discursus; & com-munis est hominibus cum brutis: nam is, qui cogitat, transcurrentia phantasmata com-parat idest similitudinem, vel dissimilitu-dinem inter ea animadvertit. Ita nempe *Materialiste*. His aliquatenus laetaret *Joan-nes Lokius*, qui licet animam nostram spirituales esse non neget, contendit tamen, nobis impossibile esse nostras tan-tum ideas inventuribus, sive revelationis adminiculo, despicere, an non Deus om-nipotens, quibusdam materia portionibus, ita, ut ipsi ad hoc propositum visum est, dispositis percipiendi & cogitandi facul-tatem tribuerit, an materie ita dispo-sitæ cogitantem substantiam immaterialem adiunxerit. Contra hos omnes posita est bimembris propositio, quam per partes demonstramus. Et Mentem quidem re-ipsa corpus non esse sic demonstrō.

Primo. Omne corpus, utpote essen-tialiter extensum; constat ex partibus in quas dividi potest. Anima nostra, quum sit substantia cogitans (id enim nomine animæ intelligimus) constare non potest ex partibus: vel enim una-quæque ex illis prædita foret cogitandi potentia; & sic tot essent in nobis ani-mæ, quot sunt partes: ac præterea de singulis iis partibus quæri posset, an ex aliis essent compositæ eadem præditi facultate; itemque de istis eadem quæ-sitio fieri posset, & sic in infinitum. Vel unaquæque pars ejusmodi virtute peni-

10. c. cir.
v. 109.
Elem. p. 8.
c. XXV.
num. 2.

lb. 1. 2.

De Inect.
hum. lib.
IV. Cap.
III. §. 4.

Lib. III.
de nat.

Quæst.
Tul. l. 1.

tus delectata esset; & sic ne aggregatum quidem ex illis ulla pollere posset, ut patet, cogitandi virtute. Vel demum singulae illae partes, licet non adaequata atque totali, partiali tamen facultate cogitandi gauderent: & sic quum foret compositum cogitandi principium, omnem quoque cogitationem compositam esse consequeretur: quod dici non potest praesertim de simplicissimis perceptionibus *entis*, *veri*, *boni*, &c. Ac praeterea huiusmodi compositio est contra intimum cuiusque sensum. Igitur anima non est corpus, neque materia, sed substantia, immaterialis, adeoque spiritualis.

Deinde. Mens nostra non est, nec esse potest extensa: quum enim sit essentialiter substantia cogitans, oporteret, ipsam etiam cogitationem, quae in ea tanquam in subiecto recipitur, esse pariter extensam, quod nemo dixerit; & saltem nihil in ea extensionis concipimus, aut concipere valeamus. At vero omne corpus est essentialiter extensum: igitur anima nostra non potest esse corpus: igitur est spiritus.

Praeterea. Si mens nostra esset corpus, necesse foret ut cogitatio sita esset in aliquo eorum, quae propria corporis sunt (quod vulgo *Materialismo* admittunt) videlicet vel in certa, determinataque figura, situ, plexu, textura, ac ordine particularum; vel in certo earundem motu, seu in: motione tenuissimae, maximeque mobilis substantiae a rebus illis, quae percipiuntur, excitata in cerebro, vel in oscillatione fibrillarum ipsius cerebri, ut vult *Hobbesius*. At in horum nullo potest esse sita cogitatio. Et primo quidem non in varia figura, situ, textura, & ordine particularum; quia haec omnia seipsis inertia sunt & inactiosa; cogitatio vero velut actio concipitur, per quam anima ipsa vivit & operatur. Sed neque in qualicunque motione: nam praeterquam quod, idea motionis ab idea cogitationis est omnino diversa, & optime quilibet vel perniciosissima subtilissimae materiae motus absque ulla cogitatione concipitur, & re ipsa plerum-

que in corporibus ab omni cogitatione seclusus est; inde etiam efficeretur, res eas duntaxat, quae aptae sunt, praediclam in cerebro nostro motionem excitare, & secundum eam tantummodo, quam excitant, motionem, nos posse percipere; quum tamen experientia constet, nos multa percipere, quae nullum valent in cerebro nostro cuiusvis tenuissimae, mobilissimaeque substantiae motum producere; aliaque percipimus sub diversa prorsus ratione ab ea, qua possunt eum motum excitare. Primi generis sunt: res omnino spirituales, vel penitus a materia secretae, ut Deus ejusque attributa, summa nempe ejus bonitas, iustitia, potentia &c. Huc referri possunt quantitates dimensionum ab invicem distinctae, v. g. *linea*, seu longitudo absque latitudine & profunditate, *superficies*, seu latitudo absque ulla profunditate &c. quae sic acceptae; nec sunt re ipsa, nec esse possunt, & tamen clarissime intelliguntur. Alterius generis sunt rationes *entis*, *substantiae*, *existentiae*, *principii* & *principiati*, *causae* & *effectus*, *possibilitatis* &c. quae nec in se sunt sensibiles, nec sensibiles a rebus materialibus reddi possunt; quum illae secundum eas rationes nec excitent motionem praediclam, nec valeant excitare. Si dixeris, mentem ex ideis ab exterioro objecto excitatis alias ideas efformare puriores vel magis universales & abstractas; repono, hoc ipsum plane demonstrare, eam corpus non esse: pugnatur enim huiusmodi energia & activitas cum inertia corporis propria, qua statum suum tuetur, manetque in eo donec ab aliquo alio principio dimoveatur, nec quidquam ex se agere potest. Quum igitur nec intelligi nec explicari possit mentis perceptio per aliquid, quod sit corporis proprium, jam substantia cogitans, seu mens nostra nequit esse corpus: ergo est spiritus.

Ad haec vero. Si anima nostra esset corpus, oporteret, ut non tantum nostrae mentis perceptio, sed etiam iudicium & ratiocinatio in subtilissimam materiam vel fibrarum cerebri motu: &

ta forent; nemo enim vel insipientissimus ad hæc munera obeunda alias proprietates, seu affectiones corporis devinaverit. At evidentissimum est (ut ut sit modo de simplici perceptione) judicium saltem & ratiocinationem non posse præstari qualicunque motu materialium particularum. Et quidem non *judicium*: si enim istud in certo particularum motu consisteret, quum judicium affirmativum non aliud sit, quam unio idearum subjecti & prædicati, oportet, ipsum proprie consistere in unionione earum motionum, in quibus consistit idea subjecti & prædicati: quod fieri nullatenus posset quin eadem ideæ subjecti, & prædicati, contra ac ipsius iudicii natura, requirit, destruerentur: non enim valent duo motus uniri in eodem subjecto, quin tertius compositus producatur ab utroque illo diversus, ut demonstrant *Mathematici*, quum agunt de legibus motus, quod etiam experientia ipsa cuilibet manifestum est. Multo vero minus ratiocinatio consistere potest in hujusmodi motu; quum enim ratiocinatio sita sit in illatione unionis duarum idearum inter se ex eo quod ambæ uniantur cum tertia, quin ex his ulla vel pereat, vel cum alterutra confundatur; necesse quoque foret (si ratiocinatio in motu corpusculorum consisteret) ut duæ motiones unirentur cum tertia diversis generis, & ex hac unionione cum tertia illa unirentur inter se, ita tamen ut unaquæque motio distincta, & impermixta, & inconfusa subsisteret; adeoque corpuscula illa ex hac motionum unionione non mutarent directiones suas, seu novum non induerent motum compositum a singulis præcedentibus distinctum, quod est impossibile: utpote contrarium certis: apud omnes Mathematicos, ratisque legibus de motus communicatione, atque compositione. Igitur neque judicium, neque ratiocinatio oriri potest a sola particularum, seu corpusculorum motione. Ergo anipa, quæ judicat, & ratiocinatur, non est corpus.

Alia quoque ratione demonstrari potest, judicium, & ratiocinationem non

esse motiones: corporeas, si ponamus cum *Malbrancheio*, *judicium* nil aliud esse quam plurimum idearum earumque relationum perceptionem; ratiocinationem vero esse plurimum *judiciorum* comparisonem institutam ad sit percipiendum quod intuitionem non percipitur. Hinc enim primo evidenter sequitur, *judicium* nullum, nec ratiocinium esse posse, quin plures eodem tempore ideæ menti obversentur: non enim conferri possunt ad invicem, nisi quæ eodem tempore percipiuntur; neque simul percipi, quæ quo tempore percipiuntur, non coexistunt. Jam vero si *judicium*, & ratiocinatio motiones sunt, seu ortus fibrillarum cerebri ex actione, & reactione confictus; tot in eadem cerebri parte esse debent hujusmodi motiones, quot sunt ideæ, quæ ad invicem conferuntur, nempe ad minus duæ in *judicio*, & tres in ratiocinatione; quibus addi debet motio alia in *judicio*, ea nempe, qua relatio idearum percipitur (quum enim perceptio istæ distinguitur ab ideis, sicut visio a re visa, non potest non consistere in diversa motione), & ad minus tres alie in ratiocinio, quot videlicet in eo sunt relationis idearum perceptiones. Quum igitur sit *judicium*, tres saltem, & quum peragitur ratiocinatio, non minus quam sex in eadem cerebri parte distinctæ motiones sint, oportet: quod patet, non minus esse impossibile, quam impossibile est, eandem cytharæ cordam uno eodemque tempore multiplici motu cieri. Quid ad hæc reponi potest? anneas omnes distinctas motiones sese ad invicem penetrare? Verum: id in motu corporeo fieri minime posse, ignorat nemo. Quid? Quod si sese invicem compenetrarent, nonnisi unica motio evaderent, quæ nullo pacto representare posset plures ideas, perceptionesque; neque enim singularis una motio plures singulares motiones representare valet; quum hæc quorumcunque singularium conditio sit, ut sese mutuo non contineant, nec representent: igitur fieri non potest, ut perficiatur *judicium*, & ratiocinium: sola matrigæ subtilis in cerebro.

rebre existentis qualicunque motione, aut fibrillarum cerebri oscillatione, seu ex actione, & reactione orto confilium.

Multo adhuc minus sola corpusculorum motione fieri potest, ut anima ipsa perceptionis suae, iudicii, ac ratiocinationis conscia sit. Vel enim id praestaretur ipsa eadem motione, qua perceptio ipsa constituitur, vel alia: si prior, jam illa motio esse deberet & directa, & reflexa supra seipsam: quod est evidenter impossibile: motus namque reflexus basilice distinctus est a directo. Si alia, in absurdum aliud offendimus: neque enim fieri potest, ut una eademque motione percipiat alia ab ea omnino diversa, illique contraria; cuiusmodi est directa reflexa, & vicissim. Deinde intima conscientia est eodem omnino tempore, quo est perceptio; est enim ipsius perceptionis perceptio: at motus reflexus non est eodem tempore, quo directus; ut patet: igitur intima conscientia nulla motione haberi valet.

Demum plura sunt in Anima nostra, quae validissimo sunt argumento, eam multo praestantioris esse naturae, quam corpus. Etenim (1) corpus suapte natura iners est; neque enim se movet nisi ab alio moveatur: Anima vero semper actiosa est, seseque ipsa excitat ad cogitandum, ut jam innuimus. (2) Vis qua movetur corpus, motus continuatione languescit, ac demum extinguitur: vis qua cogitat animus diuturno crebroque exercitio crescit, ac roboratur. (3) Corpus nonnisi in praesens obiectum agit: Anima & praeteritorum meminit, & prospectit futura. (4) Corpus non nisi tempore, & per medium transit in alium locum: Anima momento, nulloque cogitato medio, ad loca maxime disita, resque disparatissimas cogitationem suam convertit. Omitto id generis alia, & hoc unum addo, vel solam artium disciplinarumque inventionem firmissimo argumento esse debere, eam nemum superioris esse naturae, sed pene divinae. Videat qui

plura desiderat, eos auctores, qui latius pro rei dignitate de immaterialitate animae dataque opera disseruerunt. Nunc de altera propositionis parte, quae est contra *Lockium*, pauca.

Itaque *Lockium* his argumentis refellimus. Primo. Dum ait, vel innuit, Deum aliquam potuisse materiae cogitandi facultatem impertiri, cogitationis vocabulo aut operationem corporea aliqua affectione v. g. motu, exercendam intelligit, aut obeundam modo aliquo spirituali; ita ut tum cogitatio, tum ideae illi inservientes sint res ab omni affectione corporis distinctae atque diversae. Si primum, iis refellitur argumentis, quae paulo ante produximus: nam ea quemadmodum rei istius repugnantiam declarant, ita id a Deo fieri non posse plane conficiunt. Si alterum vero sibi *Lockius* confinxerit, id multo fortasse absurdius est. Quid enim magis absurdum, quam corpus donari virtute ad elicendam actionem ab omni corporis affectione secretam, adeoque vere spirituales?

Deinde. Alia cogitandi vis, siqua a Deo corpori concederetur, aliquod proculdubio fundamentum, seu subiectum, quo inniteretur, haberet. Istud vero fundamentum, seu subiectum, aut esset ipsum corpus, qua corpus est, aut quidpiam aliud a corpore diversum. Primum esse non potest, alioqui oporteret, corpus omne cogitandi facultate praeditum esse; quod nemo dixerit, nec *Lockius* ipse asserere audebit. Quidpiam ergo ob hanc rationem corpori superadditum excogitari debet, & illud quidem substantia; neque enim accidens potest esse fundamentum, aut subiectum facultatis ullius, quam ipsa facultas quoddam accidens sit, vel ut accidens concipiatur. Porro substantia istae corpori superaddenda ad cogitationem efficiendam, esse deberet aliquid omnino a corpore diversum (alioqui argumentum rediret, quod paulo ante obieci) esset erga spiritus; adeoque corpus cogitandi facultate donatum, esset quidpiam ex corpore & spiritu compositum: quo nihil

hil dici potest absurdus, magisque ridiculum.

Præterea. Nec ipse Deus valet efficere, ut essentia substantiæ, rei utique simplicissimæ, proprietatibus, & affectionibus ita contrariis, atque inter se pugnantibus, quæ sese invicem destruant, componatur: id enim contradictionem involvit; hujusmodi vero sunt substantiæ cogitantis, & corporis proprietates: nam proprietates corporis sunt *soliditas, divisibilitas, inertia*, & id genus alia: his prorsus contrariæ, & recta fronte pugnantes sunt substantiæ cogitantis proprietates, nempe *penetrabilitas, indivisibilitas, activitas*, & hujusmodi: neque enim haberi potest duarum simul idearum perceptio, cuiusmodi ad iudicium præsertim, ratiocinationemque requiritur, quin plures idæ eisdem perceptioni præsentibus eodem omnino tempore sint, adeoque quin sese mutuo penetrent. Cogitationem vero cum simplicissima actio sit, nemo dixerit, dividi in partes posse: quemadmodum neque iudicium, & ratiocinationem consistere, si quæ illis inserviunt, idæ separentur. Si igitur Deus efficere non potest, ut a simplicissima essentia proprietates, & affectiones inter sese pugnantes, seseque mutuo destruentes profluant, in eaque fundentur; neque (quod in idem recidit) eiusmodi adeo contrariæ affectiones in eadem simplici substantia, & entitate inexistant; dicendum est, alienum esse a Dei potentia id efficere, ut substantia sit purum putumque corpus, & materia, ac nihilofecius cogitet, & intelligat.

Unum adhuc duntaxat, ne in re certissima atque clarissima diutius immorer, argumentum addicio. Facultas intelligendi, Lockio ipso fatente, ex nulla vel magnitudine, vel figura, vel coordinatione, vel cohesione, ex nullo quoque motu, aut situ, aut nexu partium exurgere potest, aut constitui. Illa itaque nequit a Deo materiæ communicari, quin sit res quædam a materia distincta: neque veros istæ produci a Deo potest, nisi per creationem:

productio nanque rei, quæ neque ex præexistente subjecto educitur, neque ex partibus præexistentibus consistit, vera creatio est, ut docet ipsemet *Lockius*. Ergo ex *Lockio* ipso illa res seu entitas non posset esse nisi substantia: tum quia juxta ipsum, *peripatetica Accidentia* commentitia sunt; tum quia ex ipsa creatione realitatem, essentiam & existentiam obtineret arealitate, essentia, & existentia materiæ distinctam: esset ergo spiritus; spiritus nempe esset simul, & purum, putumque corpus: quæ major nulla concipi repugnantia potest.

Itaque non ex eo tantummodo, quod minime intelligamus, qui fieri possit, ut cogitare corpus valeat, id a Deo præstari nequaquam posse, affirmamus (ut contendit *Lockius*): bene vero ex eo, quod intrinsecam hujus rei repugnantiam, contradictionemque apertissime intelligimus, & videmus, id aliunde pro certo habentes, quod ne *Lockius* quidem ipse negare, puto, audebit, ea Deum facere non posse, quæ contradictionem involvunt. Quanquam, quum nonnisi ex ideis quashabemus, congrue philosophari possimus, & quum clare nobis innotescat, iis, quæ notæ nobis sunt corporis affectionibus, cogitationem convenire non posse; vel ex hoc uno recte concluderemus, corpus cogitationis omnis incapax esse, adeoque cogitantem in nobis partem esse spirituale: non quidem quasi modulo nostro metiri vellemus Dei potentiam, sed ut lumine ab ipso nobis concessio probe uteremur. Hic sitendum est Philosophis, nisi superiore aliquo lumine colluenter. Hic quoque sitendum erat *Lockio*, si prudenter, & sobrie philosophari voluisset, nec eo usque progrediendum, audendumque, ut, majoris erga divinam omnipotentiam obsequii prætextu, veritatem summi, siqua alia, atque gravissimi momenti, apud eos, qui Scripturam revelatam non norunt, in discrimen adduceret.

CAPUT II.

*Animus hominis per se immortalis est ;
neque sine maxima imprudentia conse-
ri potest aliquando periturus .*

DE anima humana tria hic distincte statuimus, quæ non satis accurate a pluribus discriminantur. Nam vulgo pro eodem habetur, quod animam naturaliter incorruptibilem sit, & quod sit immortalis, & sit æterna, seu nunquam peritura. Quæ tamen distincta sunt atque diversa. Neque enim ex eo precise, quod primum positum sit, etiam duo postrema intelliguntur adesse. Nam quemadmodum corpus esse potest & vivum, & mortuum, neque per mortem definit esse; ita anima concipi utcumque potest existens, licet illud, per quod vivit, amittat. Deinde animadverto, aliud esse, quod anima sit suapte naturaliter incorruptibilis, & immortalis; aliud quod sit æterna, seu nullum existendi finem habitura: Prius illud tantummodo significat, animam humanam, si ejus natura spectetur, semper esse duraturam, atque victuram, quatenus nullum in se continet corruptionis, mortisque principium, & causam. Alterum vero significat ipsius æternitatem, seu quod sit semper, & absolute duratura. Et sane nonnulli, animam suapte natura incorruptibilem esse fatentur (& ita sentiant necesse est, qui animæ immaterialitatem admittunt) & tamen volunt, eam quum soluta a corpore fuerit, vita privandam fore, aut saltem ita sopore obruendam, ut nullum actum vitalem, nullamque valeat cogitationem exercere; sed ita se habeat, quemadmodum habet se etiam corpori unita, dum deliquium quis patitur, vel apoplexi vehementiore corripitur. Sunt etiam, qui quamvis nullum corruptionis principium inesse animæ fateantur, putant nihilominus, eam statim ac se-

Tom. I.

paratur a corpore, vel saltem post aliquod tempus, suo veluti perfectam officio destitutam esse, seu in nihilum, cessante Dei conservatione, abituram. (a) Igitur hæc tria, nempe primo, animi nostri incorruptibilitas, secundo, immortalitas naturalis, tertio ejus æternitas, seu futura reipsa ejus æterna duratio distincte & separatim probanda sunt. Primum vero demonstratur hoc pacto.

Illud est ens suapte natura incorruptibile, quod neque ex principiis intrinsicis, neque ex cujuscumque creati agentis actione corrumpi valet, aut dissolvi. Hujusmodi est porro anima nostra: nam quum sit *immaterialis* (ut capite præcedente demonstratum est) adeoque simplicissima; partes profecto habet nullas, quarum dissolutione possit interire; quumque sit *spiritualis*, circumjacentia corpora nihil in ejus destructionem agere possunt; neque deum agens ullum creatum potest eam in nihilum redigere (quo tantummodo res simplex interire posse concipitur, ad hoc enim non minor virtus, quam ad creandum exigitur, hoc est infinita; ut inconfesso est apud omnes. Est igitur anima nostra suapte natura incorruptibilis.

Alterum vero, hoc est, eam itidem esse natura sua *immortalem*, ita breviter demonstratur. Vita animæ in facultate cogitandi sita est, quemadmodum vita animalis in se movendi facultate consistit. Porro anima nostra non potest naturaliter cogitandi facultatem amittere, quum facultas cogitandi sit essentialis spiritualis naturæ proprietas ex internis ejus principiis necessario promanans (immo juxta multos essentialis ejus constitutus; neque enim aliter concipi potest spiritus, nisi ut ens potis cogitare, & intelligere) idcirco separari ab ea nullatenus potest: quemadmodum a natura nulla, quamvis integra subsistit, separari valent ipsius proprietates naturales, & essentielles. Tam ergo certum est, animam nostram naturaliter vitam

N

amit-

(a) Stoici ajunt animos manere a corpore cum excesserint, sed non semper, Cic. Quæst. Tullul. lib. 1.

amittere nequire, quam certum est, ejus entitatem non posse naturaliter dissolvi, perire, aut in nihilum reverti. Est igitur anima nostra naturaliter immortalis.

Dicit fortasse aliquis, vitam animæ non in mera capacitate, seu facultate cogitandi, sed in actuali cogitatione, aut saltem in cogitandi facultate proxima & expedita, hoc est nullo obice impedita ne in actum prodeat, sitam esse: fieri vero posse, etiam naturaliter, ut anima nostra a corpore soluta, tamen si qualemunque cogitandi facultatem, ac veluti radicem cogitationis retineat, non solum cogitatione omni re ipsa careat, verum etiam expedita, prompta, & libera facultate cogitandi desitatur; quo casu illa vel mortua dicenda est, vel, quod perinde valet, ita sopita, ut cogitare proxime non valeat, neque ullam sui conscientiam habere: quo certe in statu, quemadmodum cujusque sensus vel gaudii, vel mæroris incapax est, ita etiam omnis pro actionibus hujus vitæ percipiendæ retributionis. Probabile item esse, fore ut in hunc statum nostra labatur anima, ut primum a corpore soluta est; quum ita pendeat a corpore, ut destructis, vel obstructis ejus organis, illa penitus cogitare non possit (ut patet in deliquis aut ictibus apoplecticis:) quanto ergo minus cogitare ea poterit omnino a corpore avulsa; quando organorum, a quibus pendet ejus cogitatio, præsidio penitus destituetur; & quando a sui comparte divisa integram hominis naturam constituere non poterit. Erit ergo tunc velut Cythæredus absque cythara; aut saltandi peritis constrictis pedibus, qui facultatis suæ exercitium nullum habere possunt.

Respondeo tamen, si admittatur, quod negari non posse constat ex dictis, facultatem aliquam cogitandi manere post mortem, illud quoque admittendum esse, eam fore liberam, expeditam, & promptam, adeoque & cum exercitio suo conjunctam: nihil enim consurgit in statu potest, quod intelligentis facultatis exercitio, seu actuali cogitationi

obstare possit. Quid enim? Absentia, inquis, corporis. At esset hæc sufficiens quidem impedimentum, si actio cogitandi foret corporea, aut per organum corporeum, tanquam per instrumentum, exerceretur; quod esse falsissimum, jam supra demonstravimus, & per se patet; quum cogitatio sit actio penitus spiritalis; quo plane concidit Cythæredi similitudo, aut illius qui pollet saltandi peritia. Tantum abest vero, ut unio animæ cum corpore sit conditio ad cogitationem necessaria, ut potius censendum esse videatur, corpus esse magno animæ impedimento, ne adeo facile & perfecte intelligat; siquidem potentia quælibet eo impeditur solet evadere, quo arctius substantiæ extraneæ copulatur. Quam ob causam jure meritoque plerique ex præstantioribus Philosophis corpus habuere pro carcere & velo animæ, quibus disruptis, vel sublatis, illa liberius operaretur, & clarius intelligeret.

Attamen, dices, experientia constat, animam in cogitando a corpore re ipsa pendere, ut alata evincunt exempla. At inquit ego, dependentia istæc est ne in ipsa animæ natura fundata? Id asserere neminem puto: neque enim concipi potest, naturam mere spiritualement, quæ a corpore in suo esse non pendeat, ab ipso per se in suis proprietatibus & operationibus dependere. Dependencia ergo istæc, qualiscunque demum sit, fundatur unice in statu unionis animæ cum corpore; seu ea est ratione status, non ex exigentia naturæ; quatenus scilicet Deus auctor naturæ, ut animam arctius corpori alligaret, utque ex duabus substantiis unum quid, seu unum hominem conficeret, talem naturæ legem constituit, ut certis affectionibus corporis certæ responderent mentis cogitationes, & corpore male affecto, imperfectæ evaderent cogitationes mentis, & corpore penitus torpente, penitus torperet & anima. Scilicet anima amice se gerat, oportet erga corpus velut erga integræ naturæ compartem, ut ne quicquam sine aliqua communicatione cum ipso operetur, aut cogitet (sic

(sic enim solent agere amici) ; alioqui nihil effet, cur eæ duæ partes vere & substantialiter unitæ conferentur. Verum hoc totum dicendum non est proprie dependentia animæ a corpore, sed mutuum commercium, & ultrocitroque communicatio: quod quidem multo est intellectu difficilius, quam quod natura spiritualis per se absque ullo cum substantia extranea commercio cogitet & operetur. Quum igitur disputatur de anima a corpore sejuncta, non ad modum, quo ipsa unita corpori cogitat, attendendum est (ab uno enim statu ad alterum nulla est consequentia) ; sed illud dispiciendum, quid ipsius exigat natura, & cujusmodi naturales ejus facultates sint: quod si fiat, minime dubito, quin apud omnes in confesso esse debeat, eam etiam post mortem, immo perfectius & purius cogitare, adeoque ejusmodi vitam vivere, quæ spiritus propria est. Neque vero quidquam obest, nos satis intelligere non posse, nedam accurate explicare, quomodo re ipsa anima a corpore separata cogitet, ac unde ideas habeat, quibus intelligat: nōis sit est scire, eam esse naturam per se cogitandi, intelligendique capacem, ac generatim ad intellectionem substantiam corporis necessarium non esse (alioqui oporteret, ut Angeli quoque, immo & ipse quoque Deus aliquo constaret corpore), ut animabus separatim cogitationem minime abnegemus: aliunde vero dubitari non potest, Auctorem naturæ substantiis illis, quas cogitandi facultate donavit, eo ipso etiam subsidia omnia ad reipsa cogitandum necessaria & suppeditare potuisse, & reipsa suppeditasse: sive ea sint ideas in ortu ipso impressæ, sive aliæ, quas animæ dum corpori fuerunt unitæ, sibi compararunt, sive quas ipsæ post mortem efformare possint: quæ de re nihil hic opus est disputare. Neque demum quod corpus sit compar

animæ ad humanam naturam integre constandam, id potest efficere, ut absque corpore anima non cogitet: nam licet anima quoad humanam naturam sit pars & compar; quia tamen spiritualis natura per se subsistit, per se quoque cogitat: atque idcirco etiam separata a corpore, sua, ut ita dicam, seu quæ ipsius propria sunt, secum desert: & quemadmodum potest, licet compar, subsistere sine corpore; ita etiam potest sine corpore cogitare.

Res hæc clarissima profecto foret & explorata, si admitteretur ab omnibus *Harmonia præstabilita*, quam *Leibnizius* excogitavit, & *Wolffius* explicavit, expolivitque. Quum enim juxta hypothesim hanc ideas, seu rerum præresentationes non extrinsecus, ac ministerio sensuum ullo modo adveniant; sed ex ipsa essentia animæ profluant; seu ipsæ hominum animæ ita naturaliter constitutæ sint, ut sibi ipsæ efformare possint absque ullo corporalis actionis concursu, claras sensibilesque corporeorum objectorum ideas; facile intelligitur, quomodo anima etiam post mortem cogitare valeret, ac ratiocinari: quemadmodum si duo horologia perfecte in horis designatis congruerent, non exinde efficeretur, ut, uno destructo, alter quoque cessaret, exacte horas indicare. At quum hæc hypothesi simulatis rejiciatur, ab aliis vero periculosa, a me autem saltem falsa censatur, licet ad id, quod intendimus, satis commoda & utilis sit, ea hic minime utamur. Neque enim ad scopum nostrum falsa hypothesi ullo pacto indigemus; præsertim quum alia suppetat, vetusta quidem, sed quæ recentioribus etiam non paucis probatur (debet veroprobari omnibus) hujusce rei demonstratio.

Ea ducitur ex intellectione *pura*, seu quæ sine ope ullius ideas, aut imaginis corporeæ atque sensibilis, & absque ullo necessario corporis concursu (a) se-

N 2 pe

(a) Ita caute loquor, ut in medio relinquam id quod non satis certo definire posse videtur, an videlicet, quotiescunque intellectus quidpiam, vel ab-

stractissime intelligit, etiam facultas imaginatrix suo modo operetur, seu vel phantasma aliquod producat, vel jam productum revocet, eique adhæreat; nec nc.

pe exercetur ab anima, dum adhuc huic corpori conjuncta est. Si enim id verum sit, jam nihil protecto obflare poterit, quominus eadem, etiam a corpore separata, cogitare, intelligere, ac ratiocinari queat; quod enim abque adminiculo alterius sit, ipso etiam amoto, aut destructo, fieri procul dubio potest. Tota ergo difficultas ad hoc deducitur unum, ut *puram* hanc intellectionem esse in homine, demonstretur; nam eam esse absolute possibilem, immo ipsa extare in Deo, atque in Intelligentiis separatis, extra controversiæ aleam positum est: ex quo illud saltem conficitur, cogitandi, seu intelligendi, volendique actum suapte natura ex nulla pendere imagine corporea atque sensibili: ex quo quidem & illud consequitur, in homine saltem esse possibilem; quin & extare reipsa, quoties res aliqua intelligatur, cujus imago nulla corporea atque sensibilis esse, aut fingi possit. At quam multa hujusmodi sunt? Plurima sine, ac pene numero infinita. Hujusmodi sunt primo, *metaphysica* omnia; ut ratio entis, ejusque proprietates, possibilitas, necessitas, contingentia, &c. *Abstracta* etiam a corporibus; ut longitudo, latitudo, impenetrabilitas, divisibilitas, &c. *Universalis*, ut naturæ quæque v. gr. hominis, animalis, arboris &c. Secundo, *Moralia*, ut ideæ virtutis, vitii, justitiæ, æquitatis, superbiæ, ambitionis, avaritiæ &c. Tertio, operationes, & affectiones mentis, ut cogitatio, intellectio, dubitatio, as-

firmatio, negatio, ratiocinatio, &c. Quarto, ea quæ per se quidem corporea sunt, gradu tamen aliquo omnem nostram imaginationem excedunt; ut mille vel amplius angularum figuræ, corporum caelestium immensa magnitudo, &c. Hæc & alia innumera, quæ, ne longior sim, prætereo, nulla corporea, aut sensibili imagine exprimere possumus; & tamen perfecte intelligimus, & de iis ratiocinamur. Unde plane conficitur, animam nostram habere posse intellectiones puras, & habere reipsa, etiam dum est suo corpori unita; & idcirco nihil obflare, quominus etiam post mortem cogitet, intelligat, velit, se sentiat, uno verbo, vivat; & quidem eo præstantius & purius, quo ab imaginationibus corporeis & sensibilibus, quibus vix unquam, quamdiu hanc vitam vivimus, penitus carere possumus, liberior est, & desecior.

Pro certo itaque & explorato habendum est, animam nostram esse suapte natura immortalem. Fateor, non eo ipso necessario sequi, æternam quoque fore, seu æternam reipsa duraturam; id enim pendet a voluntate Dei conservante; quæ, quum libera sit, possit utrique, actionem conservantem subtrahere; quo posito, nequicquam ejus repugnante natura, in nihilum abire certissime. Eatenus ergo duntaxat certi esse valemus, animam nostram reipsa æternam fore, quatenus certi esse possumus, Deum eam per totam æternitatem conservare libere decrevisse. At hoc

cer-

ne. Mihi ad *intellectionem puram* propugnandam satis est, ejusmodi phantasma, si quod tum etiam adsit, *per se* ad eam nihil conferre, neque necessarium tunc esse, (licet ante necessarium fuerit, ut intellectus posset abstraham, seu universalem ideam sibi comparare); sed solum eandem concomitari ratione status præsentis unionis animæ cum corpore: ex qua contingit, ut vix, ac fortasse ne vix quidem, possit quispiam intellectum ad considerandum applicare, quin eodem nisi facultatem etiam imaginatricem ad aliquam excitet operationem,

vel ipsa ultro quodammodo tumetueatur. *Fortasse* inquam, nam, quidquid occinant nonnulli, demonstrari non potest, facultatem imaginatricem nunquam operante intellectu, penitus silete, & quiescere. Hæc si, ut par erat, expendisset, & percepisset *Joachimus Oporinus*, dum suam conscripsit *histeriam criticam doctrina de immortalitate mortalium*, non adeo elate intellectum purum, tanquam *fabulam ex pagana de animi divinitate sententia ortam* explosisset, neque adeo propterea Scholasticos, & ipsum Angelicum Doctorem despexisset; (Cap. VIII.

§. VI.)

certum ne est? Nos affirmamus, idque, etiam seclusa revelatione divina (a) eo quod tot, & talia suppetunt a ratione ipsa argumenta, ut nemo hac de re dubitare, nisi imprudentissime possit: quod projecto ad veram habendam huius rei certitudinem satis est: certum enim illud recte dicitur, de quo nonnisi imprudenter potest dubitari; habet siquidem eam omnem firmitatem, quam conciliare ratio valet, quum stante recte rationis usu, in dubium revocari non possit. Porro hæc certitudo, quam *rationis* ipse voco (*moralem* fortasse dixerint alii) quoad firmitatem, in eo solum a certitudine *metaphysica*, & *mathematica* differre mihi videtur, quod ea ætalem exigit rectum rationis usum, ac proinde, infurgente passione aliqua ei adversa veritari, vacillare potest, seu mente ita turbata, non satis percipi ac

discerni: quod in demonstrationibus *metaphysicis*, ac *mathematicis* vix contingere potest; eo quod in iis pravi affectus rationis usum turbare non solent; atque adeo non obstant, quominus mens in eis plane defixa ipsarum certitudinem, ac necessitatem accurate percipiat, eisque immobiliter adherereat (b). Jam vero hac explicata *rationis certitudine* gaudere futuram animæ nostræ perpetuitatem, ita demonstro.

Primo. Decet supremum Opificem, ut quæ fecit, opera juxta cujusque conditionem, atque naturam conservet, quum sciens & prudens talis ea natura condiderit. Quum igitur anima nostra suapte natura minime sit corruptioni, dissolutioni, aut morti obnoxia, eam perpetuo ab ipso fore conservandam, censendum est (c) præsertim cum nemo dubitet minimas, insedilesque ma-

te-

§. VI., & XII. §. IV. &c.) neque etiam adeo fidei ridiculæ illi distinctioni intellectus *objectivæ puri*, & *subjectivæ impuri*; neque demum tanta fiducia propugnasset intellectiones nostras, quandiu in hac vita sumus, *per omnia impuras* esse.

(a) Errant qui absolute & indiscriminati pronunciant, ea, quæ, pendent a voluntate divina, sola revelatione a nobis cognosci posse. Quum enim Dei voluntas temper conformis sit ejus sapientiæ, aliisque attributis; ex horum consideratione conjectari, atque etiam quandoque valide arguere valemus, plura Deum velle, quæ se velle discrete non revelavit: quantum & ea revelasse quadatenus dici potest, quatenus nobis ratione donatis suppeditavit aliqua ex suis effectibus, & ex suo agendi modo argumenta, quæ voluntatem ipsius detegere possimus in plerique. Inter quæ recensenda est animæ nostræ æternitas.

(b) Hinc conciliari posse videntur variaz, oppositæque Auctorum de animæ nostræ immortalitatis demonstrabilitate sententiæ: si nempe dicamus, animæ nostræ incorruptibilitatem, naturalemque immortalitatem demonstratione *metaphysica*, aut saltem *physica*; ejus autem æternitatem, seu preennem durationem demonstratione, quam *rationis*

vocavi, attamen certissima ac plane immobili, posito recto rationis usu, concludi posse.

(c) Ex natura operis recte colligimus intentionem operantis. Si enim opus tale fuerit, ut parum, multumve per se durare possit, optime inferimus, intentionem Artificis fuisse, ut parum, multumve subsistat. Sic ex.gr. ex figura, ceterisque qualitativis *Pyramidum Ægypti* haud dubitamus inferre, eorum, qui eas ædificandas curarunt, intentionem, ac desiderium fuisse, ut æternum, aut quam longissimo certe tempore inconcussæ permanerent. Fateor, rationem hanc, si sola sumatur, non omnino efficacem esse. Non raro enim Opifices opera conficiunt ex solidiore, firmioreque materia, quam exigit tempus, quo ea subsistere volunt; eo quod nimirum, si forent imbecilliora, ad principale, quod molliuntur, opus invadere non possent. At hoc in iis tantummodo locum habet rebus, quæ ut mera instrumenta adhibenda sunt; non vero in opere, quod per se intenditur ab Artifice. Sic multa, quæ ædificandis ædibus necessaria sunt, firmiora sunt, quam tempus posulet, quo duratura ædificatio est; quæ tamen ædificatione perfecta, destruantur. Similium ergo rerum duratio non

cx

teriæ particulas æternum duraturas. (2) Annihilatio rei existentis non minus proprius est divinæ omnipotentiae effectus, quam rei non existentis creatio. Sicut ergo affereret quis imprudentissime, novam quandam in morte nostrâ, vel quocunque postea tempore substantiam creandam a Deo esse; ita nonnisi summa temeritate adversarii nostri afferere possunt, ac contendere, substantiam utique, & quidem spiritualem, id est, animam nostram, in morte vel aliquando postea, in nihilum redigendam a Deo fore: præsertim cum nihil in toto universo sit, quod arguat, Deum ad annihilandum esse propensum; omnia vero insinuant, eum esse creatorem, & conservatorem. (a) (3) Deus animam nostram, ut cætera omnia procul dubio ad gloriam suam creavit, quæ in eo præsertim sita est, quod ab ipsa cognoscatur, & ametur. Ut igitur eandem sapienter posset in nihilum redigere, oporteret, ut majorem ex ipsius annihilatione, quam ex ejus conservatione gloriam hausurus esset: quod est evidenter falsum; quæ enim illi ex nihilo gloria provenire unquam potest: ut semper potest, quamdiu anima in

suo esse perseverat. Est igitur animæ nostræ annihilatio contra Dei sapientiam (b): inde censendum est, nunquam reapse futuram. (4) Quum Deus sit infinite bonus, dubitari non potest, eum condidisse hominem, ut esset, seu esse aliquando posset felix atque beatus. Quum igitur in hac vita perfecte felix, beatusque esse non possit, ut patet; oportet ut talis esse queat post mortem. At vero neque post mortem perfecte beatus esse posset, nisi foret in perpetuum duraturus: vel enim sola incertitudo amittendæ aliquando felicitatis, qua frueretur, non posset non illum vehementer angere, aut saltem magnam illi felicitatis partem auferre. Afferere igitur oportet, ejus animam perpetuo duraturam. (5) Institutum naturaliter habemus desiderium æternitatis; quod eo magis crescit, quo magis in veritatis cognitione, virtutis exercitio progredimur: illudque est humanogeni æternitatis utile, quippe quod animam nostram ad virtutes acquirendas impellit, ad heroica excitat facinora, redditque ad superanda oblacula firmiorem: est igitur hujusmodi desiderium, quippe rationi consentaneum, ab ipsa natura, seu ab ipso

ex materiæ, qua constant, qualitate; sed ex fine, ob quam facta sunt, colligenda est & desumenda. At in rebus, quæ Artifex per se intendit, recte ex qualitate materiæ ejus intentio deducitur, an scilicet modico, vel multo tempore velit, ea durare: ut constat ex ædibus, quæ idcirco ex firmitate construuntur materia, ut quam diutissime subsistant. Quum igitur anima nostrâ & suapte natura sit incorruptibilis, ac immortalis, & eam ob finem aliquem temporarium creatam esse, non constat, sed potius ut cognoscat, diligit, & glorificet Deum (qui quidem finis omni caret termino); recte inde colligimus, æternum a Deo fore conservandam.

(a) Notandum est hic discrimen, quod inter nos, illoque est in hac disputatione. Nam cum illi asserant mutationem futuram, & quidem tantam, quanta est annihilatio substantiæ, nos ab eis probationis rei tantæ petere, & exigere jure

possumus; illi non item a nobis; quippe qui rem naturalem ac ordinariam, nempe substantiam quamcunque simplicem, cujusmodi est anima nostrâ, non mutandam, sed in suo esse permanens, asserimus. Ex abundantia tamen rationes multas nos asserimus; illi nec minimam quidem.

(b) Corpus hominis moritur quidem, sed non annihilatur: perseverat enim ejus materia, quæ progrediente tempore varias induit formas, ut floris, plantæ, fructus &c.; sicque quidpiam adhuc ad Universi pulchritudinem, adeoque ad Dei gloriam confert. At anima annihilata ad confert plane nihil: unde ejus annihilatio omnino absurda censeri debet: & eo magis quod certum est apud omnes Philosophos, ne atomum quidem a conditione Mundi hucusque annihilatam esse: qua igitur ratione dici potest, nostrarum animarum ratiões in nihilum redactas esse, aut postmodum redigendas fore?

ipſo Deo: atque adeo fruſtraneum eſſe non poteſt, ut eſſet proſecto, ſi anima noſtra non foret æternum duratura.

Sexto. Si Anima noſtra aliquandiu poſt mortem ſuperſtes, & viva maneat, eam in æternum victuram fore dicendum eſt, cum nulla omnino occurrere poſſit ratio, cur ipſa poſtea deſinere, vitamve amittere debeat: (a) quomobrem merito ſapienterque Cicero deridet *Stoicos*, quod aliquandiu quidem poſt mortem, non ſemper animum duraturum putarent. At vero plura ſunt argumenta, quæ invicte probant, animam noſtram ſaltem aliquandiu ſuperſtitem fore poſt mortem, ſeu alteram poſt hanc ſuperſeſſe vitam. Nam (1) haud eſt credibile, ens tot eximiis facultatibus donatum intelligendi ratiocinandiſque, & non tantum admirabiles hujus Mundi effectus, ſed etiam Creatorem ipſum, divinalque ejus perfectiones contemplandi, diligendi; adeoque animalibus cæteris tantopere dignitate præcellens, (cujuſmodi eſt anima noſtra) productum a Deo fuiſſe, ut tam breve temporis ſpatium, hoc eſt paucos annos, & quandoque dies paucos, vel horas duraret; indeque plerique brutis animantibus vita multo brevior frueretur. (2) Mens noſtra ita a Deo formata eſt, ut ſemper magis magiſque ſeſe perſicere poſſit. Non eſt ergo veriſimile, eam brevi poſtquam creata eſt, tempore in nihilum redigendam fore; tunc enim fruſtra eximia hæc capacitas ei conceſſa videretur. (3) Quis ſibi merito perſuadeat, animam, ens præſtantiffimum, eo tantum fine creatam eſſe, ut ignobile corpus animaret, (ut dicimus cum *Epicuro* foret, ſi ſtatim ac ab illo ſoluta eſſet, in nihilum abiret)? vel, vilem quidem inertemque materiam a Deo creatam eſſe, ut perpetuo variis induta formis perſiſteret,

atque hujus univerſi pulchritudini inferiret; Animam vero ſpiritualem ad Dei imaginem conditam, ut poſt brevem, ac plerumque miſeram vitam, penitus interiret? (4) Homo non tantum eſſe phyſicum habet, ſed etiam morale; eſt enim mali a bono ſecernendi capax, liberoque, quo præditus eſt, arbitrio (ut capite ſequenti demonſtrabimus) poteſt bene, maleque uti, bonum ſcilicet eligendo, reſpſendo malum; qua quidem re immenſum cæteris præſtat animantibus. Etiamſi igitur animam hominis, phyſica ejus natura inſpecta, una cum corpore interire oporteret, congrueret tamen ut ſuperſtes remaneret ob eſſe ſuum morale, ut ſcilicet uſus arbitrii ſui Auctori ſuo rationem redderet (non ſecus, ac ſervus quiſque ad reddendam adminiſtrationis ſibi conceditæ rationem æquiſſime adſtringitur,) indeque pro merito ſuo aut præmium, aut pœnam reportaret. (5) Exſtant in nobis naturaliter ex una parte idææ primitivæ honeſtatis, æquitatis, virtutis, &c. adeoque plena ineſt nobis perſuaſio nunquam nobis licere ab honeſtate, æquitate, & virtute deſſectere; qua de re alibi: ex alia parte viget in nobis æque naturalis ac neceſſarius ſtimulus, atque appetitus felicitatis; qua de cauſa non poſſumus non indefinenter felicitatem noſtram deſiderare, ac perſequi. Utrunque igitur hoc vult a nobis Deus, & ut honeſtatem nunquam deſeramus, & ut nunquam noſtram negligamus felicitatem; ſiquidem ipſe & dictas idæas, & dictum ſtimulum nobis inſuſcruit. Ad ipſius igitur ſapientiſſimam pertinet providentiam, ita ſortem hominis diſpoſuiſſe, ut virtutem ſemper ſequi debeat felicitas, & felicitas nunquam opponatur virtuti. Hoc vero non contingit in hac vita, in qua, ut experientia conſtat, ſæpe honeſtiores

ma-

(a) Anima poſt mortem ſuperſtes poteſt Deum perfecte diligere, adeoque illi grata eſſe, & amica, præſertim ſi ob virtutem, ſeu ob ipſius Dei honorem temporalem vitam amiſerit. Quia igitur ratione Deus poterit unquam illam deſe-

rere, ut in nihilum ſuum abeat; cum & atheus ipſe, tametiſi virtutis omnis contemptor, vitam tamen, & quidem perpetuam donaret illi, qui ob ſui amorem mortem ſubiſſet?

magis sunt infelices; & non raro virtus ipsa infortuniorum, & infelicitatis causa est, aut occasio. Providentia igitur, & Sapientia, imo & Justitia Dei exigit, ut post hanc altera sit vita in qua certissime felicitas cum virtute societur, compensenturque ea etiam mala, quæ virtutis causa in hac vita haud raro tolerantur. Alioquin Deus stimulos, ideæque inter se pugnantes nobis inferuisset, sibi ipse contradiceret, ut qui nos ad contraria, atque inter se pugnantia obligaret. Horum igitur alterutrum dicendum, aut per Deum nobis licere comparandæ in hac vita felicitatis causa, scelera cuncta patrare, ipseque Deo horrendis maledictis eadem de causa convitiari; vel aliam superesse vitam, in qua virtuti felicitas rependatur. Sed plura in hanc rem, cum futuram operum retributionem demonstrabimus, dicemus.

Postremo, ut multa alia argumenta præteream, animam nostram esse immortalem, seu aliam superesse vitam, universalis semper fuit, & est etiamnum omnium gentium, & omnium nationum persuasio. Nam ut a vetustis populis ordiar, quorum testimonium eo in hac re gravius esse videtur, quo illi a primis humani generis progenitoribus propius aberant (a) id de *Aegyptiis* testati sunt *Erodotus* lib. II. cap. 123. *Diodorus Siculus* lib. II. p. 199. de *Chaldeis* idem *Diodorus* lib. III. p. 220. De *Gymnosophistis*, seu *Brachmanibus* Indorum philosophis, item *Diodorus* lib. cit. p. 225. de *Getis*, & *Thracibus*, *Herodotus* lib. 4. cap. 94. & lib. 5. cap. 91. de *Sabæis* vetustissimis *Abulfarajus* in hist. Dynast. p. 184. de *Persis* *Laertius* in proœmio vit. phil. de *Phœnicibus* *Suidas*, voce *Phœreidas*; de vetustis *Siris* libri eorum classici. De *Græcis* satis constat vel ex *Homero*. De vetustioribus Romanis testatur, &

probat *Cicero* in quæstion. Tusc. lib. 1. de *Druidis Celtarum* *Ammianus Marcellinus* lib. 15. cap. 9. de *Gallis* *Valerius Maximus* de Instit. Antiq. c. 186. de ipsorum *Druidis* *Cæsar*. lib. VI. de bel. gall. De antiquis *Germanis* *Appianus* in *Celtico*; de prisca *Irlandis*, *Danis*, & *Norvægis* *Thomas Bartolinus* in Antiq. Danic. De veteribus *Cymbris* *Kohlius* in Theol. gentium Cimbricæ. de *Gothis* demum *Joan. Magnus Gothus* lib. I. hist. cap. 13. Quoad Gentes attinet ab aliquot sæculis agnitas, & detectas; de *Formosanis* testimonium perhibet *Dapperus* in collect. Legat. De *Tunkinensibus* *Tissanierus* in descript. *Tunkin*, de *Peguensibus* *Auctor* hist. gener. cerem. religiof. to. VI. p. 360. de *Siamensibus* *Louberus* in descript. regni Siam tom. I. de *Cocincinensibus* *Borrius* in relat. Cocincin. de *Insularum Marianarum* incolis *P. Gobiæus* in earum hist. de *Brabmanis* hodiernis *P. Bouchetus* in epist. ad Episc. *Huetium*; de *Malabaribus* *Ziegenbalgus* in Epist. De *Hotentotis* qui censentur Africanorum populorum rudissimi *Kolbenius* in Descrip. Cap. *Bona Spei*. Alios *Africæ* populos prætereo (de quibus videri potest *Dapperus* in descript. *Africæ*) ut ad *Americanos* transeam. Eos generatim *Anlmæ* immortalitatis opinione imbutos esse, non dubitabit, qui leget quoad *Peruvianos* *Garcilassum* hist. Ync. lib. II. cap. 3. quoad *Brasilienses* *Corealem* in itin. ad Ind. occid.; quoad *Mexicanos* auctores hisp. quos allegat *Purchasius* in hist. theol. geogr. lib. VIII. cap. 13. §. 3. quod *Floridenses* histor. gener. cerem. religiof. tom. VIII. p. 131. quoad accolles regionis *Mississipi* *P. Hennepinum* in histor. novæ detest. quoad *Canadienses* *Labontanum* in descript. Americ. Septentr. tom. II. p. 114. Sic de aliis alios, quos omnes referre infinitum foret. Porro universalem hanc consensum

(a) Auctoribus quidem ad istam sententiam de animi immortalitate sui optimis possumus: quod in omnibus causis & debet & solet valere plurimum: & primum qui-

deum omni antiquitate, qua quo propius aberrat ab ortu, & divina progenie, hoc melius ea fuisse qua erant vera, et veritas. Cic. Tuscul. quæst. lib. I

nem summi momenti argumentum esse ad rem qua de agimus confirmandam, agnoverunt sapientissimi quique. *Tullium*, & *Senecam* in testimonium adducere hic satis sit: quorum ille ut

Quæst. Teiculi. Q. I. Ep. LXXI.

Deor, inquit, *esse natura opinamur* *sic permanere animos arbitramur consensu nationum omnium*. Cum, ait alter, de animorum immortalitate differitur, non leve momentum apud nos habet consensus hominum aut timentium inferos, aut colentium. Utor hac persuasione publica. Et sane hujusmodi universalis consensus nonnisi ex ratione distante, ceu quadam voce naturæ; vel ex perenni aliqua traditione ex communi fonte manante; vel, quod credibilis est, ex utroque oriri potuit. Quæcunque vero ejus statuatur origo, non potest, non invicti ponderis esse ad eos revincendos, qui immortalitatem animæ vel absolute negant, vel sola revelatione divina innoscere nobis posse contendunt:

Laoc est, nam si vox est naturæ, ut sentit *Cicero*, ea fallere non potest, nisi fallatur aut fallat auctor ipse naturæ; & si perennis traditio est, vera sit oportet: quippe quæ non nisi a primo homine, qui a Deo fuerit edoctus, descendere potest. Licet vero huic argumento nihil solidi reponi ab adversariis possit, attamen objectiones aliquot proponendæ sunt, ut earum solutione res in meliore lumine collocetur. Quæ igitur opponi valent, hæc fere sunt.

Objeçtio prima. Consensus de animorum æternitate saltem apud Græcos non fuit perennis: designantur siquidem hujus apud eos sententiæ auctores, nempe *Thales* a *Laertio*, *Pherecidas* a *Cicerone* & *Hesichio*; *Pythagoras* a *Maximo Tyrio*.

Responsio. Quum alii aliis inveçtæ apud Græcos de Animorum immortalitate sententiæ gloriam adscribant, nullus meretur fidem; nam alter alteri contrarius est: & quamvis priora duo testimonia conciliari utcumque possint, si dicamus, *Thaletem* verbis, literis *Pherecidem* omnium primos hanc tradidisse sententiam; nihil de *Pythagora* dicendum superest, quo testimonium de

ipso latum cum reliquis consentiat; saltem si ita ii auctores intelligantur, quemadmodum eos intelligendos putat pessimus auctor *libertatis cogitandi*, ut nempe indicare voluerint, ignotam plane antea, vel minime receptam inter Græcos eam fuisse sententiam. Id ii adferre minime potuerunt, quum constet tum ex vetulissima Græcorum *Mitologia*, & ex *Homero*, tum ex cultu perpetuo alicujus Religionis, Græcos multo ante *Thaletem* credidisse animorum æternitatem. Hoc ergo, ut summm, *Thaleis*, *Pherecidis*, & *Pythagoræ* gloriæ concedi potest, quod iionnum primi inter Græcos dogma de animorum perennitate illustrarint, ornarint, ac philosophice explicantes notius aliquanto, celebrisquere reddiderint. Igitur non ab illis inventa hæc doctrina, sed tantummodo exulta censenda est, si quidpiam veritatis testimoniis inest, quæ de iisdem feruntur.

Objeçtio secunda. Consensus iste non est universalis: nam primo plures commemorantur scetæ tum vetustæ, tum recentes inter *Sinas*, *Græcos*, *Hebræos*, atque etiam *Christianos*, quæ animæ æternitatem negarunt, & adhuc negant. Secundo, de plurimarum gentium hac de re sententia nullum habetur, aut haberi potest testimonium. Tertio, sententiam hanc olim apud Orientales minime viguisse, haud obscure colligitur ex libro *Job*, in quo nulla ejus habetur mentio, quamvis necesse non deesset. Immo quarto, neque apud *Hebræos* obtinuisse, ostendit pluribus *Joannes Clericus*.

Responsio. Ut consensus de immortalitate animæ censeatur universalis, necesse non est, ut omnes ad unum homines eam profiteantur; stultorum enim in quocumque genere magnus ac pene infinitus est numerus: sed satis est, nullam esse gentem, in qua aliqua hujus opinionis monumenta ac testimonia, aut saltem semina, ac vestigia non reperiantur. Hinc istiusmodi universalitati adversæ scetæ, quæ identidem exortæ sunt, nequamquam officiant. Exempli gratia viget modo latissime diffemi-

nata apud Sinas *Literatorum* secta, quæ animæ immortalitatem negat; at Sinas vetustissimos eam tenuisse, silem faciunt libri eorum classici. Inter Græcos *Epicurei* eam inficiabantur omnes; ab *Epicurum* a communi sententia recessisse, ejus prodiit historia. Inter *Hebræos* erant *Sadducei*, qui eandem negabant; sed *Pharisei*, & qui ab illis stabant, priscam primitivamque traditionem retinebant. Sunt etiam inter Christianos, qui hujus impietatis rei sunt non pauci; sed quid inde? quum eos execrentur ceteri; ac ne ipsi quidem, nec *Literati Sineses*, nec *Epicurei*, nec *Sadducei* unquam negarunt, ante sua tempora de immortalitate animæ traditionem, sententiamque viguisse. Sed cur *Epicurus* ab ea recesserit, notum est omnibus, ut videlicet sese, suosque discipulos levaret futuræ retributionis timore. Eadem quoque ratio potuit permovere tum *Literatos Sineses*, tum *Sadduceos*, ut certe permovet hujus temporis impios. Siqua vero honestior aliquibus hujus rei causa extitit, ea certe fuit aut prava & inepta veræ sententiæ propugnandæ ratio a veteribus usurpata, vel errores a quibusdam inventi, ut de animæ divinitate, *αὐτονομία*, & *ἀσχετομία*, &c. quibus tantummodo ejus immortalitatem fulchrexistimabant: aut demum, quod animam expertem corpore concipere & intelligere non valerent: quam quidem esse unicam abnegandæ animorum æternitatis rationem arbitratus est *Tullius*, cujus etiam imbecillitatem, & ineptitudinem ipse demonstrat (a). Sed quæcumque aut modo sit, aut fuerit olim tantæ causæ dementiæ, certum est, eam universali Gentium consensui, quam nos urgemus, officere nullatenus posse. Ad alterum vero atque primo, nihil universalitatis consensus, quod de agimus, obesse posse, quod nullum ea de re in Gentibus quibusdam testimo-

nium habeatur; nam quum suppetat de plurimis, & quidem ex omni Mundi parte, nempe & de *Orientalibus*, & de *Occidentalibus*, de *Septentrionalibus*, & *Meridionalibus*, ac de *Americanis*, ex his judicium satis firmum ferri potest de ceteris, quorum nulla pervenit ad nos notitia. Secundo. Et si de quibusdam gentibus exertum aliquod testimonium non habeatur, habetur tamen implicitum & æquivalens hoc ipso, quod constat, gentem adeo barbaram esse nullam, quæ nullam habeat Religionem, Religionemque nullam esse, in qua non aliqua habeatur vitæ alterius ratio. Tertio. Si etiam constaret, aliquam esse gentem, quæ & alterius vitæ omnino esset ignara, & nullo tangeretur religionis sensu, illud ex hoc solummodo evinceretur, eam ita obdusse, ut ne quidem adeo claram naturæ vocem amplius sentiret, nec ulla apud eam primæ traditionis vestigia remaneret: at non evinceretur, apud illius Gentis majores traditionem hujusmodi minime extitisse, vel hujusmodi vocem naturæ nullam esse: una namque, aut altera exceptio universalitatem non tollit; nec unum aut alterum exemplum, quod est velut quoddam monstrum, esse valet rei naturalis indicium. Postremo, certum est, tantam esse hujusce consensusis universalitatem, ut, etiamsi non foret numeris omnibus completa, tantam tamen adesse nequidem concipi possit, non admissa communi, perennique traditione, ac interius loquente naturæ voce.

Tertiæ difficultati antequam respondeo, præstat, illam plenius deducere: siquidem hic nobis concertatio est cum celebri *Joanne Clerico*, qui *Jobo*, adeoque & *Orientalibus*, inter quos degebat, vitam futuram, atque operum retributionem plane incompertam fuisse contendit. Ejus argumenta omnia ad hæc

Commen-
tar. Phil.
solog. ad
Cap. XIX.
Jobi.

va-

(a) Verba ejus sunt: Nique aliud est quicquam, cur incredibile his animarum videatur æternitas, nisi quod nequeunt, qualis animus sit vacans a corpore, intelligere & cogitatione comprehendere: quasi vero (sub-

dit) intelligant, qualis sit in ipso corpore... ut si jam possent in homine uno cerni omnia, qua nunc scella sunt &c. Quæst. Accadem. Lib. I, pag. mihi 132.

valent capita revocari. 1. Nullum extat *Jobi* testimonium, quo ipse alterius vitæ mentionem faciat: nam illud, quod unicuique in rem hanc adferri solet, ex Cap. XIX. com. 25. clarum est quidem & efficax, si admittatur liberior & audacior versio *Hieronymi*; at si ad textus *hebraici* amussim exigatur, unam continet spem, certamque fiduciam sibi in hac vita obventuræ liberationis, seu in pristinum salutis suæ gradum restitutionis; cujus reipia potius adseritur Cap. XLIII. v. 10. 12. Idque confirmatur ex ipsismet *Judeis*, qui *hebraicum* sequuti textum, dogma de altera vita, deque futura mortuorum resurrectione, quod alioqui credunt, hinc exculpi non putant. 2. Ignotum tunc fuisse animum statum post mortem ex totius libri argumento facile colligitur. Nam quæritur in eo, cur, qui non sunt deteriores aliis, qui boni habentur, & revera sunt, interdum inustitatis calamitatibus premantur; quod quomodo consentire queat cum iustitia divina nec *Jobus*, nec amici possunt comminisci; immo nec Deus ipse, ubi *Jobus* postea alloquitur, docet. Solutio problematis & una consolatio, qua *Jobi* animus pacari poterat, peti debuit ex alterius vitæ cognitione. Quam si novissent *Jobi* amici, vetuissent, eum usque adeo perturbari, & lamentari: esse enim dixissent, aliud tempus præmiorum virtutis, idque expectari ab eo debere post hanc vitam mortalem; & eo majora præmia relaturum, quo maiores calamitates constantius tulisset: quibus præmiis Deus mala hujus vitæ abunde esset pensaturus. Quod si talia eorum mentem non subijissent, Deus certe, si res jam revelata erat, dixisset, monuisset *Jobum*, sibi visum esse, tot malis virtutem ejus explorare... ut ea mihi eniteret, aliisque exemplo esset: ceterum effecturum se, ne hominem constantiæ suæ poeniteret, æternis, & eximiiis in eum collatis præmiis. Quæ oratio (subdit) si rem jam tum patefecisset Deus, multo ejus sapientiæ convenientior erat,

„quam creatio *Crocodili*, & *Hippopotami*, aliaque id genus: quæ *Jobum* quidem dem terere potuerunt divinæ potentia meta, sed solari vix potuerunt. Hucusque *Clericus* præscribens nedum *Jobi* amicis, verum etiam ipsimet Deo aptiorem ejus recreandi modum.

Ut *Clericum* hac in re frustra laborasse demonstramus, discutiemus primo, num Versio *Hieronymi* hujus loci pravis illis interpretationibus sit accensenda, quibus, *Clericus* assensente, *Petres transverse adii* mortuorum resurrectionem quoæferunt. Pluribus deinde argumentis propugnabimus, *Jobum* eo loci de vita altera, futuraque mortuorum resurrectione reipsa sermonem habere. Postremo ejus, aliisque, si quæ sunt, objectionibus satis faciemus.

Itaque Versio *Hieronymi* ita se habet: Scio, quod Redemptor meus vivit, & in novissimo die de terra surrecturus sum: & rursum circumdabor pella mea, & in carne mea videbo Deum salvatorem meum: quem visurus sum ego ipse, & oculi mei conspiciendi sunt, & non alius: reposta est hæc spes mea in sinu meo. *Clericus* vero sic vertit. Novi ego liberatorem meum vivere, & posthac fore, ut in pulvere stes. Si post pellem meam, hoc pertulerint, etiam in carne mea Deum videbo. Quem ego videbo mihi, oculi mei videbunt, non alienus, quamvis in sinu meo consunti sunt venes mei. Quem vero putat ipse inesse his verbis sensum, hac exprimit paraphrasi. Novi, me a Deo aliquando ex hisce ærumnis liberatum iri, eumque æternum esse, & iudicia sua, in hoc pulvere executioni mandaturum. Si non contenti me ad pellem & ossa redactum, me etiam vulnerarini, non impediant tamen, ne Deum vivum in hoc corpore videam, si ita ei videatur. Videbo Deum, quatenus mortalibus oculis cerni potest, me, non alienis oculis, quamvis vis morbi ipsa mea viscera adfecerit. Qui quidem sensus si admittatur, ex his profecto verbis nihil de vita altera, nihilque de mortuorum resurrectione extundi potest. At age jam textum *hebraicum* expendamus. Pina illa verba בִּי יְהוָה יָדָאנֹכִי *Jadanki chi*

geali bhai, scio quod Redemptor meus vivit, nullam præferunt difficultatem; & satis Versio Clerici congruit cum Hieronymiana. Præcipua difficultas est insequentibus verbis אֲבָרֹן עַל עָפָר יָקֻם אֲבָרֹן nhal naphar jakum: quæ vertit Clericus: & posthac fore ut in pulvere stet (Ieu, & posthac in pulvere stabit) quod perinde est, ait in Commentario, ac eum victurum, אֲד' אֲדַפְּרֹתָדֻזָּא; quia homines, qui stant in pulvere, vivunt; opponuntur enim iis, qui in pulvere testii sunt, atque in sepulcro jacent. Vocem autem אֲבָרֹן abbaron antea adnotarat, non solum significare ultimum vel postremum, sed etiam posterius, ut docent lexica: quare hic adverbialiter sumptum significat post, postea, posthac. Sed primo, nullo scripturæ exemplo confirmabit Clericus & abbaron absolute positum significare posthac: deinde, præclara sane & festiva sententia foret hæc: scio, quod Deus vivit, & posthac vivet. Anne timebat Job, ne focii suidubitarent, Deum postea moriturum? vel anne significare Job voluit, Deum semper victurum? Verum præterquam quod causa nulla, ut illud adsereret, Jobo aderat; nemo non videt, quam sit inepta ad id exprimendum phrasis istæ: vivit, & posthac, seu post nunc, vivet. Æque pariter inepta, immo & plane absurda ea videtur locutio: in pulvere stabit ad significandum Deum victurum: Etenim quum in pulvere, seu supra pulverem stare eatenus tantum possit significare vivere, quatenus qui mortui sunt, jacent sub pulvere, seu in sepulcro; quemadmodum quum de viventibus hominibus habetur sermo, hæc haud incongrue adhiberi locutio valet, ita Deum, qui mori non potest nec interire, dedecere plane videtur. Sed hoc, ait Clericus אֲד' אֲדַפְּרֹתָדֻזָּא, seu translatione ab hominibus sumta dictum esse. At quid opus fuit Jobo hac adeo a longe petita & impropria locutione uti, vel eam nos admittere, quum ea verba non uno sed pluribus, hisque congruentioribus modis valeant explicari? Id an verum sit, jam videamus.

S. Hieronymus vocem abbaron inter-

pretatur, in novissimo die; paullo quidem liberius, sed ad sensum optime; nam quum abbaron frequentius in Scriptura significet ultimum, postremum, & hic videtur subintelligi tempus, satis probabiliter verti potest postremo tempore, quod perinde est, ac in novissimo die, si referatur ad resurrectionis tempus, ut reipsa referendum ostendemus deinceps. Favet Hieronymianæ interpretationi vetustissima versio Syriaca apud S. Ephrem Syrum in Commentario hujus loci: reddidit enim ve abbaron אֲבָרֹן וַאֲבַרְפֹּבָא, & in fine. Pressius quidem ad litteram verti potest postremo, quæ significatione adhibitam reperimus vocem maxime affinem chaldaicam אֲבָרֹן abbaron Danielis Cap. IV. v. 5. Verba hebraica nhal naphar vertit Hieronymus de terra; pressius verteretur supra pulverem: sed idem plane est ad sensum. & jakum vertit surrecturus sum, minus sane recte, si ad lectionem hodiernam ratio habeatur: at sponte fateatur vel ipse Clericus, S. Hieronymum pro jakum tertiæ personæ legisse אֲקֻם akum, quod rectissime vertitur surgam, vel surrecturus sum. Sed Hieronymianæ lectioni obstat lectio hodierna omnium codicum hebraicorum. Quid in le vero? Anne etiam contendere potest, in codice Hieronymiano non extitisse akum, ipsumque Hieronymum adeo lippis fuisse oculis, ut potuerit Job, minimam ac simplicissimam litteram ab א אֲלֶפֶת aliquando non secernere? Age verò fingamus, extare nunc codicem illum Hieronymianum, vel ejusdem antiquitatis alium; an non ejus lectio omnibus, qui in Bibliothecis hodie afferantur, codicibus merito præferri possit? præsertim quum ea Hebræorum & hebraizantium Christianorum, qui nullum ne literarum quidem mendum in hodierno hebraico textu admittendum esse contendunt, sententia, vel potius superfluo jam a viris doctissimis, dace Ludovico Capello, explosa sit; aliunde vero in versione Hieronymiana sensus aptissimus conflatur; aliaque multa ipsi faveant, ut postremo ostendamus: Interim vero, si Hieronymiana hujus loci lectio minime

Cic-

nent, satis versio *Clerici* congruit cum *Hieronymiana*. Videlicet: *in carne mea videbo Deum; quem ego videbo mihi, oculi mei videbunt, non alienus*: quæquam modice differant a *Hieronymi* verbis, nemo non videt. At vero verba hæc luculenter, & valide confirmant, *Jobum* commate præcedente de futura sui resurrectione sermonem habere; alioqui minime dixisset, *videbo Deum*, quicerte in carne mortali videri non potest. Equidem *Clericus*, ut ab hac difficultate se expediat, effatum illud explicat: *videbo Deum, quatenus mortalibus oculis cerni potest*. Verum explicatio illæ tunc tantummodo locum haberet, quum aliunde constaret, *Jobum* de ærumnarum liberatione in hac sibi vita obventura sermonem habere. At quum id in questione sit, negeturque a nobis; jam ipsa dispicienda est verborum proprietas; & cui magis favet, ea præferenda sententia est; præsertim quum ipsa verbis quoque sequentibus confirmetur. Quid enim sibi vult emphatica illa repetitio: *quem ego ipse visurus sum, & oculi mei conspiciuntur sunt, & non alius, vel alienus*, quod perinde est? Anne decuisset, ita loqui *Jobum*, si tantummodo locutus fuisset de sui restitutione in statum prætinum? Non plane: nemini quippe venire in mentem poterat, eum post recuperatam sui corporis sanitatem, atque divitias alium ab eo fore, qui ante eorum amissionem fuerat. At vero apprimè congrua ea phrasus est, si sermonem habeat de sui resurrectione post mortem. Possit enim quis, tametsi immerito, sibi in animum inducere, corpus reditivum idem non esse, ac fuerat antequam redactum esset in pulverem; adeoque eandem non esse personam ante mortem & post resurrectionem. Aut ego vehementer fallor, aut hæc *Clerici* temeritatem in propatulo ponunt, & magnopere castigant; *Clerici*, inquam, qui in huius loci expositione a communium Catholicorum, tum Protestantium sententia recedere non dubitavit, nisi ut sequeretur judaizantem *Grotium*.

Verum aliud est quoque ad rem hanc confirmandam non minus efficax argumentum, quod ex verbis, quæ *Jobus* integro huic loco præmittit, conficitur. Scilicet, postquam vir patientissimus usque ad comma 23. Capitis XIX, in quo textus, quod agimus, continetur, statum suum miserrimum descripsisset, deplorassetque; mutato repente stylo, velut extra se raptus, *Quis mihi, inquit, tribuat, ut scribantur sermones mei, quis mihi det, ut exarentur in libro stylo ferreo, & plumbi lamina, vel cæcis sculptantur in silice?* nempe, ut verosimillimum videtur, in *petra*, quæ sepulcro ejus juxta vetustissimum Orientalium morem apponenda erat. Porro verba, quæ sanctus *Job* tum in libro scribi & imprimi, tum in *petra* sepulchrali insculpi tantopere desiderabat, alia esse non possunt, quam quæ sequuntur: *Scio quod Redemptor meus vivit &c.* scilicet particula *et*, quam hic *S. Hieronymus* vertit *enim*, ac plerumque copulativa est, hic censenda *explanativa*, ut perinde valeat ac *videlicet*, nimirum, nempe: non est enim verisimile, eum desiderasse, ut sui omnes sermones, ac verba omnia, quæ ad illud usque tempus suderat, in *silice* insculperentur. At vero est ne credibile, *Jobum* ea verba *et* *scio enim* &c. tanto digna honore exstimasse, aut ipsum tale de iis in *petra* insculpendis desiderium incessisse, si nihil aliud præter liberationis ab ærumnis hac in vita obtinendæ, seu proximæ in statum salutis præstinum restitutionis spem continerent? Altius profecto *Jobi* animum respexisse credendum est, atque censendum, supernaturali collustratum luce eo se convertisse virum sanctissimum, unde potissimum, immo omnis fidelium consolatio descendit; nempe ad *Messiam* liberatorem; ac tum ejusdem, tum sui ipsius a mortui resurrectione designare voluisse. Et quidem quum *Job* jam præcedente Capite XVII. sese omnem præsentis vitæ spem abdicasse, solaque niti futuræ vitæ spe, aperte significasset, (illud quidem, quum ait, *solum sibi superesse sepulcrum*, & dies suos transiisse, & dixisse putredini,

pater meus es tu, mater mea, & soror mea vermicibus: alterum, quum rogat socios, ubi est ergo prefolatio mea? & patientiam meam, seu expectationem meam, quis considerat?) qui credibile est, exultationem, quam ipse prodit Cap. XIX. in allato textu, fluxisse totam ex concepta in statum pristinum restitutionis spe, & non citius ex certa fiducia vitæ futuræ, & a mortuis resurrectionis.

Quod attinet Clerici objectiones, ex facile dissolvuntur. *Hebraei*, inquit primo loco, dogma de futura vita, & resurrectione, quod alioqui credunt, hinc exculpi non putarunt. Respondeo primo. Non mirum, quod *Hebraei*, in hisce *Jobi* verbis non videant neque resurrectionem *Mossæ*, quem morituum non credunt; neque resurrectionem *Jobi*, quoniam Gentiles, e quorum numero erat *Job*, resurrecturos non putant: ac præterea non mirum, si verum hujus loci sensum non percipiant carnales homines, qui in plerisque sacræ scripturæ locis, quæ sublimius aliquod mysterium continent, intelligendis, explicandisque caligant: ut prætereant, haud paucos eorum resurrectionem mortuorum non credere. Secundo. Judæi recentioribus oppono *Scholasten* *Hebræum* a *Mercero* laudatum, qui ea verba ita explicavit: *super pulverem* (id est super habitantes in pulvere, sive sepulcro) *surgit ad dandum essentiam, & exitum omni invento, quem invenit super pulverem*: tum multo majorem LXX. *Interpretum* & *Paraphrastis Chaldaei* auctoritatem, qui ea verba interpretantur de mortuorum resurrectione. Nam *Septuaginta* ita reddunt: *Ὁ δὲ γὰρ δὲς ἀνθρώπος ἐκ τοῦ ὕδατος τοῦ αἵματος τοῦ σπέρματος τοῦ ἀνθρώπου*, *Novi*, *eternum esse eum, qui me soluturus est, super terram ad suscitandam pollem meam, quæ suscitabit ista*. *Paraphrastes autem Chaldaei* ita habet: *בְּחַר בְּרִין מִרְקָנָה עַל קֶרֶן יָקוֹם וְיִדְעֵת יְהוָה אֵת עֹשֶׂהוּ, quia Redemptor meus vivus est, & post hac redemptio ejus supra pulverem surgit*. Quæ verba proculdubio satis indicant resurrectionem a mortuis.

Ad illud vero de *Amicis Jobi* facilis est & prompta responsio, eos ex illis fuisse ineptis, & importunis consolatoribus, qui non consolationem adierunt, sed amaritudinem, afflictionemque addunt afflicto. Quære in illis consolationis verba, & nulla invenies, sed solummodo importunas quasdam quæstiones, & digressiones prolixas. Et quod majus est, toti sunt in sagillando, accusandoque patientissimo viro, ac si eas omnes acerbissimas ærumnas sibi conscivisset sceleribus suis: quare Dominum ad iracundiam provocarunt, eoquod non essent locuti rectum coram ipso. Quæ igitur mirum, si intempestivi isti *Paracleti* uberrimum consolationis fontem, qui est alterius vitæ remuneratio, impulentes præterierunt? At *Deus* saltem, inquit *Clericus*, si res jam revelata, aut alias nota erat, monuisset *Jobum*, se effluviū, no isum constantie sue paniteret, eternis & eximius in emendatis præmiis. Immo, inquit ego, si res hæc nondum revelata, aut aliis *Jobo* non cognita fuisset, tunc congruum erat, ut eam illi manifestaret, ne videretur, ipsi tam ubere consolationis fontem quadantenus invidere. Quod si maluit *Deus* de creatione ex codili, & *hypopotami*, quæ, ut ait *Clericus*, *Jobum* terræ potuerunt potentie motu, solari vix potuerunt, verba cum ipso facere, id in causa esse potuit, quod noverat, ea notitia nequaquam carere patientissimum virum; eaque jam ad omnes constanter ferendas ærumnas suas, satisfactorari. Et sane concipi vix potest (ut & hoc ceteris addamus argumentum), quomodo *Job* absque omni vitæ futuræ spe tanta in gravissimis ærumnis constantia divinæ sese voluntati subjecerit, ut ejusdem sufferentiam *Jacobus* *Apostolus* in aliorum exemplum celebravit. Quod igitur *Mosés*, aut alius qui nunquam fuerit ejus libri auctor, repræsentet, Deum nihil de spe vitæ futuræ attigisse, id potius indicat, eam sententiam communem, vulgaremque eo loco ac tempore fuisse, quam defuisse *Jobo* viro illuminatissimo.

Quæ quam ita sint, jam se ipsa conciliat

Epist.
Cath. V.
11.

cidit quarta objectionis pars, quam item suppeditat temeritas *Clerici*, contendentes *Hebræos* vetulos caruisse cognitione futurae vitæ, & resurrectionis mortuorum. Nam si ejus expertus non fuit *Job* Gentilis, eaque clare prodita in ejus libro reperitur; qua veritatis specie poterit affirmari, eam non habuisse *Hebræos*, populum electum, in quo multo facilius, quam in ceteris populis, primæva ista traditio conservari potuit, & apud quem liber *Jobi* semper ut canonicus fummo in honore habitus est? An non ad id satis esse illis potuit instructio vetustiorum Patriarcharum, & *Mosis* Legislatoris, quos præclara hæc notitia destitutos fuisse, sola temeritas affirmare potest? ad quam ut par est, retundendam, necessarium nequaquam duco, singulos excutere *hebræorum* libros, in quibus magis, minusve clare exhibetur tum futura vita, tum perennitas animæ, & resurrectio mortuorum (quod etiam multo prolixius foret, quam instituti nostri ratio patiat): quosque enim contrarium non præbent (ut certissime a *Clerico* minime probatur) præsumptio hæc in parte *Hebræis* vehementissime favet. En vero qua ratione commentum hoc suum conatur evincere: Quum, inquit, multus fuisset sermo apud Græcos jam a temporibus *Homeri* de altera post hanc vita, & forte etiam apud Orientales; attamen apud *Hebræos* V. T. scriptores aut altum est de ea re silentium, aut adeo obscura significatio, ut *Pharisæi* rem potius traditioni majorum, quæ quando capisset, aut unde manasset, non constabat, quam revelationi divine scriptis consignatæ, debere sibi viderentur. Paucis in verbis multiformiter peccat vir ceteroqui doctus, sed qui nescio quo spiritu apere de iis aggressus est, quæ ab ethnicis obijci *Judeis* poterant; nisi fortasse, ut hoc obtentu revelatam religionem impeteret, erga quam minus bene affectum sese aliis quoque declaravit, aut saltem declarare visus est. Multiformiter, inquam, peccat. Nam primo inuit, sermonem est altera post hanc vita *Homeri* temporibus apud Græcos crepisse, quum cer-

tum esse debeat, sententiam hanc nullo non tempore inter eos floruisse. Secundo, ut exploratum ponit, *Hebræos* nonnisi ex revelatione in veteris testamenti libris propofita notitiam haurire potuisse de altera vita; quum exploratum sit, *Hebræos*, non secus ac alias gentes, quin & eo facilius, quo magis ipsorum Progenitores pietatem coluerunt, exprimæva, perennique traditione hanc habere notitiam potuisse. Ea propter licet altum foret, ut inquit ille, apud V. T. Scriptores ea de re silentium, aut tantummodo obscura quædam significatio (quod quam verum sit, huius loci non est examinare); exinde tamen confici non possit, *Judaicum* populum ea caruisse notitia, quam Gentiles absque revelatione obtinuerunt. Hinc, ut demus, quod ceteroqui *Clericus* non probat, visum esse *Pharisæis*, potius traditioni majorum, quam revelationi in sacris libris comprehensæ sese rem hæc debere; nihil id *Clericum* juvat, dum non evincat (quod nunquam præstare poterit), Majores, unde fluctabat illa traditio, sæcæ pharisæicæ fundatoribus multo vetustiores non fuisse, seu a primis ipsis humani generis propagatoribus non exsistisse, ut nos quidem certissime existimamus: nihil enim faciendum ducimus, quod ille temere ait, minime constasse, quando ea traditio capisset, & unde manasset, quam nullum prorsus aditrat huius, quam *Pharisæis* ac fere omnibus *Hebræis* adscribit, ignorantia fundamentum. At quicunque sapiunt, firmissime tenebunt, *Pharisæos*, si ea de re fuissent rogati, hanc esse perennem ab orbe condito, vel inflaurato humano genere traditionem, nihil hæsitantes responduros. Errat ego immaniter, vel prorsus illudit *Clericus*, quum subdit, *Sadducæos*, eorum reliquis *Pharisæorum* traditionibus rescisse; quasi vero solas *Pharisæorum* traditiones, & non alia quoque communia dogmata rejicerent *Sadducæi*, quos ab *Epicureorum* doctrina & vita parum abivisse constat. Ridendum est vero, quod ipse *Clericus* subdit, eos alteram vitam in lege & Prophetis invenire non

In Proleg.
Hib. Eccl.
cap. VIII.

potuisse: Unde enim novit ille, *Sadduceos* aliquando, & quidem animo ab affectionibus & præjudiciis vacuo, eam quævisse? Multo sane verisimilius est, ipsos invenire noluisse eam veritatem, quæ sibi, utpote fere *Epicureis*, nimium incommoda videretur. Nam ceteroqui, etsi extitisset tantummodo *obscura ejus significatio*, in lege & *Prophetis*; non deerant certe *Sadduceis* præstigia, quibus eam valuerunt certo detegere, si quidem sincere quærere voluissent. Hinc non mirum, si *Pharisei* ipsos ab eorum sententia deducere nequiverunt (quod frustra, irritoque conatu urget *Clericus*); nam his, qui in respuenda veritate obstinationes sunt, desunt nunquam effugia, ut sese veritati subtrahant; & quum aliud non possunt, oculos claudunt, obstruuntque, ne micantem lucem percipiant. At quid hic *Clericus Phariseos* duntaxat memorat, ac si ii soli cum *Essenis*, de quibus paullo ante mentionem fecerat, huic sectæ adhererent, vitæque altera, & mortuorum resurrectionis opinio esset propria illius sectæ, non dogma nationis integræ, una dempta *Sadduceorum* secta, hominum scilicet manipulo, si ad totam universamque comparentur judaicam nationem. Hinc etiam verum esset quod indicare *Iosephus* videtur, *Phariseos*, & *Essenos* ita quod credebant expressisse, ut quæ dicebant, *Græcis Poetis ac Philosophis accepta referre deberent* (quod tamen intelligendum de aliquibus, non de omnibus); hinc tamen nemo sanæ mentis deduxerit, hoc dogma a *Græcis* ad *Hebræos* commigrasse: facile enim potuerunt homines aliqui profanæ eruditionis ostentandæ gratia commune, antiquissimum, ac maxime domesticum dogma *Græcorum*, aut Philosophorum placitis, aut Poetarum figmentis accommodare.

Ceterum, hebraicum populum de altera vitâ rectissime sensit, fidem præstiterunt indubiam duo eorum *Ecclesiastici* & *Sapientie* libri: in quibus, ac præsertim in altero, luculentissima sunt de bonorum, malorumque post mortem retributione testimonia. Le-

gantur præ ceteris Capita III. IV. & V. quæ ferme integra in ea re explicanda infumuntur. Neque vero reponat *Clericus*, libros illos non continere legem judaicam, nec esse *Hebræis authenticos*. Nam responsio in promptu est, omnino sufficere, eos libros & auctores habere hebræos, & publice apud illos esse receptos, seu legi publice, ut inde conficiatur, communia & præcipua eorum dogmata continere; præsertim quum *Sapientie* liber data opera adversus *Sadduceos* videatur conscriptus, quorum insania graphice describitur Cap. II. Deinde vero, quum liber iste tam diserte, copioseque differat de altera vitâ, argumento est validissimo, ejusmodi dogma non tunc recens fuisse apud eos inventum, sed jam pridem vetusta traditione firmatum. Quod utique confirmari potest ex eo, quod Gentilium nemo hanc *Hebræis* ignorantem objecerit. At obicere tamen eos potuisse contendit *Clericus* hanc *Legi Mosaicæ omissionem*, propterea quod, quidquid sit de posterioribus scriptis, nec in ea, quin nec in ipsis *Prophetis*, tanta res, & tam necessaria ad conservationem Religionis & virtutis, expressa fuerit. Eo scilicet animo erga Religionem revelatam affectus est *Clericus*, ut defectum hunc *Mosaicæ* legi, quæ procul dubio a Deo est, obijciendum, seu obijci posse non dubitet. At quid opus erat, inquit ego, ut *Moses* & *Propheta* eam data opera veritatem exprimerent, quam iis, quibus scribebant aut loquebantur, naturali jam lumine, perennique traditione perspectam esse sciebant? Satis profecto fuerat, ut eam aliunde notam veluti fundamentum eorum, quæ dicebant, supponerent. Hoc ipso enim veritati hujusmodi testimonium perhibebant, eamque sin magis, æque saltem, ac si eam diserte expressissent, confirmabant. At vero *Mosem*, & *Prophetas* pro fundamento eorum, quæ dicebant, aut scribebant, posuisse alterius vitæ, futuræque retributionis notitiam, vel ex eo manifeste colligitur, quod plurima scriptis mandarunt, quæ proculdubio intelligi vellent a suis, neque tamen pos-

Gen. V.
v. 14.

ib. XXV.
8.

ib. XV. 1.

ib. XXXV.

19.

ib. XLIX.

ib. 19. 11.

Deuter.

XVIII. 11.

I. Reg.

XXVIII.

III. Reg.

XVII. 11.

IV. Reg.

IV. 15.

ib. XIII.

24.

sent, nisi supposita animæ post mortem
superstitis & immortalis notitia. Et sa-
ne qui intelligi alia ratione potuissent,
quæ *Moses* scribit in *Pentateucho* suo,
ex. gr. *Enochum*, postquam *ambulasset*
cum Deo, in præmium pietatis suæ a-
blatum ab ipso, seu juxta multorum
sententiam e vivis exemplum: *Abra-*
hamum, dum mortuus esset, *congrega-*
tum esse ad populum suum (a); & an-
tea ipsi dixisse Deum: *ego sum merces*
tua magna nimis. *Isaacum* per mortem
ib. XXXV. *appositum esse populo suo*: *Jacobum* pro-
xime morituum dixisse Domino: *expe-*
19. *cto habo salutare tuum*; & ad Filios: *ego*
ib. XLIX. *congregor ad populum meum*, idest mor-
ib. 19. 11. *tuus*; mortuum denique, & ipsam *ap-*
positum esse ad populum suum: & ut al-
lia multa, præteream, Deum vetuisse
Deuter. *Israelitis*, ne ritus & mores Cananæo-
XVIII. 11. rum adoptarent, eumque inter ceteros,
qui apud illos vivebat, *querendi a mor-*
tuis veritatem. An vero hæc *Moses* præ-
denter scripsisset popularibus suis, nisi
exploratum apud illos fuisset, animas
hominum simul cum corpore non inte-
rire, sed superstites, adeoque immorta-
les esse; quum hujuscemodi dicta, non-
nisi hoc posito intelligi valerent, ve-
ramque sententiam aliquam continere?
Simile argumentum confici potest tum
ex iis, quæ narrantur in libris Regum
de Anima *Samuelis* evocata a *Saule* per
Pythionissam; de anima mortui pueri in-
tra eum *reversa*; de puero altero su-
scitato ab *Eliseo*; & de *cadavere*, quod
ossium ipsius contactu *revixit*; tum ex
innumeris Prophetarum dictis, quæ hic
indicare, nedum referre non vacat. Sed
quæ hucusque attigimus satis profecto
sunt, ut infanre merito censeatur quis-
quis *Hebræos* prius alterius post mor-
tem vitæ ignaros fuisse contenderit. Et
sane, quum *Hebræis* præ omnibus al-
ijs gentibus vera origo hominis inno-

tuerit; qui verisimile esse poterit, hanc
maximi certe momenti de immortalitate
animæ veritatem, unde pendet *Re-*
ligio omnis naturalis, ac revelata,
quamque norant gentes ceteræ, eos la-
tuisset? Sed hac de re pro instituto no-
stro jam nimis multa, nisi comprimen-
dæ *Clerici* audaciæ necessaria visa fuis-
sent.

Objectione tertia. Etiam si admittatur u-
niversalis de animarum æternitate con-
sensus, non exinde tamen satis senten-
tia istæ firmatur. Aliæ enim præter
quam perennis *traditio*, aut *vox natu-*
ræ, hujus rei causæ esse poterunt:
nempe vel humanæ ostentationis vani-
tas, ac gloriæ captandæ studium cum
aliorum supersticiosa levitate credendi
conjunctum: vel Principum & Legisla-
torum sive fraus sive indultia ad faci-
lius continendos in officio populos, vel
ad egregia æque ac difficilia facinora ex-
citandos: vel demum error alicuius com-
munis, qui totum occupaverit orbem;
quemadmodum etiam *Idololatria*, seu
plurium Deorum cultus a cunctis gen-
tibus receptus videtur.

Responsio. Nihil eorum, quæ in ob-
jectione recensentur, sufficiens esse po-
tuit universalis consensus, quo de agi-
mus, causa: quanquam non distendum,
ea omnia admisseri potuisse, non qui-
dem ad substantiam dogmatis invehen-
dam, sed ad quædam excogitanda, qui-
bus aut suavius, aut fortius populorum
animis infigeretur; & hi quoque nimia
quadam credulitate quæ adjecta forent,
exciperent. Sic ambitio Philosophos,
Poetas oblectandi cupido, utilitatis amor
Principes permovere potuerunt, ut sua
commenta, aut signimenta procuderent:
at hoc ut facerent, in mentem illis
nunquam venisset, neque populi adeo
facile illis, quæcunque dicebant, credi-
dissent, nisi jam aliunde hoc dogma cla-
rius

(a) Hoc certe dictum significare non
potest, *Abrahamum* sepultum fuisse in se-
pulcro patrum suorum: id enim Scriptu-
ra ipsa refellit, quæ narrat Genes. XXV.
20. sepultum fuisse in *Speleus duplici*,

quæ sita erat in agro *Ephron filii Sæur Ha-*
tei, quam ipse emerat a filiis *Hæi*; & con-
sequenter procul valde a Sepulcro Pa-
trum suorum, quod in *Chaldea* erat, vo-
de, jubente Deo, *Abrahamus* exierat.

rius aut obscurius, tum ex primæva traditione, tum ex interna voce naturæ eorum animis infudisset. Et quidem nec Philosophi commentis suis, nec suis Poetæ figmentis, nec Principes documentis unquam efficere potuerunt, ut universali consensu exciperetur. Illud potius constat, eos suis illis additamentis effecisse, ut a multis, qui ea vel a substantia dogmatis fecernere nesciebant, vel imprudenter existimabant, dogma ipsum his commentis inniti, res ipsa aut rejiceretur, aut in dubium revocaretur. Postremo fieri nullatenus potest, ut error ullus utunque fucatus, ornatus, aut inculcatus universali consensu recipiatur. Universalis enim consensus, universalis causa, seu communis omnibus, sit oportet: quæ profecto nullatenus esse potest errori obnoxia. Non alia ergo esse potuit universalis de perennitate animorum consensus causa, nisi vel naturalis quidam stimulus ac sensus, seu vox naturæ omnibus communis, vel primæva ab uno communi fonte traditio promanans, vel utrunque, ut supra dictum est. Quoad Idololatriæ exemplum attinet, nego, eam unquam fuisse universalem, nec

ubique eandem; sed potius ita ubique variam, ut vel sola varietate falsitatem suam liquido demonstraret.

CAPUT III.

Humanas omnes actiones necessarias esse, post Hobbesium, & Spinosam docent ex Protestantibus Juris naturæ Scriptoribus Thomasius, Coccejus, alique non pauci; quorum perniciosissimus error resellitur; demonstraturque, humanum esse vera prædium libertate.

Libertatis nomine hoc loco intelligimus facultatem agendi, & non agendi immunem ab omni necessitate. Et hanc libertatem is habere censetur, qui juxta rationem, & beneplacitum suum, seu prout sibi videtur, ac lubet, operatur; & ita quidem operatur, ut absque ulla mutatione eorum, quæ sunt extrinseca voluntati, possit non agere, imo & non agendi voluntatem concipere. Libertatem ita circumscribere placuit, ut sublata omni ambiguitate verborum, quæstionis status clarissime pateat. Sunt enim non pauci tam liberales in admittendo nomine libertatis, quam sunt ab excludenda necessitate alieni. (a) At vero descripta libertate

P 2

præ-

(a) *Libertas & necessitas, ait Hobbesius (Leviath. cap. 21.) consistere simul possunt. Nec mirum, ipsum ita loqui, atque sentire; etenim libertatis vocabulo nil aliud intelligit, ut aperte profitetur, quam externorum impedimentorum absentiam. (Ibid. cap. 14.) Atque exinde deducit (Ibid. cap. 21.) aquam per fluminis alveum tum libere, tum necessitate naturæ versus declivia moveri: ex eo scilicet, quod absint impedimenta externa, quæ ipsius cursum inhibeant. Nonne satis pulchra hæc est fluminis libertas? Neque tamen aliam agnoscit ille in humanis actibus libertatem. Hinc actiones omnes voluntarias, subdit, quæ sua natura libere sunt (nimirum ab externis impedimentis) quia tamen causas habent, & causa illæ alias causas, & sic perpetuo usque ad causarum omnium causam primam, nempe divinam voluntatem, necessitate sunt. Spinoza discrete scribit, se libertatem non in libero decreto, seu electione volunta-*

tis, sed in libera necessitate ponere. Et paullo post (Epist. 62.) concedit Cartesio, nos quibusdam in rebus nullatenus cogi, si per hominem coactum intelligit eum, qui invitatus agit; negat vero, nos in aliqua re liberos esse a coactione, si per coactum intelligit qui, quamvis non invitatus, necessario tamen agit. Hoc itaque sensu semper nos coacte agere non dubitat, (Epist. 49.) quatenus semper ab extrinsecis causis determinamur; adeoque cuncta, quæ agimus, inevitabili necessitate agimus. Nihil ab his discrepat Thomasius. Voluntas, inquit, (Fund. J. N. cap. 1. §. 66. & seq.) intrinsece nullam libertatem, idest nullam electionem liberam, & indifferentem habet. Servus illa alius potentis tam extra, quam intra hominem, quatenus cupidi ni grata sunt, eamque irritans, & inclinans. Dum autem non semper intelligitur quod voluntas agat irritata ab ejusmodi potentis, tum hoc intuitu dicitur libera. Dicitur, inquam, sed non est. Nam volun-

præditum esse hominem triplici, potissimum ratione demonstro. Una hæc est.

Intima experientia certi sumus, multa nos facere vel omittere ex propria nostra ratione, ac beneplacito, seu quia hoc agere, & illud omittere bonum esse judicamus & nobis habitum est; adeoque & ita volumus illud facere, ut tunc quoque cum volumus, possimus etiam non velle: qua de re omnium conscientiam appello. Non igitur dabitandum hominem esse vera præditum libertate.

Argumentum hoc ab intimo sensu ductum, quo in re quacunque validius nullum, efficaciusque censi solet; in hac tamen nullius esse ponderis, ceu animi sibi nimium blandientis imaginatione unice innixum, perstrictè affirmant humanæ libertatis olores. *Benedictus de Spinoza* evertit illud se posse putat paritate lapidis, qui utique a causa externa ipsum impellente certam motus quantitatem accipit, cessante causa externa impulsu, moveri necessario pergit. Perro concipe, subdit, si placet, lapidem, dum moveri pergit, cogitare & scire, se quantum potest, conari, ut moveri pergat. Hic sane lapis, quandoquidem sui tantummodo conatus est conscius, & minime indifferens; se liberum esse, & nulla alia de causa in motu perseverare credit, quam quia vult. Tunc vero quasi triumphans concludit: Atque hæc humana illa libertas est, quam omnes habere jactant, & que in hoc solo consistit, quod homines sui appetitus sunt conscii, & causarum, a quibus determinantur, ignari. Sed im-

merito triumphat *Spinoza*; & procul ea fingit de lapide, quæ, si cogitaret, minime ei convenirent. Ait enim, illum conatus sui conscius fore: sed cuiusnam conatus? Si nullum reipsa exerit, neque ut exerat, opus habet eo eo, quod a causa externa ipsum impellente certam motus quantitatem accipit. Neque vero potest lapis ullo modo conari: nam conari proprie est insitis viribus niti; cuiusmodi viribus plane destituitur lapis. Non sciret itaque lapis conari se, sed tantummodo moveri: quæ duo valde diversa sunt: nam & qui cymba vehitur, vel rheda, aut ab alio trahitur, vel impellitur, movetur quidem; sed tamen ad hunc motum exercendum ipse minime conatur. Non possit ergo lapis, tametsi cogitare fingatur, credere, se liberum, vel ullo pacto liberum esse, quemadmodum potest homo, ob contrariam utique rationem. Deinde, si lapis ille suaviter imaginaretur, se liberum esse, facile deprehenderet errorem suum, inito suorum virium experimento: si nempe vellet eum, quo festus, cohibere motum, aut retardare, vel alio flectere; ut vellet prolecto, si prævideret futurum, ut aut in duriorum lapidem, a quo esset confringendus, impingeret; aut in ignem rueret, a quo solvens esset in calcem. At homo, qui libere movetur, motum, ut lubet, suum flectit alio, accelerat, retardatque, atque etiam sinit omnino. At quoniam *Spinoza* fingit, lapidem illum cogitare, fingamus etiam nos, eundem posse supra semetipsum reflectere, ut reflexionis capax

voluntas hominis semper irritatur, etiamsi id fiat insensibiliter. Concludit vero hæc vere digna *Thomasii* sententia: & qui hæc agnovit, nec putat, se libere agere, & absque irritatione, ut iam desit desipere. Sic, si *Thomasio* iudice, desipiunt omnes, qui se liberos arbitrantur: & iudice *Spinoza* homines idcirco se liberos esse putant, quod. *Quantum suum sunt conscii*, & ignari causarum, a quibus determinantur. Facior desipientiam hanc, & ignorantiam multo mihi cariorem esse, quam horum Scriptorum sapientiam, atque pe-

ritiam. At illos potius plane desipere demonstrabo, postquam unicum adhuc ex Protestantibus Germanis de iure Scripturibus commemoravero. Is est celebris *Coccejus*, qui docet, (In disput. de dolo, & culpa &c. §. 2.) necessitatem virosæ libertatis opponi; adeoque libertatem non consistere in indifferentia animi ad contradictoria; sed in eo, ut quis agit cum assensu pleno, & complacencia agat, etiamsi aliter agere non possit: ut si quis in Belgium navigare velit, urbecientia veni eo feratur.

Epist.
XII.
pag. 144.

capax est homo. Hoc posito, posset ipse utique animadvertere, se non ex propria ratione, & beneplacito, non ob aliquod motivum, quod ipse inquisivisset, & expendisset, moveri coepisse; adeoque sese ad motum illum minime determinasse, aut incitasse; sed sibi aliunde, & ab extrinseco aluisse; quemadmodum homo quum vehitur, aut trahitur, aut ab alio propellitur, hoc ipsum facile deprehendit. Denique lapsus ille nunquam foret conscius propriæ determinationis ad motum; quia hæc in illo nulla foret: homo autem sibi conscius est non proprii tantummodo motus, sed etiam propriæ determinationis: scilicet, intime sentit, & experitur sese a seipso ad motum, aliamve actionem, prout vult, & quando vult (saltem in casibus plerisque) determinari. Atque hoc quidem illud est, quo argumentum pro libertate ductum ab intima experientia, potissimum nititur. Ad quid igitur advocat hic *Spinosus* exemplum lapidis ab exteriore causa ad motum impulsus? qui ut fingatur vel maxime cogitare, nunquam tamen fingi potest intimo sensu percipere (ut percipit homo) semetipsum ad motum determinare, quum reipsa sese nequaquam determinet. Mirum itaque, manifestam adeo, enormem, atque multiplicem hominis a lapide disparitatem non vidisse virum ceteroqui ingenio sat acuto; atque ansam fuisse, quasi ex tripode pronunciare: hæc humana illa libertas est, quam habere omnes jactant; atque contendere, nullam aliam esse in nobis de libertate agendi conscientiam præter illam, quam exemplo lapidis explicuit. Sed quid non potest in præconcepta opinione obfirmatio? (a)

Verum, ut quod crepit, *Spinosus* tueri pergat validius, a fictione lapidis in metu positi, & cogitantis, ad eorum exempla transiit, qui quum liberi reipsa non sint, sese tamen liberos putant. Sic inquit, *infans se lac libere appetere credit; puer autem iratus vin-*

diſam velle; & timidus fugam. Ebrius deinde credit se ex libero mentis decreto ea loqui, quæ postea tacuisse vellet. Sic delirus, garrulus, & hujus farinae plerimi, se ex libero mentis decreto agere, non autem impetu ferri credunt. At undenam novit ipse infans, pueros, deliros, ebrios (quibus paullo post dormientes addit, atque somniantes) credere, se libere agere ea quæ agant? Anne meminit ea quæ, quum infans & puer esset, cogitavit? vel expertus novit quid delirus, atque ebrius de imaginaria libertate sua videatur? Egocerte, qui tum memoria hac, tum hac experientia careo, nego facile, eos credere se esse liberos, qui liberi, non sunt: scilicet infantes, deliri, ebrii, & quandoque somniantes, agunt quidem multa; sed sibi non arroganteam, qua non gaudent, libertatem, nec de ea tum cogitant: neque reflectunt supra modum, quo agunt, vel supra principium, quo agunt; sed simpliciter agunt, utunturque directa tantummodo, non etiam reflexa cogitatione. Sed ut demus etiam, illos reipsa credere se liberos esse (quod quidem asserit, sed non probat *Spinosus*) nihil ne ille infansem; delirum, ebrium, somniantem inter, ac hominem insensum, vagilem, sobriumque discriminis esse putari? Anne infantes, deliri, ebrii, somniantes reflectunt supra ea quæ agunt, ac supra internas affectiones suas? Anne deliberant, quid sint acturi, anne inquirunt, expendunt, comparantque invicem rationes, ob quas agant, necne? sine quibus nulla est libertas. An de libertate, siquam sibi videantur habere, data opera inquirunt, disceptantque? An consulto periclitantur, num possint non agere, quæ agunt, aut quod volunt, non velle, aut cohibere impetum, quo feruntur; & in hunc finem modo hoc, modo illud agunt, quin ulla extrinsecus ratio illis superveniat? Anne demum attentissimos se præbent ad id, quod intime sentiunt, ut de libertate, qua se gaudere arbitran-

(a) Hæc sane una potuit illi ea suggerere verba: ego solum ne a me conscientia, hoc est rationi contradicam, & ne præjudicio,

& ignorantiam servam, nego, me ulla absoluta potentia cogitare posse quod vellem, & quod non vellem, scilicet.

trantur; certi fiant? Minime gentium. Hæc vero omnia homines maturi, sobrii, ac præsertim philosophi præstant. Est itaque mera illud horum intimum sensum de insita libertate cum vana illorum, si quæ sit, quod nunquam crediderim, credulitate comparare. Sed illud etiam comparisonem istam profigat, quod si ex eo quod infantes, deliri, ebrii, somniantes falluntur, dum sese liberos credunt, recte inferretur, vigiles etiam ac sobrios æque facile falli posse, dum de se idem credunt, putantque sese intimo sensu libertatem percipere; posset etiam inferri nos falli posse in omnibus, quæ clarissime, & evidentissime cognoscere putamus; adeoque de re nulla nos certi esse possemus. Quæ quidem consecutio, quantum *Pyrronicis*, ac *Scepticis* maxime ardeat, tamen a sapientum omnium sensu profus abhorret; præsertim quia Deo O. M. summe injuriosa est, adeoque & principii, unde profluit, falsitas tanquam comperta & explorata merito habenda est. Jam itaque desinat crocitare *Spinosæ*, ac ineptissimis exemplis certissimæ veritati ne amplius reluctetur: neque illud etiam ultimo loco fingere audeat, homines sese liberos propterea tantummodo credere, quod res quasdam leviter appetant, quarum appetitus facile potest contrahi memoria alterius rei, cujus frequenter recordamur. Nam haud tam levi fundamento niti generalem hominum de sibi insita libertate persuasionem, constat ex dictis. Quid? Quod hoc, quod ipse præiudicium appellat, omnibus hominibus innatum esse ultro concedit. Ergone falsitas omnibus hominibus innata putanda est? Id mediustadium absque supremi numinis naturæ conditoris injuria dici non potest.

Nescio tamen, annon majorem Deo O. M. injuriam inferat *Bælius* ea, qua utitur, hypothesi ad eripiendam huic ex intima experientia deducto argumento certitudinem. Si Deus inquit, ita leges unitæ animæ cum corpore semper esset, ut omnes animæ modificationes essentium inter se, tum cum certis cerebri modifi-

cationibus necessario connexæ, profecto illud idem in nobis contingeret, quod experimur. Adeoque inesset nobis sensus *idearum*, affirmationum, deliberationum, velleitatum, volitionum. Sive enim volendi adus sit nobis ab externa impressus causa, sive a nobismetipsi productus, illud æque verum erit, nos velle, & intimo sensu percipere quod velimus. Et quandoquidem causa ista exterior quantum vult, volitioni, quam nobis imprimis, admiscere valet oblationis, interdum experiri possemus voluntatis nostræ adus nobis infinite placere, eosque illos nos ferre, quo appetitiones nostræ validius propendunt. Hoc ego totum facile concefferim, si tamen Deus posset perpetuo nobis illudere; si posset de conlanti perennique deceptione nostra oblectari; si posset omnem nobis certitudinem eripere, nullo nobis relicto medio, quo verum a falso, certum a dubio, bonum a malo tuto ac certo discernere possemus. At hoc ipsum aperitissime pugnat cum idea, quam habemus omnes Dei infinite boni, veracis, providi, *φιλανθρωπικῆς*, seu hominum, creaturarumque suarum amantissimi. Absit igitur, ut hoc vanissimum commentum argumento huic nostro pro libertate homini asserenda ex intima experientia deducto, vel minimum detrahatur certitudinis gradum. Ratio nunc altera proponenda est, quæ ita se habet.

Homo censendus est liber, si nequit ab exteriori ullo principio cogitari, neque a natura determinetur ad peculiare actiones; neque demum ab objectis ulla ei necessitas imponatur. At vero homini imprimis ad plurima agenda nullo externo cogitur principio. Quoniam quæso? Non hercle a Deo, qui, ut cetera modo omittam, non potest hominem cogere ad tot scelera, quibus ille se coinquinat sæpenumero. Non a primo aliquo principio malo (quod delirantes *Manichei* admittebant); nam nullum omnino esse hujuscemodi principium, certa res est: non ab agente aliquo creato; nullum enim creatum agens involuntatem agere quidpiam valet. Experientia denique, & intus sensus nulla.

lum externum principium agnoscat. Ratum vero meretur, quod ait *Spinoza* esse quidem *causas externas*, a quibus homines *necessario determinentur*, sed ab iisdem eas *ignorari*; quum nullum assertionis huius fundamentum afferat, nisi forte absurdissimam hypothesein suam de rebus omnibus necessario ex divina substantia promanantibus. Hominem vero a propria ipsa natura nequaquam determinari, explorata res est. Quam ob causam bruta animalia, ejusdem generis omnia eandem seu omnino similes actiones constanter edere videmus; at homines varii, vel vario etiam tempore eadem, variisque in circumstantiis varia omnino, totoque cælo quandoque diversa operantur. Demum nullam objecta homini necessitatem imponunt; ea enim a ratione propozita, ad summum voluntatem alliciunt; at eam determinare non valent, quum careant omni actione; neque possunt ipsam ad sese determinandum compellere, quum non sint infinitæ virtutis, neque unumquodque eorum totam expleat voluntatis capacitatem; quemadmodum explet, aut bonum generatim, aut perfecta cuiusque felicitas. Iis igitur resistere valet voluntas; nec obsequitur quidem, nisi quia suo modo, hoc est libere vult; quia videlicet ita est suapte natura comparata, ut non nisi quod bonum videtur, & pla-

cet, velit (ei porro placere nihil potest absque aliqua causa seu momento a ratione proposito), & ad illud persequendum insita sibi virtute se ipsam flectat, atque determinet: neque plus aliquid ad libertatem exigitur. Est igitur homo revera liber.

Tertia ratio communissimo, atque perpetuo hominum consensu nititur. Omnes enim homines sese liberos credunt: omnes vero homines in re præsertim propria, seu quæ ad propriam experientiam spectat, falli, absurdum est asserere, quod tamen asserunt *Spinoza*, & *Thomasius*. Et quidem in omni re ut optime *Tullius*, *consensio omnium gentium lex* (vel ut habet alibi) *vox nature putanda est*. At qua quæso in re alia æque, ac in hac consentire gentes omnes, aut consentiunt? Universalis huius consensionis certissimum argumentum est, quod nullus est populus, qui nullis regatur legibus; nullus est populus, qui non censeat alias quidem actiones laude præmioque, alias vituperatione & pœna dignas; nullus ubi non hortationes, non preces, non minæ adhibeantur, ut ad agendum aliquid alij inducantur, excitenturque. At vero quidnam adeo desipiens sit, qui velit præscribere leges homini, quem credat necessario operari? (*) Quinam actiones ejus laude præmioque, vel vituperatione,

Tolscut.
lib. 11.
cap. 12.

(*) *Spinoza* sustinet (Epist. 49.) inevitabilem rerum necessitatem neque leges divinas, neque humanas tollere. Nam documenta moralia, inquit, sive normam legis ab ipso Deo accipiunt, sive non, divina sunt, & salutaria; & si bonum, quod ex virtute, & ex amore Divino sequitur a Deo tanquam iudice accipiuntur, vel quod ex necessitate Divina natura emanat, non propterea magis, aut minus optabile erit; ut nec contra mala, quæ ex malis operibus sequuntur, ideo quia necessario ex iisdem sequuntur, minus sunt vitanda: & denique sive ea, quæ agimus, necessario, sive libere agimus, spe tamen, aut metu ducimur. Quare falsæ assertio, concludit, nec statueri præceptis nullum relinqui locum. At *Spinoza* rem involvit, idealque perturbat. Omnes enim clare intelligunt,

aliud esse legem divinam, aliud esse rem, seu emanationem divinam: Deinde bonum, utique etiam necessarium, est optabile; & malum, tamen necessarium, est vitandum: sed & illius optatio sive desiderium & huius timor frustranea sunt, si actio, ex qua necessario ea sequuntur eligi, vitare non potest. Quid vero refert, si semper (quod ego non facile concesserim) spe aut metu ducamur, si & spes, & metus sint necessaria? Ergone idcirco mandatis locus reliquitur, si sublati mandatis omnibus, æque omnia non fecus, ac iisdem positos, contingerent? Melius in speciem humanis legibus alibi prospicit *Spinoza*, posita etiam inevitabili agendi necessitate. Qua de re ita differit. (Ethices parte IV. prop. 37. Schol. 2.)

ne, & poena dignas censet? (a) Quis preces in illum, hortationes, minasve adhibeat? Infanum est vero, quod omnes sibi persuadent verum esse, inficiari: nihilque magis temerarium fingi potest, quam affirmare universalem omnium persuasionem esse meram ignoran-

tiam, & præjudicia, ut sentit *Spinoza*, aut *dehpientiam*, ut *Thomasius*. Igitur verissimum censi debet, hominem esse preditum facultate agendi, & non agendi ab omninecessitate immuni: quod est esse liberum.

Obiectio prima. Dubitari non potest, om-

2.) *Qua ratione, inquit fieri possit, ut homines qui affectibus necessitati sunt obnoxii, atque inconstantes, & varii, possint se invicem secutos redare, & fidem invicem habere, patet ex propositione 7. hujus partis & propositione 39. partis III. nempe quod nullus affectus coerceri potest, nisi affectu fortiore & contrario affectui coerendo; & quod unusquisque ab inferendo damno abstinere timore majoris damni. Hac igitur lege societates firmari potest, si modo ipsa sibi vindicet jus, quod unusquisque habet se vindicandi, & de bono & malo judicandi; quæque a deo potestatem habeat communem vivendi rationem præscribendi, legesque ferendi, easque non ratione, quæ affectus coerere nequit, sed minis firmandi: quibus scilicet incutitur timor majoris mali, quam sit bonum illud, cujus spes alias necessario ad legis violationem determinatur, adeoque affectus spei majore, & contrario affectu timoris coeretur. Sic *Spinoza*: atque vix dubito, ceterorum quoque, qui perpetuum agendi necessitatem propugnant, quamquam plerique diversimode loquantur, eandem, aut modicissime discrepantem esse sententiam. Sed fallitur *Spinoza*, & quicunque putant hac ratione legibus reliqui locum: Duo enim sunt in quacunque lege, nempe ordinatio, & sanctio, ut alibi diximus: quæ si comparentur ad invicem, haud dubium, quin prior substantiam efformet legis; posterior vero non tam legem efficit, quam ejus jam constitutæ promovet, urgentque executionem. Porro posita inevitabili agendi necessitate priori nullus relinquitur locus, ut patet. Posterior quidem adhuc locum habere aliquem, non enim ad propositum scopum ea in hypotesi prorsus esset inutilis. At hoc ad legem satis non esse tum ex dictis perspicuum est; tum ex illo fit manifestius, quod etiam bruta ab inferendo damno persæpe abstinere injecto terrore; quibus tamen leges imponi nonnisi absurdissime quis dixerit. Quod autem hac in re discernim inter belluas & hominem versatur, in eo repositum,*

quod illis quidem nonnisi mechanice, ut ita dicam, incutitur timor; homo autem denunciatione, & intimatione minarum in metum adducitur, instituto nostrum non efficit; nam in utrisque idem est effectus timoris, utcumque diversimode percepti. Sed si solo timore, seu comminationes poenarum constant leges, in hoc ergo uno sistere deberent Imperantes omnes, & Legislatores quique, non verba præcipientia aut verantia in suis edictis adhibere; non rationes ullas adferre, quibus subditi de justa legis causa persuaderentur, quo facilius obtemperant. Sed quid dico obtemperant? Si ne obedientia quidem ulla concipi potest, dum actio quævis est necessaria: neque profecto merito increparetur, qui quoquo modo non obediens id enim ex eo unice proficeretur, quod imperans eum illi timorem minime incoheret, qui contrarium spei affectum coerere; quo haud compresso, obedientia est impossibilis. Demum potius nulla ratio suppeteret, cur legitimo potius Principi, quam Tyranno foret obtemperandum, si uterque ad obediendum posset solo timore compelli; & subditus nonnisi timore prævalente, commotus obedire valeret. Scio equidem quid ad hæc *Spinoza* cum affectis suis sit responsurus, videlicet, principes, etsi satis illis foret comminari poenas, timoremque incutere, verba tamen imperii adhibere, quia tum sese, tum alios liberos esse falso existimant, & ex eodem præjudicio prodire cætera, quæ hic adduntur. At his ego non aliud reponendum arbitror nisi & eos quoque ita loqui, quia sanos se putant, quum sint (hac in parte) infani.

(*) *Coccejus* (l.c.) docet, hominem, si propter actiones necessarias, atque propter complacentiam, quæ agit, si coactus, vel invitatus non agit, mereri laudes vel poenas: quasi non eadem ratio sit de actione, atque de complacentia actionem comitante, si utraque sit necessaria.

omnia in hoc universo, certo constantique ordine, seu continuata causarum, effectuumque serie contingere; alioquin daretur parus *casus*, qualis in Epicureorum schola admittebatur. Si hoc autem verum est; omnia ergo inevitabili rapiantur fato. Consecutionem hanc si negas, visque aliqua fecus fieri posse, ac fiant: igitur, subsumo, aut nullus in hoc universo constitutus est ordo; aut si quis constitutus est, violari ille potest, ac perturbari: quorum alterum naturæ Conditoris insipientiam, alterum impotentiam argueret. Igitur necessario contingunt omnia, adeoque & qualescunque hominis actiones: homo igitur agendi, & non agendi libertate minime gaudet.

Responsio. Omnia in hoc Universo, ne quidem exceptis quibuslibet hominis actionibus, certo; constantique ordine fluere, adeo ut *casus* proprie dictus in nulla re locum habeat, minime dubitandum est. At hinc minime consequitur, agi, rapique omnia inevitabili fato. Neque enim huiusmodi ordo, rerumque omnium series aut ab ipsa Dei essentia naturali quadam emanatione profuit, ut absurdissime commentus est *Spinoza*; aut necessaria Dei voluntate constitutus est, ut vulgo *Stoici* docuisse censentur: sed eum Deus non tantum libere ab initio definivit, sed etiam actione sua, influxuque ita rerum naturis consentaneo, accommodatoque persequitur, ut causæ liberæ, cuiusmodi humana mens est, salvam, & incolumem semper activitatem relinquat, ac libertatem. (a) Neque hoc inficiari potest, nisi qui aut adeo impius sit, ut Deo potentiam detrahat id præstandi; aut certe sensum habeat adeo hebetem, obtusumque; ut sese propriam, ubicunque voluerit flectere voluntatem, seu ex propria determinatione operari non animadvertat, non sentiat.

Obiectio secunda. Voluntas, cum sua
Tom. I.

pte natura determinata ad bonum sit, necessario fertur in id, quod sibi a ratione tanquam bonum, & conveniens, omnibus expensis, proponitur. Ratio autem nihil proponere valet velut bonum, atque conveniens, nisi quod vigentibus animi inclinationibus consentaneum est. Porro huiusmodi inclinationes sunt prorsus necessariæ; oriuntur enim tum ab interna animi, corporisque constitutione, tum ab externa objectorum impressione. Quam igitur voluntas necessario pendeat a ratione proponente; mentis vero propositio necessario item ab inclinationibus; & inclinationes æque necessario ab objectorum impressione pendeat; jam ea libera, & indifferens esse non potest: ex necessariis enim causis nonnisi necessarius effectus prodire valet.

Responsio. Voluntas quidem ad generalem rationem boni, & ad summum etiam bonum, cuiusmodi est *Beatitudo*, naturaliter determinata est, adeoque relate ad tale bonum nulla ei convenit libertas. At non perinde se habet erga particularia bona, quæ plerumque sunt ei agendi motiva: ea enim, quum sit finita, & limitata, quemadmodum non totam explent capacitatem voluntatis, ita nullam ei necessitatem imponunt; siquidem ad eam perveniendam finitæ virtutis sunt, ut in probationum altera dictum est. Quam igitur ratio, pensatis, libratisque omnibus, quidpiam velut bonum, atque conveniens ultimo proponit; non potest quidem voluntas in contrariam ferri partem (neque enim amplecti potest, aut tendere in malum, quia malum est); indubie etiam eidem rationi ita dictanti obsequetur; ejusmodi namque indolis condita a Deo est, ut a ratione per motiva sibi proposita flecti debeat: attamen flectetur libere, seu ipsa, ut ita loquar, flecti se libere sciet, seu potius ipsa se libere flectet: quandoquidem, quum ra-

Q tio

(b) In hoc immobilis, & certus est Divina providentia ordo, quod ea, quæ ab ipso providentur, cuncta eveniant eo modo, quo ip-

so providet, sive necessario, sive contingenter, sive libere. S. Thom. p. 1. qu. 22. ar. 4. ad 2.

tio nulla alia in eam vi possit, nisi qua possint motiva ab ea proposita; istaque, ut diximus, virtutis sint finitæ, ac limitatæ, adeoque ab ipsa voluntate superabilis; nullam ei valet necessitatem inferre: quamobrem, si voluntas obsequitur rationi, id ex eo est, quod ita ei placet, adeoque plane libere: omnium enim sensu liber ille censetur, qui ideo operatur, quia ita illi placet, seu quia ipsum ita agere oblectat. Quo plane conficitur, voluntatem nostram, etiam facta per rationem ultima motivorum allicientium propositione, liberam esse, seu libere (licet infallibiliter) sese determinare.

Verum adhuc amplius aliunde elucet in ipsa rationis propositione indifferentia libertatis. Quum enim nullum particulare bonum sit omnimode connexum cum idea Beatitudinis, in quam naturaliter, necessarioque ferimur, nullumque totam exhaustat amplitudinem boni; hinc fit, ut possit ratio varia voluntati bona proponere, unum cum altero conferre, & varia bona sub diversis rationibus considerare (a); atque cum variis, quæ semper infunt homini, inclinationibus comparare: imo & ipsas peculiare inclinationes (de naturalibus non loquor; nam hæc omnino necessariæ sunt) minuere valet, atque comprimere, aut sese avertendo ab ideis honorum, quæ excitare ipsi valent, ac sine quibus omni illæ destitutæ sunt activitate movendi; vel in aliorum bonorum ideas, quæ ad contrarios actus allicere possunt, aciem dirigendo; aut etiam in mala exinde fluentia, quorum timore percussa voluntas non amplius velit juxta easdem inclinationes agere: qua certe industria pleraque inclinationes, seu passionem non tantum, utcumque comprimere, sed & penitus convelli posse, experientia ipsa suadet. Hinc vero efficitur, nullum plane esse peculia-

re bonum, in quod voluntas necessario feratur. Quid enim refert, etiam si concedamus voluntatem semel propositis, indichisque rationibus mali, vel boni, indeque ob arctam connexionem rationis, & appetitus, genitis, excitatisque commotionibus, rapi necessario in obsectorum prosecutionem, vel fugam; si rationes illæ in antecessum abjici valeant, illæque commotiones impediri; quod ad libertatem utique satis est; neque profecto, tametsi nil amplius præstet, iuste conqueri possemus. At illud insuper præstet, quod antea commemoravi, videlicet voluntatem, positam etiam qualicumque notione boni particularis, & qualibet inclinationum seu passionum commotione (*modo hæc tanta non sit, ut totaliter ratio ligetur, ita quod homo usum rationis non habeat*, I. 2. q. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. 1001. 1002. 1003. 1004. 1005. 1006. 1007. 1008. 1009. 1010. 1011. 1012. 1013. 1014. 1015. 1016. 1017. 1018. 1019. 1020. 1021. 1022. 1023. 1024. 1025. 1026. 1027. 1028. 1029. 1030. 1031. 1032. 1033. 1034. 1035. 1036. 1037. 1038. 1039. 1040. 1041. 1042. 1043. 1044. 1045. 1046. 1047. 1048. 1049. 1050. 1051. 1052. 1053. 1054. 1055. 1056. 1057. 1058. 1059. 1060. 1061. 1062. 1063. 1064. 1065. 1066. 1067. 1068. 1069. 1070. 1071. 1072. 1073. 1074. 1075. 1076. 1077. 1078. 1079. 1080. 1081. 1082. 1083. 1084. 1085. 1086. 1087. 1088. 1089. 1090. 1091. 1092. 1093. 1094. 1095. 1096. 1097. 1098. 1099. 1100. 1101. 1102. 1103. 1104. 1105. 1106. 1107. 1108. 1109. 1110. 1111. 1112. 1113. 1114. 1115. 1116. 1117. 1118. 1119. 1120. 1121. 1122. 1123. 1124. 1125. 1126. 1127. 1128. 1129. 1130. 1131. 1132. 1133. 1134. 1135. 1136. 1137. 1138. 1139. 1140. 1141. 1142. 1143. 1144. 1145. 1146. 1147. 1148. 1149. 1150. 1151. 1152. 1153. 1154. 1155. 1156. 1157. 1158. 1159. 1160. 1161. 1162. 1163. 1164. 1165. 1166. 1167. 1168. 1169. 1170. 1171. 1172. 1173. 1174. 1175. 1176. 1177. 1178. 1179. 1180. 1181. 1182. 1183. 1184. 1185. 1186. 1187. 1188. 1189. 1190. 1191. 1192. 1193. 1194. 1195. 1196. 1197. 1198. 1199. 1200. 1201. 1202. 1203. 1204. 1205. 1206. 1207. 1208. 1209. 1210. 1211. 1212. 1213. 1214. 1215. 1216. 1217. 1218. 1219. 1220. 1221. 1222. 1223. 1224. 1225. 1226. 1227. 1228. 1229. 1230. 1231. 1232. 1233. 1234. 1235. 1236. 1237. 1238. 1239. 1240. 1241. 1242. 1243. 1244. 1245. 1246. 1247. 1248. 1249. 1250. 1251. 1252. 1253. 1254. 1255. 1256. 1257. 1258. 1259. 1260. 1261. 1262. 1263. 1264. 1265. 1266. 1267. 1268. 1269. 1270. 1271. 1272. 1273. 1274. 1275. 1276. 1277. 1278. 1279. 1280. 1281. 1282. 1283. 1284. 1285. 1286. 1287. 1288. 1289. 1290. 1291. 1292. 1293. 1294. 1295. 1296. 1297. 1298. 1299. 1300. 1301. 1302. 1303. 1304. 1305. 1306. 1307. 1308. 1309. 1310. 1311. 1312. 1313. 1314. 1315. 1316. 1317. 1318. 1319. 1320. 1321. 1322. 1323. 1324. 1325. 1326. 1327. 1328. 1329. 1330. 1331. 1332. 1333. 1334. 1335. 1336. 1337. 1338. 1339. 1340. 1341. 1342. 1343. 1344. 1345. 1346. 1347. 1348. 1349. 1350. 1351. 1352. 1353. 1354. 1355. 1356. 1357. 1358. 1359. 1360. 1361. 1362. 1363. 1364. 1365. 1366. 1367. 1368. 1369. 1370. 1371. 1372. 1373. 1374. 1375. 1376. 1377. 1378. 1379. 1380. 1381. 1382. 1383. 1384. 1385. 1386. 1387. 1388. 1389. 1390. 1391. 1392. 1393. 1394. 1395. 1396. 1397. 1398. 1399. 1400. 1401. 1402. 1403. 1404. 1405. 1406. 1407. 1408. 1409. 1410. 1411. 1412. 1413. 1414. 1415. 1416. 1417. 1418. 1419. 1420. 1421. 1422. 1423. 1424. 1425. 1426. 1427. 1428. 1429. 1430. 1431. 1432. 1433. 1434. 1435. 1436. 1437. 1438. 1439. 1440. 1441. 1442. 1443. 1444. 1445. 1446. 1447. 1448. 1449. 1450. 1451. 1452. 1453. 1454. 1455. 1456. 1457. 1458. 1459. 1460. 1461. 1462. 1463. 1464. 1465. 1466. 1467. 1468. 1469. 1470. 1471. 1472. 1473. 1474. 1475. 1476. 1477. 1478. 1479. 1480. 1481. 1482. 1483. 1484. 1485. 1486. 1487. 1488. 1489. 1490. 1491. 1492. 1493. 1494. 1495. 1496. 1497. 1498. 1499. 1500. 1501. 1502. 1503. 1504. 1505. 1506. 1507. 1508. 1509. 1510. 1511. 1512. 1513. 1514. 1515. 1516. 1517. 1518. 1519. 1520. 1521. 1522. 1523. 1524. 1525. 1526. 1527. 1528. 1529. 1530. 1531. 1532. 1533. 1534. 1535. 1536. 1537. 1538. 1539. 1540. 1541. 1542. 1543. 1544. 1545. 1546. 1547. 1548. 1549. 1550. 1551. 1552. 1553. 1554. 1555. 1556. 1557. 1558. 1559. 1560. 1561. 1562. 1563. 1564. 1565. 1566. 1567. 1568. 1569. 1570. 1571. 1572. 1573. 1574. 1575. 1576. 1577. 1578. 1579. 1580. 1581. 1582. 1583. 1584. 1585. 1586. 1587. 1588. 1589. 1590. 1591. 1592. 1593. 1594. 1595. 1596. 1597. 1598. 1599. 1600. 1601. 1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700. 1701. 1702. 1703. 1704. 1705. 1706. 1707. 1708. 1709. 1710. 1711. 1712. 1713. 1714. 1715. 1716. 1717. 1718. 1719. 1720. 1721. 1722. 1723. 1724. 1725. 1726. 1727. 1728. 1729. 1730. 1731. 1732. 1733. 1734. 1735. 1736. 1737. 1738. 1739. 1740. 1741. 1742. 1743. 1744. 1745. 1746. 1747. 1748. 1749. 1750. 1751. 1752. 1753. 1754. 1755. 1756. 1757. 1758. 1759. 1760. 1761. 1762. 1763. 1764. 1765. 1766. 1767. 1768. 1769. 1770. 1771. 1772. 1773. 1774. 1775. 1776. 1777. 1778. 1779. 1780. 1781. 1782. 1783. 1784. 1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800. 1801. 1802. 1803. 1804. 1805. 1806. 1807. 1808. 1809. 1810. 1811. 1812. 1813. 1814. 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 209

iplam ob motiva determinare, sed a motivis determinari; & idcirco vi extrinseca ad volendum compelli, ut ab arce illa, in qua tutos se putant, eos extrudamus, proponendus est eis casus, in quo evidentissimum videtur, voluntatem ab objectis præponderantibus non determinari. Is vero est ille, quem Græci *ισορροπία* vocant, hoc est *æquilibrium*, seu quum motiva utrinque inclinantia omnino paria sunt. *Leibnitius* casum hunc impossibilem censet, quod nescio an facile cuiquam persuaserit. Ut ut sit, manifesta ei experientia adversari videtur. Cur enim fieri non possit, ut esurienti in æquali distantia duo panes proponantur penitus æquales, similesque; sitienti duo æqualia pocula vini, vel aquæ, ac mendico duo numismata ejusdem valoris & formæ, &c. Et ut demus *Leibnitio*, aliquod minimum inter ea esse discrimen, quo non omnino, & ex omni parte æqualia sint, vel similia; nobis satis est, discrimen ejusmodi adeo tenuis esse ut sensu percipi minime possit, aut ad intentum eo in casu finem nihil referat: nam vel hoc uno ea motiva erunt ominoratiōni, & voluntati paria, neque alterum alte præponderabit. Sed magis adhuc elucet *ισορροπία* istæ, seu motivorum æqualitas, si quis e. g. dicat alicui: ex duobus, vel tribus hisce numismatibus unum tuum erit, si illud apprehenderis, quod mente teneas; vel ad id brachium illud moveris, quod mente signavis; vel ex tribus, aut pluribus, numeris illum primo pronunciaveris, quem mox ipse consitui. En omni ex parte perfectam *ισορροπία* m. Nam & ratio eligendi una est æqualiter profingulis, scilicet necessitas, vel utilitas; & in eo quod eligendum est, nullum valet esse præponderans, motivum, ut dixi. Superest igitur hoc in casu, ut voluntas pro suo duntaxat arbitrio sese ad alterutrum determinet, adeoque plane libere; neque tamen absque ratione: illi namque suppetit ratio, cur eorum alterum alteri præferat (nempe ut dixi, necessitas, vel utilitas) licet nulla plane sit, cur hoc potius præferat, quam

illud; & idcirco in hoc plenissime, & evidentissime suam libertatem voluntas exercet. Negas hoc? Vin, igitur esurientem illum, atque sitientem eo in casu, præsentem pane & vino, velaqua, instar *Asini Buridani* fame vel siti perituum; & mendicum ne tentaturum quidem, ut promissum lucraretur numisma, eo quod non possit *ισορροπία* vincula dissolvere, quibus teneatur? Ita quidem *Spinosa* respondet: & addit: Si me rogant, an talis homo, non potius *asinus*, quam homo sit eliminandus, dico, me nescire: Bælius *Spinosæ* responsionem redarguit, atque contendit duobus ad minus modis posse quempiam a laqueis *ισορροπία* se expedire.

Primus est, si ut sibi blandiatur gratia imaginatione, se esse sui dominum, nec pendere ab objectis, hunc præmittat. Alter: volo hoc illi præferre, quia tamen mihi lubet. Alter, si partem eligendam sorti committat. At primo ex his modis nequaquam tolli *ισορροπία* perspicuum videtur: siquidem persuasio, qua ego existimo, me esse mearum actionum dominum, ut summum, incitamento mihi esse poterit, ut ego reipsa me ad partem unam præ altera eligendam determinem, ut videlicet oblectatione fruar exercendi imaginarii (juxta Bælium) domini mei; at nequaquam alteri præ altera parti amplectendæ momentum aliquod addit, quum ea persuasio æque se habeat ad utramque partem; & ego æque frui possim illo, quocunque sit, dominio sive unam amplectar, sive alteram partem. Mea igitur imaginatio istæ non facit, sed supponit in me utriuslibet eligendi potestatem; eaque in eo ipso elucet, quod ap. volo hoc illi præferre, quia ita mihi lubet. Ad quid ergo ipse adsciscam blandam illam, gratamque imaginationem, cum jam habeam multo validius determinandi mei incitamentum, nempe famem, sitim, paupertatem &c.? De altero solvenda *ισορροπία* modo, nempe per sortem, nihil mihi fortasse dicendum; nam periculum est putare, juxta sorte vires mihi obvenire, quibus antea carerem, eligendi alterutrum; quum potius nemo

Ech. par. 2. pag. 89. & 91a. Diction. H. var. in Buridan. & rel. poss. ad Provinc. cap. 18a.

forti sit commissurus, nisi qui utrumlibet eligere possit. Sed quid plura? Utrumque hoc *Bælii* commentum adeo abhorret ab experientia, & usu, ut si mille occurrant perfectæ *Isorropie* casus, nemo unus determinandi sui causæ ad ea confugeret; sed si ulla urgeret sese determinandi necessitas, confestim se determinaret, & alterutram partem pro libito eligeret. Quod si interdum facitur fors ad tollendam *isorropiam*, id non ex necessitate, sed alio motivo fit; ut cum sunt duæ personæ æquedignæ, uni vero tantum dignitas aliqua conferri possit, ac debeat; tunc recte ad sortem confugitur, ne persona prætermissa offendantur. Quo patet responsio ad exemplum a *Bælio* propositum de duabus *Matronis* &c. Concludendum igitur, inesse voluntati nostræ facultatem determinandi seipsam etiam citra motivum aliquid præponderans ex parte objecti; (a), adeoque quando etiam ad sunt motiva præponderantia, allicientem quidem ad sese determinandam, non vero ab objecto ipso, aut motivis extrinsecis necessario determinari.

Obiectio tertia: juxta omnes Catholicos, sapientioresque Philosophos, Deus certissime omnia novit, quæ ventura

sunt. Igitur necesse est, ut omnia, adeoque & humanæ omnes actiones eo modo, & ordine eveniant, quo præcognita a Deo sunt. Non sunt igitur humanæ actiones indifferentes & liberæ; alioqui possent aliter esse, indeque Dei præscientia falli posset. Insuper, juxta aliquos Catholicos Doctores, *Thomistar* nempe, Deus ipse physice præmoveret, ac prædeterminat homines ad singulares quasque actiones. Demum juxta alios, nempe *Malebranchii* affectus, Deus omnia in omnibus immediate operatur; ita ut creaturæ omnes, & ipsa quoque humana mens nulla prælitæ sint activitate agendi, sed ad Dei actionem mere passive se habeant. Igitur juxta *Thomistarum*, & *Malebranchii* sententiam humana mens nullatenus esse potest libera; quum agentis liberi sit omnium sensu sese determinare, & non tantum ab alio determinationem accipere.

Responsio ad primam objectionis partem. Præscientia Dei, si sejuncta ab ejus voluntate sumatur, seu prout duntaxat prævia rerum futurarum cognitio est, nullam potest humanæ voluntati necessitatem imponere: siquidem hoc modo accepta, est ei extrinseca, nec quidquam in ea efficit; adeoque in sua

lib.

(a) Ajo, ex parte objecti: quandoquidem negandum non puto, in quolibet etiam exactissime *isorropie objectiva* casu excitari posse aliquem affectum in voluntate, ratione cujus intellectus diceret unum eligendum præ altero, etiam si simillimo, & omnimode æquali; adeoque semper contingere id, quod necessarium censuisse videtur *S. Thomas* (1. 2. q. 13. a. 6. ad 3.) nempe ut si aliqua duo æqualia proponantur, quorum alterutrum eligere oporteat, circa alterum consideretur aliqua conditio, per quam emineat, & magis selectatur voluntas in ipsum, quam in aliud; Mihi satis est ejusmodi conditionem non inesse objecto, neque ab intellectu ex ipsius objecti consideratione deprehendi; sed apponi ab ipsa voluntate ad ejus naturalem vim, & ut ita dicam, adullitiam pertinet, ut si ex una parte

opus habeat se determinare, ex altera vero objecta proposita quippe plane similia, nil illi subministrant momenti ut in unam potius, quam in alteram partem propendeat; illa ex suo penu deponit aliquem affectum, cujus causa intellectus apprehendere possit in objecto conditionem aliquam, qua unum alteri emineat. Saltem facere potest voluntas, ut pro eo momento quo illa determinare se debet, intellectus ita decigatur in uso ex iis objectis, ut non attendat ad alterum; adeoque unius tantum utilitatem, vel voluptatem voluntati proponat; qua illa magis selectatur in ipsum, quam in aliud. An vero hoc in casu, ea voluntatis determinatio sit vera proprieque dicta electio, non attinet hic disputare: satis est, quod illa ad unum se determinet, relicto alio.

Lib. 7.
de lib.
arbitr.
cap. 4.

libertate, seu libera activitate ipsam relinquit; non secus ac ille qui alium tantummodo conspici quidpiam molientem, nihil ad ejus operationem ullatenus confert; ac qui præteritorum reminiscitur, non cogit esse facta quæ præterierunt; qua paritate utitur *Augustinus*. Si autem Divina Prævidentia una simul cum voluntate Divina sumatur, nulla hac in re oritur difficultas ab ea distincta, quam ingerit ejus Providentiæ modus, quo certum ille, constantemque rerum omnium, effectumque in hoc Universo ordinem, seriemque constituit ac custodit: quod posse ab ipso præstari jam diximus, influxu suo rerum naturis consentaneo, accommodatoque: & idcirco omnia contingunt ea ratione, qua a Deo ordinata sunt; nempe necessaria necessario, & libera libere, & cum potentia ad oppositum, licet certo omnia, ac infallibiliter. Qui probe intelligit certum hunc præfinitumque ordinem, illumque simul a liberis liberum, effici a Deo posse, atque reipsa effectum esse; is facili quoque negotio intelligit, posse Deum futura omnia certo præscire, quin ullam vim inferat hominum voluntati, aut ullam ei necessitatem imponat.

Ad alteram objectionis partem respondeo eos, qui vulgo *Thomistæ* audiunt, præmotionem physicam docere tanquam opinionem mere philosophicam, adeoque tantummodo probabilem: iidem vero libertatem hominis habent pro certissimo dogmate. Hinc per eos licitum est, hujusmodi sententiam abicere, si cui cum libertate hominis conciliari non posse videatur. Ipsi tamen haud dubitant, posse libertatem hominis cum præmotione physica componi ea ipsa ratione, qua cum Dei Providentia, constitutoque ab illa certo, constantique rerum ordine conciliatur: scilicet quemadmodum Deus certum præfinitumque rerum effectumque etiam liberorum ordinem servat, custoditque citra humanæ libertatis læsionem eo, quod influxum suum propriis rerum naturis accommodat, attemperatque; ita, ajunt *Thomistæ*, præmo-

vet etiam voluntates hominum impulsu liberæ causæ ita attemperato, & consentaneo, ut minime tollat activitatem ejusdem, adeoque, quin vim inferat ullam, imponatve necessitatem. Illis enim ratum est, in quocunque effectu, adeoque & in ipsa determinatione voluntatis primam causam simul cum causis secundis suas partes habere; easque causas, sibi minime contrarias esse, ut se se alterutæ excludant, sed ita subordinari, ut causæ secundæ perficiantur a prima. Quid igitur obstat, quominus, quum Deus ut prima causa, præmoveret, ac prædeterminat voluntatem, ipse etiam homo possit ut causæ secundæ sese ad agendum determinare? Et si sese reipsa determinat, cur dicenda non erit causalibera? Non vident *Thomistæ*, cur influxus causæ primæ non adimat cæteris causis activitatem agendi, producendique; adimat vero voluntati potestatem sese modo sui congruo determinandi. Nam si ais, quum voluntas prædeterminatur a Deo, quid opus est, aut qui fieri potest, ut illa sese determinet? Respondunt illi: quum Deus effectum aliquem necessarium producit, quid opus est, aut qui fieri potest, ut causæ secundæ eundem illum effectum producant? Videlicet sunt rationes, quas attingit causa prima; & sunt rationes, circa quas causæ secundæ versatur activitas: vel easdem omnes causæ tum prima, tum secundæ rationes attingunt; sed tamen diverso modo. Idem quoad determinationem voluntatis sentiendum, putant. At quæro, inquires, an qui a Deo præmotus est, valeat dissentire? Si enim non potest, quomodo liber? Si potest, frustrabitur, aut saltem frustrari poterit Dei efficientia, quod est absurdum. Ego vero *Thomistarum* nomine abs te quæro, num quando quis vult, possit non velle? Utique, inquires, non quidem ita ut possit & velle simul, & nolle; sed quia & libere sese ad volendum determinavit, & libere in ea voluntate perseverat, & potest a volendo cessare, seu nolle, quod antea volebat, atque ideo

li-

liber adhuc concipitur. (a) Idem ergo de eo dicas, qui præmotus est: neque enim intelligere possumus, quæpiam esse præmotum, quin re ipsa velit, adeoque sese libere tanquam causâ secundâ, & immediatâ ad volendum jam determinaverit; adeoque & tum libere vult, & potest non velle, seu voluntatem suam mutare. Quemadmodum enim Deus præmoveret, & tamen voluntati relinquit se se determinandi activitatem; ita postquam præmoverit, eidem potestatem relinquit recedendi ab eadem determinatione. Si hæc utpote subtiliora & peculiaris scholæ propria non intelligis, parum refert, dummodo dogma libertatis velut certissimum, & irrefragabile retineas. Ceterum hujus loci non est rem hanc plenius deducere, & accuratius enucleare.

Quoad *Malebranchianos*, nil dicam; nam eorum systema de causis omnibus creatis mere passivæ se habentibus, ac de Deo omnia per se ipsum, & *divinus* in homine operante hoc ipso, validius impugnatur, quod illud cum hominis libertate vix, ac ne vix quidem conciliari possit. Ceterum & ipsos quoque non secus ac sunt *Thomistæ*, ita animo comparatos esse non dubito, ut malint systema suum, quam dogma libertatis abjicere.

Objectione quarta. Certum & indubium est, omnia a Deo, adeoque & ipsas humanas voluntates conservari; quod enim, sibi met ipse esse tribuere, non va-

let, neque seipsum potest conservare. At vero conservatio, ut trito vetustate proverbio dicitur, perennis est, & continuata productio: igitur Deus perpetuo, ac indefinenter producit tum homines tum illorum voluntates; atque hæc consequentes creat cum iis omnibus modificationibus, quibus quolibet instanti affectæ sunt. At, si ita res se habet, nunquam profecto voluntas determinare se poterit; siquidem eo ipso instanti, quo se se determinare deberet, a Deo, cum ipsa determinatione creatur: scilicet, quum quolibet momento a Deo producatur, nullo momento supra se ipsam agere potest.

Responsio. Quum conservatio dicitur continuata productio, sensus non est, res ideo conservari quia perpetuo ac quolibet temporis instanti re ipsa producantur: iterato enim creati non potest, quod jam exiit, nisi prius in nihilum reductum fuerit. Sensus est igitur, conservationem creationi æquivalere, quatenus conservatio efficit, ne res creata redeat in nihilum, a quo per creationemeducta fuerat. Itaque Deus generali, perennique actione sua conservatum rerum omnium entitates, tum earum activitates, & quidem tales, quales sunt, & exigunt esse: neque enim actionis conservatricis est rerum naturas evertere; sed continere, ne dissolvantur, destruantur. Vigent ergo activitates, istæ sic conservatæ atque juxta propriam conditionem in suos effectus erumpunt. lgi-

(a) Hic est sensus illius distinctionis, in sensu diviso, non in sensu composito, quæ vulgo in hac controversia a *Thomistis* adhibetur, quamque illorum adversarii perperam intelligunt, & in prævum sensum detorqueunt: quibus miror hæc in re suffragari. Vir. Clarissimum, atque doctissimum, quem ego valde suspicio, Antonium Genuensem, qui Elem. Metaph. tom. II. in appendi. ad Cap. IV. §. 4. Respondere solent, inquit, ut principis positis, liberos nosse, in sensu diviso, si non, in sensu composito: id est suum imperium facere, quod est perspicue a *Becano* observatum. Enim vero si quidem, verba in sensu diviso intelligun-

tur, quum non operamur, potentia retinere libertatem, ut in sensu composito, id est cum nos determinamus, non habeamus, nescio, utrum id libertatem vindicare possint, an evellat. At id certum est, eam libertatem potentia, quæ sit necessitas actu, nullius esse homini usus. At illud etiam mihi certum est, Clar. virum, dum nimum *Becano* fuit genuinum Thomisticæ distinctionis sensum non penetrasse, ut non penetrant, alii permulti. Quamobrem Thomistæ nonnulli consultius putant, ab hujusmodi phrasi paululum obscuriore abstinere, ut inter ceteros *Contentionis*.

Igitur etiam voluntas hominis, tametsi a Deo conservata, libere valet sese ad volendi actum determinare.

CAPUT IV.

Libertate qua fruitor homo in suis actionibus, nititur Immutabilitas. Confutatur gravissimus error Pufendorffii de sententia; actiones metu extortas imputari ad culpam non posse.

EX eo quod homo sit liber, seu vera libertate praeditus, aperte consequitur, unicuique imputari posse, ac debere proprias actiones: seu inde cognoscitur, hominem esse causam non modo physicam, sed etiam moralem suarum actionum, & effectuum, qui inde promanant, adeoque & moralitatis earundem actionum, sive bonae sint, sive malae. Quapropter ad reddendam rationem compelli merito is potest; & si bonae sint, laudem, & praemium; si secus, vituperationem, & poenam mereri jure censetur. Hoc totum unico *immutabilitatis* nomine significatur. Porro *immutabilitatem* a libertate profluere tanquam a fonte, & radice, ita exploratum est, ut quisque putet, se prorsus a quacunque accusatione purgare, & a reddenda ratione se omnino immunem reddere, si asserere & probare possit, se quidpiam ex mera necessitate fecisse, aut per se non stetit, quin aliquid fieret. Et sane cum imputatio sit judicium quoddam, quo aliquem suarum actionum effectuumque ex illa consequentium dominum, seu causam liberam judicamus, profecto imputari nullatenus possunt, quae plane necessaria sunt; seu in potestate nostrae non est, ut eveniant, vel non eveniant, agantur vel non agantur. Ex quo principio quisque facile colligat, quamnam sibi imputari nulla ratione possint. Hinc operae pretium minime cenfeo, fusius ostendere cum Pufendorffio jure imputari non posse, (1) *quae ex necessitate Physica, aut quibusvis causis extra directionem hominum positis eveniant.* (2) *Actiones & effectus rerum vegetabilium.*

(3) *Ea quae vires nostras excedunt, neque per eas prohiberi, aut effici queunt.* Haec enim nimium sunt per se nota.

Verum quod Pufendorffius in hisce vendendis diutius, quam par esset, immoretur, facile condonari. At nullatenus ferendum videtur, quod absolute dixerit, imputari non posse, quae quis coactus patitur, aut agit. Si enim coactionis nomen, in sensu proprio, strictioreque usurparet, illius propositionem prehendi jure non posset: nam proprie ut definit Wolfius, *ille agit coactus, qui ab alio vi externa impulsus agit, in actione se habens per modum instrumenti: coactus autem patitur, qui alterius a se actioni resistendi vim non habet: adeoque utrumque est involuntarium.*

At Pufendorffius hoc loco coacti nomine complectitur etiam invitum, tametsi actio invita quam maxime differat a coactione: nam proprie loquendo ille operatur invitus, qui facit ea quae non facere mallet, modo aliquod malum, (ait Wolfius) ex actione contraria emergenti evitare posset: seu agit vi metus ab altero incussis; adeoque simpliciter voluntarie. Sed Pufendorffius, sese explicantem audiamus. Coactus, inquit, habetur, non solum quando principium motus est in alio, qui per vim alterius renitens, vel abhorrentis membra ad aliquid agendum vel patiendum applicat; sed etiam quando quis intentat vim aut alio gravissimo malo, ab altero compellitur ad suscipiendam executionem facinoris, quod ipse alias vehementer averfatur: ita tamen ut non ipse, sed alter ejus facinoris auctor haberi velit. Prioris exemplum est, si quis robustior aliquem in alterum violenter impulerit, aut arreptam ipsius manum eidem impeggerit; aut si quis violentum suprum samine intulerit, quod nulla sua culpa alienam libidinem provocavit: ejus quidem corpori hoc modo contumelia inferatur, ut tamen ad animum ea labe non penetraret. Corpus tantummodo violatum est, sed animus insens: dicebat Lucretia apud Livium. Pufendorffius turpiter errat, dum Lucretiae factum, & dictum huc revocat: constat enim ex eodem Historico, non omnino

Lib. I.
cap. V.
§. 9.

Lib. I.
cap. V.
§. 9.

Lib. I.
cap. V.
§. 9.

Loc. cit.

Hist. lib.
L

nino violenter ei struprum a Tarquinio illatum; sed comminatæ infamiæ metu Lucretiam in adulterium consensisse, seu violari se permisisse: ac propterea, immerito, ut equidem puto, & verbo tenus, non revera se purgabat a crimine. Lucretiæ itaque exemplum pertinet ad posteriorem, quam Pufendorfius explicat, partem, ut v. g. Si quis fatelles jubeatur, virum quem ipse insonem novit, interficere, nisi ipse malit interficere. Huic subdit, eo nomine nihil potest imputari, cum eidem nuda executio injungatur, quæ neque a persona ipsius abhorreat, neque ut cum dispendio vitæ destrictetur, ratio est: quum is sua nec innocentem haudquaquam se servaturus. Oh doctrinam Philosopho indignam! ex qua satis eruitur, quum excelsio animo is foret, & quantum iustitiæ rectitudinisque tenax esset. Neque vero hunc repudiavit errorem, quum aliquo post tempore libellum de Officiis conscripsit, quin ibi etiam eundem imperitiosus expressit.

Lib. 1. Cap. 1. §. 24. Imputari, inquit, non possunt, quæ eis coacte patitur, aut agit. Talia enim amoliri, aut defugere supra ipsius vires positum intelligitur. Cogi autem dicitur duplici modo: uno, quando alius violentior per violentiam nostrâ membra ad aliquid agendum, vel patiendum adplicat: altero, si potentior grave aliquod malum cominus intenet (idque statim representandi facultatem habeat) nisi ultro nos ad aliquid faciendum moveamus, aut a faciendo ablineamus. Tunc enim, nisi expresse oblige-mur id, quod alteri est inferendum, nostro malo redimere, is qui cum nobis necessitatem adfert, pro auctore facinoris habebitur: nobis autem non magis factum istud imputari poterit, quem gladio aut securi cædes. Apage ineptissimam, ne quid amplius dixim, comparisonem. Quæ enim a finitas gladii, vel alterius inanimis instrumenti cum hominibus, qui licet ut grave malum evitent, nihilominus ipso Pufendorfo agnoscenteque fatente, ad aliquid faciendum ULTRO se movent? Qua quæstio æquitate eadem sententia fatur de eo, qui ultro se mo-

vet ad agendum malum, ac de eo cuius membra ab alio per violentiam applicantur ad aliquid agendum vel patiendum: quum in isto, actio, vel passio nullatenus voluntaria, ac libera sit: secus autem in illo, ut Pufendorfus ipse fatetur. Proprie enim ultro-neum non est, nisi id, quod aliquis a seipso, & sine alterius impulsu suscipit peragendum. Quod autem ex metu fit, est voluntarium & liberum; sed tamen cum involuntario mixtum, sive, ut loquuntur Scholastici, simpliciter liberum, & secundum quid (hoc est diminute, & aliqua ex parte) involuntarium; quia qui ita agit, reipsa & efficaciter vult, quod dempto alterius impulsu, nollet; at eo urgente vult quidem, sed cum aliqua animi ægitudine, minusque plena voluntate. Quapropter hujusmodi actiones, minus quidem imputari debent, quia minus voluntariæ sunt; attamen quia absolute voluntariæ, imputari possunt, ac debent. Et mirum profecto, aliter sentire potuisse Pufendorfium, qui imputabilitatem repetit a libertate, & exerte docet, quamlibet actionem directionis humane (multoque magis Divine) capacem, quam penes aliquem est fieri vel non fieri, ipsi posse imputari. An necidet penes eum, qui metu gravis mali ad pravam actionem impellitur, non esse, actionem illam, fieri vel non fieri. Si hoc asserat, ab omnibus, nec sine justa indignatione, rejicietur.

Id tamen reipsa videtur asserere. Dixerat enim imputari non posse, quæ quis coacte patitur vel agit: coacte autem agere juxta illum est etiam, quum potentior aliquis grave aliquod malum cominus intenet, nisi ultro nos ad aliquid agendum moveamus. Ratio autem quam adiicit hæc est; quia talia amoliri, aut defugere, supra ipsius vires positum intelligitur. Itaque juxta hunc juris naturæ præclarissimum Restauratorem incusso metu gravis alicujus mali (dixisset saltem gravissimi, quale mors est, sed sufficit illi, si sit grave duntaxat) quivis innoxie potest deferere, vel conculcare jultum, adeoque interficere in-

innocentem, committere adulterium, aliena bona surripere; quia scilicet grave perpeti malum servandæ justitiæ causa supra vires ipsius possumus intelligitur. Quam humilis, abjectique animi fuerit necesse est, qui ita iudicavit, & sensit. Sed illum condemnant, redarguuntque non tantum innumeri Christi fideles, ac præsertim invictissimi Martyres, qui servandæ Fidei, justitiæque gratia, & tormenta gravissima, & sævissimam mortem alacriter pertulerunt; sed veteres etiam Philosophi, quorum plurimi virtutis causa mortem appetendam esse duxerunt; & nonnulli etiam reipsa oppetere. Quin (ut nihil in præsentī dicam de tot magnanimis viris, qui ob Patriæ defensionem gloriose occubere) *Pufendorfum*, qui dilatat, supra vires hominis esse, grave malum, aut mortem justitiæ causa perferre, resellunt ii omnes, qui gloriose captandæ cupiditate, aut desiderio vindictæ, aut blanditis vultus amore, in gladios irruunt, seseque in manifestum vitæ discrimen conjiciunt: & tamen ex *Pufendorfo* supra hominis vires esse putandum est, grave malum justitiæ virtutisque causa perferre, aut mortem ipsam oppetere. Non ita sentiunt profecto, quibus revera cordi est justitia, & virtus; quique meminere præcepti supremi Legislatoris, & æternæ in futuro seculo retributionis. Igitur absurdissima *Pufendorfi* illa sententia est: executio necis innocentis ut cum dispendio vitæ detrectetur, ratio non est.

An ne fortassis ideo hoc asserit *Pufendorfus*, quia nemo nisi ex pacto expressio tenetur id, quod alteri est inferendum, suo malo redimere? Hanc certe videtur ille rationem innuere, dum ait: si poterit aliquid malum cominus intentet, nisi ultro nos ad aliquid faciendum moveamus, aut a faciendo abstinemus: tunc nisi expresse obligemur, id quod alteri inferendum est, malum nostrum malo redimere . . . nobis factum illud imputari non poterit, & quidem non magis quam gladio, aut securi cedes. At non animadvertit Philosophus iste, aliud esse malum alteri inferendum nostrum

malo redimere, aliud ad malum nostrum evitandum, alteri malum inferre. Etiam si daremus, neminem ad illud teneri, nisi expresse, seu pacto aliquo obligetur; ad alterum profecto, quod non est alienum malum malo nostro redimere, sed potius injuriam nostram innocentis injuria propulsa, ratio, seu lex naturæ, ac supremi numinis ceu manifeste iniquum, severissime prohibet. Est igitur ratio, cur satellites injustæ cædis sibi demandatæ executionem detrectet. Quid enim refert, quod is ne sua quidem cede innocentem sit servaturus? quod obiectabat postremo loco *Pufendorfus*. Sit enim ita (quod tamen incertum est, quemadmodum etiam incertum est, utrum is iniqua cæde propriam vitam sit servaturus, quam non raro contingat, ut tyranni ipsi iniquis executoribus postea vitam eripiant) an propterea quod iniqua cædes nihilo secius patranda sit, ego ipsam perficere innoxie poterō? Iniquitas a quocunque patretur, semper iniquitas est.

Est demum animadversione dignum id, quo suæ doctrinæ coronidem *Pufendorfus* imponit. Fatendum tamen est, inquit, executionem quorundam ad hunc ita esse gravem, aut sædam, ut generosum habeatur mori malle, quam talibus patrandis sua membra accommodare, licet culpa in alio sit hæsurā . . . exempli loco potest esse si quis jubetur, matris suprum inferre. Anlin præclarum hunc juris naturæ Restauratorem! Vitandæ mortis causa potest quis sine culpa stuprum matri inferre: nam etiam tunc culpa in alio, seu in mandante, eo deficiente, est hæsurā. Si tamen is mori malit, GENEROSUM quidem actum exercebit, non vero debitum: quo indicare videtur, se ne generosum quidem existimare, si quis mori malit, quam innocentem interficere: scilicet generositatis laudem unice tribuit actui illi, quo quis cum vitæ suæ dispendio peculiarem aliquam gravissimam foedissimamque executionem detrectat; necis autem innocentis executio illi visa non est adeo gravis, ac sæda, ut cum dispendio vitæ detrectetur; neque cur

Loco cit.
ex lib. I.
de J. N.
& G.

eo in casu mori malle saltem *generosum* habebatur. Digna plane Philosopho doctrina!

Ratum igitur esse debet, actiones omnes voluntarias, adeoque etiam metu extortas, eo ipso quod voluntariæ ac liberæ sunt, imputari posse. Hinc imputabilitas actionum tota quanta est, nititur libertate, etique commensuratur: seu actiones liberæ eo ipso talis indolis sunt, ut valeant imputari. Ut vero reipsa actiones, vel omissiones ad laudem vel vituperationem, ad præmium vel poenam moraliter imputentur, seu imputandæ sint, haud sufficit libertas, qua fiant; sed præterea necessesse est, ut adsit aliqua moralis necessitas, seu obligatio agendi vel non agendi. Hæc porro duo *Pufendorfus* non distinguit; quum tamen omnino distinguere debuisset eo ipso, quod hanc materiam sibi explanandam assumpserit, & ideo hæc ommissio ei ad vituperium (ut ex ipso propositæ doctrinæ exemplum fumari) imputanda est. Si vero de *Jure Naturæ* & Gentium opus non conscripserit, hujusmodi ommissio, etsi absolute imputari ei posset, quia fuisset libera; reipsa tamen imputari moraliter non deberet; quia nulla, ut puto, obligatione ad opus illud elucidandum adstringebatur: imo laudabilius in eo fuisset ab eo opere conscribendo abstinere, quam tot erroribus vitiisque foedatum in lucem emittere. Præstat tamen omissionem hanc potius defectui memoriarum, quam ignorantiae ascribere: nam ceteroqui rem hanc mente tenuisse argumentum esse potest, quod de actionibus verba faciens, quæ imputandæ sunt, duo hæc sæpe conjungat: *quantum poterat, & debebat*.

Etsi sur
l'hist. du
droit nat.
part. II.

Dixi omissionem: nam aliunde non omnino æquam censeo accusationem quam *Hübnerus* ipsi hoc loco affingit, ac si *imputabilitatem* cum *actuali* imputatione confunderit: quæ duo is ita distinguit, ut *imputabilitas* meram facultatem agendi vel non agendi supponat: at *actualis* imputatio præterea obligationem agendi, vel non agendi requirat. At ego, cum *actualis* imputatio non

sit, nisi ipsa imputabilitas ad exercitium deducta (quod in foro humano sit a legitimo iudice, in foro autem interno sit a ratione, & a supremo Legislatore) de eo potius redarguendum arbitror *Pufendorfum*, quod *imputabilitatem naturalem*, qua quis præcise velut dominus & auctor actionis alicujus agnoscitur, ab imputabilitate *moralis*, qua quis ob eam actionem laude, vel vituperio, præmio, poenave dignus haberi merito possit, non distinxerit: illa enim imputabilitas meram exigit libertatem, hæc vero præterea agendi, vel non agendi obligationem: si quis tamen hanc imputabilitatem *moralem* appellare malit *actuali* imputationem, quanquam id minus proprie dictum videtur, per me quidem licet. Certum illud est, *Pufendorfum* vel ob confusionem, vel ob omissionem, in hac quoque doctrinæ parte reprehendi merito posse.

C A P U T V.

Extat in homine Recta Ratio. Eam Hobbesius perperam contrahit ad veritates per rationationem ex principiis deductas; & minus recte in ratiocinii actu constituit. Sed gravius errat, dum asserit, rectam Rationem esse rationationem cujusque propriam. Supponit nobis certa regula veram, rectamque rationem a falsa, pravaque secernendi.

RECTAM Rationem homini inesse, seu rationem hominis rectam esse posse, & aliquando reipsa esse, nemo, ut arbitror, in dubium revocat. Plures tamen hic errant vel in ea definienda, vel quod nullam agnoscere velint illius rectitudinis regulam. Ut alios præteream, *Hobbesius* errata hic referre lubet. Primum, sed levius erratum ejus est, quod rectam rationem restringat ad eas tantum veritates, quas ex principiis ratiocinando deducimus: *Injuria*, inquit, *factum censere debemus*, quod *recte rationi* repugnat; hoc est, *quod contradicit alicui veritati a primis principiis ratiocinando collecta*. Quis autem negaverit, eam quoque dicendam esse

De Civ
cap. II.
§. I.

esse

18. in
Nota.

esse *rectam rationem*, quæ principiorum veritatem attingit. Gravius vero errat, dum *rectam rationem* esse definit *actum ratiocinandi*, inquit: *Per rectam rationem in statu naturali intelligo, non ut multi, facultatem infallibilem (a) sed ratiocinandi actum*. Fallitur plane; nam actus ratiocinandi & rectus esse potest, & falsus. At recta ratio non potest non esse vera: & quamvis ratio non sit infallibilis, cum tamen recta est, procul dubio non fallitur; siquidem illius rectitudo in veritate consistit: quod nec ipse diffidetur *Hobbesius* in textu, quem paulo ante commemoravimus; ubi *Rectam Rationem* explicat per veritatem a veris principiis *recte* ratiocinando collectam. Sed non veretur ille sibi vel in eodem loco contradicere, ut supremum hac in re errorem suum procudat, nempe *Rectam Rationem* censendam esse *Ratiocinationem uniuscujusque propriam*: subdit enim ibidem. *Extra Civitatem... sua cujusque Ratio non modo pro actionum propriarum, quæ suo periculo sunt, regula, sed etiam in suis rebus pro actionis alienæ mensura censenda est*: cuius doctrinæ absurditas sua sponte in oculos incurrit. Non dissimulandum tamen, cum non qualemcumque ratiocinationem uniuscujusque propriam pro recta ratione habere, sed veram, hoc est ex veris principiis recte propositis concludentem, propterea quod, subdit: *In ratiocinatione falsa, sive in stultitia hominum, officia sua erga ceteros homines ad conservationem propriam necessariam non videntium, omnium consensit legum naturalium violatio*. Sed præterquam quod principia, ex quibus ille vult (b) ut ratiocinatio recte concludat, pessima sunt atque falsissima, nempe, *Societatis Civilis initium esse a metu, & universalem esse mutuo se ledendi voluntatem, illud*

certe minime ferendum, ratiocinationem propriam constitui suarum, aliorumque actionum regulam in suis rebus; cum nihil proclivius sit, quam ut unicuique ratiocinatio sua vera videatur. At *extra Civitatem, seu in statu naturali*, inquit ille, *rectam ratiocinationem a falsa dignoscere, nisi comparatione facta cum sua, nemo potest*. Hoc falsissimum est. Extat enim generalis, & certa regula, qua cum de nostræ, tum de aliorum rationis seu opinionis rectitudine judicare possumus, ac debemus, ipsa nempe rerum natura. Scilicet quum rationis rectitudo veritas sit, ut diximus; veritas autem perceptionum, judiciorumque nostrorum sita sit in conformitate cum rebus, quas percipimus, ac de quibus judicamus; hinc planum sit, rectam rationem nostram in rebus, quæ proxim respiciunt, eam esse, quæ conformis est vel vero fini, vel mediis ad finem consequendum idoneis (quæcumque enim actiones nostræ, quæ recta ratione dirigendæ sunt, non nisi vel circa finem, vel circa media versari possunt); quia nimirum indicat, quinam optimus finis sit, in quem tendere debeamus, quæve optima sint media ad eundem finem conducentia. Quoniam vero quod aliquis finis verus sit, non habet ab opinione nostra, sed a propria natura, qua scilicet, ita nos perficere potest, ut nostra desideria expleat, beatosque efficiat; & media pariter a propria eorum natura sortiuntur aptitudinem ad ipsum finem; hinc dici absolute potest, rectam rationem eam esse, quæ rerum naturæ conformis est; & idcirco an recta sit, dijudicandum ex ipsa natura rerum. Absurde igitur *Hobbesius* pro nostrarum, aliorumque in rebus nostris actionum regula ratiocinationem statuit uniuscujusque propriam; nec

R a rem

(a) Si per infallibilem hoc loco intelligat *Hobbesius* facultatem, quæ falli non possit; pessime hoc multis attribuit, quum nemo sit, qui putet, rationem nostram falli non posse. Si intelligat facultatem reipsa erroris expertem, seu recte ratiocinantem; id perperam rejicit; alioqui

efficeretur, rationem esse rectam dum reipsa fallitur, & sibi ipsi contradiceret: siquidem paulo post ait, rectam rationem esse *ratiocinationem uniuscujusque propriam, & veram*.

(b) Ipse indicat, ea esse quæ statuit cap. I. §. 2. 3. 4. 5. 6. 7.

rem in tuto collocat addendo *veram*; quum an vera sit, ex ea, quam modo explicavimus, regula decernendum sit.

Itaque ad comparandam rectam rationem, rerum natura omni conatu expendenda, & undequaque consideranda est; & cum ea cunctæ, quas assumimus, propositiones, conclusionesque, quas deducimus, conferendæ: & ita quidem, si de nostris, si de alienis opinionibus judicium ferendum sit; & si ve qui judicat princeps sit aut magistratus, vel privata persona; si ve potens, si ve debilis, si ve dives, si ve pauper &c. ipsa semper rerum natura præ oculis unice habenda est. Hinc si quis aliter quum in egestate est, judicat, aliter quum in prosperitate, aut potentia; aliter quum princeps est, aliter quum privatus; aliter quum de se, aliter quum de aliis agit, aliter demum uno, aliter alio tempore; apud illum profecto recta ratio non viget, quæ semper est uniformis, quemadmodum ipsa rerum natura semper uniformis est. Quare profecto uniformitatem tollit, imo rectæ rationis ideam penitus evertit Hobbesius, non tantum eo, quod rectam rationem esse statuit ratiocinationem uniuscujusque propriam, quæ in variis hominibus non nisi varia esse potest; sed etiam quod quævis perpetranda crimina valet inducere, quum nullatenus ad jus aliorum respiciat. Ex quo efficitur, & furta, & rapinas, & homicidia fore licita, si hæc ad propriam conservationem necessaria existimentur. En quam prava sit istæ ratio, quam *rectam* vocat Hobbesius. Ea in mutuum cædem obarnare homines valet, dum plures eandem rem ad conservationem sui necessariam judicant: sibi que ipsa contradicit non tantum prout est in diversis hominibus, sed quia juxta Hobbesium ea dicitur *omnibus jus esse in omnia*, & istiusmodi jus *inutile*, adeoque

retinendum non esse, statum *naturalem* esse *bellum*, & bellum conservationi hominum *adversum* esse; adeoque naturam dicere, *querendam esse pacem*; *unumquodque judicem esse mediorum ad sui conservationem*, & tamen *injuria factum censei debere quod recte rationi*, hoc est *rationi propriæ & proprio judicio repugnat*. At quod pejus est, hujusmodi contradictiones Hobbesius in Deum ipsum refundit, quum postea doceat, *Verbum Dei per naturam regnantis non aliud supponi præter rectam rationem, & Leges Dei per solam naturam regnantis, solas esse leges naturales*; hoc est *distamina rectæ rationis*; nam legem naturalem ipse definit, esse *distamen rectæ rationis* (seu ratiocinationem uniuscujusque propriam) *circa ea, quæ agenda, vel omittenda sunt ad vitæ, morumque conservationem, quantum fieri potest distinam*. Quapropter Deus Hobbesii ipse sibi contradicit. Nam ex una parte, per rectam rationem Hobbesianam omnes in mutuum bellum, cædemque impellit, ut unusquisque jus suum tueatur: ex altera vero per eandem rectam rationem ipsis vetat bellum; jubetque; ut in hunc finem unusquisque cedat juri, quod sibi convenire novit, quodque nihilominus potest posmodum armis vel dolo repetere. Sane hæc omnia fluunt ex Hobbesiana rectæ rationis idea, & regno Dei per rectam rationem regnantis; præsertim si addatur ejus definitio juris, qua asserit, illius nomine non aliud significari, quam *libertatem, quam quisque habet, facultatibus naturalibus secundum rectam rationem utendi*. Quid vero expectandum ab isto auctore, qui tam perverse rectam rationem explicavit?

At, inquit ille, in statu naturali nulla est ratio, quæ a singulis pro certa habenda sit, cujusmodi est in Civitate ipsius Civitatis ratio, hoc est *lex Civilis*: igitur quisque rationem suam pro certa habere potest, ac debet; ac unusquisque est iudex mediorum ad suam conservationem, adeoque juris, quo ipse fruitur. At nos minime inficiamur, oportere, ut homo in statu naturali sua

Lib. c. 1.
Cap. 1. §.
eo. & seq.

uratur ratione, & secundum eam operetur. Quod nos negamus, improbamusque, est, ideo *rectam* dicendam esse rationem, quod *propria* sit; negamus etiam, eam esse cum principiis ab *Hobbeso* positis comparandam, ut vera iudicaretur; negamus demum, unumquemque de sola sui conservatione debere esse sollicitum: contra vero contendimus, eniti unumquemque debere, ut ea naturis rerum, certoque, ac immutabili ordini a Deo in natura constituto conformis sit, seu ut verum optimumque humani generis finem, & consentanea media patefaciat; utque demum iudicium ejus semper sit uniforme: unitas enim est veritatis caracter; ac veritas nec sibi contradicit unquam, neque cum aliis veritatibus pugnat. Hinc quum quisque recta ratione iudicat, sibi aliquid licere (v. g. de rebus sumere non dum ab aliis occupatis quantum vitæ suæ conservandæ necessarium sit) iudicare quoque debet, idipsum alteri etiam in pari casu licere. Sic qui iudicat, sese posse jure, immo & quandoque debere, quidpiam ab alio exigere, oportet ut iudicet, alterum illud idem etiam a se exigere posse, aut debere. Scilicet recta ratio in statu naturali non tantum proprium ratiocinantis, sed etiam generale totius hominum communis bonum curare debet: quemadmodum Lex Civilis, quæ in Civitate, *Hobbesio* teste, a singulis civibus pro recta ratione habenda est, non alicujus peculiaris tantum personæ, sed commune totius communis bonum curat, promovetque: quod sane Ratio consequetur, quotiescunque ordinem a Deo in rerum natura constitutum satagat custodire.

Quod si dixeris, nisi pro recta ratione habeatur ratio uniuscujusque propria, nullam nos certam operandi regulam habituros, quum cuique adeo proclive sit in errorem ratiocinando prolabi; respondeo, utut hoc unicuique maxime proclive sit; tamen diligentia nostra, atque industria fieri posse, ut erroris sin semper saltem plerumque immunes simus: nempe si conatum impendamus

omnem, ut clare distincteque, & quoad fieri potest complete, cuncta nostrarum actionum incitamenta dignoscamus; si perceptas ideas diligentissime invicem comparemus; si non assentiamur nisi propositionibus, quæ claritate sua, atque evidenter assensum nostrum extorquere valeant; si non uni tantum sensui fidamus, sed plurium, quum respicitur, testimonia adhibeamus, invicemque conferamus; si demum affectu summo veritatem prosequamur, inquiramusque voluntate a pravis affectionibus libera. Notum est enim, a prava voluntatis dispositione cunctos ferme qui praxim spectant, errores (quemadmodum e lutulento fonte inquinatæ fluunt aquæ) scaturire. Hujuscemodi porro recta voluntatis dispositio præsertim exigitur ad evitandos errores in peculiaribus actionibus, quæ circa objecta versantur variis circumstantiis involuta. In his enim, quum eadem prorsus claritas haberi non possit, quæ in primis principiis, vel in universalibus scientiarum veritatibus habetur; si operandi necessitas urgeat, prudens quisque contentus sit oportet ea majore, quam obtinere valeat, verosimilitudine, & probabilitate: qua de causâ non quid hominestemere & insipienter agant, ut *Hobbesius* frequenter, considerabit; sed scita prudentum, peritorum decisiones, leges etiam positivas, siquæ sint circa ipsam, affinemve materiam, consulat, serioque expendet. Hoc quisquis sincero cum amore veritatis faciat, vix unquam a scopo suo aberrabit; sed in his quoque rectam rationem tenebit.

CAPUT VI.

Obiectum essentiale, integrumque humana voluntatis est Bonum, cuius tradita idea. Perperam illud definit Hobbesius per cuiusque appetitum. Immerito etiam contendit, voluntatem ultra bonum appetentis proprium ferri non posse. Maxime vero errantur ii, qui cum Spinoza, spe solum, ac metu; tum ii, qui cum Epicureis, sola voluptate, ac dolore; tum denum, qui cum Pseudopoliticis putant solo utilitatis intuitu voluntatem nostram ad volendum determinari posse.

HOc capite plura complectimur, quoniam paucis expediri ea possunt, atque expositione magis indigent, quam probatione. In primis omnium consensu, intimaque experientia exploratum cuique est, voluntatem nostram semper tendere in bonum, & quidquid eligit, licet in se quandoque malum, eligere sub ratione boni. Quare sicut obiectum intellectus est verum, ita, factis omnibus, bonum est essentiale integrumque voluntatis obiectum: proinde ad hoc quod attinet, nullatenus libera voluntas est; sed solum in ordine ad peculiaria bona, seu in eligendo potius uno, quam altero; ut supra diximus. Verum in idea boni stabilienda non omnes consentiunt. Plerique definiunt generaliter bonum, quod cuique convenit, seu uniuscuiusque natura. Sed ambiguum illud convenientie vocabulum obscuriorem definitionem reddere videtur, quam ut satisfacere queat. At quia boni generatim prout scilicet bonum physicum, seu naturale, & bonum morale complectitur, clariorem definitionem tradere difficile est; satius videtur utriusque ideam singillatim, ac distinctim exponere.

Itaque bonum naturale, seu physicum definiri potest illud, quod rei alicuius naturam, facultatesque conservat, auget,

aut perficit. Si enim ea omnia, quæ bona physica, seu naturalia vocantur, expendamus; facile comperimus, eadem ob unam, alteramve ex his rationibus talia exillimari. Et si quidem generalis illa, sed obscurior boni notio, quam supra attulimus, admittatur, perspicuum est, ea, quæ reus quamlibet vel ejus facultates conservant, augent, vel perficiunt, ipsi, seu ipsius naturæ convenire; immo non aliud; quam hoc ipsum convenientie nomine ea in definitione posse intelligi. Et sane cum nemo non velit, nec possit non velle sui, suarumque facultatum conservationem, ac nemo sit, qui de suarum facultatum incremento, ac succrescente perfectione voluptatem non percipiat, hinc satisclare patet, in ejusmodi conservatione, augmento, ac perfectione rationem boni, quæ unice voluntatem allicere, ac percellere potest, aptissime collocari. Quare Aristoteles licet bonum definiat: id quod omnia appetunt; tamen veluti præcipuam proprietatem boni in eo sitam esse innuit, ut conservet id, cuius est bonum. Quod, inquit, est cuiusque bonum, ipsum conservat: vel si mavis, ita vertere; quod quidam conservat, Pollicetur illius bonum est. (a) Nec ullus dubito, lib. II. c. 1. idem prorsus sensisse de eo, quod facultates aut auget, aut perficit. At vero si in convenientia, live in effectu aliquo conservationis, augmenti, & perfectionis boni essentia constituitur, exinde duo interre licet: unum, Bonum esse ex genere eorum, quæ relativa dicuntur; eo quod necessario relationem aliquam, seu habitudinem ad aliud includunt, exprimuntque. Nam si bonum convenit; cuiquam: conveniat necesse est; & si facultates alicujus conservat, auget, vel perficit; habeat oportet habitudinem aliquam: ad ejus naturam. Alterum, ideam boni nequaquam intra alicujus individui, seu speciei aut generis fines coarctari; sed. non solum omnes homines, verum etiam animantia quælibet, quin & inanimatas res om-

id est lib. cap. IV.

(a) Græca ejus verba ita se habent: Καὶ τὸ ὅτι πάντα ἀγαθὸν οὐκ ἐστὶν ἁπλοῦς.

omnes pervadere: nihil est enim cuius natura, vel facultates quoquo modo augeri non possint, ac perfici. At vero, quemadmodum est aliquod bonum universalissimum, quod rebus omnino omnibus convenit v. g. conservatio; ita alia, & pleraque sunt bona, quæ magis minusve late patent; quo scilicet plura vel pauciora sunt ea, quarum naturæ, vel facultatibus conveniunt. Sic sanitas v. g. corporibus omnibus viventibus bonum commune est. Expedita intelligendi facultas est bonum commune omnibus ratione utentibus. Ex quo conficitur, ex natura alicujus *boni* cum natura rerum ad quas refertur, comparata dijudicandum esse, quænam, & quotnam suo ipsam ambitu complectatur. Eapropter quisquis rem aliquam cuiuspiam bonam, aut necessariam esse compererit, is eo ipso intelligit, eam ceteris quoque ejusdem naturæ corporibus bonam esse, vel necessariam; modo convenientia illa, aut necessitas non in quibusdam accidentibus peculiaribus fundetur, sed in natura ipsa omnibus communi. Et hac quidem ratione *cibum*, *potumque* ceteris omnibus hominibus *bonum* ac necessarium esse non ambigo, quia mihi utrunque bonum ac necessarium esse, experientia magistra, intelligo. Quia tamen quandoque contingit, convenientiam cujuslibet rei totam pendere a peculiaribus individui accidentibus; inde fit, ut non semper ceteris ejusdem speciei, aut naturæ individuis idem bonum sit: indeque confurgit tria illa divisio *Boni* in *particulare* quod uni tantum, vel paucis convenit; in & *commune*, quod omnibus ejusdem speciei, aut generis, consentaneum est. At si ve in communi natura, si ve in peculiaribus accidentibus convenientia boni fundetur, perspicuum est, convenientiam ipsam in obiecto residere, & esse necessariam, seu non pendere ab opinione, aut voluntate, aut desiderio cujusque; atque adeo non propterea quidpiam esse bonum, quod ita putatur, aut appetitur; sed contra, propterea appeti, & desiderari, quia bonum esse aut cognoscitur, aut, tamen si sæpe falso, existimatur.

Plane igitur errat *Hobbesius*, dum *bonum* ex cujusque desiderio, ac voluntate definit, ut hac ratione dissidium, & mutui inter homines belli generalem, perpetuamque esse causam facilius persuadeat. Quoi quidem dogmate vix quidquam fingi potest perniciosius: siquidem & naturam boni, malique tollit, & cupiditates fovet improborum, qui sese semper bonum sectari dubitare non poterunt, si semel bonum ex cujusque cupiditatibus definiatur. Errorem tamen adeo absurdum pluribus in locis diserte tradit hic Auctor. Quamquam alibi ipsa, ut puto, rei claritate cogente, rectius loquitur. *Omnibus rebus* (inquit,) *quæ appetuntur, QUATENUS APPETUNTUR, nomen commune est bonum; & rebus quas fugimus malum.* Sed cum alii alia appetant, & fugiant, necesse est multa esse, quæ aliis quibus bona, aliis quibus mala sunt. Ut quod nobis bonum, hostibus malum. Sunt ergo bonum, & malum appetentibus, & fugientibus correlativa. Quasi vero & cibi nonnulli ei qui maxime eos appetit, mali esse non possint, noxiique; & pharmacum ægroto, amentique, et si illud vehementer refugiat, salubre, adeoque bonum esse non possit. Quid absurdius quam adeo fallaci regula bonum, malumque definire?

At nil melius hac de re alio in loco loquitur ipse. Ea est, ait, *natura hominis ut unusquisque quod sibi cupit fieri, bonum; quod fugit, malum vocat.* Itaque diversitate affectuum contingit, ut quod alter bonum, alter malum, & idem homo, quod nunc bonum, mox malum, & eandem rem in seipso bonam, in alio malam esse dicat. Bonum enim, & malum delectatione, & molestia nostra (vel ea quæ nunc est, vel quæ expectatur) omnes æstimamus. Ita quidem res se habet, inquit ego, si bonum malumque brutorum more æstimemus omnes. Bruta enim, quippe quæ solo feruntur impetu naturæ, non nisi delectatione, ac molestia quibus unice trahuntur, bonum, malumque metiri possunt. At homines alia ad bonum, malumque æstimandum, dijudicandumque regula donati sunt, nem-

De Hon.
cap. XI.
§. 4.

De Civ.
Cap. XI.
§. 17.

nempe ratione; qua, quidquid sit de Hobbesio, ejusque similibus, aliquos saltem vel interdum uti, non absque gravi in humanitatem omnem injuria inficiari quis potest. Omnes vero, semperque in bono maloque dijudicando ea uti debere, tam est exploratum, quam certa res est, *Rationem* præcipuam esse hominis partem, eaque reliquis omnibus animantibus præstare. Hac si utamur regula, sapissime comperiemus, ea, quæ molestiam creant, reipsa esse bona nobis; contra vero quandoque mala, quæ pariunt voluptatem: illa enim nos facultatesque nostras aut conservant, aut perficiunt; hæc vero labefaciunt multoties, & perdunt. Quod si plerique reipsa bonum malumque oblectatione æstimant & molestia; non ita se gerunt, neque id faciunt, quod ea hominis natura sit, ut vult *Hobbesius*; sed quia vale dicto rationi, qua homines sumus, affectibus, & passionibus, brutorum instar, sese abripi patiuntur. At solemne est Hobbesio, naturæ nomine affectus, passionisque brutis etiam communes nuncupare: quod tum ex innumeris ejus locis constat, tum ipse verbis satis apertis declarat cum ait, *Ad quas* (societatis delicias) *natura, hoc est ab affectibus omni animanti inestis scivimus*. At nihilne ergo *Hobbesius* in hominis natura reperit præter affectus omni animanti inestis? Et si quid aliud in hominis natura agnoscit, cur ad illud minime respicit, quæ ad hominis naturam quidpiam spectare pronunciat? Et cur id quod homines pravis affectibus abrepti efficiunt, in naturam ipsam hominis refundit? Profecto, si humanam naturam data opera calumniari, aggressus esset hic Philosophus, non alia potuisset rationem se gerere; & si ipsi propositum esset, unumquunque ad suos sectandos, implendosque affectus, atque passiones, vehementius incitare; id melius perficere non potuisset, quam eos venerando humane naturæ nomine cohællare. Verum quidquid molitus sit ipse, quicunque sapient, ratum semper habebunt, bonum, malumque, non affectibus, sed ratione, non oblectatione, aut mo-

lestia, sed effectibus vere utilibus aut noxiis; non demum vulgari opinione vel sensu, sed rerum natura bene perpensa, dijudicanda esse, ac dimetienda.

Error Hobbesii alter circa naturam boni, malique non minus reliquis absurdus, ac perniciosus est. Ait enim, voluntatis obiectum non ultra illud extendi, quod quisque sibi ipse bonum, arbitratur; adeo ut voluntas nequaquam possit aliud ultra proprium appetentis bonum appetere, aut curare: in omni societate, inquit, queritur voluntatis obiectum, hoc est quod videtur unicuique congregandum bonum sibi; subdit vero paulo post: quidquid sit voluntario, propter bonum aliquid sit Volentis. Et hinc infert: unumquunque BONUM SIBI naturaliter, justum propter pacem tantum, & per accidens querere: ut sexcenta alia similia ejus loca præteream. Absurdissimus hic error tum rationi, tum experientiæ adversatur. Experientiæ quidem: nam licet plurimi ex vulgaribus præsertim hominibus ita sint comparati, ut nihil propemodum, nisi quod sibi commodum est, appetere, & persequi videantur; tamen alii quoque magis generosa præstantique sunt indole, quibus aliorum etiam & præsertim commune Civitatis, immo totius humani generis bonum curæ est quammaximè; illudque pro virili curant, promoventque. Hoc in primis videre est in bonis Principibus, sapientibusque legislatoribus, qui quas ferunt, legibus luculentissime ostendunt, nihil sibi magis cordi esse, quam commune bonum, publicamque utilitatem, felicitatemque. Neque vero ego arbitror, Hobbesium adeo Imperantibus, quibus ceteroquinimum in aliis desert, intensum esse vellet, ut illorum neminem bono hoc animo præditum aut nunc esse, aut aliquando extitisse contendat, velitque omnes omnino ipsorum leges injustas esse, & malas: si nanque vel aliquam justam esse fateatur, & bonam; cum lex bona, ipso doctore, non sit nisi quæ ad salutem populi nec stantia est, tametsi summo Imperanti utilis sit; illud etiam admittat oportet, Imperantes aliquos esse, qui

De Civ.
Cap. I. §.
2. 1b Cap.
2. 1. 1.
Cap. III.
§. 11.

De Civ.
Cap. II.
§. 2.

Levia. b.
Cap. xxx.

qui legibus suis populi salutem seu bonum commune intenderint : adeoque non tantum bonum nostri proprium, sed etiam bonum aliorum esse posse voluntatis nostræ objectum.

Jam vero si a summis Imperantibus & Legislatoribus, ad alia hominum genera descendamus, rem eandem frequentia experientia comprobata facillime comperiemus. Nam ut eos nunc præteream, qui quamvis privati, bonum tamen commune, publicumque & sincere desiderant, & quoad possunt, opere promovent (quorum aliquos, & extitisse, & esse, frustra, & injuria negaret Hobbesius; licet fateamur, non adeo multos esse, ut oporteret) quid dicendum de amicis erga amicos, de sponis erga sponso, de parentibus erga filios, & vicissim? An non illi omnes sæpe saltem sin semper, iis quos caros habent, & corde bene cupiunt, & opere bene faciunt, quin exinde ulum intendant proprium commodum, ullamve delectationem, nisi quam ipsis parit conscientia beneficiendi iis quos diligunt, quorumque felicitas tam ipsis cordi est, quam sui ipsorum propria: quæm obrem ipsum bonum amici, sponse, filiorum, aut parentum gratissimum est ipsorum voluntatis objectum. Idem prorsus dicendum de iis qui vere grati sunt erga benefactores; idemque de aliis quotquot humana, & benigna indole sunt; qui neque interdum propriis absterrentur incommodis, quominus aliis, qui suo indigent auxilio, manum porrigant, operamque suam impendant: ipsa scilicet natura illos innato compassionis affectu erga agentes vel male habentes ad id impellit. Hinc si quis iter faciens ignotum alicui, a quo nihil sibi timendum sit, obviam habeat v.g. puerum, cum amanter salutet, ac bene precatur; & si in foveam casu lapsus animadvertat, occurrat, auxiliatur, extrahit, erigatque: si secus fecerit, hoc quicumque noverit, eum, qui & ipse se ut inhumanum condemnabit. At quodnam quæso hoc in casu suicommodum respicere poterit homo ille, vel quamam

Tom. I.

oblectatione sua ad id faciendum permoveri? aut saltem quis non perspicit eum alterius bonum vere ex animo valere, intendere, & curare? Res ergo est experientia ipsa constantissime comprobata, humanæ voluntatis objectum non esse tantum proprium appetentis bonum.

Ratio vero id ipsum suadet, si imprimis, id de quo nemo prudens ambigere possit, ratum habeatur, non affectibus, & passionibus, sed ratione ipsa Bonum, ut diximus, æstimandum esse; & bonum quaecunque esse voluntatis objectum; adeoque eousque amorem nostrum extendi posse, quo ipsamet boni ratio pertingit. Comperta vero res est, Bonum eo quod sit in alio, non definire esse bonum; illud igitur velle, & desiderare nostra voluntas potest. Quod adversus argumentum istud objicitur, illud est, quod cum bonum ad genus relativum pertineat, hæc relatio ad appetentem debere pertingere videatur; secus, quoad ipsum, boni ratio destrueretur. Quid enim, inquiet quispiam, refert, in se, aut alteri bonum quidpiam esse, si bonum non fuerit respectu illius, cujus ad ipsum volendum excitanda sit voluntas? Si nanque illud unum sufficit, jam bonum etiam inimici ab inimico amari posset, atque deberet; quia tamen huic noxium sit, adeoque malum; alteri tamen utile est, & bonum. Verum (ut nihil modo de inimico dicamus, cujus quocunque bonum appetere quis potest, tamen non ut sibi malum) recta ratio in uniuscujusque bono satis relationis aut convenientiæ ad unumquemque ostendit, ut uniuscujusque voluntas illud velle queat, & quadantenus debeat. Nam primo, Ratio cognoscit bonum totius esse bonum cujusque partis; & cujuslibet partis bonum esse item bonum totius: sicut enim totum complectitur omnes partes, ita partes omnes totum constant, perficiuntque: ex quo consequitur, etiam bonum cujusque partis æstimari posse bonum alterius, sin alia de causa, saltem quia partis cujusque bonum est bonum quocunque totius, in quo omnes continentur

s

par-

partes. Hac igitur primum ratione potest quis velle bonum alterius, quia bonum ipsum, ut est individuum humanæ naturæ, est bonum speciei; seu totius humani generis, quo & ipse continetur: qua ratione quodcumque nostri corporis membrum, si sensu præditum esset, desideraret utique sanitatem ejuslibet alterius membri; quia ea sanitas est bonum totius corporis, cuius ipsum quoque membrum est; & idcirco est quoque bonum suum. Ex quo clare apparet, quomodo voluntas, si rationem sequatur ducem, tum bonum totius humani generis, tum hominis alteriuscujusconque velle possit: nam quisque tam bonum commune, quoniam cuiusque alterius bonum tanquam bonum proprium, seu in quo sui bonum quodammodo involvitur, considerare potest: & hac ratione de ipso, ut de proprio gaudere.

Generalissimæ huic rationi peculiare alia plerunque accedunt, & quidem eo validiores, quo illud totum, quod est humana societas, intra terminos angustiores concluditur. Nam præter immensam totius humani generis societatem, datur primo politica societas, quæ æstiori unius civitatis vinculo, certam hominum multitudinem mutuo devincit; adeoque potiore suppeditat rationem, cur bonum cuiusque civis, & multo magis bonum commune civitatis, ut bonum proprium a quolibet cive haberi possit, ac debeat. Arciores adhuc, adeoque ad id quod intendimus, validiores sunt societas familiarum, omniumque consanguineorum & affinium, in quibus sanguinis communicio, vel cognitionis vinculum, aliæve mutæ relationes bonum unius aliis quodammodo commune efficiunt: bonumque toti societati commune proprium faciunt esse cuiuslibet ejus membri. Inter omnes autem societas, quemadmodum nulla præstantior, ac firmitior, ut ait Tullius, ita nulla est ad mutuum amorem fovendum potentior, quam cum Viri boni moribus similes sunt familiaritate conjuncti. . . . Nihil enim est amabilius nec copulativius quam morum similitudo bonorum.

In quibus enim eadem studia sunt, eademque voluntates; in his fit, ut æque quisque altero delectetur, ac seipso; efficiturque quod Pythagoræ vult in amicitia, ut unus fiat ex pluribus. Quæ cum ita sint, quis assentiatur Hobbeso assenti, integrum voluntatis obiectum esse ipsius appetentis bonum? itemque neganti, quenquam posse bonum aut commune aut alterius cuiusque re ipsa desiderare, ac velle? Quod si Hobbesianus quisquam reponat, hoc ipsum conficere obiectum voluntatis esse bonum appetentis proprium: quia si bonum commune, vel cuiusquam alterius appetitur, non nisi quatenus ipsius appetitis quodammodo proprium est, appetitur; respondeo, eum animo verissime commune bonum, bonumque alterius desiderare, ac velle, quum ipsum illius bonum ut proprium habeat, & velit, deque eo, ut de proprio bono oblectetur. Neque enim in eo, quod Patriæ, aut civi particulari, aut familiari, aut amico optamus, omnem ad morrelationem, seu convenientiam removendam volumus; atque amor ille irrationabilis esset, vel potius impossibilis (hujusmodi namque bonum omnem, ad nos quod attinet, boni relationem amitteret); sed illud duntaxat contendimus, voluntatem nullatenus arctari posse, aut debere ad volendum bonum solum appetenti proprium, seu illi soli commodum, & utile; sed item posse aliorum bonum, ut proprium diligere, seu velle bonum aliis, etiam (quod sane est amare alios) absque ullo proprii commodi aut utilitatis intuitu; modo asserit, quæ ceteroqui nusquam deest, ratio aliqua (ut minimum, naturæ communio) ob quam alterius bonum, ut bonum nostrum haberi, seu considerari queat. Qui hoc admittere renuit, dignus prospecto est, qui ex hominum censu obliteretur: præsertim cum sese quoque minus amare ostendat, qui eos non amat, qui vel sanguinis cognatione, vel morum similitudine, vel patriæ vinculo, vel demum communione naturæ unum quodammodo cum ipso sunt, &

ut

ut ita dicam, alter ipse : quod quidem quaquam de amico speciatim dictum est, sua tamen proportionem de omniqui dictarum rationum aliqua alteri conjunctus est, haud incongrue dici potest. (a)

His duae aliae rationes accedunt, quae aliquo modo etiam experientia ipsa nituntur. Nam primo manifestum est, homines iis facultatibus ornatos esse a natura, quibus sese mutuo juvare possint. Quod praec oculis habuisse videntur Stoici, quorum ea erat apud Tullium sententia. *Qua in terris gignuntur, ad usum hominum omnia creata; homines autem hominum causa esse generatos, ut ipsi inter se alius alii prodesse possent.* At vero hujusmodi facultate homines

incautum natura donasset, nisi quisque bonum alteri desiderare posset, ac vellet. At non tantum natura utrunque potestatem dedit, hominibus, quae aliis prosint, si velint prodesse, sed eos etiam in rem hanc velut insito pondere inclinat, incitatque : cujus profecto naturalis propensionis indicium, clarissimum est eximia, & singularis illa oblectatio, quam animi praesertim nobiles, dum aliis beneficia impendunt, experiuntur : qui quidem, quo pluribus se prodesse norunt, eo majore perfunduntur voluptate. (b) Quin haud scio, an quisquam adeo vili, & aggressi sit animo, ut si cuiquam citra incommodum suum bene, benignaeque facere possit,

S 2 id

(a) Huc facit praecleara illa S. Thomae doctrina, quae rationem reddit, cur similitudo sit causa amoris. *Ex hoc*, (inquit 1. 2. q. 27. a. 3.) *quod aliqui duo sunt similes, quasi habentes unam formam, sunt quodammodo unum in forma illa: sicut duo homines sunt unum in specie humanitatis; & duo albi in albedine; & ita affectus unius tendit in alterum, sicut unum fides, & vult et bonum sicut & fides.* Ex hac ratione probe intellecta sat clare perspicitur, non solum quomodo amor ultra bonum appetitus ferri possit, & tendere in alterum; & quomodo bonum alterius sufficientem habeat cum appetitu amantis convenientiam; quomodo etiam quisque alium omnem amare possit, eique bonum velle; sed etiam quomodo amor ipse nostri prima radix sit, ac fundamentum diligendi alios. Si enim amor procedit ex apprehensione unitatis amati ad amantem, ut loquitur. Si ipse Doctor (ibidem q. 23. a. 1.) profecto: eo ipsi, quod nosmetipsos amamus, consequens est, ut eos omnes quos nobiscum unum esse concipimus, ut tales diligamus: quidem bonum illorum ratione apprehensa unitatis concipitur ut bonum nostrum; adeoque potest esse obiectum nostri affectus, amoris, ac desiderii.

(b) Hoc probe agnovit Aristoteles: unde ait (II. Polit. cap. III.) *ὅτι χαριστικὸν ἔστι τὸ ἀγαθὸν ὅτι καὶ ὁ ἑκάστου, ὃ ἐκείνου ἀδικοῦ, gratificari, & auxiliari amicis, & benefacere, vel solatibus suavisissimum, vel juxta vetustiorum versionem: benefa-*

cere, & auxiliari amicis, & exornari est delectabilissimum. Quomodo autem benefacere alteri sit causa delectationis egregie explicat S. Th. 1. 2. q. 32. a. 6. ejus verba tametsi paulo fustior hic reterre non pigebit. *Benefacere, inquit, alteri tripliciter potest esse causa delectationis. Uno modo per comparationem ad effectum, quod est bonum in altero consistit. Et secundum hoc, in quantum bonum alterius respiciamus quasi bonum nostrum propter amorem amoris, delectamur in bono, quod per nos sit aliis, praecipue amicis, sicut in bono proprio. Alio modo per comparationem ad finem: sicut enim aliquis per hoc quod alteri benefacit, sperat consequi aliquod bonum sibi ipsi, vel a Deo, vel ab hominibus: sperat autem delectationis esse causam. Tertio modo per comparationem ad principium: & sic hoc quod est benefacere alteri potest esse delectabile per comparationem ad triplicem principium. Quorum unum est facultas benefaciendi. & secundum hoc benefacere alteri sit delectabile, in quantum per hoc sit hominis quaedam imaginatio abundantiae boni in seipso existentis, ex quo possit aliis communicare; & ideo homines delectantur in filiis, & operibus propriis, sicut quibus communicant proprium bonum. Aliud principium est habitus inclinans, secundum quem benefacere sit alicui commutaturale. Unde libenter delectabiliter dant alius. Tertium principium est motuum: puta cum aliquis movetur ab aliquo, quem diligit ad benefaciendum: quicquid omnia enim, quae facimus vel patimur propter amicum, delectabilia sunt: quia amor praecipua causa delectationis est.*

id lubenti animo non faciat. Quocirca haud sane bonam de se opinionem ingerit *Hobbesius*, dum sustinet, voluntatis obiectum esse tantummodo bonum *proprium appetentis*. Quod quidem commentum ex eo etiam censendum est ab omni ratione alienum, quod neminiante ipsum in mentem venerit, saltem non constat Philosophorum aliquem id diserte docuisse.

Postrema denique ratio, quæ ad hunc *Hobbesii* errorem refellendum mihi validissima videtur, hæc est. Præter bonum physicum, quod supra admittendum definivimus, aliud est *bonum rationis*, quod vulgo *morale* dicitur, atque in conformitate actionis cum ratione positum est. Porro illud quod rationi consentaneum est, bonum esse negaverit nemo, qui noverit generalem ideam boni esse convenientiam cum natura, cujus pars potissima in homine est ratio. Et re ipsa quidem si edere bonum sit homini, eo quod animali ejus congruit naturæ; cur non item sit bonum id, quod rationali naturæ congruit, idest rationi? Ut igitur concludamus voluntatem nostram, cujus obiectum est bonum, posse etiam bonum aliorum & commune desiderare & velle, illud unum querendum est, an id sit rationi consentaneum. At quis hoc neget, nisi qui omni careat ratione? Quid enim rationi adeo consentaneum, quam illorum bonum desiderare ac velle, qui vel solum ea, quæ maxima & amplissima est, naturæ societate conjuncti sunt: ut nihil dicam de aliis societatibus, quæ quo artiores sunt, eo magis consentaneum rationi reddunt amorem mutuum inter eos, qui iis societatibus continentur. Qui sulentissimam hanc convenientiam non videt, non est cur animantibus ratione utentibus accenseatur; cum eum ipsa ratio minime permoveat. Alia in rem hanc infra dabimus, eo præsertim loco, ubi virtutem per sese ipsam expetibilem, & expetendam demonstrabimus.

Interim vero ex iis quæ hucusque delibavimus, (si quidem, ut putamus, satis firmiter constitutum est, integrum voluntatis obiectum non esse bonum proprium appetentis) omnino conficitur, toto officio illos a veritate aberrare, qui contendunt nihil nos agere posse, nisi affectu aliquo *spei*, aut *timoris* moveamur; vel nisi *voluptate*, aut *dolore*, oblectatione aut molestia excitemur; vel demum nisi nobis proprium aliquod commodum, vel utilitatem consequendam proponamus. Si enim ut pluribus demonstravimus, possumus aliorum etiam bonum, felicitatemque appetere & velle; & si velle possumus quidquid bonum est, & idcirco etiam bonum rationis, seu quidquid rationi consentaneum est, nempe bonum *morale*, siue honestatem; profecto unicum agendi incitamentum esse non potest vel solus affectus *spei*, & *timoris*, vel oblectationis molestiæque sensus, vel demum proprii duntaxat commodi, utilitatisque intuitus: quidquid enim velle possumus, ob eandem causam qua illud volumus, possumus quoque illius assecutionem opere ipso procurare; & quamlibet actionem, quæ bonum rationis continet, ob illud ipsum rationis bonum exercere. Si dicas hoc ipsum rationis bonum nos persequi non posse, nisi aliqua oblectatione, qua illud nobis præ suo contrario placeat, ad idem persequendum incitemur; respondeo, si oblectationis, vel voluptatis nomine simplex animi complacentia, cujusmodi ex ipsa rationis approbatione fluere potest, intelligatur; haud ægre essentiar, nos non nisi ob voluptatis & oblectationis incitamentum quidpiam agere posse, aut velle (a) atque in hoc ipso libertatis nostræ vel maxime prærogativa consistit. Quod igitur ipse admittere renuo, improboque, est, nos, quod non pauci asserunt, nihil agere, aut velle, nisi quodam sensibilibus aut certe indeliberatæ voluptatis impulsu ad id agendum feramur: quo quidem dogmate nihil potest esse.

(a.) Hanc in rem plura infra dicentur lib. VII. cap. VI.

esse absurdus; clarum est enim quid inde sequatur, nempe fore ut unusquisque voluptati prævalenti sese permittat; quod quidem inter homines plerumque contingit: at aliud est quod fit, aliud quod fieri debeat. Ceterum quod nos diximus probe tenendum est; nanque contrarius error plurium pravorum dogmatum in theoria, plurimorumque scelerum in praxi fons est, & origo.

CAPUT VII.

Pufendorfus nimis parce pro scopo sibi proposito humanam naturam considerat. Thomajus vero vel ea non perpendit, quæ potissimum consideranda forant, vel in iis, quæ perpendit plerumque a veritate recedit. Ab intellectu voluntatem dirigi contra ipsum defenditur: & quomodo id intellectus præstet, explicatur.

Lib. II.
Cap. 1. §.
44.

IUS naturale ex humana natura repetendum esse, adeoque ipsius causa hanc esse accurate considerandam, minime latuit Pufendorfus. Hinc non potest non probari, dum scribit: *Nobis nulla via propior videtur, & magis adposita ad investigandum jus naturale, quam ipsam hominis naturam, conditionemque, & inclinationes accuratius contemplari.* At displicet ratio, quam in hujusce rei confirmationem, paucis interjectis, subjicit: *Sive enim, inquit, ad promovendam ipsius felicitatem, sive ad coercendam ejusdem malitiam in proprium exitum erupituram, lex illa (jus naturæ) homini est imposita; non felicius addiscitur quam per seipso, quo ipso subsidio, quo frango opus habeat.* Nam his satis declarat, se in ea esse sententiam, jus naturæ solius utilitatis causa esse constitutum; nempe vel ut promoveat hujus vitæ felicitatem, vel ut avertat ejus exitium; quam sententiam esse absurdam, inferius demonstrabimus. Displicet quoque secundo, quod post allata verba subdit: *Etsi in ea consideratione, humanæ naturæ, necessario etiam ad alia, quæ extra hominem sunt, reflec-*

tio sit facienda; displicet, inquam, tam quia negare videtur, ex sola humanæ naturæ consideratione jus naturæ esse repetendum: tum quia illa alia non exprimit, ad quæ reflexio necessario sit facienda: quæ sane vaga & generalis loquenti ratio philosophum minime decet; quippe quæ hominem proiit, cui non satis exploratum sit id, de quo verba facit: quumque demum addat; ac imprimis ad ea, quæ ad commodum vel incommodum aliquod eidem conciliandum apta sunt, rursus indicat, jure naturali potissimum utilitatem spectari, quod est absurdum. Sed illud fortasse absurdius, quod quum humanam naturam accuratius in rem hanc contemplandam fateatur, eam tamen negligentissime, aut certe satis inepte consideret: reperit enim in ea ferme nihil, præter ea, quæ homini cum ceteris animantibus communia sunt. Sunt vero, ut ab ipso exhibentur compendio descripta, 1. hominem esse animal sui conservandi studiosissimum: 2. per se egenum, ac sine sui similium auxilio servari ineptum: 3. ad mutua commoda promovendum maxime idoneum: 4. sæpe tamen malitiosum, petulant, & facile irritabile, ac ad noxam inferendam paratum ac validum. Hæcne est vero accuratior humanæ naturæ contemplatio? Nihil ergo in ea invenit Pufendorfus, quo homo referatur ad Deum? Nihil ne, quo homo ceteris animantibus antecellat? Nullamne Rationis, qua homines sumus, rationem sibi in jure naturali habendam putat vir philosophus. Verum enimvero Pufendorfus non ex accuratiori, ut videri vult, humanæ naturæ contemplatione legem naturalem sibi explicandam assumpsit; sed quum jam Socialitatem velut primariam naturæ legem a Grotio, aliisque, nullo fortasse inito examine, accepisset; ea postmodum investigavit in homine, quæ ad eam utcumque statuinandam sibi viderentur magis idonea. Sic scilicet philosophatur ille. Sed quam male hoc ipsum ei cesserit, infra suo loco videbimus. Inepte ergo, nequid gravius dicam, & nimis parce pro scopo sibi pro-

§. XV.

propofito, humanam naturam confideravit *Pufendorfius*.

Anne vero felicius hac ipfa in re verſatus eſt *Thomasius*? non quidem, ni fallor ipſe. Nam primo quæſtiones ſummi momenti, cujuſmodi ſunt de ſpiritualitate, & immortalitate animæ, non ſecus ac *Pufendorfius*, penitus prætermittit. Quin minus recte ſentire videtur de animæ immaterialitate: nam

Pond. 7. Animæ potentiam, quæ eſt voluntas, definit eſſe conatum cordis: quo eam differre aſſerit a conatu, qui ſentitur in aliis membris, ut conatus eſciendi excrementa, conatus, in-ulcere. Præclara ſane & ſummopere ſeſtiva definitio ſpiritualis animæ facultatis. Subdit tamen:

h. xxv. hano non eſſe ſufficientem definitionem voluntatis: quia talem conatum in corde ſuo etiam beſtiæ ſentiunt, quæ tamen voluntatem non habent. Ad voluntatem igitur recte definiendam illud præterea addendum docet, ut conjunctus ſit ille

§. xxvii. conatus cum cogitatione intellectus. Verum quum voluntas non ſit ipſa cogitatio, ut ille fatetur; jam exploratum eſt, voluntatem totam ex ejus mente in conatu cordis poſitam eſſe: quo quid abſurdius? Quemadmodum etiam abſurdum eſt, quod addit, voluntatem humanam extenus ſolummodo ab appetitu beſtiarum differre, quod hic adiunctam non habeat cogitationem intellectus: ex quo concludit, quod ſi concupiſcentia, ſeu conatus cordis conſideretur abſque ordine ad potentiam cogitandi, dicitur appetitus ſenſitivus, quo nempe etiam prædita ſunt bruta. Pulcherrima ſaræ notio voluntatis humanæ! Hinc colligit vero, *Voluntatem ſemper movere intellectum*, Nam voluntas, ait, quatenus ab appetitu ſenſitivo diſſert, nihil aliud eſt, quam appetitus conjunctus cum cogitatione, per dicta. Quo ſibi plane contradicere videtur: nam ſi voluntas in ſe complectitur cogitationem, ut dicti voluntas poſſit; ſupponit utique intellectum jam motum: non ergo eum movet. Quod ſi eum movet, quatenus eſt conatus cordis; igitur appetitus ſenſitivus iſt eſt, qui movet intellectum, non voluntas. Putas ne, noviſſe hoc

loco *Thomasium*; quid affirmaret; quidve negaret? Pergit ille aïens, voluntatem, ſeu appetitum hominis moveri a potentiis rerum extra hominem, nempe, ut puto, ab objectis. Valde, ſubdit, falſum eſt commune diſcrimen; quod voluntas non poſſit cogi. Sic ſcilicet nullo negotio definit ille quæſtionem, circa quam alii multum laborant. Cur vero eſſatum iſtud vocet diſcrimen, ideſt diſcrimen falſum & acutum, ſeu mordax, non eſt facile divinare, niſi forte ejus vocis ſignificationem & valorem ipſe ignorarit. Illud vero plane mirandum quod ſubdit, huiusce dicti falſitatem experientia ipſa conſtare: Per virtutes in- viſibiles (verba ejus ſunt) potentiarum externarum, concupiſcentias hominum adeoque voluntatem. (hæc nimirum duo perperam & inepte pro eodem habet) vel reprimi vel irritari, ideſt vel impediri vel ad agendum impelli, quotidiana docet experientia. At eadem experientia docet, voluntatem ſæpenumero, ratione duce, reſiſtere concupiſcentiæ. Hinc abſurde *Thomasius* voluntatem, quæ facultas eſt penitus ſpiritualis, minime ſecernit a concupiſcentiâ, ſeu appetitu inferiore, qui ab objectis exterioribus neceſſario movetur. Et quemadmodum voluntatem proſus ſubjectam facit potentiis rerum externarum; ita & intellectum in affirmatione boni & mali, quod nos afficit, ſemper impulſui voluntatis ſubefſe, contendit: tantum abefſe (ſubdit) ut voluntas in appetendo bono, vel fugiendo malo, dirigatur ab intellectu.

Quæ dum ait *Thomasius*, ſatis offendit, ſeſe communem de modo, quo intellectus voluntatem dirigit, ſententiam minus rectè percepiffe: quam idcirco abs re non tueri in gratiam tyronum compendio explicare. Quum itaque vulgo dicitur, ab intellectu voluntatem dirigi in proſecutione boni & fuga mali, id non ita intelligendum eſt, ac ſi intellectus nutu imperioque ſuo determinet, præſcribatque objectum, in quod ferri voluntas debeat; quum manifestum ſit, eam ſuapte natura in bonum ferri, malumque averſari: ſed ita,

ut præ-

ut primo intellectus ostendat voluntati quā in re insit ea boni ratio, quam ipsa appetit. Secundo, modum manifestet, mediumque, quo illud assequi ipsa possit. Tercio, invicem conferat varia bonorum genera, illudque patefaciat, in quod ut tendat, magis expedit voluntati. Quarto, licet bonum sensibile voluntas, seu potius appetitus, se sola, seu propria experientia valeat percipere; bonum tamen morale, quin & utile unice ab intellectu, seu ratione detegitur, ac voluntati proponitur.

Voluntas ex. gr. appetit ciborum suavitatem; illa tamen non potest ea frui, nisi ei intellectus indigiter proponaturque cibos, qui suaviores sint, & gustui accommodatiores. 2. quum voluntas quidpiam amat tanquam finem, modum ei intellectus ostendit, mediumque, quo ipsum obtineat. Amat ex. gr. voluntas proprii individui conservationem, & consequenter ea omnia quae eidem conservando conducunt; haec ei porro aperit intellectus: scilicet finem appetere proprium voluntatis est; ad ejus affectionem dirigere spectat ad intellectum. Sic voluntas amat, & quidem necessario propriam felicitatem; at intellectus ostendit, ubinam ea quaerenda, & quae ad eam consequendam utilia sint, vel necessaria. 3. Voluntas amat saepe numero plura eaque diversa bona, inter quae ea quoque non raro, quae postmodum nocitura sunt. Tunc vero munus est intellectus, ea varia bona mutuo & ad varias voluntatis affectiones comparare, innocua a noxiis discernere, noxia praevidere; indeque ea sub varia ratione voluntati proponere, siquid eam de bono praeferendo instruere; atque etiam affectiones voluntati contrarias quadrantenus, seu superiore aliqua excitata affectione, comprimere: quae res exemplo clarior evadet. Amat ex. gr. voluntas cibi, potusque oblectamenta, amat etiam sanitatem corporis, laborem refugit; sed amat quoque propriam, & quidem necessario felicitatem. Itaque ad intellectum pertinet 1. varia ciborum genera invicem comparare, & innocuos a noxiis discernere; & hos qui-

dem ut malos, ut bonos illos voluntati proponere: quod quidem facile praestabit, si cibos non ad unam quae voluntati inest, inclinationem ad oblectamenta; verum etiam ad easdem amorem sanitatis comparabit: sic enim cibos, qui uno inspecto voluptatis illicio, boni censi valeant, comparatos ad sanitatem, quam laedunt, malos utique judicabit, & ut noxios, malosque voluntati proponet: quo plane reprimet praeviam ejusdem ad huiusmodi cibos propensionem, seu voluptatis amorem. Pari arte labore ut bonum intellectus voluntati offeret, eo quod verae obtinendae felicitati, quam voluntas non amare non potest, conducit. At vero praecipue intellectus, seu ratio patefacit bonum morale, illudque voluntati persequendum proponit. Dixi praecipue: nam quum alia bona, ac praesertim sensibilia, experientia sensuum percipere possit, indeque ad eorum appetitionem incitari; bonum morale ab una ratione cognosci potest ac proponi: licet admitenda quoque sit in voluntate ipsa aliqua ad ipsum inclinatio, ac veluti coaptatio. Sed quum de bono morali quaestio sit, ad solam rationem pertinet illud judicare. His ferme terminis directio illa continetur, quam juxta communem sententiam voluntati praestat intellectus: quae sane omnia & cum recto sensu, & cum experientia aptissime conveniunt. Hinc quod ait *Thomasius*, intellectum in affirmatione boni vel mali, quod nos afficit, semper impulsui voluntatis subesse, falsum est, si velit, voluntatem semper determinate impellere intellectum ad judicandum, hoc esse bonum, illudve malum; alioqui neque consultationi relinqueretur locus, neque deliberationi; neque intellectus ullo indigeret rationis usu ad judicandum de bono, ac malo: & praeterea voluntas extra objecti sui sphaeram extenderet se; eo quod intellectum determinaret ad ferendum de veritate & falsitate judicium: in quo intellectus, cum illud sit juris sui, ut ita loquar, *privatus*, a voluntate saltem per se, pendere non potest: quemadmodum enim

bonum est voluntatis objectum, ita *verum* objectum est intellectus. Eapropter intellectus de bono, prout verum est, ex se & ex propriis suis principiis judicat; quemadmodum voluntas verum, prout est bonum, seu bonum verum per se respicit: at ultra bonum sese ipsa extendere non potest. Si vero *Thomasius* iis verbis velit tantummodo, voluntatem primo applicare intellectum ad considerandum, inquirendumque, quid tunc sit ei bonum vel malum; intellectum vero sic impulsam rem comparare, quæ in consultationem venit, tum cum principiis sibi propriis, tum cum variis voluntatis ipsius affectibus & dispositionibus; hoc quidem verum est: conflat enim intellectum *quoad exercitium*, ut ajunt, a voluntate pendere. Sed hac etiam ratione intellectus dirigit voluntatem, non quidem tanquam dominus, vel ultroque præceptor; sed tanquam famulus, qui jussus cum face præcedere, domino suo monstrat viam, per quam ille incedere debeat. Exercitium ergo considerationis & perquisitionis hoc in casu acceptum referri voluntati debet impellenti, applicantique; at iudicium de bonitate, deque malitia rei intellectus ex suo penu depromit; neque in illud dominium habet voluntas. Dixi *iudicium de rei bonitate vel malitia*: nam aliud vulgo admittitur iudicium in intellectu de eo, quod hic & nunc agendum est, ad quod proxime sequitur actio, vel electio voluntatis, cumque eo necessario connestitur; quare & *prædictum* in scholis appellatur. Illud profecto, si adfit, moveri a voluntate, & ejus subsequi determinationem, communis fert opinio. Si adfit, inquam; nam vel non semper adfit, vel solum in decreto voluntatis implicitum est, ac inclusum: saltem ut expresse adfit, necessarium quibusdam non videtur: quod non vident, cur voluntas, accepto intellectu iudicio de rei proprietate malitia vel bonitate, non possit sese pro sua libertate determinare, ut libet ipsi, quin aliud iudicium intellectus expectet, & quin ejus modo indigeat. Quod igitur exprimitur

iudicium intellectus ceu ex præmissis quibusdam illatum, sic: *ergo hoc est faciendum*, non aliud videtur, nisi ipsa determinatio seu electio voluntatis, quæ ea propositione enunciat velut decretum, ac iudicium illatum; quia voluntas vi propositorum momentorum se determinat. At perinde est sive dicamus, nullum ulterius desiderari intellectus iudicium, sed solum subsequi voluntatis actum; sive hujusmodi etiam immisceri iudicium: certum est siquidem illud obsequi voluntatis motioni, non ita vero illud aliud iudicium, quod proprium est intellectus; ex suis principiis, aliorumque collatione ipsum colligentis. Quo fit, ut quandoque contra illud ad oppositam partem pro suo arbitrio se determint voluntas: quoties enim contingit, voluntatem sese agendum determinare cum iudicio seu conscientia male agendi? Passionibus siquidem & affectibus plecta, eis obsequi potius vult, quam intellectui, seu rationi, id quod revera ei expediret, monstranti, atque dictanti, juxta illud tritissimum: *Video meliora, probaque; deteriora sequor*.

At licet dixerim, iudicium de rei malitia & bonitate juris esse *privativum* intellectus, quatenus ex proprio rationis in ipsum prodit; non negaverim tamen id, quod jam vulgo observatum est, & experientia constat, voluntatem multum conferre posse ejusdem rectitudini, vel eidem obesse. Quam enim quoad exercitium, ut innui, is pendeat a voluntate; ab eadem quoque pendeat necesse est quoad magis minusque attemptam, pacatamque rei objectæ considerationem, & quoad meditationem earum rationum, quæ uni vel alteri parti saveant: quo fit, ut dum voluntati obsequens in consideratione objecti minus attente defigitur, ac dum rationibus inclinationi voluntatis faventibus explorandis impensius vacat, ac ferme unice; rapiatur in transversum, atque in falsum iudicium voluntati sen affectibus favens, identidem inducatur. Et hic est plane fatalis ille tot immanium errorum fons circa Religionem, moreque:

que: hinc illa obfirmatio & perversitas hæreticorum, infidelium, atheorum in præconceptis erroribus: quum enim rationes veritati faventes aut nullo prorsus modo, aut non, ut par esset, confiderent, pendendantve; quid mirum, si ipsam non deprehendant: nam neque folis lucem vident qui oculos claudunt, vel alio convertunt, aut fumo vel pulvere oppletos habent. Hinc tamen nemo jure negaverit, ab intellectu voluntatem dirigi posse, atque debere, nisi quis æque negare voluerit, quempiam esse non posse ducem viæ, quia non potest oculis clausis vel obtectis eam monstrare.

Videamus tamen quam ille adterat rationem ad hujuscemodi directionem intellectus improbandam. *Non enim, inquit, quia aliquid bonum videtur intellectui, id voluntas appetit; sed ideo, quia voluntas quid appetit, id bonum videtur intellectui . . . siquidem quod voluntati gratum est, id intellectus non potest aliter sensu percipere, atque sub imagine grati; & quod non gratum est, sub imagine non grati. Quod vero ut gratum sentitur, sentitur ut bonum; quod non gratum, sentitur ut malum.* Immo, inquit ego primo, quia aliquid bonum videtur intellectui, seu quia apprehenditur ut bonum, ideo voluntas illud appetit; alioqui ferri illa posset in bonum incognitum, vel non apprehensum ut bonum, quod nemo hucusque, quem sciam, dixit. Potest quidem voluntas bono frui præsentī absque ulla apprehensione ex parte intellectus, quia illud ut præsens re ipsa intine sentit: at ne concipi quidem potest, quomodo bonum absens possit appetere, nisi prius apprehendatur seu ab intellectu, seu a facultate imaginatrice ut bonum. Falsum est igitur quod subdit *Thomasius*: *sed ideo quia voluntas quid appetit, id bonum videtur intellectui*: nam, ut innui, apprehensio bonitatis appetitio-

Tom. I.

nem præcelat, oportet. Quam autem addit: *siquidem quod voluntati gratum est, id intellectus non potest aliter sensu percipere, atque sub imagine grati*; quis eum intelligat? Quid sibi vult hoc quod ait, intellectum sensu percipere? An non fecerit intellectum a sensu? An sensum esse actum intellectus ponit? An non aliam in homine cognitionem facultatem agnoscit, nisi sensum? Nihil ego intelligo; sed vereor, an vel ipse sese intelligat (a). Interim illud exploratum videtur, eum hic loqui de bono sensibili, quod sensu percipitur (& quis scit, an aliud ipse bonorum genus agnoverit?): sed de eo etiam perperam dicitur, ideo sensu percipi ut gratum, quia gratum est voluntati; quum potius ideo gratum sit voluntati, quia ut gratum percipitur a sensu, seu quia sensum oblectat. Absurde etiam loquitur, quum ait, quidpiam sensu percipi sub imagine grati: nam sensus non percipit sub imagine, sed intima sensatione, quæ nec imagine opus habet, nec potest imagine representari. Præterea, non quidquid gratum est voluntati, percipitur sensu; nisi asserere velimus, nihil esse posse voluntati gratum, nisi bona sensibilia; quod est absurdum. Et re ipsa quidem bonitas & multo altius attollitur, & multo latius diffunditur, quam ut sensu semper percipi possit: e.g. bonitas medicinæ procul dubio ab intellectu cognoscitur; sensu vero nullo modo percipitur: nam si is consulatur, amara judicabitur ac molesta; adeoque hac ratione mala; non autem bona, quatenus recuperandæ sanitati prodest. Multo minus bonitas moralis sensu percipi valet; & tamen est grata voluntati multorum. Sed illud quoque hic a *Thomasio* querendum: quum voluntati multa sint grata, v. gr. cibi, potusque suavitatis, corporis valetudo, ejusque conservatio; quomodo absque directione intellectus poterit ea persequi, quæ gra-

T

tam

(*) Duplicem intellectui actum tribuit *Thomasius*: *meditari*, seu, sicut putat, *intelligere*, & *sentire*. Sic enim ait §. XLIX. *intellectus agere dicitur quando*

impellitur a voluntate ad meditandum; patet, quando movetur ab aliis rebus præter voluntatem ad sentiendum. Quæ profecto ex qua philologia hauserit, plane ignoro.

tam ipsi bonitatem præferant, vel eidem conferant asséquendæ? Voluntas quidem suapte natura est ad bonum determinata; at ubi ratio bonitatis resideat, nonnisi intellectu, & quandoque sensu cognoscere valet: est quidem determinata ad propriam appetendam felicitatem; sed ubi ea sit inquirenda, quave obtinenda ratione, si intellectus, seu ratio id minime monstrat, penitus ignorat. Neque hic satis est sensus perceptio: quod enim *sensitur ut gratum*, non bonum quandoque, sed malum est; eoquod comparandæ felicitati non conferat, sed obicit: ut patet de delicatioribus eduljiis, quæ licet grata palato sint, ac etiam ipsi accepta voluntati; attamen si sanitatem lædant, ut sæpe contingit, mala sunt: frivola est ergo ac proflus inepta Thomasi ratiocinatio ad excludendam directionem intellectus.

Verum si inepta, si nulla est hæc Thomasi ratiocinatio, & ita quidem comparata, ut jure ambigas, an ipse sciret quid in hoc argumento enunciarat, lepida saltem est ratio, quam ille commentus est, cur communiter asseratur intellectus in materia boni vel mali
 §. XLVII. *dirigere voluntatem*. Id, inquit Vir vere philosophus, *partim factum est, quod natura hominis fuerit in libris aliorum quaesita* (utinam idem & ipse fecisset: profecto in errores ita crassos lapsus non esset) *non in sensu proprio* (quasi vero ii omnes, qui primi hac de re scripserunt, vel omni sensu proprio caruerint, vel illum nullatenus consuluerint) *partim quod facultates intellectus & voluntatis non recte fuerint distinctæ* (quam recte & apposite eas Thomasi distinguit, constat ex superius dictis) *partim quod* (audi argutam scitamque rationem) *Doctores scholastici ob interesse domesticum fontes omnis felicitatis & infortunii posuerunt in intellectu* (verecor ego ne Thomasi posuerit in sensu). Sed cur in intellectu Scholastici posuerunt? Quia, inquit, *salutem æternam promiserunt iis, qui suos conceptus pro veris habent; damnationem minati sunt eis, qui vel latum unquem ab istis recedebant.*

§. cto. in
 omnia.

At ubi, bone Thomasi, vel in Scholasticorum catholicorum deterrimo adeo absurdæ *promissionis* vestigium, vel vola? Nescio verò, an mihi hic sit procedendum in incepto doctrinæ hujus Thomasi examine; jam enim nimis tædet ineptiarum. Adhuc tamen paululum progrediamur, & cursim aliqua ejus commenta indicemus, ut appareat, quam sit eximius philosophus iste Thomasi, & quo loco is habendus, quem Fleischerus commendat velut illum, qui *ultimam manum* apposuerit institutioni juris naturalis.

Itaque, pergit citato loco docere, §. XLIX. intellectum non solum *meditari*, sed etiam *sentire*: ait enim, eum *agere quando impellitur a voluntate ad meditandum*; pati vero quando movetur *ab aliis rebus præter voluntatem ad sentiendum*. Nescio ex qua philosophia hoc hauserit, quum ceteri communiter Philosophi, intellectum a sensu distinguant; licet plerique dicant, unam, eandemque mentem, seu spirituales animam & intelligere & sentire. Subdit, *voluntatem agere sicut in loco motivam aliorum membrorum*; ita etiam in ipsum cerebrum, id est in locomotivam intellectus. At cerebrum esse facultatem locomotivam intellectus, quis intelligat? At illi satis est affirmare: de explicatione autem & probatione non est multum sollicitus. Deinde docet, omnem actionem intellectus esse *immanentem*; ratio ejus est, quia *agit in cerebro, non extra illud*: contra vero nullam esse voluntatis actionem *immanentem*; sed omnes esse *transcentes*; eo quod, inquit, *voluntas agit extra cor; quia est conatus*: quasi conatus cordis extra cor esse & agere posset. Hinc negat electionem esse *actionem immanentem voluntatis*: quod autem communiter aliter sentiantur, inde evenisse ait, *quod putatum fuit erronee, & contra sensum communem, voluntatem habere libertatem internam*. Quam sit erronea & contra sensum communem sententia istæ, jam vidi-mus libri hujus capite III. Paulo post §. LV. animadvertit, actiones a voluntate imperatas dici *morales*, quia plures *actiones*

§. L.

§. LII.

§. LIII.

nes

- nei voluntaria conformes, mores appellantur. Quod planum facit, quam recte sentiat de actionum moralitate. Adnotat vero ipsam etiam voluntatem dici potentiam moralem, quia est fons omnis moralitatis: quod perinde est ac si diceret, quia est fons omnis voluntarietatis; nam liquet ex dictis alio loco ipsum moralitatem in voluntarietate reponere; quod est, moralitatem e medio tollere: quod etiam magis patet ex eo, quod inferat, naturam hominis moralem esse
- §. LXVII. complexum potentia volendi cum potentiis voluntati subiectis: & idcirco naturam hominis moralem non recte opponi naturæ hominis physicae: quia nempe morale supra physicam voluntarietatem, ipso iudice, nihil addit: unde etiam colligit, Philosophiam moralem esse partem physices specialem: quo nihil clarius dici potest ad omnem veram moralitatem e medio tollendam. Et hi sunt celebres & adeo decantati Juris naturalis, Ethiceque restauratores.
- §. LXVI. Docet insuper voluntatem intrinsece nullam libertatem, id est nullam electionem liberam, & indifferentem habere; adeoque eam servire aliis potentiis tam extra, quam intra hominem, quatenus he cupidini gratæ sunt, eamque immutari, & inclinari. Dum autem, subdit, non semper intelligitur, quod voluntas agat irritata ab huiusmodi potentiis; tum & hoc intuitu voluntas dicitur libera: dicitur, inquit in nota, sed non est: nam voluntas hominis semper irritatur, etiam si id fiat insensibiliter. Et qui hæc agnoscit (audi sapiens epiphonema) nec putat, se agere libere, & absque irritatione, is jam desit desipere. Longe melius dixisset, is jam perfecte desipit. At quæ audacia & insipientia est hæc, omnes humanæ libertatis assertores ut desipientes traduceret! Ceterum ille apprimè convenit cum Spinoza, qui, ut superius diximus, (cap. 3.) docet, propterea spectare nos liberos, quia causam extrinsecam determinantem, cogentemque ignoramus. Consequenter vero ad hæc contendit, ut aliqua actio homini imputetur, fatis esse, ut sit spontanea, seu a voluntate imperata, ne-
- §. LXIX.

que adeo opus esse, ut sit libera. Rationem addit: quia imputari est, aliquid quem auctorem dicere: sed id nequam satis esse, constat ex iis, quæ diximus capite citato huius libri. Deinde definit, vitam esse unionem potentiarum cum corpore, in hoc quoque singularitatem affectans, ut scilicet contra scholarum usum etiam corporibus possint plantas & arbores vitam afferere: hinc juxta ipsum vivunt etiam lapides, quum potentias, seu facultates quasdam habeant: plane egregie. At quidpiam magis adhuc festivum adfert §. LXXIX: Vita, inquit, durante, corporis partes, quæ sunt sedes potentiarum, & ipse manent unitæ. Morte dissolvuntur etiam particula corporis, & in pulverem rediguntur; potentiæ vero (serio Lector attendas) avolant, quæ ad potentias separatas (fortasse ad ideas Platonicas): ut non appareat, ubi præcisè operentur, etsi certum sit, eas multo minus esse redactas in nihilum, ac ipsas corporis partes. Expropter corpus quidem, subdit §. LXXX., mortale est, potentiæ autem immortales sunt: mori enim (in nota subiecta) solvit saltem potentias a corpore, non extinguit eas. Si vero ab eo exquiras aliquam huius paradoxii rationem, nullam adfert; satis illi est dixisse: & mihi retulisse, refutasse est.

§. XCVI. hæc habet: Communes & ubique ferme receptæ doctrinæ duplicem errorem fundamenti loco ponunt (sic nempe ille studio singularitatis communes ac ferme ubique receptas doctrinas per ignominiam traducit. Sed quinam illi errores sint, videamus. Alter in eo, ipso iudice, repositus est, quod intellectus seu ratio debeat normam præscribere voluntati: alter vero in eo, quod voluntas dissolutam rationis debeat secundum libertatem suam sequi. Nos duo hæc recto sanoque sensu explicata verissima esse, superius demonstravimus: de utroque tamen ferme ex tripode pronunciat, esse contra sensum cuiusque communem, si modo naturam anime humane præiudiciis vacuus consideret: sic vanitate sua obæcatus ceteris fere omnibus objicit præiudicia. Adversus errorem al-

terum ita insurgit §. XCVII: *Si voluntas sequi deberet intellectum, necesse esset, ut intellectus semper esset rectus. At statueret, dari etiam intellectum corruptum: hunc ergo voluntas non debet sequi. At voluntas non habet potentiam judicandi, uter intellectus sit rectus vel corruptus; quum omne iudicium pertineat ad intellectum: ergo voluntas nescit, quem sequi debeat.* Inepta plane ratiocinatio, & vix tyroni in philosophia condonanda. Bonus *Thomasius* intellectum hoc loco & voluntatem velut duas personas concepit, quarum una magistri vices gerat, altera discipuli; vel una dux viæ sit, altera viator; ut si posterior hæc ignoret, an magister, vel dux itineris sit viarum peritus, & illum tamen sequatur, imprudenter faciat. Apage puerilem conceptum! Intellectus & voluntas dux sunt facultates ejusdem hominis, qui sua voluntate non potest velle, nisi quod intellectus concepit ut bonum, & ut appetendum: quemadmodum nemo potest per viam incedere, quam prorsus ignorat. Quum ergo vulgo dicitur, *voluntatem sequi debere intellectum*, non ita intelligendum est, ac si voluntati morale aliquod debitum incumbat, cui si probe non satisfaciatur, imprudenter agat; sed ita, ut non possit quidpiam velle, nisi ille appetendum proponat; illudque ea possit pro sua libertate non velle, si quidem bonum particulare sit, seu tale, quod totam non expleat ejus capacitatem: ut agentes de libertate explicavimus. Inepte igitur *Thomasius* pronunciat, voluntatem sequi non debere intellectum, si hic semper non sit rectus. Verum ille pueriliter ludit, aut certe illudatur ambiguitate verbi *debere*, quod duo significare valet; nempe tum officium, seu morale obligationem, tum necessariam ad agendum conditionem. Igitur voluntas intellectum sive rectum, sive corruptum, seu proponentem non verum, sed tantum apparens bonum sequitur, & si quidem prodire in actum vult, sequi debet; adeoque in ea non requiritur judicandi facultas.

Sed dices, quis ergo dijudicabit, ut

ne rectus intellectus, vel corruptus? Intellectus ipse, respondeo, supra se ipsum reflectens id judicare potest, ac debet: ad quod tamen summopere conferet ipsa voluntas, si sincere, ut debet, veritatem amet & rectitudinem. Homo scilicet veritatis ac rectitudinis amore instructus cavet diligenter, ne intellectus in pravam judicium præceps ruat; ac voluntate sua eum in seriem rei meditatione defixum detinet, usque dum diligenter adhibitis veritatis & rectitudinis criteriis, eam certo ac indubitanter apprehendat, juxta ea, quæ de recta ratione dignoscenda superius diximus capite V. Hinc vero corruit plane quod *Thomasius* his verbis colligit: *Quum supra demonstraverimus, intellectum in cognitione boni & mali corruptum a voluntate ipsa, adeoque hujus arbitrio in moralibus subjacere* (hoc non esse omnino verum multo verius nos demonstravimus): *& nullum imperium in voluntatem exercere* (quod & ipsi fatentur, dum voluntatem regem faciunt, intellectum vero consiliarium) sequitur iterum, quod si voluntas intellectum sequatur, emendatio omnis frustra speretur. Quomodo enim, subdit, Rex emendari possit a consiliario, cujus consilia secundum placitum Regis et in omnibus sunt obnoxia? Scire vis, *Thomasius*, quomodo? Si nempe beneplacitum Regis fuerit, ut consiliarius nonnisi vera ac recta consilia ei proponat. Si namque Rex sese exhibeat sincerum veritatis & rectitudinis amatorem, profecto nonnisi bona consilia a consiliariis suis accipiet: sic plane Medicus salubrem & non tantummodo palato gratam medicinam amanti sanitatem præscribit: sic quoque quilibet Doctor, veritatem patet facit ei, qui ipsam vere nosse desiderat. Pari ergo pacto, si voluntas fuerit in veritatem ac rectitudinem sincere ferriusque propensa, eamque vere amaverit, ut potest ac debet (est enim bonum prorsus eximium), indeque pravos comprimat affectus, qui intellectui offundere tenebras valent; dubio procul intellectus veritatem ipsi manifestabit; seu, ut magis proprie loquar, si quis veritatem sincera voluntate desiderabit, mo-

§. XCVII.

do

do alias sit idoneus, eam inveniet, & assequetur. Est ergo falsissimum quod ait *Thomafius*, si intellectum voluntas sequatur, emendationem omnem frustra sperari: immo nulla speranda est voluntatis emendatio, nisi prius intellectus emendetur. Voluntatis enim emendatio in eo potissimum sita est, ut bonum verum appetat, aversetur apparens & falsum. At poterit ne id unquam præstare, nisi prius secernatur bonum verum ab apparente: hoc autem nonnisi ab intellectu fieri potest, qui solus inter utrumque valet dijudicare. Intellectus igitur voluntatem emendat, ei bonorum quorundam falsitatem, aliorumque veritatem, soliditatemque detegendo; aperiendo virtutis pulchritudinem, & amabilitatem, vitique turpitudinem & deformitatem; quantum illa ad veram felicitatem conferat, manifestando, quantumque istud decoreis adferat & infelicitatis; ac demum edocendo, quænam actiones virtutis decore niteant, quæve inbonestatis labe infectæ sint. Si res ita non se habet, edisserat nobis *Thomafius*, quomodo absque emendatione intellectus, emendari immediate ac corrigi voluntas possit? Si libros ego consulo ad morum emendationem elaboratos, primo emendari intellectum invenio: quid enim aliud in iis agitur, præterquam, quænam virtutes sint, quæ vitia, quæ cuivis officia incumbant, edocere; quæ sit vera felicitas, qua via ad eam en-

ad §. xlv. tendendum sit, in propatulo ponere: *Thomafius* ipse adnotat, *Logicam* quidem docere criteria veri & falsi; philosophiam vero moralem criteria veri boni, & apparentis. At hæc doctrina dubio procul primo spectat ad intellectum, licet per se quoque ad voluntatis emendationem dirigatur. Sed magis adhuc videamus, qua hic ipse Doctor ratione vitiosos homines asserat corrigendos, & ad veram felicitatem perducendos. Proponit ille primo velut fundamentum juris naturæ hanc propositionem: *Facienda esse quæ vitam hominum reddunt maxime durissimam ac felicissimam; & vitanda quæ vitam reddunt infelicem, & mortem ac-*

celerant: deinde ait, eam propositionem esse veram & perspicuam. Igitur a corrigendo intellectu ducit *Thomafius* initium: nam ad illum spectat de propositionis alicujus veritate & perspicuitate judicare. Rursus, posteaquam dixerat, vitam felicissimam, quæ scilicet & maximam laudem meretur, & suavisime transigitur, & omnium rerum sufficientia prædita est, esse ad palatum omnium hominum, ambitiosorum ob laudem, luxuriosorum ob suavitatem, avarorum ob sufficientiam, quos omnes non male stultos appellat, subdit: *Sed mox tamen sapiens stultes in viam redigit ostendendo, quod hæc tria nonnisi in vita iusta, honesta, & decora* (brevitatis hic causâ superflua verba prætermitto) *reperiuntur*. Sed cui, quæso, *Thomafius*, ea sapiens ille ostendet? Utique discipulis suis, inquit: at hi qua demum veritatem hanc facilitate percipient, & addicent? Nonne intellectus? id utique negari non potest. Hic ergo sapiens magister discipulis suis stultis insipientior erit, si corrigere eorum voluntates volens, intellectum ipsum instruere, ac recte informare aggrediatur, si verum sit, intellectum nullatenus dirigere voluntatem, nihilque ad eam permovendam conferre; & si intellectus intuitu voluntatis sit potentia mere passiva, quippe quæ nullam in ipsam habes efficaciam, ut ipse contendit *Thomafius* §. XIX. a quo proinde scire vellem, in quem finem librum hunc conscripserit; nonne enim ad lectores suos instruendos? Anne vero putavit ipse, doctrinas suas non fore intellectu, sed voluntate a lectoribus percipiendas? seu fortasse exilimavit, doctrinam suam intellectu assecutam posse emendandæ voluntati nullatenus inservire? Unum addo: agnoscit *Thomafius*, intellectus cogitationes nutrire affectus, eorumque durationem fovere; cur non poterunt etiam sopitos affectus excitare? atque adeo cur intellectus persuasio, & consideratio pulchritudinis, uno verbo, amabilitatis virtutis, non poterit, voluntatem ad eam amandam, & prosequendam, amplectendamque exci-

Lib. I.
Cap. I.
§. 66.
in nota.

Lib. I.
Cap. VI.
§. 21.

citare? Ita quidem se habet communis, ac ferms ubique recepta sententia (a): at ei, qui singularitatem in omnibus querat, contrarium dicendum erat, etiam si ob id sibi metipsum contradicere, oporteret. Sed adhuc parumper institutum examen prosequamur.

l. XCIX.

Si nullam, inquit, libertatem eligendi habet voluntas, haud dubie tota corrumpitur disciplina moralis scholastica (verum non tantum scholasticam, quæ fortasse unica vera est, sed quamcunque disciplinam moralem, ac ipsum denum jus naturæ, sublata libertate, corrumpere debere, nos infra demonstrabimus Lib. IX. Cap. IV.). Quod vero voluntas non habeat libertatem eligendi, clarius patebit, si prius ostenderitis fontem erroris communis ex neglectu intimioris considerationis ipsius facultatis humanæ ortum, dum nempe putant, unum esse voluntatem humanam.

l. CXX.

Ita ostenso eo (subdit) quod singuli homines habeant non unum, sed oppositas; plane corrumpet totæ fabulæ doctrinæ communis de natura voluntatis, et libertatis ejusdem: ita scilicet ante victoriam canit Thomæus triumphum, sperans, posse se evertere doctrinam communem, ut singulariter sapere videatur. Totæ vero singularis adeo, peregrinæque doctrinæ summa eo deducitur, ut rem communissimam, atque tritissimam probandam suscipiat; tres nimirum esse in homine præcipuas affectiones, seu cupiditates, aut passiones, nempe voluptatem, seu voluptatis appetitionem, avaritiam, & ambitionem. Quæ in re id unum singulare habet, quod eos affectus, quæ auctoritate aut ratione nescio, voluntates appellet; nisi, uti videtur, idcirco, quia omnem aliam voluntatem illis superiorem, illisque dominantem rejiciat. Probat autem, hæc tres cupiditates, atque actiones voluntarias eisdem respondentem, non posse esse motus ab uno principio volendi, seu ab una voluntate or-

tos; quia actiones contrarie pugnantem non possunt oriri ex communi, et una voluntate. Quod vero voluntates istæ tres, subdit, non solum sint oppositæ, sed et revera pugnantem, monstrat partium earum natura, partim effectus tum in singulis, tum in diversis hominibus. Avaritia enim est inimica voluptati; quia sentit, voluptatem adversari acquisitioni propriæ, et dissipare bona propria: est inimica cupiditati imperandi; quia et hæc dissipat bona, et homines alios domini sui facit participes: Ambitio est inimica voluptati, et avaritiæ; quia sentit, utramque impedire acquisitionem gloriæ et imperii. Ex dictis vero, ita demum concludit, sequitur, quod ea, quæ communiter in scholis attribuantur electioni, adeoque libertati voluntatis, magis referenda sint ad passiones voluntatis, aut coactionem earum, et necessitatem. Orta enim pugna inter diversos affectus, semper vincit potentia major. Sic scilicet Thomæus ad brutorum nos conditionem traducit: eorum enim proprium est, eo necessario rapi et abduci, quo prævalentium passionum impetus impellit. Frustra ergo sapientissimus, et beneficentissimus Auditor naturæ hominem ratione donavit, si ratio istæ nec dirigere voluntatem potest, nec moderari insurgentes passionum fluctus: ergo homo constitutus est a Deo in hoc mundo tanquam navis in medio mari omni gubernaculo destituta, et contrariis undequaque ventis exagitata, inter quos semper vincit qui fuerit potentia major. Vah indignam Philosopho doctrinam! Anne eam ille et propriæ experientiæ penitus hauserit? Equidem liquet, vulgares plerumque homines non ratione sed passione aliqua vel affectu in actionibus suis duci; sed eos, et generatim homines non aliter se gerere posse, absurdissimum hujus Pseudophilosophi commentum est: quod ab impurissimo Spinoza fonte hausisse videtur.

l. ult.
Cap. 2.

§ 172-177.
§ 178-179.

(a) Omnibus enim ratum est illud S. Th. 2. 2. q. 9. a. 2. Intellectus movet vo-

luntatem sicut præsentem ei objectum suum.

detur, quippe qui idem profus, quam nonnihil nitidius, docuit, Attamen ne quid *Thomasianæ* insipientiæ desit, de hoc commento, velut de præclaro quodam *invento suo in doctrina morali* gloriatur, iurgaturque cum *Francisco Buddeo*, propterea quod hanc de

necessitate voluntatis sententiam adoptarit, nec sibi tamen acceptam retulerit; quasi & ipse id idem acceptum referre non debuerit *Hobbeso* & *Spinoſæ*, aliisque tanto nomine indignis Philosophis. Sed de his ineptiis tandem satis.

In not.
ad §. 112



DE PRINCIPIIS JURIS NATURÆ, ET GENTIUM LIBER V.

De statu hominis naturali.

Postquam duplicem juris naturæ fontem referavimus, alicui fortasse videbitur, proximum esse, ut ipsius existentiam nulla interposita mora, demonstremus. At nobis rectus ordo postulare videtur, ut prius de statu hominum naturali, ad quem potissimum spectat jus naturæ tanquam unica in eo statu agendi regula, disseramus. Quem sane ordinem eomagis servandum nobis esse censemus, quod errores a nonnullis inveci contra hujusmodi statum impedimento esse possent, nisi ante dispellantur, tum ad demonstrandam juris naturalis extantiam, tum ad recte constituendum ejusdem juris universale principium. Aliqui enim adeo perversam statum naturæ notionem exhibent, ut ea semel admissa, vel nullus amplius supersit juri naturæ locus; vel quodcunque statuatur illius fundamentum, atque principium, omnino vacillet. In hoc autem libro quem statui naturali a pravis notionibus vindicando consecramus, potissima nobiscum *Hobbeso, Jo: Jacobo Rousseau, & Pufendorfo* concertatio erit, quorum primus pro statu hominis naturali monstrum quoddam horribile; alter statum belluinum; tertius cujuslibet belluæ conditione deteriorem nobis obtrudunt. Horum confutatis erroribus, demonstrabo, naturalem hominis statum nullatenus esse societati contrarium, imo reipsa esse sociale: tum cætera, quæ ad ejusmodi statum pertinere videbuntur, expediam. Antequam tamen ad hæc discutienda propius accedo, præmittere præstat, quid nomine status generaliter veniat; deinde quid hoc loco intelligatur nomine status hominum naturalis.

Status, quoad præsens attinet, vulgo definitur: *conditio in qua homines constituti intelliguntur ad certum actionum genus obeundum*; quandoquidem homini juxta varietatem status, in quo est, variae competunt actiones, & diversa incumbunt officia. *Wolffius statum in genere* definit esse *coexistentiam mutabilem, hoc est eorum, quæ etiam aliter se habere possunt, cum iisdem suis, quæ scilicet aliter se habere nequeunt. Est vero, subdit, status vel internus, quatenus mutabilia ista subiecto insunt; vel externus, quatenus eidem adsunt, vel extrinsecus ad idem referuntur.*

Status vero hominum *naturalis* alio plane sensu hic intelligitur, atque a Theologis intelligi solet. Hi enim statum *naturalem* *supernaturalem* tantummodo opponunt; definiuntque, eum esse, cui *donorum supernaturalium, & gratiarum nihil accedit*; & hoc sensu disputant; num hujusmodi status hominis *naturalis* sit possibilis, nec ne. At hoc loco status *naturalis* perinde est, atque *originarius*, seu quem tenet homo a sola ipsa natura, seu vi solius suæ originis; atque adeo opponitur *advantiis*, quem homo nonnisi facto aliquo humano interveniente, acquirit. Sic status *naturalis* vulgo definitur: *conditio hominum inter se æqualium, neque alterius, quam Creatoris arbitrio, legibusque subiectorum*. Sed definitionem hanc minus accuratam esse, statumque istum non omnimodam excludere subjectionem, ex iis, quæ inferius dicemus, clare constabit.

Pufendorphus docet, triplici modo *statum hominum naturalem* considerari: *solo naturali & gentium prælucente rationis lumine posse; nempe, vel in ordine ad Deum Creatorem; vel*

Inst. Jur.
nat. &
gen. l. 2.

De Jure
Nat. & Gent.
lib. I. c. 1.
& de Off.
lib. II. c. 1.

in ordine singulorum hominum ad se ipsos; vel in ordine ad alios homines. Priori modo status hominis consideratus est, inquit, illa conditio, in qua a Creatore est constitutus, dum enim prae ceteris animalibus ipsum esse voluit; & huic statui opponitur conditio, & vita brutorum. Altero modo, statum hominis naturalem, pergit ille, considerare possumus, si animo fingamus, qualis ejusdem conditio futura esset, si quilibet sibi soli valeret fore, sine ullo admisculo ab aliis hominibus accedente, & quidem posita illa naturae humanae conditione, qualis nunc deprehenditur: & in hoc sensu status naturalis opponitur vitae per industriam hominum excolitae. Tercio modo statum hominis naturalem consideramus, subdit, prout intelliguntur homines sese invicem habere ex nuda illa, & communi cognitione, quae ex similitudine naturae resultat ante pactum aliquod, vel factum humanum, quo peculiariter unus alteri redditus fuit obstrictus: quo sensu status hominis naturalis opponitur statui civili. Pufendorfum in statu hominum naturalis consideratione, & descriptione quidpiam errasse inferius demonstrabimus: sed Hobbesius primum, qui hac in re omnium pessime erravit, resellendus est.

CAPUT I.

Sententia Hobbesii afferentis, naturalem hominis statum esse bellum omnium in omnes, falsa, & absurda est.

De Clive
cap. IX.
p. 3.

Statum hominis naturalem esse bellum omnium in omnes, docet Hobbesius tum lib. de Civitate, tum in *Levia* Tom. I.

(*) Hinc patet, quanti momenti sit haec quaestio, quamquam primo aspectu exigui videatur, eo quod homines vel nunquam fuere in statu naturali, vel jam dudum, assumpto statu civili, desierint esse. At cum Civitates, seu Imperantes quique suprema gaudentes potestate, sint non solum juxta Hobbesium, sed juxta omnes etiam nunc si comparentur ad invicem, in statu naturali; nihil humano generi consilium potest magis pernicio-

tham iniquis: status naturae status bellus est: ac hostis est quisquis cuique, cuiusque pareat, neque imperat; quibus addere saltem debuisset: neque communem cum eo dominum habes. Et alibi: status, inquit, Civitatum inter se naturalis, id est hostilis est: neque si pugnare cessent, idcirco pax dicenda est: sed respiratio, in qua hostis alter alterius motum, vultumque observans, securitatem suam non ex paucis, sed ex viribus, & consiliis adversarii aestimat. Quare addit in *Levia* Cap. XIII. than, belli tempus non esse duntaxat, quo pugnae exercentur, & praelia, sed quo durante, voluntas armis decertandi est manifesta. Neque vero quia putet, haec solum hypotheseos gratia ab Hobbesio dicta fuisse. Quanquam enim praefecerat quandam hypotheseos speciem, quod ille scribit in libro de Cive: ut Cap. VIII. p. 4. redeamus iterum in statum naturalem, consideremusque homines tanquam si essent jam jam subito a terra (singulorum morte) exorti, & adulti sine omni unius ad alterum obligatione &c. hoc tamen se habere ceu thesım demonstrat praesertim loco supra citato, dum statum civitatum naturalem, id est hostilem vocat. (a) Ex quo etiam constat, Hobbesium nomine status naturalis non intelligere statum solitudinis, in quo videlicet homines citra societatem ullam seorsim sibi viverent; sed & ipsam vitam socialem, modo alter non pendat ab altero. Neque fallitur in hoc Hobbesius: nam status naturalis, & vita socialis invicem absolute non pugnant; quum etiam illi, qui in naturali statu vivunt, socialem vitam vivere possint, ac debeant, & saepe numero soleant. Scilicet non

V fo-

sum, quam cum statum esse hostilem: inde enim sequitur, Imperantes omnes esse ad invicem hostes, seloque matuo timere debere, & quidem in tanto metu esse, ut securitatis viam meliorem habeat nemo anticipatione: nampe ut unusquisque vi, & dolo ceteros omnes tamam sibi subijcere conetur, quamdiu alius esse, a quibus sibi cavendum esse videtur: ut de naturali, adeoque & de Imperanti m. suprema- rumque Potestatum statu habet Hobbesius ipse

socialitas, aut societas æquatoria, in qua videlicet omnes æquales sunt, sed *re-
dioria*, in qua nempe rector aliquis con-
stitutus est, statui opponitur *naturali*,
ceu illi, qui pactum omne, omnemque
humanam institutionem, sine qua Re-
ctor nullus esse potest, antecedit.

Lib. II.
de Jur.
Nat. &
Gent. c.
II. §. 5.

Ceterum *Pufendorfus* recte adnotat,
non primum hæc de bello, & exinde
de *statu hostili* Civitatum ab *Hobbeso*
tradita esse: sed & apud *Platonem* ha-
beri lib. 1. de *legibus*; ibi enim *Climias*
Cretensis rationem reddens, quare *Cre-*
tensium Legislator multa instituta rem
militarem spectantia introduxerit, inter
cetera ait: *In quo sane arbitror, cum flul-*
titie crimine permultos condemnasse, quod
minime intelligant, bellum civitatibus om-
nibus cum omnibus jure, ac perpetuum
esse: quum enim plerique pacem nomi-
nant, id esse nomen solummodo existiman-
dum; re vero ipsa omnibus civitatibus
adversus omnes inditum bellum secun-

dum naturam esse. Ex quibus constat
malos pessimosque *Politicos* nunquam in
orbe defuisse. Ceterum posita a nobis
propositio sic evincitur.

Primo. Ex nulla re magis metiendus
videtur status hominum naturalis, quam
ex generis humani origine. At hæc,
prout a sacris Litteris enarratur, pacifi-
cum potius, quam bellicum, & homi-
nes invicem potius amicos, quam ho-
stes arguit; ac quicquid in prima homi-
nis conditione peractum est, amorem,
& amicitiam spirat. Nam primo homi-
ni creato mulier adjungitur socias, ob-
jectum utique ejus amoris, & amicitiae,
cum esset caro de carne ejus, & os ex
ossibus ejus. Deinde ex his duobus alii
homines mox nascuntur, quos unitas
originis, cognatio sanguinis, exemplum
parentum in mutuum amorem natura-
liter impellere debebant. (a) Igitur sta-
tus hominum naturalis non est bellicus,
sed pacificus.

Gen. II. 2.

Se-

ipse in citato loco ex *Leviathane*. Sed
væ Mundo, si Imperantes hanc imbibant
opinionem! Quam terra facies Universi
futura esset! Nempe bellum omnium Im-
perantium in omnes, indeque omnium
nationum in omnes: singulari enim Impe-
rantibus suis obsequi debent. Qui hor-
rer! An non omni execratione dignus est
liber, ejusque auctor, qui serium istud
principium inculcat? Et tamen hic liber
Pseudopoliticorum delicias facit. Unde
non mirum si acerrima quandoque bella
nulla de causa, vel ex levi tantum su-
spicione oriri videantur. Illud potius hic
mirandum, reperiiri homines, paucos qui-
dem illos, sed doctos, qui aliquod sen-
tentiae huic *Hobbesianæ* patrocinium im-
pendere velint, ægreque ferant, eam a
nobis ceu falsam, absurdamque damnari;
eo quod, inquit, intelligenda est de
statu naturali hominum post originale pecca-
tum. Sed hi errant profecto. Ut enim
præteream, non posse dici statum natu-
ralem hominis eam corruptionem, quæ
peccato originis injecta est, cum pecca-
tum ipsum sit contra naturam hominis,
ut docent cum S. Thoma Theologi qui-
que; *Hobbesius* certe cum sum hoc com-
mentum protulit, ad peccatum originis

minime respexit; quandoquidem bellum
omnium in omnes ex pessimo alio princi-
pio, nempe ex *jure omnium in omnia* de-
rivat: atque adeo loquitur non de statu
naturali hominum, qui est *destinatus per*
peccatum, neque de eo, qui est *restitutus*
per gratiam; sed de eo, qui est *institutus*
a primo rerum Satore (ut jamdudum ad-
notavit *Joannes Templerus* in sua *Idea*
Theologia Leviathanis dogm. XI.) seu lo-
quitur de humana natura in se specta-
ta, non quatenus corrupta per pecca-
tum. Qua etiam ratione nihil penitus
causam eius juvat patratum a *Caino* fra-
atricidium, (quo ipse argumento utitur):
nam illud non ex natura *instituta*, sed
ex *corrupta* profluxit. Auctores etiam
qui hac in re *Hobbesium* impugnant, de
natura in se spectata loquuntur.

(a) Argumentum hoc adeo obvium,
at naturale, quo idcirco passim utuntur
Auctores agentes de hac re, & in pri-
mis *Pufendorfus*, & *Suvarius*, elevari
quidam ajunt factò *Caini* Protoparentis
primogeniti, qui fratrem *Abelem* inter-
fecit. Mirum, si istud ii sibi serio per-
suadeant; cum experientia, & rationi,
communique sensui adversetur. Neque
vero obstant peculiaris exempla: nam si
ad

Secundo. Similitudo est mater amoris, ut experientia, communique sensu constat. (a) Quum igitur homines similem naturam habeant; in pacem, mutuumque amorem potius, quam in bellum naturaliter inclinant.

Tertio. Is status naturalis esse non potest, qui violentus est, ac per se, sidia perseveret, in omnimodam speciei perniciem tendit: at status belli est huiusmodi; bellum enim, ut constat, mutuum internecionem affert.

Quarto. Ut vera foret opinio Hobbesii, oporteret hominem esse animal natura sua (1) ferox (2) malum, seu nocendi cupidum (3) audax, seu ad pericula quæque subeunda animo paratum: oporteret etiam (4) ad societatem nullatenus esse propensum; ac denique alterius cuiusque auxilio non indigere. Sed profecto huiusmodi non est homo; quod vel ipsa experientia constat: constat enim, saltem plerosque homines minime feroces esse, sed potius indole satis pacifica, & placida, atque ab omni inferenda injuria alienissimos. Plerumque

etiam sunt adeo pavidi, ut ad quodvis periculum horreant: neque quidquam audeant, nisi necessitas, seu timor impendentis maximi mali eos compellat. Profecto feritatem non esse homini naturalem vel illud clarissimo est argumento, quod natura ipsum inermem, nudum, imbecillumque in hanc lucem emittat. Eise autem hominem natura ad societatem propensum tum per se exploratum est, tum inferius data opera demonstrabitur. Hominem autem homine indigere, nemo sanæ mentis negaverit. Est igitur improbabilissimum commentum, statum hominis naturalem esse bellum omnium in omnes.

Quinto. Vel homines in statu naturali viribus pollent æqualibus, vel inæqualibus. Si æquales habent vires, ipsa æqualitas eos naturaliter ab alio laceffendo arcere debet. Si inæquales; tunc timor debiliorem in pace continebit, & ferocitas a fortiore belli occasionem & causam removebit: mutuum igitur omnium in omnes bellum est impossibile, adeoque nullo pacto naturale. Si

V 2 di-

ad ea attendamus, facile exinde confici posset, neque parentes ad filios, neque filios ad parentes, neque maritos ad uxores, neque uxores ad maritos &c. diligendos naturaliter inclinari, cum constet fuisse & parentes, qui filios, & filios, qui parentes, & maritos, qui uxores, & uxores, quæ maritos &c. aliquando trucidarint. Sed aliud est id, ad quod per se natura inclinat; aliud, quod homines cæco impetu passionum abrepti quandoque faciunt. Alias, unitas originis, & sanguinis quomodo ad mutuum dilectionem non conferat, cum omnis amor cum concupiscentia, tum amicitia procedat ex quadam apprehensione unitatis amati ad amantem? ut docet S. Th. 1. 2. q. 28. ar. 1. An non primum est hominibus, qui ejusdem sunt originis, & sanguine coacti, ejusmodi apprehendere unitatem, quæ re ipsa existit. Sane S. Augustinus lib. XII. de Civ. Dei Cap. 21. rationem cur Deus omnes homines ex uno (ut dicitur Act. XVII. 26.) propagari voluerit, his verbis reddit: *Ut eo modo vehementius homini commendaretur societas uni-*

tas, vinculum concordia; si non tantum inter se natura similitudine, verum & cognitionis affectu homines necterentur. Postremo non video, cur potius ex furore unius Caini status bellicus, quam ex Abelis, aliorumque fratrum, qui genus propagarunt humanum, mansuetudine status pacificus inferri debeat.

(a) Hoc data opera docet S. Th. 1. 2. q. XXVII. art. 3. ubi ita ait: *Ex hoc quod aliqui duo (ratio eadem est de omnibus) sunt similes, quasi habentes unam formam, sunt quodammodo unum in forma illa: sicut duo homines sunt unum in specie humanitatis, & duo albi in albedine: & ideo affectus unus tendit in alterum, sicut unum sibi, & vult ei bonum, sicut & sibi.* Hinc Ecclesiastes cap. XIII. 19. *Omne animal, ait, diligit simile sibi: sic & omnis homo proximum sibi*, quantum scilicet ad naturalem propensionem: quam agnovit & Tullius, cum ait lib. 1. de Leg. *Natura propensum sumus ad diligendos homines: Igitur non ad eis nocendum, bellumve inferendum.*

dicas, etiam nunc Societates omnes esse virum vel aequalium, vel inaequalium. Quid inde? respondeo: an ne est bellum societatum omnium in omnes? eum imo hac ipsa ratione sæpe diudicaret pax inter plurimos Principes (licet ad se invicem in statu naturali sint) eo quod soleant imbecilliores quidem metu fortiorum, fortiores securitate sua, & animi moderatione, pares quia mutuo se timent, ab aliis laceffendis se continere.

Sexto. Illud non est homini naturæ, quod præcipue hominis parti contrarium est: at bellum perpetuum, ac universale contrarium profecto est præcipue hominis parti, nempe rationi; neque enim istiusmodi belli causa esse ulla potest rationi consentanea.

Septimo. Omnia, docente Augustino, & probante S. Thoma naturaliter pacem

appetunt: multo ergo magis homines, in quocunque sint statu: est sane, etiam qui bella querunt, & dissensiones, non desiderant nisi pacem, quam se habere non existimant; ut adnotat idem S. Doctor. Demum Hobbes ipse docet primam naturæ legem esse, querendam esse pacem; igitur natura hominis per se inclinat ad pacem: pacificus ergo, & non bellicus est status hominum naturalis.

Octavo. Historiæ fidem faciunt, cum primum Hispani ad Americæ insulas appulere, eos comperisse plerosque ex iis incolis, quanquam Hispanorum respectu in statu mere naturali forent, erga se humanissimos; quippe qui de ipsorum adventu lætitiæ signa dedere non pauca, & benevolentiam etiam eximiam opere ipso, fruges videlicet eis deferendo, demonstrarunt. (a) Humanitatem similem sæpius experti sunt etiam Lu-

fia-

(a) Quoniam quod de Americanorum gentium humanitate hic innuo, incredibile nonnullis videtur, præstat hoc probatissimis testibus confirmare. Nemo vero magis idoneus hac in re testis esse potest Christophoro Colombo, qui primus ad eas insulas appulit. Porro hic in epistola, quam Christophorus ex suo primo in illas itinere redux ad Raphaelem Sancti conscripsit, quæque habetur Hispaniæ Illustratæ Tom. II. pag. 132. Incolæ, inquit, Hispani intellæ sunt natura pavidæ, & timidi; ceterum ubi se cernunt tutos, omni metu repulsi, sunt admodum simplices, & bonæ fidei; & in omnibus, quæ habent, liberalissimi; rogant quod possider, inficiatur nemo; quia ipsi non ad id poscendum iuvitant. Maximam erga omnes amorem præferunt: dant quæque magno pro parvis, minimæ licet re nihilominus contrari... Nec sano segnet, op ruder, sed summi, ac perspicax ingenit... Tam fœmina, quam vir, tam imberber, quam adulter, tam juvenes, quam senes, depolita formidine paulo ante concepta, nos certatim visubans, magnæque stipante caerva; aliis cibum, aliis potum afferentibus, maximo cum amore, & benevolentia incredibili &c. Testis alter gravissimus, omni- que exceptione maior, est Bartholomæus de las Casas hispanensis Ord. Prædic. Episcopus Chiapensis in Mexico. Hic in sua

Historia Destructionis Indiarum Occidentium, de Insulæ Hispaniæ finitimarumque regionum incolis hæc scribit Cap. I. n. 4. Infinitas hæc gentes creavit Deus omnium, quæ sunt in mundo, simplicissimas, multatæ expertæ, ac simulationis; dominis suis naturalibus, ac Christianis, quibus servitus, obsequen- tissimas, submississimæque; patientissimas, summeque pacificas, atque tranquillas; a contentione, tumultu, querimoniis, odio, & vindicta quammaxime alienas &c. Alios hanc in rem testes afferre opus non est. Qui vero insigne aliquod humanitatis illarum gentium exemplum videre desiderat, legat Relationem Alvari Nunez, quæ habetur volum. III. Navigantium, pag. 316. edit. Ven. 1556. ibique comperiet humanitatem ab illis in Hispanos naufragos impensam, qualis vix a cultissima natione expectari potuisset: quanquam postea dissimulandum non est, nonnullos etiam Americæ populos, summe barbaros, crudelisque ab iis, qui primi ad eos appulere, compertos esse. Ceterum quod de Hispanorum, & Lusitanorum crudelitate mentionem hic facio, neminem offendant: neque enim in integrarum nationum infamiam cedere debet, quod olim eorum aliqui, ceteris dissidentibus, & improbantibus, suisque principibus relucantibus, perpetrarunt.

stani, quum primum ad varia incultissima Africæ litora adventarunt. Quod si tum Hispani, tum Lusitani populos nonnullos, ad quos navigando appellerant, hostes sibiprehenderunt; id plerumque non contigit, nisi postquam de ipsorum sævitia, crudelitate, atque dominandi in ceteros libidine fama jam pervagata erat. Non igitur homines ad bellum, & mutuam cædem natura ipsa inclinantur.

Demum horridum hoc commentum *Hobbesi* de bello omnium in omnes funditus evertitur exemplo *Groenlandorum*, quos *Joannes Handersonius* testatur etiamnum in statu mere naturali, & tamen satis pacifice simulvivere, ut infra dicitur.

Hobbes de Civ. c. 1. §. 1. & 4. Obsectio prima. Status naturalis hominum est bellum omnium in omnes si in eo statu sit ex una parte virium equalitas, & ex altera mutua ledendi voluntas. At ita se se res habet in statu naturali: adest enim equalitas virium, cum facile sit infirmis cuique robustiorum occidere fin roboris magnitudine, saltem industriæ vigore: tum inest omnibus voluntas ledendi; nam unusquisque vel se aliis superiorem existimans omnia licere sibi soli vult, & præ ceteris honorem sibi arrogat (quod ingenii ferocis est); vel secundum equalitatem naturalem permittit ceteris eadem omnia quæ sibi, quod modesti hominis est, & vires suas recte æstimantis. Porro illi est voluntas ledendi ab inani gloria, & falsa virium estimatione: isti ex necessitate res suas, & libertatem contra illum defendendi; ergo &c.

Responsio. 1. Falsum est, omnes homines virium aequalium esse; experientia enim constat, naturam ipsam haudquaquam æquale robur unicuique concessisse; neque semper roboris defectum sagacitatis, & solertiz magnitudine compensasse. Nam alii tum corporis robore, tum animi acumine pollent: sicut alii ex utroque capite exiles sunt, & imbecilles. Neque iactatam hanc equalitatem evincit hoc suo ratiocinio *Hobbesus*: „*æquales sunt, qui equalia contra se invicem possunt: at qui possunt*

maxima, nimirum occidere, equalia contra se invicem possunt: sunt igitur omnes homines natura (viribus) æquales“: Nam & maior propositio indefinite sumpta falsa est; quandoquidem si soli æquales viribus sunt, qui equalia equali modo, seu eadem facilitate, in iisdemque circumstantiis possunt; non secus. Et minor supponit falsum; nam occidere non est maximum, quod humanæ vires possunt, imo fortasse minimum, si nempe circumstantiæ favent, ut patet. Verum quidem est, occisionem maximum nocumentum esse, quod alter alteri inferre potest. Verum si hoc intelligit eo loco *Hobbes*, clarum vel ex dictis jam est, id ad virium equalitatem inferendam satis non esse. Sed nec unusquisque unicuique vitam eripere potest: anne enim quis absentem interficiat, aut eum, quem nec robore superare, nec dolo circumvenire valeat? 2. æstimatio, qua quis vires proprias aut aliorum viribus superiores, aut eisdem æquales judicat, non minus, imo fortasse magis ad pacem colendam, quam ad bellum inferendum conferre potest; ut probatione quinta explicavimus. Deinde neque quicunque se aliis superiorem viribus agnoscit, vel putat, animi adeo ferocis est, inanisque gloriæ tam cupidus; ut propterea confestim velit, unicuique bellum inferre: neque omnis, qui modesti animi est, continuo est ita suspiciosus, ut ad res suas, & libertatem tuendam bellum sibi ultro suscipiendum existimet. Fieri igitur potest, ut plures seu æquales seu inæquales viribus pacifice una vivant. Status igitur hominum naturalis bellum omnium in omnes necessario non inferit.

Obsectio secunda. Assidue sunt inter homines discordiarum causæ: nam primo, maximum est certamen ingeniorum, ex quo necesse est oriri maximas discordias: etenim non modo contra contendere, sed etiam ipsum non consentire, odiosum est.... Cumque omnis animi voluntas, omnisque alacritas in eo sita est, quod quis habeat, quibuscum conferens se, possit magnifice sentire de se ipso; impossibile est, quin odium, & contem-

Hobbes, ibid. §. 1. & 6.

ptum

ptum mutuum offendant aliquando, vel risu, vel gestu, vel verbis, vel aliquo signo: qua quidem nulla major animi est molestia, neque ex qua ledendi libido major oriri solet. Deinde frequentissime accidit, quod multi simul eandem rem appetant, qua tamen sapissime neque frui communiter, nec eam dividere possint: unde sequitur fortiori dandum esse; quis autem fortior sit, pugna judicandum est; igitur bellum erit omnium in omnes in statu hominum naturali.

Responsio. Recensitæ discordiarum causæ nimis singulares sunt, quam ut omnium in omnes bellum excitare valeant. Nam & ingeniorum certamen apud omnes esse non solet; sed tantummodo apud eos, qui supra vulgus eminent: cujusmodi in statu naturali paucissimi, & fere nulli forent. Neque etiam eos, qui ceteris præcellunt, morbus iste invadit omnes: sunt enim, qui cæteris, quibus excellunt, dotibus eximiam etiam animi modestiam addant. Et ex iis etiam, qui ingenio certant, pauci sunt, qui propterea manibus etiam certare velint. Sic non adeo frequentes possunt esse casus, in quibus multi rem eandem adeo impetite appetant, ut ad eam sibi vindicandam, pugnae discrimen subire quisque paratus sit: tot enim, & tam varia bona Deus in hunc mundum effudit, ut probabile non sit, valde frequenter contingere posse, ut multi eidem rei inhiant: præsertim cum in statu naturali non multi simul habitarent, utpote qui mutuo civilis societatis vinculo colligati non essent. Non igitur generale, ac perpetuum, imo neque valde fortasse frequens in statu hominum naturali foret bellum. Præsertim quum eo in statu si magistratum metu ab aliis laceffendis nemo arceretur; ita nec tot tantæque suppetent alios ledendi incitamenta; quod nulla tunc foret status inæqualitas; adeoque nec divitiarum splendor, nec dignitatum eminentia, nec comitatus magnificentia, nec velium pompa, quæ modo aliorum animos irritant, malitiamque acunt, quod non pauci ea obtinendi desiderio æstuent; cumque

per bonas artes non possint, per malas assequi conantur. Sed sint vero, quoniam ita placet, in statu hominum naturali perpetes discordiæ, ac plurimorum dissidia: anne propterea bellum erit status naturalis? nil minus: hic enim non ex impetu passionum, sed ex rationis, qua homines sumus, regula dijudicandus est: qui rationi contrarius est status, is naturalis esse non potest; ut probatione sexta diximus.

Obiectio tertia. Ex natura humanarum passionum perspicue inferitur, naturam homines dissociavisse, & ad mutuum eadem aptos, inclinosque produxisse: idque experientia consentaneum est. Cur enim unusquisque quando iter ingreditur, comiter queris, armagestas? quando dormitum it, fores claudis, arces observas? qualem hic habet opinionem de concivibus, de vicinis, ac de domesticis? Nonne cautela ista genus humanum accusat, & hostilium cujusque erga alterum animum demonstrat? Sed quid necesse est doctis demonstrare id, quod ne cænes quidem ignorant, qui accedentibus oblatrant, interdum quidem ignotis, nocta autem omnibus.... Reges vero, & Personæ summam habentes potestatem omni tempore hostes esse inter se ex eo patet, quod alii aliis suspecti semper sunt, more sicut gladiatorio, armis, oculisque intentis, idem cautelis, & prædiis ad confinia collocatis, & exploratoribus in hostio latitantibus, quæ est conditio belli.... Americani, excepto quod per familias parvas legibus paternis subditi sunt, quarum familiarum concordia similitudine facta cupiditatum sustineatur, ita vivunt; mirum ut sit bellum omnium in omnes.

Responsio. Mirum, quod cautela, quibus cum privati, tum Principes utuntur, homini philosopho adeo manifestum errorem imponere potuerint. Cautelæ prudentis animi sunt: at omnes sibi hostes existimare est malignæ, & ferinæ indolis. Ad adhibendas merito cautelas satis est, quod quo animo comparati sint ii, quibuscum agendum est nobis, nescimus; & alias non ignoramus, in tanta multitudine hominum multos esse malos, & ad male facien-

Hobh.
Levieth.
Cap. XIII.

dum pro data occasione paratissimos^(a). Et Principes quoque cum ignorent, quid Principum vicinorum in corde vel eo tempore lateat, vel postmodum foveri possit, iustissime, & prudentissime *castra, & presidia ad consueta collocant*, & exploratorum vigilantia utuntur: neque hæc est *conditio belli*, sed prudentis cautelæ: ac nonnisi summa cum injuria in Principes, illis adscribi potest animus semper *hostilis*, & ad ceteros invadendos, & dum fieri possit, subji-ciendos paratus. Profecto *Hobbesius* pestime de Imperantibus omnibus meritus est, quod adeo pravam de illis opinionem & in se foverit, & aliis insinua-re conatus est.

Quoad *Americanos* attinet, (nam, quod ait de *Canibus*, indignum respon-sione est) eos in bello omnium contra omnes vivere, temere affirmat *Hobbesius*; cum eorum plurimos satis mi-tis indolis esse prodant eorum regionum historiarum. Nos etiam specimen eorundem *pietatis, humanitatis, & mansuetudinis* jam innuimus probatione octava. Falsum item est, tantummodo per *familias* ipsos vivere, cum certum sit in aliquibus eorum pagis, haud modicam incolarum multitudinem simul habitare; quodque magis est, de *Irro-chenfibus* populis Americæ Septentrionalis alias ferocissimis viri fide digni re-ferunt, eos in summa libertate, & in-tegra unius ab altero independentia, & nihilominus in magna tranquillitate vi-vere; tametsi frequentia, & sæpe in-justa, cum aliis populis bella gerant. De *Groenlandis* in naturali statu, & pa-cifice viventibus vide Caput sextum hu-jus libri. Unum addo, *Hobbesium* ve-hementer falli, dum tanquam explora-tum sumit, easdem, æqualesve passio-nes, & vitia in statu naturali vigere debuisse, quæ vigent in statu civili, & quæ ipse in *Angliis* suis turbulentissimo

tempore observavit. Hoc certum non est: quin videtur eo in statu multomi-nora esse debuisse vitia, eo quod in eo pleraque irritamenta passionum, & vi-tiorum incitamenta necessario absentes, ut infra dicitur. Quæ vel sola observa-tione corrui præcipuum *Hobbesiani* com-menti fundamentum.

Objeccio quarta. S. Thomas eandem ac *Hobbesius* de bello omnium in omnes in statu naturali sententiam propugna-vit, ut colligitur ex I. 3. q. 95. ar. 1. & ex ejus lect. I. in lib. I. Politicorum Aristotelis: igitur ea vel in obsequium erga tantum Doctorem, saltem tan-quam *absurda* rejicienda non est.

Responsio. Hæc objeccio, quam ab uno tantum, vel altero instructam re-perio, mea quidem sententia, gravem Sancto illi Doctori injuriam infert: quandoquidem ipsum ab *Hobbesiano* hoc errore quammaxime abhoruisse osten-dunt varia, quæ statuit, principia ei-dem errori plane contraria. Hujusmodi sunt, (1) *similitudinem præsertim in na-tura*, esse causam amoris; ad amorem vero consequitur pax, non bellum. (2) *Naturalem inclinationem inesse cuiuslibet homini ad hoc, quod agat secundum ra-tionem, quod est agere secundum virtu-tem*: colere autem pacem, & abhorre-re a bello est secundum rationem, & abhor-re secundum virtutem. (3) *Omnia natura-liter pacem appetere*: & illos etiam, qui bella querunt, & *diffensiones*, non *b. ad 1.* *desiderare nisi pacem*. Sentit ergo S. Do-ctor, naturam hominis in pacem incli-nare; atque ideo statum hominis natu-rale non esse bellum.

Quoad vero duo illa, quæ opponun-tur, loca, nescio quibus verbis nitatur objeccio; quandoquidem, qui eam in-struunt, nulla proferunt verba, loca so-lum indicare contenti. Cum tamen pri-mo in loco hæc habeantur: *Disciplina cogens metu parva est disciplina legum*:

(a) Si cautelæ satis sunt ad genus hu-manum accusandum, ut ait *Hobbesius*, & ad hostilem cuiusque erga alterum animum demonstrandum; inde inferri potest in sta-

tu civili vigere statum belli omnium in omnes; quandoquidem etiam nunc ejus-modi cautelæ generatim adhibentur.

unde, necessarium fuit ad PACEM, & virtutem, quod leges ponerentur; quid ni primus objectionis hujus auctor putare posuit consecutione quadam, S. Thomam sensisse, nullam fore pacem, sed perpetuum universale bellum, sublata disciplina legum metu cogentium; quæ disciplina in statu naturali locum nullum haberet. At perspicuum est eum percurrenti S. Doctoris articulum, ipsum legum metu cogentium necessitatem adstruere non ex eo, quod omnes, sed ex eo quod QUIDAM propterea inveniuntur, & ad vitia prona, qui verbis de facili moveri non possunt; & quia QUIDAM male dispositi non ducantur ad virtutem nisi cogantur. Nil igitur hinc in Hobbesianæ de bello omnium in omnes opinionis favorem colligi potest.

Quoad alium locum attinget, ego quidem integram lectionem illam accurate legi, expendique; sed nihil neque in Aristotelis textu, neque in commentario S. Thomæ deprehendi, quo velin speciem Hobbesiana causa juvari possit. Ait quidem eo loci Aristoteles, eum, qui apud sine Civitate est, seu extra civilem societatem, esse voracius cupidum belli; sed id limitat ad eum, qui talis est à dia fortune & à dia fortune natura sua; non casu, aut fortuna; seu, ut explicat Angelicus, qui habet ut non sit civilis propter naturam, cum scilicet hoc contingit ex corruptione nature humane: non vero si non sit civilis propter fortunam, ut qui sunt expulsi de civitate, vel propter paupertatem necesse habent excolere agros, aut animalia custodire &c. Addo ego, vel qui vivunt, ubi nondum est inventa civilis societas, seu nondum Civitas est constituta: ut, exempli gr. in Nova Groenlandia &c. Ait etiam Aristoteles ibidem, hominem separatim a lege, & iustitia animal esse voracius & a dia fortune naturam, qui sine virtute est, esse avorsum & a dia fortune naturam scelestissimum, & immanissimum: iustitiam vero esse εὐνομίαν, quidpiam politicum; quatenus scilicet homo reducitur ad iustitiam per ordinem civilem, ut exponit S. Doctor: nempe per

institutionem ad virtutem, & paucarum metu; quæ in statu civili locum habent. At nemo qui sapit, ex hoc inferat, Aristotelem, & S. Thomam existimasse, coli non posse iustitiam, virtutemque etiam extra statum civilem; cum uterque procul dubio admiserit in homine quædam potentias appetitus naturalem inclinationem ad virtutem; quod eodem loco habet Aristoteles, & in plurimis aliis S. Thomas; sed præsertim 1. 2. q. 94. a. 3. Plura addere necesse non est, ut hujus objectionis vanitas demonstraretur.

CAPUT II.

Status hominum naturalis non est ex pace belloque confusus, ita tamen, ut ad bellum magis inclinet; quemadmodum vult Thomafius: sed absolute pacificus est, solumque per accidens bellicus.

Mentem suam explicat Thomafius in Fundam. Juris Nat. & Grm. l. 2. c. 1. h. 51. his verbis: status naturalis hominum omnium, accurate loquendo, nec status belli est, nec status pacis, sed confusum chaos ex utroque; plus tamen participant de statu belli, quam de statu pacis. Deinde subdit: sic mediam teneo viam inter Hobbesianos, & Scholasticos Aristotelicos. Hæc media Thomafii sententia his refelli potest argumentis.

Primo. Status hominum naturalis proprie, & absolute pacificus est, solumque per accidens bellicus, si naturalis ratio dicet, pacem per se appetendam esse, bellum vero non nisi per accidens suscipiendam. Ita porro se rem habere satis perspicuum est. Nam pax per se bona est, quippe quæ maximam utilitatem, jucunditatemque eam colentibus affert: ex opposito bellum summopere perniciosum est, atque molestum; eaque tantum ratione interdum est utile, quatenus ad pacem, securitatemque obtinendam expediens, ac necessarium esse cognoscitur: nam belli finis est pax.

Secundo. Prima bellorum origo sunt humanæ passiones in appetitu inferiori, five

In resp.
ad 1.

Fun-
dam. Ju-
ris Nat.
& Grm.
l. 2. c. 1.
h. 51.

sive animali fundatæ, quæ contra rationem insurgunt, & prævalent. Dixi *primam originem*: nam etiam recta ratio bellum imperare, & indicere potest; non tamen absolute, sed solum in hypothefi, quod illata fuerit injuria, vel alia suppetat bellandi legitima causa. At vero pacem per se dicitur, & præcipit ratio ipsa, seu nobilior hominis portio. Porro id, quod originem ducit ex parte hominis nobiliore, ejusque propria, atque specifica, potiori jure dicendum est homini *naturale*, quam quod oritur ex parte inferiori, eaque rebelli, seu quæ non subijcitur, cui subijci deberet, nempe rationi.

Tertio. Si homo in statu etiam naturali positus æqua lance perenderet, quid sibi ex supremi Numinis voluntate magis esset eligendum, facile intellexeret, voluntatem Dei esse, ut, quantum in se est, pacem servare studeat; bellum vero non nisi per accidens, & quodammodo invitatus assumat: igitur status hominum naturalis absolute pacificus, solum vero per accidens bellicus censendus est.

Objection. In hominibus sunt equidem *tenia* quædam *pacis semina*, ob quæ ad pacem non sunt plane inepti, si *educantur debite a potentiis externis*, seu si externæ faveant circumstantiæ: at experientia constat, eos multo acrius tum internis stimulis ambitionis, invidiæ, avaritiæ &c., tum externis offensarum, & injuriarum irritamentis ad bellum summe indefinenter incitari: magis igitur ad bellum, quam ad pacem ii, si in naturali statu spectentur, propendunt.

Responsio. Quæ *tenia pacis semina* vocat Thomasius, ea proprie ad hominis naturam pertinent; sunt enim rectæ rationis dictata. Stimuli vero interni, & externa irritamenta ad bellum sunt pessimi corruptionis per peccatum illatæ, & inde orti abusus libertatis fructus: qui quamvis acra sint ad bellum irritamenta; illud tamen, si rationi pareatur, extorquere non possunt: nec ea pacis semina, ut ut velis *tenia*, ita obruere valent, quin ea possint, ac debeant, hominum arbitrio ad rectam nor-

Tom. I.

nam composito, fructificare. Hinc pax erit semper homini naturalis, bellum vero nunquam, nisi per accidens; quum videlicet non passionibus incitantibus, sed ratione imperante suscipitur.

Neque vero dixeris, hanc humanæ naturæ corruptionem, quæ in medium affertur, non naturali ratione, sed divina tantum revelatione manifestam esse: a qua tamen abstrahendum sit ei, qui jurisprudentiam mere naturalem explicandam assumit.

Nam respondeo (1) naturæ nostræ corruptionem etiam naturali rationi non esse penitus imperviam: quandoquidem Philosophi non pauci eam aut suspicati sunt, aut ratam habuere, licet veram causam ignorarent. (2) Ex quocunque capite nobis veritas illucescat, excipienda a nobis est, etiam in tradendis naturalibus disciplinis, ut supra diximus. Et sane perabsurdum est, veritati falsitatem substituere, propterea quod ea naturali oculo percipi non possit. Ut summum tunc hypotheticè loquendum, videlicet quantum a ratione sibi relicta investigari potest; vel naturalis ratio indaganda, quæ cum veritate ipsa cohereat: cujusmodi in casu nostro foret ea, quam nos supra innuimus, videlicet quod passionis & vitia quæ bellum parere solent, non proprietates naturales sunt, sed meri naturæ defectus, quia sunt contra rectam rationem, ac, ut par est, non eidem subiecta.

C A P U T I I I.

In statu hominum naturali fuisse unicuique jus in omnia, absurdissimum est Hobbesii commentum.

Id disertè docet Hobbesius his verbis: *Natura dedit unicuique jus in omnia; hoc est in statu mere naturali, sive antequam homines ullis pactis sese invicem obstrinxissent, unicuique licebat facere quæcumque, & in quoscunque libebat, & possidere, uti, frui omnibus, quæ volebat, & poterat.* Docet etiam, in eo statu potuisse quemlibet de re omni dicere: hoc meum est, Hujus ab-

De Civ.
c. I. §. 10.

X surdi.

Thom.
loc. cit.
§. 36.

ferditatem doctrinæ sequentes rationes evincunt.

Prima. *Jus esse omnibus in omnia* a pertam contradictionem involvit. Nam jus unius in rem aliquam necessario jus aliorum in rem eandem elidit. Qui enim jus habet in aliquid, ab ejus usu impediendi sine injuria non potest; & tamen si omnes jus verum in rem aliquam habeant, absque injuria poterunt usum ejusdem rei alteri præpedire. Igitur contradictorium est, inesse omnibus jus in omnia.

Secunda. Si in statu naturali jus omnibus in omnia competere, iis collatum fuisset ab aliquo. A quo vero? a natura, inquit Hobbesius. At natura illud conferre non potuit, tum quia implicat contradictionem, ut diximus supra; tum quia esset, vel ipso Hobbesio fatente, frustraneum: *juris effectus* (ait ille) *idem pene est, ac si nullum omnino jus existeret: quamquam enim quis de re omni poterat dicere: hoc meum est; frui tamen ea non poterat propter vicinum, qui equali jure, & equaliter pretendebat, idem esse suum.* At non frustraneum modo, verum etiam perniciosum hominibus jus illud fuisset; quippe quod rixas perpetuas, jurgia, atque discordias, & rursus bellum universale, atque continuum, proinde & innumera incommoda, imo omnium fere hominum interfectionem parere debuisset. Neque hoc vel ipse diffitetur Hobbesius: imo ex hoc capite errorem suum, quem in prima propositione confutavimus, derivavit, videlicet statum hominis naturalem esse *bellum omnium in omnes*.

Tertia. Cum nihil a natura sit, quod non sit etiam ab Authore naturæ, sequeretur, hujusmodi *jus omnium in omnia* a Creatore Deo fuisse hominibus datum: hoc autem evidentissime pugnat cum ejus bonitate, sapientia, providentia &c.

Quarta. Juxta principia Hobbesii non aliud jus hominibus in statu naturali conveniret, præterquam quod ex jure sese conservandi confurgeret; neque enim is eo in statu aliud juris principium

agnoscit, neque aliam *mensuram juris* præter utilitatem, ut dissentissime asserit. At non omnia in eodem statu ad cujusque conservationem necessaria erant; imo neque utilia: sive ob omnimodam superfluitatem, postquam scilicet quis ea omnia, quibus ratione aliqua frui possit, occupasset; sive ob impossibilitatem, ut omnia caderent sub cujusque dominio.

Quinta. Arrogare sibi jus in omnia est contra rectam rationem, ut & ex dictis perspicuum est, & adhuc probari potest; quia nonnisi insanæ ambitionis, aut impotentis avaritiæ, aut intolerabilis invidiæ id esset: ergo censendum non est hujusmodi jus in omnia concessum cuique a natura fuisse.

Sexta. Huius sententiæ falsitatem clarissime demonstrant plura, & gravissima absurda, quæ sequuntur, & quorum pleraque deducit Hobbesius ipse. 1. enim ex hoc principio colligit ille, *statum hominum naturalem, antequam in societatem coiretur, bellum fuisse*: quia eo posito, alter jure invadit, alter jure resistit, ex quo orirentur omnium adversus omnes perpetuo susceptiones &c. 2. unicuique jus in omnes regnandi ipsi Naturæ coævum fuisse; quia per naturam jus erat omnibus in omnia. 3. impossibile tunc fuisse, alienum invadere: etenim nihil alienum erat, quia Natura omnibus dedit. 4. Concubitus omnes fuisse licitos, quia omnia erant communia. 5. licitum fuisse occidere, quia status erat belli. 6. Potuisse unumquemque honorare, vel non honorare, prout libuisset, parentes suos; quia tunc omnia proprio cujusque iudicio definita erant, ideoque honores etiam paterni. Plura alia prætermitto absurda; nam hæc satis produnt, quam sit absurdum principium, unde fiunt.

Obiectio prima. In statu naturæ cuique jus erat omnia facere, & possidere, quæ ipse ad sui conservationem necessaria esse judicabit: At quisque judicabit, ad sui conservationem necessarium esse omnia possidere, & omnia facere contra omnes: igitur in statu naturali cumque jus est in omnia contra omnes.

Ad

Loco cit.
§. 11.

ib. §. 11.

ib. Cap.
V. §. 5.

ib. Cap.
XIV. §. 9.

Cap. 3.
§. 12.

In nota
ad Cap. I.
§. 10.

Ad hunc Syllogismum revocat *Ricardus Cumberlandus* in suo Tractatu philosophico de *Legibus naturalibus* præcipuum hujus, quod refellimus, *Hobbesiani* commentum fundamentum. Et quidem hujusce syllogismi propositionem majorem ipsis, quæ nos expressimus, verbis, tradit *Hobbesius*. Eam vero sic probat: *Unicuique est jus se conservandi: eadem ergo jus est, omnibus uti mediis ad eum finem necessariis: (non jus ad finem dat jus ad medium necessaria). Media autem necessaria sunt, quæ ipse talia judicabit: jure namque naturali quisque est iudex mediolorum ad sui conservationem: si enim contra rectam rationem sit, ut de proprio periculo ipse iudicem, iudices alius: quoniam igitur alius iudicat de iis rebus, quæ ad me spectant, eadem ratione, quia equalis nature sumus, iudicabo de iis rebus, quæ ad ipsum spectant. Itaque recte rationis, hoc est juris naturalis est, ut ego de illius iudicem sententia, scilicet, an ad conservationem meam conducatur, necne. Eidem ergo licet omnia facere & possidere, quæ ipse ad sui conservationem necessaria esse iudicabit. Minorem vero propositionem non probat, imo nec exprimit *Hobbesius*: sed clarum est, inquit *Cumberlandus*, eam subintelligendam esse; aliter conclusio ex illa maiore haud sequeretur.*

Responsio. Ambæ obiecti syllogismi propositiones præmissæ falsæ sunt. Et quidem falsitas minoris propositionis se ipsa evidens est: quis enim ita desipiat, ut, quod evidentissime falsum est, verum iudicet? constat siquidem experientia, posse paucis conservari cuiusque vitam. Quod si quis vel amentissimus, omnia ad sui conservationem necessaria esse existimet; anne ex stultissimo esse iudicio jus ei ullum acquireretur? Non puto, vel *Hobbesium* ipsum id dicturum. Anne vero asseret, huiusmodi iudicium secundum rectam rationem esse? At si hoc dicit, sibi utique contradicit; quoniam paulo ante affirmaverit, nonnullos quidem secundum aequalitatem naturæ permittere cæteris omnia quæ sibi, quod modesti hominis est, & vires suas

recte assumentis. Non igitur omnes sibi omnia arrogat: & si qui sibi non omnia arrogat modesti homines sunt, & vires suas recte assument; immoderati ergo sunt, & perverse iudicant alii, qui sibi arrogant omnia. Sed sit, ut placet, horum etiam iudicium secundum rectam rationem: re igitur ipsa, quandoquidem rectum iudicium falsum esse non potest, rerum omnium usus, & fructus, & quidem eodem tempore, & iuxta varias, ac multiplices hominum voluntates, ad cuiusque conservationem necessaria sunt; sicque res quæque eodem tempore infinitis diversissimis, ac contrariis quoque motibus eieri deberet, ut cuiusque usui interserviret, omniumque voluntati obsequeretur: quo quid absurdius dici potest?

Major vero æque falsa est: pendet illa ex eo, quod antea *Hobbesius* statuerat, unumquodque jure naturali esse iudicem mediolorum ad sui conservationem necessariorum; ex quo deducit, habenda esse pro necessariis ea, quæ ipse talia iudicat: dixerat vero antea, jure naturæ fieri, & haberi, quæ necessario conducunt ad tuitionem propriæ vitæ, & membrorum: at hoc quidem non semper verum est: neque enim majus aliquod bonum, v. g. animæ salutem, & Dei gloriam licet unquam negligere; quamquam hoc interdum necessarium foret ad propriæ vitæ conservationem. Illud vero falsum est absolute: utut enim admittere velimus, in statu naturæ esse unumquodque iudicem competentem mediolorum, quæ ad sui conservationem necessaria sunt (quod non est usquequaque verum): quid inle ad jus omnibus in omnia asserendum? quum constet, etiam sententiam iudicis, si falsa sit, (potuisse autem esse falsam in statu naturæ, quis neget?) nec ullum jus conferre, nec rerum naturam mutare posse. Iudicet ergo quis, esse aliquid necessarium, quod re ipsa necessarium non est, non propterea evadit necessarium, quod inutile aut nocuum est. Perperam igitur tale iudicium satis *Hobbesio* videri potuit ad jus eo ipso cuique in rem quamlibet asserendum. Equidem in sta-

tu civili supremi sententia judicis, etsi quandoque erronea, satis est, subditorum respectu, ad jus in rem aliquam alicui tribuendum: sed hoc exigit bonum publicum ad finem litibus imponendum, in eoque subditorum consensus adesse præsumitur: quæ ratio in statu naturali locum habere non potest. At Principis cujusque sententia profecto non potest efficere, ut quidpiam, quod vel nocuum est, vel inutile, vel impossibile, servandæ vitæ necessarium reddatur. Est ergo putidissimus error, illud esse censendum servandæ vitæ necessarium, quod tale esse ipse judicaverit.

Obiectio secunda. Antequam consensus hominum rerum divisio fieret, omnia erant communia: ergo tunc habebant omnes jus in omnia.

Responsio. Communitas rerum, quam extitisse Auctores admittunt ante divisionem rerum, nil faveat *Hobbesio*: ea enim *negativa* erat tantummodo, quatenus res nondum peculiari domino essent subiectæ; non vero *positiva*, ut quicque jus, seu verum dominium haberet in omnia; quod vult *Hobbesius*. Quamquam probabilis quoque altera est sententia, quæ pecuniaria dominia ex Dei ipsius determinatione primis facta hominibus, orta esse, adeoque & tempore Adami viguisse contendit; ut rationibus non contemnendis vult *Joannes Salde-*
LIB. II.
Cap. IV.
mus in opere, cui titulum fecit *Mare clausum*. Si admittatur opinio istæ, omnis hac de re cavillandi ansa eripitur iis, qui tueri cupiunt *Hobbesii* sententiam.

CAPUT IV.

Status naturalis a J. Jacobo Rousseau dicitur absurdissime esse status hominis sylvestris, ac solitarii, belluinoque more viventis. Perperam etiam statum idem exprimitur a Pufendorfio fictitious hominis utique & undecunque in Mundum projecti, sibi plane relicti. Status naturalis est status domesticus.

Omnes Jacobus Rousseau, vir hoc tempore notissimus, sed qui vulgo pessime audit, de statu naturali hominis fuse disserit in opere, quod elucubrat de origine & fundamento inæqualitatis inter homines (a). In eo ita describit hominem in statu naturali constitutum, (quem quidem statum & originarium vocat & primitivum:) *Animal, ait, imbecillius quidem, quam nonnulla alia, aliis vero minus agile; at hominem compensentur, perfectioribus, quam cetera animalia, organis instructum. Hucusque nihil exhibet præter animal: conveniunt reliqua. Illius vitæ summam ita proponit: Si ego hominem considero, prout e manu nature prodire debuit, non aliud video quam animal quod cibum caput sub querens, potum ad primum aquæ rivum, quietam nocturnam sub ipsa arbore, quæ visum illi suppeditavit: quo eius necessitatibus jam satisfactum est. Eximius profecto ac præclarus naturalis hominis status! At homines hoc in statu non soli erant omnino, sed cetera quoque animalia aderant, inter quæ sparsi (pergit noster philosophus) *conservant* (videlicet velut magistros a Providentia sibi datos) ipsorumque imitantur industriam, & sese elevant ad instigum bestiarum: avara nimirum natura etiam ipsum instinctum, quem aliis bestiis omnibus concesserat, primis illis hominibus denegavit! Fuit vero acquisiti*
Pag. 211.
bu.

(a) Hujus operis gallice conscripti titulus est: *Discours sur l'origine, & les fondemens de l'inégalité parmi les hommes.*

Par J. Jacques Rousseau. A Amsterdam MDCCLV.

hujus instinctus hic fructus, ut homo se se aleret omnibus ferme variis iis cibis, quos cetera animalia inter se partiebantur; sicque singuli eorum facilius unde viverent, reperirent. Ceterum, (prosequitur ille) homines isti *systoefreres* (sic huic Philosopho illos homines primitivum placet appellare) rigidiore vivendi ratione maximum sibi robur corporis compararunt, quo validissimum temperamentum potuerunt in filios transfundere: frequenti vero cum bellis, inter quas versabantur, dimicatione aequae ac pleræque earum, feroces evaserunt. Subdit vero, eorundem sanitatem morbis tentatam fuisse nunquam, aut raro: nam & nos ipsi omnes facile ægri-

Pag. XXV

tudines evitarem, inquit, si simplicem, si uniformem, si solitariam vitam, cuiusmodi nobis a natura præscripta est, duceremus. Addit: Si natura ad sanitatem nos destinavit, jam certo affirmare auserim, Reflexionem esse statum contranaturam, ac hominem, qui meditatur, esse animal depravatum. Ex quo colligit, infirmitates esse una cum societatibus multiplicatas, adeo ut illarum historia bistoriam societatum proxime sequatur.

Pag. XXV

Functiones vero, operationesque hominis in hoc statu sylvestri ita describit: Homo *systoefreres* inciperet a functionibus mere animalibus. Percipere & sentire primum illius statum constitueret, qui ceteris quibusque animalibus communis est. Velle & nolle, desiderare & timere primæ essent, & fortassis unica ejus animæ operationes, quousque nova circumstantia novas causerent evolutiones. Paucis vero interjectis subdit: Homo *systoefreres* quovis lumine destitutus nihil desiderat, nisi ex more impulsu naturæ: ejus desideria physica indigentiarum non excedunt. Alia non agnoscit in hoc universo bona, nisi cibum, famem, & quietem: nec alia timet mala præter dolorem & famem. Hinc, omnia illum a tentatione, & mediis statum suum mutandi removere videntur. Nam ejus imaginatio nihil ei repræsentat; cor ipsius nihil exigit ab eo: ad manum habet id omne, quod medicis indigentis ipsius satis est; tantumque abest ab eo cognitionis gradu,

Pag. XL

Pag. XLII

qui ad plura, & maiora consideranda requiritur, ut neque providentiam ullam habere possit, neque curiositatem. Ejus animus quippe qui a nulla re commoveatur, vacat unice sensui præcipue existentiæ absque ulla idea futuri quantumvis proximi: ejusque cura vix ad unius diei terminum extenduntur. Talis est homo juxta Rousseau in statu suo naturæ & primitivæ, qui quantum dillet a belluino per sese liquet.

At illud mirandum quammaxime, quod hunc statum magnopere commendat, & præ sociali, civilique velit esse optabiliorem: nam imprimit felicitatem illius prædicat & extollit. Et quidem negat primo, statum hunc sylvestrem, ac rudem dici posse miserum; alioqui, inquit, quum homo ex eo statu non nisi post multa secula egredi potuerit, repræhendenda esset natura, quæ illum in eo constituit. At non profecto natura reprehendenda foret (novimus siquidem, naturam, seu potius Auctorem naturæ longe diversum, ac sibi confinxerit Rousseau, hominem condidisse); sed ejus damnanda est sive Thesis sive hypothesis, quæ ponit, hominem ita e manu naturæ prodire debuisse. Subdit vero Rousseau: Quum infelicitas nihil aliud significet, quam privationem, quæ dolorem adferat, molestiamque, sive corporis sive animi; explicari non potest, quo genere miserie angatur ille, cuius contrarium quillum est, & corpus sanum. At parva ne miseria huic Philosopho videtur, hominem vivere in statu belluino, rationis usu carere; & quum præstantissima natura donatus sit, tamen quoad functiones, operationesque suas nihil a brutis animantibus differre? Nihil tamen hæc Rousseau movent; quinimo Brutis irrationalitatem ipsam, seu omnimodam ratiocinandi impotentiam videtur invidere. Nam hominis perfectibilitatem deplorat (quæ scilicet progressu temporis potest ad ratiocinationem pertinere), velut fontem omnium malorum, quibus homo obnoxius est; & quod ea sit, quæ longo post tempore hominem ex statu ejus originario aduxit, in quo ipse dies suos tranquillos, inno-

Pag. 44

Pag. 17

cen-

centesque decurrebat: quod quum ait *Rousseau*, minime profecto animadvertit, summa se ingratitude reprehendere naturam, *se* potius naturæ Auctorem, qui hominem non modo perfectibilitate donavit, sed immo condidit in statu perfecto. At *Rousseau* ipsam sylvestris sui hominis stupiditatem autumat esse *originariam felicitatem*: quare putat, non posse tanquam beneficium non laudari (*tametsi id dictu mirabile videatur*) qui primus *Accolas riparum Oronoquii fluvii docuit usum cujusdam aquæ, quæ infantium temporibus admota in tuto ponit saltem ex parte, ipsorum mentis imbecillitatem, & FELICITATEM ORIGINARIAM*. Proh! quam stupida philosophia hæc est, quæ mentis imbecillitatem, stupiditatemque habet *originariam felicitatis loco*! Fatendum tamen, eum haud omnino immerito videri posse beneficium, qui istiusmodi aquas quorundam infantum temporibus admovent; eorum videlicet, qui mentis acumine ad suaviorumque perniciem sunt abufuri.

Ceterum non felicitatem solummodo, sed & bonitatem sylvestri suo homini tribuit *Rousseau*. Homo (inquit p. 225.) *est naturaliter* (seu in statu naturali) *bonus*; idque putat se demonstrasse ea præsertim ratione, quod quum eo in statu liber foret homo ab irritamentis passionum, & alioqui omni lumine careret; tranquillitas ipsa passionum (p. 73.) & ignoratio vitiorum cum a malis operationibus removeret: vividusque commiserationis sensus, qui in hoc homine maxime vigere debuit, *vires legis, consuetudinis, virtutumque omnium eo in statu obiret* (p. 80.) atque ab omni inferenda iniuria suaviter avocaret. Demum, ut alia præteream, quæ in commendationem sylvestris hujus, ac beluini status congerit *Rousseau*, eidem *castitatem, venerationemque simplicitatem* adscribit (præf. pag. 66.) quo profecto illius status amore se captum prodit, ut ferre dolere videntur, eo quod amens vel bellua natus non sit, ut perpetuo *originaria illa felicitate* gauderet. Licet vero quam falsa, quamque ab-

surda sit hæc sententia, ex sola fere ejus expositione satis intelligatur; præstat nihilofecius, id data opera demonstrare, ut nemo ab eo se seduci patitur; neque ei accidat id., quod legenti hunc librum *D. de Voltaire* evenire affirmat, ut scilicet *eum cupidus incedat gradiendi quatuor pedibus*. In epis. ad ipsam.

Igitur statum hominis naturalem in hujusmodi sylvestri, animali, ac beluina vita absurdissime ab hoc Auctore constitui hisce rationum momentis planum facio.

Primo. Status naturalis hominis idem est, ut vult vel ipse *Rousseau*, ac *primitivus & originarius*, seu qualem is, quum *primum* esse cepit, & in sua origine habuit, & qualis *concepitur* pro-Pag. XIV. *dire debuisset*, juxta illius phrasim, e manu natura. At vero certissimum est, hominem *primitivum*, seu in sua origine non talem fuisse, qualem ipse describit; nec talem debuisset e natura prodire. Horum primum patet ex sacra atque certissima, quam habemus, conditionis ejusdem historia; ubi qua ratione cum quoad corpus, tum quoad animam fuerit conditus, enarratur; indicaturque, quibus jam tum facultatibus fuerit instructus. Quum vero nulla alia natura fingi possit, e cujus potuerit manu prodire, præterquam ipsemet conditor Deus, qui *natura naturans* dici solet; idcirco plane absurde dicitur, aliter debuisset hominem a natura prodire, ac reipsa e Dei manu prodierit; & alium esse naturalem illius statum, ac ille, in quo ipsum Deo placuit constituere (si dona tantummodo supernaturalia demas); qui certe non fuit status mere animalis, ferinus, atque *sylvestris*, qualis confingitur ab hoc Scriptore.

Secundo. Quum hominis natura duplici confister parte, nempe *animalitate, & rationalitate*; & illam quidem cum brutis animantibus communem habeat, ex hac vero speciem sortitur suam; prorsus absurde status ejus naturalis mere animalis esse statuitur & beluinus.

Tertio. Temere asseritur, statum a-

liquem esse naturalem, seu hominem e manu naturæ talem debuisse prodire, ni prius conset, quænam sit, quæ ipsum produxerit, naturæ; ac qualem proinde ipse homo habeat originem; atqui hoc non explicat *Roussseau*, nec explicare potest: ergo temere affirmat, statum hominis naturalem esse *sylvestrem* & *solitarium*, qualis scilicet satus fuisse concipitur, si e terra sponte sua fungorum instar, emerisset. Enimvero ventili Gentiles, qui hominem initio brutum, mutumque fuisse putaverunt, hoc plane modo existimant, primam originem sortitam esse: unde est illud *Horatii*: Cum præpererunt primis animalia ferris, mutum & turpe pecus &c.

Quarto. Si homo, qualis conditus est a Deo, non fuisset in statu suo naturali, ut contendit *Roussseau*, id esset ipso auctore, idcirco quia Deus eidem alia præter naturam indidit dona, nempe expeditam ratiocinandi facultatem, seu ideas ad cognoscendum & ratiocinandum necessarias, ac præterea conditoris sui, aliarumque rerum notitiam; itemque facultatum loquendi &c. At hæc hominem minime potuerunt e statu naturali extrahere (a), quam ea omnia perfectio ejus statui convenientia essent, consentanea, ac debita; quæ proinde non ejus statum naturalem in *artificialem*, ut contendit *Roussseau* mutarunt, sed ipsum statum ejus naturalem compleverunt. Homo igitur in statu animali, atque sylvestri in statu quidem naturali esset, sed imperfecto; & sane imperfectiore, quam is, in quo modo nascuntur infantes: hi siquidem parentes habent, qui eos nutriant, instruantque, & ad perfectum statum perducant; & vero illi educatores & magistros habent nullos, nisi feras & bruta: a quibus re ipsa primos homines didicisse, ait *Roussseau*, quomodo, quibusque vellet possent, ne tamen perirent. At apud

ge statum hominis naturalem a *Roussseau* confectum, qui concipi nullatenus valet, absque maxima & summa in Naturam, seu Naturæ Auctorem injuria.

Quinto. Ille censendus non est status hominis naturalis, quo subsistente Naturæ Auctor frustraretur fine, quem in hominis conditione sibi præstituit. Hujusmodi porro est status naturalis a *Roussseau* descriptus: neque enim in eo potuisset homo Deum cognoscere, colere & amare, ad quem certe finem homo conditus est a Deo; utpote qui ad suam gloriam creavit omnia, quin nec ad alium finem creare quidquam potuit. Gloria autem Deo ex homine confugeret nulla, si is Auctorem suum cognoscere & diligere nequivisset: immo fuisset plane Deo indecorum condere hominem eo in statu, in quo aut nullo prorsus modo, aut post plurima duntaxat secula, & nonnisi postquam e statu naturali excessisset, eum cognoscere ac diligere valeret.

Sexto. Ita natura comparatus est homo, ut sese possit assidue perficere, quod & experientia ipsa compertum est, & a *Roussseau* non negatur; quin immo in hac ipsa *perfectibilitate* (si ita loqui fas est) constituit potissimum hominis a ceteris animantibus discrimen. Quam ergo natura hominem fecerit *perfectibilem*, ex præcui dubio peccasset, si illum in eo statu constituisset, in quo nequidem sibi comparare posset substantialem perfectionem, in eo repositam, ut mens sit proxime apta ad ratiocinandum; adeoque ideas habeat universales, ex quibus ratiocinium omne proficiscitur: ac præterea conceptus suos valet aliis communicare, sicque cum aliis suæ speciei individuis versari; ac proinde præcipua virtutum, quæ ad alios sunt, officia exercere. At vero in statu illo sylvestri ac solitario, quem esse naturalem, ori-

gi-

(a) Non nego Adamum fuisse per supernaturalia dona ad statum supernaturalem elevatum: sed tantummodo nego, ipsam e statu naturali eductum fuisse per

ea dona quæ sunt intra naturæ ordinem: cujusmodi sunt, quæ hic enumerantur, & de quibus res nobis est cum *Roussseau*.

ginarium ac primitivum *Rousseau* contendit, vel ipso agnoscente atque latente, aut nullo modo, aut difficillime, & nonnisi post multa secula, & datis tantummodo quibusdam circumstantiis, iisque *fortuitis*, quæ idcirco potuissent nunquam contingere, ideas comparare universales & abstractas, & linguas instituere valuisset. Ergo nonnisi prorsus absurde status ille esse naturalis affirmatur.

Hoc argumentum sic brevius colligo. Status naturalis hominis debet esse ille, in quo homo sit substantialiter perfectus quoad utramque sui partem, corpus nempe & mentem; atqui homo in statu solitario constitutus, erransque inter cetera animalia, posset utique quoad corpus perfici modo dicto, non vero quoad animam: non est igitur ille status hominis naturalis.

P. XXXIII.
XXXV.

Septimo. Homo etiam in statu naturali, nempe sylvestri ac solitario ipso latente *Rousseau*, esset liber, seu libere se ad agendum determinaret. At nulla potest esse libertas, ut communiter docent Philosophi, absque ideis universalibus: habuisset ergo etiam tunc ideas universales; igitur saltem ex hac parte non talis fuisset naturalis hominis status, qualis ab hoc Auctore configitur ac describitur.

Octavo. Quum modo vir naturali affectu feratur erga mulierem, & non tantum explendæ libidinis causa; sed etiam quia ejus societate oblectatur, ejusque adjutorio hanc potest minus ægre vitam transigere: quum etiam exploratum sit, modo genitores naturali quodam amore ferri in filios, eorumque necessitatibus prospicere, ex quo domestica oritur societas; jam plane absurdum est, etiam per hypothefim fingere, homines aliquando seorsim omnino in sylvis vixisse; virumque cum muliere nonnisi fortuitum habuisse congressum, ac expleta semel libidine, eam statim deseruisse &c. quæ de eo statu naturali fingit *Rousseau*.

Nono. Nulla verisimilitudinis specie statui potest, naturalem statum homi-

nis esse sylvestrem ac solitarium, rationis omnis, omnique cognitionis, præterquam sentientis, expertem, nisi prius constet, primos homines ita esse productos. At non ita productos esse, non solum historia sacra, sed nec ipsa Philosophia docet: si namque vel philosophice origo hominum consideretur, ea esse non potuit nisi per creationem, sive per productionem a Deo rerum omnium opifice. At a recta ratione prorsus alienum est credere, Deum hominem creare voluisse in statu adeo imperfecto, ut nonnisi animalem belluinamque per plura secula agere vitam posset; immo qui in multis inferioribus esset conditionis quam bruta animalia; hæc quippe variis instructa sunt instinctibus, quibus percita, quæ ad sui conservationem necessaria sunt, norunt ac persequuntur, & cetera, quæ ipsorum naturæ consentanea sunt, naturaliter præstant; at homo nec ipsos haberet naturales instinctus (nam juxta *Rousseau* brutorum tantummodo imitatione, quibus vesci posset, agnovit, & ad illorum instinctum se extulit); neque usa rationis polleret, qua sibi valeret consentanea providere. Dicendum est itaque, Deum attenta ejus sapientia ac providentia, hominem ita condere non potuisse, aut noluisse saltem; sed quemadmodum animantibus ceteris suos indidit instinctus, quibus dirigerentur; ita primum hominem donasse rationis usu, seu proxima & expedita cognoscendi ac ratiocinandi facultate, qua quæ suæ naturæ consentanea sunt, agere valeret: Ratio scilicet idem præstare debet in homine, quod instinctus præstat in brutis. Quemadmodum vero in brutis instinctus eorum naturæ superadditi, ea non extrahunt e naturali statu; ita perfectus rationis usus, quo donatus fuisse censendus est primus homo, eum extra naturalem statum nullatenus posuit. At non solo rationis usu primum donasse hominem censendus est Deus etiam si philosophiam tantummodo consulamus; sed etiam una simul vel paulo post condidisse formam, sociamque

ei dedisse; quo posset genus propagare: atque adeo minime dubitandum, primum hominem fuisse a Deo in societate domestica constitutum; adeoque societatem domesticam esse statum hominis naturalem; quo posteris prospectum est: quum enim ii & imbecilles oriri deberent & actuali ratione destituti, illis plane necessaria erat domestica educatio, qua tum corpore, tum mente possent adulescere, roborari & ad statum homini convenientem pervenire. Ita quidem gerere se debuit summus & sapientissimus Opifex: quod si vero Natura aliter hominem formare potuit aut debuit, edidit nobis *Rousseau*, quænam sit illa Natura a Deo Auctore naturæ distincta, e cujus manu sylvestris homo prodire debuerit?

Decimo. Quam Natura homini indiderit ratiocinandi præclarissimam facultatem; dubitandum non est, ejusdem Naturæ intentionem fuisse, ut hæc eximia facultas, qua homo tum ceteris animalibus præstat, tum ab iis potissimum differt, in actum prodiret & eumperet; quæ nanque plane inutilis ea facultas, quæ suo destituitur actu: & alioqui natura frustra nihil operatur. Qui ergo fieri poterit, ut censeamus, eandem Naturam, quum sudit primum hominem, eum posuisse in statu sylvestri ac solitario, in quo is per multa secula, ut sentit *Rousseau*, sola sensatione omnibus animantibus communi, uti deberet; & nunquam, nisi quibusdam fortuitis circumstantiis positis (quæ potuissent nunquam contingere) posset ratiocinari. Ita ne a scopo putabimus aberrasse naturam? Ita ne cæcam esse, ut a *Rousseau* fingitur? At non ita certe cæca & improvida potest esse *Natura naturans* seu Auctor naturæ, e cujus tantummodo manu prodire potuit homo.

Addo: Si naturæ intentio fuit, quemadmodum dubitari non potest, ut homo non otiosa duntaxat ratiocinandi facultate brutis animantibus emineret, sed ut ea etiam ad exercitium sibi proprium deduceretur; quis non videat,

Tom. I.

absurde prorsus limitari statum hominis naturalem ad hominem ratiocinationis expertem. Id enim perinde esset, ac si quis diceret, arborem in statu naturali esse foliis ornatam; in eoque non esse, quum jam est fructibus onusta. An non ille status, qui intenditur per se a natura, naturalis censendus est?

Denique, ut habeatur status hominis naturalis, docente *Rousseau*, considerandus est homo prout prodire debuit e manu naturæ. At vero ita considerari non potest homo, nisi quænam sit hæc natura opifex innotescat: pro diversitate enim hujuscemodi Naturæ opificis, aut cæcæ, & necessariæ, vel sapientis, providæ, ac liberæ, diversis instructus dotibus prodire homo potuisset, ac debuisset concipitur: non est igitur explicandus ac determinandus status hominis naturalis, ac primitivus, nisi per ordinem ad ipsam naturam: quod quum non præstet *Rousseau*, temere statuit, hominem in statu sylvestri, ac solitario e manu naturæ prodire. Si enim hæc natura & provida est & sapiens, (cujusmodi certe sit oportet, cum non alia sit, quam ipse Deus omnium opifex, qui idcirco *natura naturans* dicitur,) ab ea homo prodire non potuit in statu a *Rousseau* excogitato: si vero asserat, naturam esse cæcam ac necessariam; primo, unde novit hominem talem, hoc est sylvestrem ac solitarium, ab hac natura prodire? deinde si talem admittat naturam, eo ipso incidit in Atheismum seu *Spinozismum*: neque enim aliud talis naturæ nomine venire potest aut intelligi, nisi aut casus, aut combinatio rerum omnium ac naturarum, quibus componitur universum. At *Rousseau* tamen videri vult, verum Deum admittere: sibi igitur contradicit; vel nomine *natura* utitur, quin ullam huic voci ideam subiciat: indeque iterum temere asserit, ab hujus sibi ignotæ naturæ manu talem debuisset prodire hominem, qualem describit.

Neque ab hac temeritate ullo modo se purgat Philosophus iste, (si tamen is

Y

tan-

Pag. VIII.

tanto credatur nomine dignus, dam ait, quæ de statu hominis sylvestris ac solitario proponit, non esse habenda tanquam veritatem historicam; sed solummodo ut hypotheticas ratiocinationes, quæ magis indagandis naturis verum, quam vere origini declarandæ inserviunt; cuiusmodi hypotheses Physici in dies efformant circa Mundi hujus originem & conditionem. Nam, inquit ego: si status hominis sylvestris ac solitarius mera est hypothesis, cur affirmat, hunc esse reipsa statum hominis naturalem? Cur hoc ipsum non exprimit hypothetice; aens: si hominibus soli foret relictus, statum ejus naturalis fuisset sylvestris, ac solitarius? Quam est absurdum, ex hypothetico principio thesım colligere! sed absurda est vel ipsa hypothesis, atque rei impossibilis. Quomodo enim fieri potest hypothesis, hominem fore sibi relictum, si ita necesse potuit, nec conservari? Qua ratione præscindi potest homo conditus ab ejus conditore, & ab eo statu, in quo reipsa conditus est? At inquit Rousseau: Deus hominem nequaquam condidit in statu suo naturali; sed adjecit supernaturalia dona, & ea insuper, quæ arte & industria longo progressu temporis acquiri valent. Edisserat ergo nobis Rousseau, qualem condere hominem debuit, ut in statu esset mere naturalis. In statu, inquit, sylvestris & solitarius. Cur vero? fortasse quia eo in statu homo sola natura constaret sua, nullisque auctus esset donis superadditis. At si res ita se habet, repono ego: immo debuit Deus hominem creare infantem; nam & is integram habet naturam, nullisque potitur superadditis donis; neque facultatibus artificialibus, quæ comparantur longo temporis tractu. Non ita, inquit Rousseau, sed adultum, sed robustum condere debuit, sensibus expeditis, & appetitu conservandi se, immo & genus propagandi facultate instructum; alioqui nec ipsum genus subsistere & conservari potuisset. Debuit itaque Deus, subsumo ego, quidpiam homini superaddere ultra animale ejus naturam,

quo conservaret se; ac genus suum; neque tamen per hoc peremit naturalem ipsius statum: cur ergo non potuit, aliqua etiam ei adicere ultra naturam rationalem, ut posset juxta ipsammet naturam vivere, finemque, ob quem conditus est, obtinere, & posteris deum suum ad eundem statum perducere, quin statum illius naturalem destrueret? Noverit itaque Rousseau, nullam esse aut fieri posse hypothetisım de homine suæ naturæ prorsus relicto.

Lubet vero parumper adhuc immorari in hac discutienda hypothesi, quam Rousseau excogitavit. Unum ex his tribus velle necessario debet ille: nimirum, vel statum sylvestrem, & solitarium esse statum hominis naturalem (1) in hypothesi, quod Deus hominem condidisset cum solis dotibus, quæ ejus debentur naturæ, seu in *paris naturalibus*, ut ajunt Theologi nostri: vel (2) in hypothesi, quod homo non a Deo quidem conditus esset; sed aut sua sponte natus, aut casu, sive vi cuiusdam veluti cæcæ, necessariæque naturæ, seu combinationis hujus universi formatus: vel (3) demum in hypothesi, quod reipsa in prima sui origine natus esset statum sylvestrem, ac solitarium. Porro jam probavi, hominem in prima hypothesi non potuisse in primæva sui originis esse sylvestrem, ac solitarium, neque omni ratiocinatione, & intellectu quali cognitione destitutum. Altera hypothesis & est absurdissima, & non nisi ab Atheo concipi ut possibilis potest, aut admitti; atque præterea nec ipse Rousseau, nec quidpiam alius aut divinare, aut ullo modo conicere posset, qualisnam homo e cæca hac natura prodiret, etiamsi per impossibile prodire potuisset ullus. Tertia hypothesis ut factum ponit quod est in questione, seu, ut dici solet, *perit principium*. Quum enim status naturalis sit idem ac originarius & primitivus; proculdubio si homo in lucem eductus fuit solitarius, atque sylvestris, hic est naturalis ejus status. Sed hoc totum non a nobis tantum, sed ab omni, qui quidpiam sapit, ne-

negatur, utpote non solum gratis constitutum, sed etiam præter omnem rationem, & verisimilitudinem constitutum: immo contra expressam, dissentientemque ejus ortus historiam in sacra ipsa scriptura descriptam: At inquit

Pag. IX.

Rousseau: Scriptura non vult conjecturas affirmare ex sola natura hominis, rebusque, quæ illum circumstant, deducas, qualem futurum fuisset generi humanum, si sibi soli relictum esset. Quod perinde est, ac si diceret, licitum esse conjicere, qualis futurus esset homo, si a nullo, vel certe non a sapiente, ac provido opifice prodiiisset; quod est absurdissimum: infanum vero, in eum finem hypothetice ponere, hominem primo fuisse sylvestrem, ac solitarium.

Sed illud adhuc fortasse peius, quod tametsi *Rousseau* primo declaret, tantummodo hypotheseos, & conjecturas proponere, non veritatem historicam; ea tamen postmodum subdit ac protest, quibus palam facit, sibi persuasum esse, veram se historiam narrare. Sic namque homines alloquitur: *O homo ejus-*

Pag. X.

cumque regionis sis, & qualescunque sint opinionationes tuæ, audi: in historiam tuam, qualem me legisse puto non in libris tuorum similium, qui mendaces sunt (quis non videat, Moysen hic quoque complecti, primum, eumque unicum verum humanæ historiæ auctorem?) sed in natura, quæ nunquam mentitur.

At rogo te, optime *Rousseau*, qua in natura hæc legisti? Naturam. assidue crepas, sed eam nuspiam explicas, & duntaxat eam esse a Deo diversam innuis; quo certe Atheismi vel Spinosismi suspicionem tibi creas. Sed audiamus, quomodo pergat ille, paucis interjectis. Tempore, de quibus verba facere, aggredior, valde remota sunt: quantum mutatur ab eo es, qui olim eras? Est ne hoc hypothetice loqui? Paria his sunt quæ sequuntur: Hæc est, inquit, vita; ut ita dicam, speciei tuæ, quam describere aggredior, possi qualitates, quas accipisti, quas educatio tua, & consuetudines depravare quidem, sed destruere non potuerunt. Est, probe scio, etas quedam, in qua sistere homo vel-

let: quæ tu ætatem, in qua subitisse velles speciem tuam: ægre ferens statum præsentem ob eas rationes, quæ infelici posteritati tuæ majores annuntiant ærummas, retrogradi fortasse velles &c.

Quum hæc dicat *Rousseau*, quis ei credat profuenti, sese hypothetice loqui; aut quum simulat, fidem se historiæ sacræ contrarium testanti adhibere; aut quum ait, fortasse nunquam existisse statum, quem ipse naturalem appellat, ac probabiliter extititum nunquam? Quis vero potius non existimet, eum data opera sibi contradicere, ut si una contradictionis pars ipsi creet invidiam, possit sibi ex altera defensionem arcescere? Nota scilicet est hæc ars hominum improborum, qui errores suos cupiunt caute evulgare. Verum utut hæc sese res habeat, ratum esse semumque nobis debet, statum hominis naturalem perperam & præter omnem rationem constitui a *Rousseau* in vita animalis, sylvestris, ac solitaria. Age vero videamus, quibus ille argumentis suam hanc sive thesim sive hypotheseos firmare aggreditur. Nullum quidem argumentum ad eam evincendam exerte proponit; duo tamen, quoad mihi expiscari licuit, innuit ipse, ac voluti subindicat, quibus possit obiectio duplex confici contra a nobis positam assertionem.

Obiectio prima. Ut habeatur status hominis naturalis, expoliandus est ille tum omnibus supernaturalibus donis, si quæ receperit, tum omnibus facultatibus artificialibus, quas non nisi longo temporis tractu, multiplice processu sibi potuit comparare. Hoc fiat, remanet animal sylvestre ac solitarium solis sensationibus instructum &c.

Responsio. Admitto: imprimis, ad habendum statum hominis naturalem, ab eo detrahenda esse dona supernaturalia, quæ scilicet hominem ad finem ordinant supernaturalem, nempe ad beatitudinem in clara & intuitiva Dei visione repositam; at nego, detrahenda item esse ea dona, quæ hominem perficiunt intra ordinem ipsius naturæ: quibus profecto esse debuit primas ho-

Præf.
Pag. LXX.

mo instructus, ut eadem in posteros paterna educatione transfunderet; quæque illi necessaria erant, ut vitam duceret naturæ suæ consentaneam; atque præcipue ut Auctorem suum agnosceret, ac diligeret; ob quem finem proculdubio ab ipso conditus fuit. Nego item, facultates cognoscendi, ratiocinandique atendas esse *artificiales*, quum ad ipsam naturam naturaliter consequantur; dataque occasione prodeant in actus suos, modo tamen insint corpori satis solidis organis instructo: quo certe defectu infantes actuali rationis usu destituuntur. Quamobrem ego vix dubito, hominem etiam in sylvis enutritum, omnique humana ope destitutum, postea quam ejus corpus robur acquisierit necessarium, ratiocinari, cognoscere, ac intelligere utcumque posse. Quod si vero, ut contendit *Rousseau*, hujusmodi homo omni prorsus instructo, præterquam sensum, foret perpetuo destitutus, id profecto clarius demonstrat domesticam educationem homini deberi ab ipsa natura, ne frustra & incassum facultate cognoscendi, ratiocinandique ab ipsa donatus sit. Ex quo consequitur illud ipsum, quod volumus, nempe naturalem hominis statum non esse *solitarium* & *sylvestrem*, sed *domesticum*. Et sane, si in naturali sunt statu animantia cetera, dum etiam a sui generis animalibus nutriuntur; cur non in statu naturæ heri homo etiam quum a genitoribus educatur? Quum ergo educatio a natura ipsa cunctis animantibus debeatur; & ea quidem, quæ eorum necessitatibus respondeat, videlicet qualis, ac quanta necessaria est non solum ut utcumque possint vitam producere, verum etiam ut in actum prodeant naturales eorum facultates; jam ipsi quoque homini sua debetur educatio, quoadusque evadat ratiocinandi capax, & ea, quæ ad finem, ob quem creatus est, necessaria sunt, cognoscendi. Domestica ergo societas, in qua sola hujusmodi educatio haberi potest, non *artificialem*, aut *adventitium*, sed *naturalem* constituit hominis statum. Quid! quod vel ex ipso *Rousseau* evin-

citur, non omnia quæ progressu temporis acquiruntur ab homine, naturalem hominis statum destruere? Admittit enim ille, docetque, *sylvestrem* hominem successu temporis, exercitioque assiduo multum proficere quoad vires & facultates corporis; illud nempe robur adipisci eamque agilitatem ac valetudinem, quam ipsi Natura, quum eum primo in lucem edidit, impertita non est: neque tamen e naturali statu propterea excedere. Cur igitur statum naturalem amittere dicendus est homo ob eam solummodo rationem, quod progressu temporis, & pro datis occasionibus profecerit, ideaque acquisierit ei non inditas a natura, vel inditas excitaverit & ad exercitium perduxerit? Quod si respondeat *Rousseau*, statum naturalem statui acquisito opponi ac contrarium esse, expeditam autem ratiocinandi facultatem esse acquisitam vel ex eo patere, quod ea penitus careant infantes; ego facile reponam, facultates ratiocinandi, cognoscendique neutiquam acquiri; sunt enim plane naturales ex ipsius humanæ naturæ sua promanantes; sed duntaxat acquiri, vel excitari ideas, quæ ad exercitium necessariae sunt. Præterea, si quidquid quocunque modo progressu temporis acquiritur, dicendum foret artificiale, & ad statum naturalem evertendum sufficeret; jam nec homo sylvestris adultus, nec avis, quum creverit, in statu naturali essent; quia ille facultate gradiendi, ista volandi, quum primum in lucem venerunt, carebant: neque arbor quum emiserit poma, esset amplius in statu suo naturali; quod est falsissimum.

Objectio secunda. Facultas loquendi non est hominibus naturalis: nulla essentiam linguæ ab ipsa natura hominibus indita; omnes quippe linguæ vocibus constant, quæ non suapte natura sed ex arbitraria hominum institutione, & ut dici solet, *ad placitum* significant. Homines ergo in naturali statu constituti nulla præditi erant lingua. Igitur nullas habebant ideas universales: hujusmodi namque ideas *acquiri non possunt* nisi ope verborum, ac mens eas non per-

Rousseau
Pag. LXX.
cipit

capit nisi per propositiones; quam obcausam bruta tales ideas nequeunt efformare. Quum vero ratiocinium nullum esse possit absque ideis universalibus; consequens est, homines in statu naturali facultate ratiocinandi, eaque cognoscendi quæ sensibus non percipiuntur, carere debuisset. Insuper, homines absque linguarum subsidio non possunt mutuo conversari: in statu igitur naturali homines solitarie vivere, atque a deo ut cetera quæque animantia, in sylvis errare debuerunt.

Responsio. Fateor, linguas non esse homini naturales eo sensu, quod ex ipsa natura, nullo docente vel instituyente, profluant sponte sua: assero tamen, esse naturales ea ratione, quod naturæ rationali conveniant, ac debeantur. Hinc primo homines natura nasci debent iis organis instructi, quæ ad loquendum, seu ad formandas, articulasque voces necessaria sunt. Secundo esse debent naturaliter capaces comparandi usum loquendi, saltem posita institutione; alligandique certis vocibus certas ac determinatas ideas; immo & novas condendi linguas, & perficiendi jam conditas atque vigentes. Tercio ipsa natura hominis exigit, ut ponantur in eo statu, quo linguarum usum sibi valeant comparare. Hinc primus homo donari debuit lingua aliqua, non quidem a natura, nescio, quæ cæca, stupidaque, sed a natura provida, sapientique; nempe a Deo supremo rerum omnium Opifice: ut reipsa protoparenti Adamo inditam a Deo fuisse linguam aliquam, colligimus ex S. Scriptura, quæ refert, Adamum paullo postquam creatus fuerat, locutum esse, dum nempe cunctis animantibus nomina imposuit: sic Eva etiam locuta dicitur cum serpente. At vero donum illud linguæ a Deo primis Parentibus collatum dicendum non est proprie ac in se *supernaturale*; quum id esset velut appendix conditæ naturæ, & illius supplementum facultatis, quam ipsimet, si progenitores habuissent ullos, ex eorundem institutione sibi comparassent. Quod ut melius intelligatur, finge, nunc homi-

nem aliquem a Deo creati adultum, eaque lingua instructum, quam, si iuxta ordinariam naturæ legem ortus esset, a suis parentibus didicisset; nemo hunc merito asseveraret, supernaturali aliquo dono ac una de causis ornatum esse. Primus ergo homo, tametsi a Deo lingua aliqua instructus fuerit, non ea tamen de causis a naturali statu dimotus est, sed in eo permansit; quid enim quoad hoc interest, an ex ejus natura ea lingua effluerit, an vero ab Auctore naturæ fuerit impertita? modo tamen linguarum usus ejus naturæ conveniat, & aliquo modo debeatur, quemadmodum reipsa debetur: esset nanque sine illa in suo genere imperfectus: nam esset ob dotes naturæ suæ rationalis proprias ad societatem aptus, ordinatulusque; & tamen, quippe loquendi facultate destitutus, non posset societatem inire & colere, neque uti aliorum hominum consortio, eorumque conversatione gaudere. Et sane quam misera fuisset primi hominis conditio, si Hevam intuens excolta sua efformatam, eamque *sociam* sibi datam intelligens, tamen nec alloqui verbis, nec sinam in eam dilectionem prodere potuisset? Quum ergo homo fuerit semper præditus facultate loquendi, quid refert, an ejus lingua sit a natura ipsa, an vero ab ejus Auctore? Quid insuper prodest, alium somnare *naturalem* hominis statum, vel hypotheseos fingere, in qua Deus primam homini linguam ponatur minime indidisse, dein vero quid in ea futurum esset, inquireret? An ne sic unquam *Rousseau* conficiet, statum hominis *originarium*, ac *primitivum* fuisse statum *solitarium*, ac *bullinum*?

Et quoniam hac de re incidit sermo, præstat hic animadvertere, quam vano inutilique labore se torquet Philosophus iste, dum adeo operose disceptat, quomodo sylvestres homines & solitarii ideas potuerint acquirere universales, linguasque instituire. Si enim nunquam sylvestres hi homines extiterunt, cur in brutali eorum vita describenda tantus infumitur labor? Al. quid tantopere

Reg. VI.

pere in eorum qualitates. inquirere ? Quinam hujusce inquisitionis fructus ? Etiam si planum utcumque faceret, qualis futurus fuisset homo sibi prorsus, omninoque relictus (utor ejus phrasi, tametsi vix ulla certa idea possit eidem subijci); quid inde ? An ne propterea jus naturale, aut fundamentum societatis in propatulo poneretur ? Ita quidem sibi ille blanditur ; sed prorsus immerito. At inquit : *Philosophi, qui fundamenta societatis excussere, agnovarunt omnes necessitatem ascendendi usque ad statum naturæ ; sed illuc usque pertigit nemo.* Verum si in statu naturali homo est solitarius, sibi que relictus, illuc profecto (ut hoc obiter dicam) pertigit *Pufendorfius* sua illa fitione (de qua pauca paullo inferius) *hominis. utcumque, & undecumque in hunc Mundum projecti* ; nam & ille hominem hunc sibi relictum proponit. At vidit ille, de hîco homine accuratius non esse disputandum : cujus exemplum sequi *Rousseau* debuisset, nec ut adeo fuse de suo homine sylvestri ac solitario, æque fîcto, verba faceret, atque dissereret, congruum erat. Neque enim ex statu hominis, qui nunquam nisi in imaginantis cerebro fuerit, & ut summum, possibile est (quanquam attenta divini Numinis providentia possibilem fuisse, negari potest haud immerito) ; sed ex eo, qui aliquando, saltem, seu initio extiterit ; vel potius non tam ex statu, quacunq; hominis, sed ex ejus ipsa natura, quæ in quolibet statu eadem est, leges naturales derivandæ sunt. Est ergo plano inutilis tota hæc de re illius hominis disputatio. Inutilis, inquam, si ejus subiectum tantum hypothetice ponatur ; at impia, & perniciosa, si status ille thesî loco habeatur, quemadmodum re ipsa fuisse a *Rousseau* habitum ; qui ejus opus attentius legerit, ambigere vix potest. Quin & hypothetica illius status positio, ut a *Rousseau* proponitur, & tractatur, haud vacat periculo : eo namque tendere videtur ut legentium animos ad credendum inducat, hominem ex animalî sylvestri ac beluino, in præsentem statum potuisse tra-

tra divinæ providentiæ curam, seu fortuitis tantum circumstantiis occasionem præbentibus, venire. Quæ ratione hypotheses illæ variz & multæ, quæ circa formationem Mundi huius a quibusdam otio suo abutentibus fieri solent, invisæ piis hominibus esse debent ; ceu, quæ in eum fortasse finem a suis auctoribus diriguntur (de hoc enim merito suspicari licet), ut quantum fieri potest, summi rerum Opificis considerationem cognitionemque submoveant ; innuantque, hoc Universum citra Dei effectivum, providumque concursum, positis paucis hypotheticis, arbitrariisque principiis ac legibus, in hæc formam vi, nescio, cujus cæcæ naturæ evadere potuisse ; adeoque ad id opus non fuisse Dei efficientia, & cura.

Quo sane vehèmentem ingerunt suspicionem, eos nullatenus credere, hoc Universum, cujuscumque modi est, a Deo fuisse conditum, ornatumque : eo vel magis, quod illorum aliqui etiam eorum, quæ primo ponunt, exerte non affirmant, Deum esse auctorem : quod quum faciat *Cartesius* in celebri sua de rerum principiis hypothesi, idcirco ab omni impietatis suspensione merito liber censetur. At *Rousseau*, ut alios modo præteream, *sylvestris* sui hominis nullum assignat Opificem, sed sibi tantummodo, eum, e naturæ (quod nomen valde æquivocum est) manu ita prodire debuisset ; statimque in eo describendo, tempus, operamque insumit, cuius animadvertat, quam impium sit affirmare, ita a natura hominem debuisset prodire, quum Auctori naturæ placuerit, eum aliter efformare. Verum, quanquam hoc ei condonare fortasse possumus in gratiam hypotheseos, quam proponere contendit ; ad impiam tamen temeritatis nota purgari non potest, si cetera dispiciantur, quæ de hoc hypothetico hominis statu affirmat : ex quibus e duobus alterum conficitur, aut historiz sacræ eum fidem non habere ; aut reprehendere & condemnare Auctorem naturæ, quod hominem non creavit in statu sylvestri, & solitario, atque omni ratiocinatione & intellectu

li co-

li cognitione destitutum. Quid enim aliud consequitur ex tot eximiis bonis, quæ *Rousseau* suo attribuit *Sylvestri* homini præ homine sociali. Et ex eo quod societatem malorum omnium ærumnarumque causam, ac fontem esse asseveret; nisi valde improvidum fuisse Deum, quum hominem non in illo felici naturali statu creavit, sed donis superadditis, ex eo statu, si huic philosopho fides, extraxerit, ac in domestica societate, creata Heva, statim constituerit, atque ad ulteriorem, majoremque societatem ordinaverit?

Sed & multa alia habet *Rousseau* in hoc libello impie sume temeritatis Specimina: pauca tantum hic placet indigere, quibus ille ipsius Dei verba, sententiasque reprehendere videtur, atque corrigere. Ex. gr. ait Deus: *Non est bonum homini esse solum.* *Rousseau* non tantum vitam hominis solitariam supra socialem extollit, eamque assertit a natura præscriptam; sed etiam contendit, non magis hominem homine indigere, quam simia, & lupus opus habeant sui similibus. Deus, postquam protoparentes peccaverunt, fecit eis tunicas pollicear, & induit eos: *Rousseau* affirmat, eum, qui primo velles induit, rem parum necessariam sibi tribuisse. Christus Dominus in Evangelio statuit illud tanquam universalem regulam morum: *Quod tibi vis fieri, alteri feceris*: hanc *Rousseau* tanquam nimium sublimem suggillat; & loco illius proponit aliam, ut ipse putat, utiliore. *Fac, inquit, quod tibi bonum est, minore, quo poteris, incommodo alterius.* Docet Christus, prima legis naturalis præcepta esse unumquodam dilectionem Dei, alteram vero dilectionem proximi: *Rousseau* statuit velut unicas naturæ leges amorem sui & naturalem miserationis sensum, qui brutis quoque ipsis aliquatenus communis est. Alia præterea, quibus auctissimus iste Philosophus non vulgarem tantummodo, sed & Christianam & divinam ipsam moralem non vetur corrigere & emendare: quæ absurdissima commenta ut gravius proferat, ponit, sese in *Atbeniensium* Licæo consilire, atque suo-

rum præceptorum lectione repetentem judices habere *Platonem*, & *Xenocratem*, auditoresque omnes homines, totumque genus humanum.

At prohi! quam perniciosæ sunt, periculoque plenæ istæ ejus lectiones! Eo enim demum tendunt, ut omnes naturales leges excindant, evertantque: idque vel ex eo patet, quod nullam velit naturalem legem agnoscere, nisi quæ locum habeat in statu suo illo naturali, seu *Sylvestri* ac belluino; quæ idcirco fundata unice sit in natura hominis animalis, antevertatque rationis usum. Docet insuper, homines nullam in illo naturæ statu habere inter se relationem moralem, nullamque agendi, vel non agendi obligationem agnoscere. Quumque statum illum, in quo jam sese ratio explicaverit, non naturalem, sed artificialem, seu factitium, & adventitium esse decernat; quid aliud inde consequitur, nisi leges justitiæ, & æquitatis, quas sola potest ratio explicata cognoscere & dicere, non naturales esse, sed factitias, atque artificiales? Nullæ itaque sunt, si novi hujus doctoris systema amplectamur, leges naturales, quæ dirigant officia nostra erga alterum, multoque minus erga Deum. Hinc enormius *Rousseau* aberrat a veritate, quam *Hobbesius*, qui docet, hominem in statu naturali posse quidem in Deum peccare; at non item injustitiæ actum erga alterum hominem perpetrare.

Verum hic non sistit ille: sed præterea nihil intentatum relinquit, ut societates omnes efficiat exosas, invasasque. Siquidem non tantum miseras, quæ in ipsis prævæ voluntatis abasurperiuntur, plus æquo exaggerat; sed sæpe affirmat, inculcatque, societatem ipsam, & gradum perfectionis, quem, evolutis progressu temporis ideis, acquisivit homo, esse verum fontem, atque radicem vitiorum omnium, omniumque ærumnarum, quibus misere premuntur homines; ut si eum audieris, status ille *Sylvestris*, animalis, ac belluinus tum quoad felicitatem, tum quoad morum probitatem statui civili,

& ex-

Gen. II. 1

Par. XXV.
Pag. LXXV

Gen. III.
21.
Pag. XXX

Matth.
VII. 12.
P. LXXVI

Matth.
XXII. 37
P. LXXV
LXXVII

Pag. XV.

P. LXXVII

& exulto præferendus sit. Quid Philosopho proferri indignius potuit? Quanta in hoc systemate divinæ Providentiæ reprehensio, quæ voluit proculdubio, ut homines in societates coirent, statumque civilem assumerent! Verum nedum in divinam Providentiam, sed in totum etiam genus humanum injurius est novus iste Philosophus: annon enim injuriam atrocissimam irrogat humano generi, quum naturalem hominum statum mere animale esse ac belluinum contendit? Dum, quantum in se est, in id corniti videtur, ut ad eundem statum homines revocet. Dum exprobat illis, quod, ex relicto, in societatem coiverint. Dum acquisitam tractat temporis perfectionem, & initam societatem causam esse dicit, fontemque malorum omnium, quibus impræsens humanum genus obruitur. Dum mala societatis, qua fere totum humanum genus continetur, & ex qua emergere nullatenus valet, nimium ob oculos ponit, auget, ac supra modum & fere in immensum exaggerat. Cujus sane rei non potest aliud esse fructus, & finis, nisi ut mærorem atque tristitiam, quæ ex præsentis status consideratione oritur, augeat, amplifcetque; quod non aliud est, quam *addere afflictionem afflicto*; quum tamen potius consolationem homini aliquam procurare debuisset, ea bona explicando, quæ ex societate confurgunt; demonstrando, eam non esse per se malorum causam, sed esse plerumque eorum fontem libertatis abusum; ob oculos ponendo Dei Providentiam, quæ ob fines sapientissimos, optimosque ita disposuit; tum demum ad memoriam revocando bona maxima, quæ exercitio earum virtutum, quibus nullus esset extra societatem locus, in altera vita comparivarent; ut fufius explicabitur infra Cap. VI. At nihil horum *Rousseau*: quinimmo ut contemptibilis, magisque invivum civile dominium efficiat, innuit, principio tyrannica fuisse dominia om-

nia, & tantummodo longissimo post tempore *violentia jus successisse*, ac mira *prodigiorum concatenatione* eo tandem eventum esse, ut *debili serviat fortis, & ut populus idealem tranquillitatem realis felicitatis dispendio sibi comparat*. Quid paucis his verbis doloſus, infidiosusque? Hominem hæc loquentem humani generis hostem censendum esse, appellandumque, quis neget? Sane librum hunc *contra humanum genus conscriptum* recte dicit *D. de Voltaire* in epistola ad ipsum *Rousseau*, qui ipsi gratias agit de hocce dono sibi transmissio.

Sed jam unde sat longe, neque tamen omnino extra scopum, digressi sumus, revertamur. Quum homo a prima sui conditione, atque idcirco in statu suo *naturali, originario, & primitivo* habuerit linguam aliquam, nihil illi impedimento esse potuit ex hac parte, quominus ideas acquireret universales; quamvis nec dubium esse ullum potest, Deum hujusmodi ideas saltem magis necessarias momento, quo ipsum condidit, indidisse. Ceterum nec illud quoque verum esse opinor, quod contendit *Rousseau*, ideas nempe universales nonnisi ope verborum posse acquiri, nec aliter percipi, quam per propositiones vocibus ac terminis expressas: in qua quidem sententia processorem habuit *Thomasium*, qui censuit, hominem, qui surdus nasceretur, nullatenus posse ratiocinari, quin neque ullo modo *cogitare*, eo quod, inquit, *cogitare non aliud est, quam sibi met ipsi loqui; qui surdus natura est, loqui profecto non potest (a)*. Falsum id, ego arbitror nixum tum ratione tum experientia. Ratione quidem, quia exploratum videtur, plane oportuisse, ut universales ideæ anteverterent nomina universalis, quum voces nonnisi ad significandas ideas instituantur: proindeque impossibile est, voces existerent universales quidpiam significantes ante ideas universales. Experientia vero: constat enim, multos, qui a nativitate surdi erant,

Fig. VI.

(a) Vide ejus Introduc. in Logicam Cap. III. §. 24.

erant, atque idcirco muti, tamen didicisse quamplurima, ac præ ceteris mysteria Fidei, divinæque legis præcepta: quæ omnia se revera percipere, suoque modo intelligere nutibus manifestabant (a) e quibus unum, novi egomet ipse. Sed inquiet *Rousseau*, eos homines fuisse ab aliquo quibus ac signis instructos; at vero sylvestres homines habere potuisse nullum huiusmodi instructorem: idcirco intelligi nequaquam posse, quomodo ideas abstractas & universales sine ope verborum efformarint, aut perceperint. Ego vero ne contentionis funem longius traham, ipsi facile concedam, seu potius permittam si vult, ut videtur, impossibile esse ut sylvestres hi homines tum ideas universales sibi culerent, tum & linguam aliquam excogitarent. At sublo: ergo absurda est hypothesis de hisce hominibus sylvestribus, & mutis (b): absurdior adhuc thesis, in qua ponitur, statum naturalem hominis esse sylvestrem, & solitarium; quandoquidem sylvestres hi homines nunquam potuissent in hunc statum pervenire, in quo homines & loquuntur, & percipiunt universalia, & ratiocinantur. Igitur non modo falsa, verum etiam absurda est ea hypothesis, qua posita, status præfens fuisse impossibilis. Est quoque ineptissima, quippe quod in ea explicari minime potuit, quomodo id eveniret, quod videmus ipsa evenisse. Unica ergo ad hoc explicandum hypothesis, immo thesis verissima est, Dum, ut aperte colligitur ex Scriptura, homini abs se crea-

Tom. I.

to tum linguam, tum convenientes ejus statui, graduique notiones indidisse, eumque collocasse, creata & leva, in domestica societate; ut in prognatos suos tum linguam, tum notiones universales domestica educatione transfunderet; quæ ad nos usque continua successione, sed non minore varietate pervenerant.

Quæ hucusque contra *Rousseau* fuso calamo differuimus, satis quoque impugnant, evertuntque *Pufendorfii* sententiam, qui statum eundem naturalem exprimendum censuit fitione hominis undecunque in mundum projecti, sibi que plane relictæ. Ut statui naturalis, Lib. II. cap. II. ait, faciem animo concipiamus, §. II. *supendus, nobis est homo undecunque in hunc mundum projectus, ac sibi soli plane relictus*. Porro hoc modo non recte exprimi naturalem hominis statum, liquet ex dictis: nam pluribus contra *Rousseau* demonstratum est, statum naturalem hominis non esse solitarium, sed domesticum; quippe quod in eo tantummodo habeat homo quæ ipsa provida, sapienteque natura debentur. Hinc vero interea, e tribus modis, quibus statum naturalem sumi posse docet *Pufendorfius* & nos supra ex eo retulimus, postremum tantummodo admitti posse; quo scilicet naturalis status sumitur, prout opponitur statui civili: qui utique naturalis seu originarius, & primitivus non est, quia non ab ipsa natura immediate, sed ex pacto & conventionem aut institutione profluxit; adeoque est adventitius, velut qui homini in domestica societate constituto supervenit.

Z

Quan-

(a) Qui hujus rei insignia aliqua exempla desiderat, is evolvet T. XXIII. Bibliothecæ Germanicæ a pag. 36. & a pag. 119. Art. VI.

(b) Ad Epicureos tantum spectat, (ut recte ait D. le Maître loco cit.) sibi imaginari primos homines mutos fuisse, atque omnem rationis usum ignorasse aque ac verba. Hanc Epicureorum sententiam exprimit *Horatius* Sat. III. Lib. I. a v. 99. inquit: *Quam proreperant primis animalia terribi mutum & torpe pecus..... donec verba, quibus voces sensusque notarent, no-*

minaque invenere &c. Videat *Rousseau*, quibus ille philosophis adtipuletur: nisi quod ipse absurdius loquitur: nam iis, quos *Horatius* torpe pecus vocat, *Rousseau* tribuit celestem, & venerandam simplicitatem, præfat. pag. 66. Ceterum quid de sententia ponente homines aliquando mutos extitisse sentiendum sit, satis indicat *Laetantius* Lib. VI. Cap. X. inquit: *Nunquam fuisse homines in terra, qui præter infantiam, non loquerentur, intelligit, cui ratio non deest*.

Quamquam & is ea ratione naturalis dici potest, quod ipsa natura hominem ad eum aptum comparatumque effecerit; immo ipsi eius inveniendi necessitatem imposuerit: ut ex infra dicendis constabit.

CAPUT V.

Status naturalis hominis est socialis: seu homo est animal aptum natum ad societatem. Id pernicioso errore negat Hobbesius, cui adscriptur Jo: Jacobus Rousseau.

De Civ.
Cap. I.
n. 1.

Hobbesius, qui apud se constituisse videtur, ubicunque possit, communem hominum ientum evertere, hac de re ita scribit. Eorum, qui de rebus publicis aliquid conscripserunt, maxima pars vel supponunt, vel petunt, vel postulunt, hominem esse animal aptum natum ad societatem, Greci dicunt *ζῷον πολιτικόν*; eoque fundamente ita superedificant doctrinam civilem tamquam ad conservationem pacis, & totius generis humani nihil aliud opus esset, quam ut homines in pacis, & conditiones quasdam, quas ipsi jam tum Leges appellant, consentirent. Quod axioma, quamquam a pluribus receptum, falsum tamen est, errorque a nimis levi humane nature contemplatione profectus est. Causas enim, quibus homines congregantur, & societate mutua gaudent, penitus inspicantibus facile constabit, non ideo id fieri, quod aliter fieri natura non possit sed ex accidente. Falissimum hoc commentum novo nisu sustinere aggressus est Jo: Jacobus Rousseau, qui discerne do-

Lib. ult.

Pag. XXV.

P. XCIX.

est Jo: Jacobus Rousseau, qui discerne do- cet, homini solitariam vitam a natura esse præscriptam; atque adeo præter ejus intentionem solo casu, seu fortuito concursu multarum causarum extranearum, quæ poterant nunquam contingere, in societatem homines coivisse. Quamquam vero jam capite præcedente aliqua huc spectantia pro data opportunitate præmissimus; data tamen opera hic utrumque resellemus: & illum quidem obvis argumentis; hunc vero ex posi-

zis ab ipso principiis. Contra priorem ergo hæc sunt præconi.

Primo. Si ad originem nostram paululum attendamus, statim in nobis præsumtio oritur, esse nos ad societatem destinatos. Statim enim ac in lucem edimur, parentibus subiecti sumus: ac ne nasceremur quidem, nisi parentes nostri aliquam invicem societatem iniissent. Præsumtio istæ augeatur, si perpendamus modum, quo Deus condidit genus humanum. Quam enim potuisset ille plures eodem tempore homines efformare & unicuique qualitates, facultatesque solitariae vitæ congruentes impertiri, non fecit tamen ita, sed fecit ex uno homine omne genus hominum inhabitare super universam faciem terræ, ut rempe cognatio sanguinis societatem statim aliquam inchoaret. Quibus si presentem, in quo sumus re ipsa, societatis statum adjungimus, haud possumus dubitare, nos ex Dei voluntate esse ad societatem destinatos. Huc facit, quod, creato homine, Deus ipse ait: *Non est bonum hominem esse solum*: quamquam enim illorum verborum scopus præcipuus sit, necessitatem adiutoris alicuius ad humani generis propagationem asserere; ea tamen verba hic absolute prolata sat indicant, solitudinem minus esse hominis naturæ consentaneam.

AA. XVII.
14.

Gen. cap.
II. 2.

Secundo. Homo consensus est aptus natus ad societatem, si extra illam nec vitam valeat conservare, nec suas evolvere, & perferre facultates, nec demum veram solidamque felicitatem acquirere, (neque enim dubitari potest, hominem ad hæc omnia ab ipsa natura ordinatum esse, adeoque & idoneum esse factum); at res ita plane se habet: nam primo, infans vix hac luce aspecta, omni alterius auxilio destitutus interiret: si casu adolefceret, absque alterius magisterio in summa ignorantia permaneret, ut vix quidquam intelligeret; minus vero si quid fortasse adisiceret, caperetque, illud possit aliis communicare. Ad mores vero quod attinet, belluæ potius quam homini similis evaderet. Consensuat vero, jam ob multiplices infirmitates, virumque

exi-

Lib. IV.
& Henr.
c. XVIII.

exilitatem, eodem ferme, quo infans, alterius indiget auxilio; quo destitutus misere interiret. At non in senectute tantummodo, verum etiam in reliquo vitæ spatio haud raro morbi ingruunt, qui sine aliena ope dispelli non possunt; & pericula accidunt, quæ homo solus propulsare non valet. *Quis enim alio (recte inquit Seneca) tuti sumus, quam quod mutuis iuvamur officiis? Fac nos singulos, quid sumus? Prædæ animalium, & victimæ, ac imbecillissimus, ac facilissimus sanguis.* Hisce igitur malis omnibus mederi potest societas sola. *Societas, ut laudati philosophi verbis prosequar, homini dominium animalium dedit: societas terris genitum in alienæ naturæ transmissit imperium, & dominari etiam in mari iussit: hæc morborum impetus arcebat, senectutis adminicula propecebat, solatia contra dolores dedit: hæc fortis nos facit, quod licet contra fortunam advocare. Societatem tolle, & unitatem generis humani, qua vita sustinetur, scindes (a).*

Tertio. Societas statuenda est homini naturalis, si ipsa hominis constitutio, facultatesque, quæ sunt a natura donatæ, eum ad hunc statum aptissimum & maxime congruentem reddant; at rem ita se habere, negaverit facile nemo, qui consideret r. facultatem loquendi, quæ tam facile & expedite cogitationes, sensusque suos alteri patefacit, quæque extra societatem plane inutilis foret, 2. admirabilem nostri corporis mechanisum, quo fit ut internæ cuiusque affectiones facillime, simili facta in alterius cerebrum impressione, ipsi communicentur: hinc alienæ commotiones nos commovent; lætitia ut obvis cuiusque facie ardens nos exhilarat; aliorum lacrymæ, in nobis morisistiam, etsi quandoque illorum causam ignoremus, creant; & ejulatus cuiuspiam, licet ignoti, atque extranei, in ejus auxilium vel absque ulla reflexio-

ne nos movet ac pertrahit. 3. inclinationem ad imitandum, quæ aliorum, quibuscum versamur, mores, immodè gestus, & loquendi modum tam facile in nobis exprimimus. 4. facultatum, donorumque naturalium in hominibus diversitatem, quæ id agere valeat nonnulli, quod aliis nullo modo: & rursus hi queunt aliqua facere, quæ illi omnino non possunt: quæ quidem diversitas facultatum, quemadmodum unumquodque ab aliis in re aliqua pendere facit, ita & mutui auxilii necessitate omnes invicem colligat, necessest: scilicet, societas facultates omnes, licet in diversis hominibus existentes quodammodo communes reddit. Igitur homines ita facti sunt a natura, ut societati quam aptissime congruant.

Quarto. Naturalem in nobis inclinationem esse ad societatem, ex intimo cuiusque sensu certissimum esse debet: quam enim ægre solitudinem toleramus? quam dulciter, suaviterque cum amicis versamur? si læti sumus, duplicatur lætitia nostra, dum eam amicis nostris communicamus: si tristes, tristitia nostra minuitur, quando dolores nostros, eorumque causas amicis aperiimus: nunquam nos magis delectant scientiæ, quam quum de iis verba facimus inter amicos: quid plura? quod aliis communicare nequimus, vix illud nos scire arbitramur; quum etiam cum molestia quandoque scimus, quod aliis communicare non valeamus: si quid pariter præclare gessimus, ut & illud in aliorum notitiam veniat, naturaliter desideramus. Quum ergo vivida in nobis a Deo ad hæc omnia inclinatio indita fuerit, negare nonnisi absurdissime *Hobbesius* potest, hominem apum natum esse ad societatem.

Et hæc quidem contra *Hobbesium*: at *Jos. Jacobus Rousseau* ex ejus principiis, ut innuit, refelli potest. Nam docet ille primo, *perfectibilitatem* seu sepe per-

Z 2

ficien-

(a) Argumentum hoc ex naturali necessitate proponit, lateque deducit S. Th. Opusc. de Regim. Princip. lib. I. Cap. I.

cui addit aliud ex facultate loquendi petitur, quod illi visum est evidentissimum.

- sciendi potentiam una cum libertate esse maxime specificum discrimen, quo homo differt a brutis: quod licet non sit undequaque verum, utcumque tamen admitti potest. 2. ait homini a natura insitum esse *viridum commiserationis sensum*, eumque vel solum sufficere ad hominem advocandum ab injuria aliis inferenda. 3. asserit, ex hac una qualitate (nempe commiseratione) virtutes omnes sociales fluere, nempe magnanimitatem, clementiam, humanitatem, benevolentiam, amicitiam &c. 4. denique ratum habet, naturam dedisse homini virtutes omnes sociales in potentia. Hæc omnia quum diserte doceat Rousseau, nunc ab ipso exquiri, an merito præsumendum sit, intentionem naturæ fuisse, ut hominis *perfectibilitas* semper otiosa maneret; si homini insita commiseratio nullam, aut rarissimam haberet sese exercendi occasionem; ut eadem nunquam pareret virtutes, quas in se continere, secumque ferre Rousseau propugnat; denique ut *sociales virtutes* semper in potentia manerent, & nunquam in propriis suis actus prodirent? Si rem ita se habere assermat, quid dicam, nisi eum stupidissimam facere naturam, ac plane stultam; ac reminem futurum, qui hac de re ipsi suffragium ferat. Quomodo igitur de intentione naturæ ex donorum, quæ impertita est, qualitate proculdubio judicandum sit, si illa homini indidit plurima, quæ clarissima exigunt societatem; quam absurde dicitur, naturam non ordinasse hominem ad societatem; sed immo ei præscripsisse solitariam vitam? Patet vero unicuique, *perfectibilitatem* fore inutilem sine societate: si quidem extra illam defunt plane occasiones, quibus evolvi possint idæ, virtutesque exerceri, quæ perfectionem hominis complent. Patet vero, commiserationem per se respicere societatem; nam per eam homo retrahitur a nocuimento aliis inferendo, & ad aliis beneficiandum excitatur. Demum ne dicamus, naturam frustra quid concessisse, omnino sentiendum est, eam intendisse societatem, in qua sola virtu-

tes sociales e potentia deduci queunt ad actum. Propriis ergo principiis revincitur Rousseau, hominem esse naturam comparatum destinatumque ad societatem.

Sed & aliud principium suppeditat ipse ad hoc idem convincendum aptissimum. Habet illud Tom. I. alterius sui operis, cui nomen fecit *Emilius*, pag. 4. ubi, *non nascimur, inquit, debiles; quare indigemus viribus: nascimur omni re destituti; unde egemus assistentia: nascimur stupidi; atque adeo egemus prudentia. Totum id, quo quum nascimur, caremus, & quo opus habemus (quod sume multum est) nobis educatione donatur. Si ita res est, inquit ego, ergo, quum natura edat hominem educationis indigum, profecto eum ad societatem destinavit; nam sine aliqua societate esse potest educatio nulla: quumque inter homines semper alii sint parvuli auxilio indigentes, alii adulti auxilium præbere valentes; perspicuum est, naturam ipsam in societatem inclinare, ac velle, eam esse perpetuam.*

Obiectio prima. Si homo esset *aprus natus ad societatem*, homo hominem naturaliter amaret, quod falsum est: Nam si homo (verba sunt Hobbesii loco cit.) *hominem amaret naturaliter, id est ut hominem, nulla ratio reddi posset, quare unusquisque unumquemque æque non amaret, ut æque hominem: aut eos frequentaret potius, in quorum societate ipsi potius quam aliis deservit honor ac utilitas: non socios igitur, sed ab illis honore vel commodo affici natura querimus: hæc primario, illos secundario appetimus.*

Responsio. Falsum est, quod homo hominem non amet naturaliter ut hominem: nam si similitudo, ut vulgo dicitur, & nos supra explicavimus, est mater amoris; jam fieri non potest, ut similitudo in natura ipsa ad amorem quadantenus non inclinet. Sane quum nos ipsi non diligere nequeamus, quid pronius esse valet, quam eos etiam amare, qui similes nobis sunt? Nec inde tamen sequitur, quod omnes æque amare debeamus eo quod omnes æque sunt homines: quidni enim præter simi-

Emilius
de l'Éducation.

mi.

militudinem naturæ possint etiam alia multa amoris incitamenta accedere? ut sunt commodum, utilitas, oblectamentum &c. Eos porro, a quibus hæc vel accipimus, vel speramus, *frequentabimus* quidem *potius*, & amabimus etiam magis, quam alios; at diligemus quoque omnes, quatenus homines sunt, si rectam naturæ inclinationem, passionem nulla perturbante, sequi velimus.

Obiectio secunda. Si homines essent *apti nati* ad societatem, eam amarent propter seipsam, seu amore sociorum: at non ita res se habet: „quo enim
„consilio homines congregentur, ex iis cognoscitur, quæ faciunt congregati:
„si cogant enim causa commercii, unusquisque non socium, sed rem suam colit: si officii causa, nascitur quædam forensis amicitia plus habens mutui metus, quam amoris; unde factio aliquando nascitur, benevolentia nunquam: si animi & hilaritatis causa, solet maxime placere sibi iis in rebus, quæ risum excitant, unde possit (prout est natura ridiculi) comparatione turpitudinis vel infirmitatis alienæ, ipse sibi nec commendatior evadere. Etiam si autem hoc inno- cum aliquando & sine offensa sit, manifestum tamen est, eos delectari non tam societate, quam gloria sua.“ Hæc *Hobbesus* ibid. qui paullo post subdit: „Clarum adeo est experientia omnibus, qui res humanas paullo attentius considerant, quod congressus omnis spontaneus vel egestate murna conciliatur, vel captanda gloria; unde referre student congregientes vel commodum aliquod, vel illud *desiderium* exaltationem & honorem apud socios. Illud quoque ratione colligitur, . . . quoniam enim societas voluntarie contrahatur, in omni societate queritur voluntatis obiectum, hoc est id, quod videtur unicuique congregantium bonum sibi. Omnis igitur societas vel commodi causa vel gloriæ, hoc est sui, non sociorum amore contrahitur.“

Responsio. Etiam si tam verum foret quam falsum est, neminem libere so-

cietatem querere, nisi indigentia ac commodi sui causa; non inde tamen sequeretur, hominem non esse *aptum natum* ad societatem: si enim ad societatem naturaliter non esset aptus, iam ex societate commoda, propriarumque necessitatum levamen querere nequiret, ut patet; quod enim sibi commoda parare possit ex ea, plane supponit, ad eam esse natum: a quo vero ita aptus effectus est, nisi a natura? Mater ergo egestas, & commoda ex societate manantia thesuri nostram non enervant, sed confirmant; ut constat ex probationibus allatis. Scilicet, illa mutua egestas ac illa quæ ab hominibus ultro citroque dantur, & recipiuntur, commoda quid aliud sunt quam naturale quoddam vinculum quo homines in societate, tanquam in uno fasce colligantur, & constringuntur. Ceterum factum est, nunquam revera sociorum amore ac desiderio societatem iniri: quid enim dixeris de congressibus amicorum? nonne eos mutuus conciliat amor, & suaves reddit? Quid de iis, qui commiseratione moti accurrunt, ut periclitantibus opitulentur? Deinde vero societas ipsa, sublati etiam quocunque commodo, seu utilitate inde prodeunte, solatium adfert haud exiguum: hinc eam vel ægroti in lectulo decumbentes, & qui ardentur carcere, & qui in locis solitariis degunt, societatem alicujus desiderant, etiam si ab ipsa commodum aliud prætolentur nullum: amant igitur homines societatem quandoque propter seipsam; sæpe amore amicorum; sæpius vero propter egestatem, aut commodum inde speratum. Sed hæc omnia naturalem aptitudinem ad societatem expostulant, ut diximus, aut præsupponunt.

Adeo clara sunt hæc, ut *Hobbesus* ipse in adnotatione, quam citato loco in secunda editione ab ipso curata affixit, veritatem hanc saltem aliquatenus fateatur; sed ut opinionem suam adhuc utcumque tueretur, *societatis* nomen, quod antea illimitate usurpaverat, ad peculiare societatis genus, nempe ad civilem coarctavit. Ea ejus verba:

hinc „ explicatius dicendum est; verum
 quidem esse, homini per naturam,
 sive quatenus est homo, idest statim
 atque natus est, solitudinem perpetuam
 molestam esse. Nam infantes
 ad vivendum, adulti ad bene vivendum
 aliorum ope indigent; itaque homines
 alterum alterius congressum,
 NATURA COGENTE appetere, non
 nego. Societates autem civiles non
 sunt meri congressus, sed fœdera,
 quibus sciendis fides & pacta necessaria
 sunt. „ At vero ad hujusmodi
 societates naturaliter hominem non esse
 aptum sic probat: „ Factorum ab infantibus
 quidem, & indoctis vix, ab iis
 autem, qui damnum ex defectu societatis
 inexpertis sunt, utilitas ignoratur;
 unde fit, ut illi, quia quid sit
 societas non intelligunt, eam inire
 non possint: it, quia nesciunt, quid
 prodest, non curent. Manifestum est
 igitur, omnes homines (quum sint
 nati infantes) ad societatem ineptos
 natos esse: permultos etiam (fortasse
 plurimos) vel morbo animi, vel defectu
 disciplinæ, per omnem vitam
 ineptos manere. Habent tamen illi
 vel infantes vel adulti naturam humanam:
 ad societatem ergo homo
 aptus non natura sed disciplina factus
 est „ ita ille sed nihil ineptius.

Nam 1^o. si concedit, hominem alterum
 alterius congressum naturæ cogente
 appetere; quomodo absolute negat, hominem
 ad societatem aptum natum esse? Annon enim
 congressus hominum alterius ad alterum
 societas est? 2^o. Perperam ait, societates
 civiles esse fœdera & pacta, quum non sint
 aliud, quam permanentes hominum congressus
 sub aliquo regimine viventium: cui quidem
 regimini inuendo aliqua conventio, seu
 fœdus & pactum, seu potius eorum,
 qui primo societatem inire, consensus
 mutui necessarius fuit; attamen non
 est necesse, ut qui in hujusmodi societatis
 sunt, ii ipsi pacta, & fœdera ferre
 valeant. Hinc 3^o. periculosum est
 asserere, homines, eo quod nascantur
 infantes, ad societatem natura ineptos
 esse, quod illius non intelligant utili-

tatem; quasi vero naturalis aptitudo
 consistere nequeat absque actuali exercitio:
 neque enim illud tantummodo naturale
 est, cuius exercitium statim a
 nativitate viger, sed id etiam, cuius est
 in ipsa natura principium & inclinatio;
 alioqui homo ne ad ratiocinandum
 quidem aptus nasceretur, quod non potest
 nisi post aliquod tempus ratiocinari. 4^o.
 Igitur etiam ad societatem civilem, licet
 non statim per se exercendam, aptus
 nascitur homo; quia iis facultatibus
 atque proprietatibus præditus in lucem
 prodit, quibus per ætatem explicatis,
 & ad actum suum redactis, possit &
 eam inire, si nondum facta sit, vel ad
 eam conformiter vivere, si inita jam
 fuerit: ac præterea naturalis ratio eam
 vel inuendam suadeat, vel adprobet
 factam. Et sane quid, quæso, aliud ad
 naturalem aptitudinem, societatemque
 civilem necessarium est, quam ut alii
 quæ societati utilia ac necessaria sunt,
 prospicere valeant & imperare; alii
 imperantibus obedire, seu imperata ad
 opus deducere? Quod totum naturali
 ratione ac libertate obtinetur. Si quod
 itaque civilem inter ac simplicem
 societatem, quoad hoc, discrimen interest,
 hoc non penes aptitudinem versatur;
 sed penes maiorem, minoremque
 necessitatem, ac penes magis, minusque
 proximam naturæ inclinationem. Scilicet
 natura societatem aliquam omnino
 necessariam reddit: naturalis vero ratio
 societatem civilem ut commodiorem,
 utilioreque suadet: nam sine regimine
 aliquo vix ac ne vix quidem potest
 multitudo in officio contineri (ut suo
 loco dicitur). Verum aptitudo ad utranque
 est maxime a natura: quod jam,
 ni fallor, ex hucusque dictis satis
 manifestum est.

Obiectio tertia. Si homo natus esset
 ad societatem, eum procul dubio natura
 ad eandem præpararet. Non præparavit
 vero: nam neque nexum posuit; neque
 id, quod ad societatem vel inuendam
 vel colendam necessarium est, nempe
 loquelam, impertivit. Non primum
 quidem; siquidem id aliud esse
 nequiret, præter mutuam indigentiam:

Lib. ch.
Pag. 65

at concipi nullatenus potest (inquit Rousseau) cur homo in statu primitivo magis alio indigeret homine , quam simia & lupus sui similibus indigeant ; neque hæc posita indigentia , quodnam esse posset motum , quod alium ad ipsum iuvandum impelleret . At neque secundum ; quia natura nullius linguæ usum hominibus impertita est , sine quo iniri aut coli societas nulla potest ; nec ulla inter homines societas fieri.

Responsio . Si status hominis naturalis ac primitivus talis fuisset reipsa , qualem commentus est Rousseau ; admitti utrunque posset , hominem non plus homine indigere , quam lupum lupo , & simiam simia . At statum illum jam nos capite præcedente refutavimus : quare falsissimum est , non magis hominem homine indigere , quam lupum lupo . Verum distingui etiam potest hæc propositio , & admitti quidem quoad vitam aliquam tantummodo animale & bestialem , congruentem scilicet statui animali a Rousseau confecto ; at neganda est quoad vitam rationalem , seu animali ratione prædita convenientem : nam exigit proculdubio hujuscemodi vita societatem aliquam , ut scilicet & evolvantur idem a natura insertæ ; & inditæ facultates ad exercitium perducantur ; & virutes , quarum capax homo est , exercentur . Neque vero defuit natura , seu potius Auctor naturæ quoad linguæ subsidium ad societatem vel ineundam , vel colendam necessarium ; constat enim , Deum linguam aquam Protoparentibus impertitum esse , aut saltem eo lumine ipsos donasse , quo possent linguam aliquam prompte insituere si malis cum aliquo e sanctis Patribus sentire , eos primum inter se signis fuisse versatos , donec de vocum significatione convenissent . Sic ergo hominem naturæ Auctor ad societatem ordinavit , disposuit , præparavit . Quid amplius postulat Rousseau ut homo sit aptus natus ad societatem ? Neque enim potest alia contingi natura præter ipsam Audorem naturæ , quæ possit hominem ad societatem præparare vel non præparare . Is plane est , qui ne-

cessitatem societatis iniecit homini , ut propriæ ejus naturæ facultates evolverentur , & ad exercitium deducerentur : igitur ridendus est quisquis plus quidpiam exigit , ut homo aptus natus sit ad societatem .

CAPUT VI.

Status naturalis nec adeo felix esset , ut contendit Rousseau ; nec adeo miser , ut sentiunt Hobbesius & Pufendorfius : immo posset in nonnullis cum statu civili de felicitate contendere : hic tamen illi omnino preferendus est : oppositum frustra suadere conatur mimostatus Rousseau .

J O : Jacobus Rousseau statui sylvestri ac solitario , quem esse naturalem , originariam ac primitivum contendit (quod quidem commentum nos supra Cap. IV. refutavimus) magnam , ut ibi diximus , tribut felicitatem ; eoquod & corpore sano , & animo tranquillo sylvestris homo perpetim fruere . Tranquillitatem vero ejusmodi repetit Rousseau ex paucitate desideriorum & quiete passionum , quæ in eo statu vizeret ; proptereaquod pro illius conditione , nec suppetere cognitio , quæ hominis desideria accenderet , & occasiones deessent , quæ passiones irritarent . Hinc homo sylvestris , Pag. 119. inquit , quum praudium sumit , in pace est cum tota natura : nec vero dubitat illum semper ad manus habere potuisse quid comederet .

Contra vero Pufendorfius , qui etiam statum hominis naturalem esse solitarium , hominemque in eo statu velut sibi reliquum concipiendum definivit ; ejusmodi statum plane miserissimum , immo miseriores , quam bestia ejuslibet futurum fuisse arbitratur ; nec quidem immerito in ea hypothefi : at in collatu , seu naturali hominis constituendo , ipsum errasse , jam supra demonstravimus . Sed ipsum loquentem audiamus . Status naturalis : inquit , plurima habet ibi . 9. adjecta incommoda , five singulas , omnes & singulas in eo existere , five consideremus conditionem patrumfamilias se-

De Off.
Lib. II.
C. 1. §. 10.

gregum. Nam si animo concipias, bonum etiam adulta etate in hoc mundo destitutum solum, & sine omnibus commodis, & administris, quibus vitam cultiorem, & meliorem reddit solertia hominum: videbis animal nudum, mutum, inops, famem radicibus & herbis, sitim obvia aqua, inturias aeris auris dispellens: feris bestiis expositum, & ad cuiusvis occursum pavidum. Paulo cultior vita potuit esse inter eos, qui in familiis segregibus vivebant; sed quæ tamen cum vita civili nullo modo comparari poterat, non tam ob indigentiam, quam inter coheritas cupiditates familia sic satis videtur posse dispellere; quam quæ securitatis parum ibi sit consultum. (*) Et ut in pauca rem conseramus, in statu naturali quisque propriis tantum viribus pretegitur; in civitate omnium: ibi fructus ab industria nemini cernitur; heic omnibus: ibi imperium adfectuum, bellum, metus, paupertas, feditas, solitudo, barbaries, ignorantia, feritas; hic imperium rationis, pax, securitas, ætatis, ornatus, societas, elegantia, scientiæ, benevolentia. Ita Pufendorfius post Hebbesum.

Priora fortasse ex allatis Pufendorfi verbis, quibus status naturalis solitarii miseriam describit, præ oculis habuit P. LXVI. Rousseau, quum scripsit: *Novi, frequenter sive dici, nihil miserius esse posse homine existente in hoc statu naturali solitario.* At habet ille, quod respondeat ad momenta, quæ pro illius status miseriam asserenda ac propugnanda a Pufendorfo, aliisque pluribus adierunt; ea nempe tantummodo conficere, non miserabilius esse homine sylvestri, ac solitario, si concipiatur collustratus intelligenti lumine, iisque, quæ nunc regunt, passionibus obnoxius; ac si posset statum suum cum alio plano diverso comparare. At vero inquit Rousseau sylvestris, & solitarius homo ea ignorat penitus omnia, quorum carentia animum illius posset excruciare: quamobrem fructur ille non solum corpore sano, sed etiam

animo tranquillo; quicum quodnam possit consistere miserie genus, postulat ipse, ut sibi explicetur. Ast inquit ego parumne miserie genus est, carere rationis usu, ac præstantissimum animal ad brutorum conditionem dejectum esse; quin eorum magisterio indigere, ut, quo alimento vita conservanda, quove modo genus propagandum sit, agnoscat? Nam & hoc secundum a brutis hominem didicisse oportet, si ab eisdem (quod affirmat Rousseau) didicerit primum. Parvane miseria censenda est, non nosse Deum, a quo conditus sit, non diligere, nec colere vitæ suæ Audacem & conservatorem? Parvane miseria, legitimæ uxoris societate, filiorum præsentia atque consortio, suavissimo amicorum commercio, omnique denique humana conversatione, & consolatione esse destitutum? Verum hæc omnia, quippe ignota, respondet Rousseau, sylvestris hominis tranquillitatem non turbant, nec ullam molestiam ei creant. At etiam amentes, inquit ego, miseriam non sentiunt suam, & tamen infelices merito reputantur: & certe carentia ipsa omnis boni proprii hominis magnum malum & magna miseria est. Nequaquam (inquit Rousseau); nam miseria significat privationem, quæ dolorem incutiat vel corpori vel animæ. Sed tametsi ejusmodi privatio in homine sylvestri ob ejus stupiditatem nullum re ipsa interat dolorem; ea tamen est vera privatio magnorum bonorum, atque ideo maximum malum: quod si hoc malum, quippe minime perceptum, nullum sensibilem infert dolorem, molestiamque nullam; procul saltem arceat felicitatis ideam. Qua ergo ratione, & qua fronte sylvestris hujus hominis statum non modo non miserum, sed etiam felicem vocat Rousseau?

At inquit ille, nonne tranquillitas animi magna felicitas est? Utique, ajo ego, si illa ex possessione oriatur, fruitioneque bonorum: verum si ex simpli-

(*) Sequentia verba: & ut &c. desunt Pufendorfi ex Hobbs, de Civ. Lib. II. Cap. I. §. 9.

plici bonorum ignoratione confurgat, felicitas non est nisi *negative*, ut ajunt; quæque non hominis propria est, sed potius, belliarum, vel etiam amentium. Sed quid, si neque tranquillam ducere vitam posset sylvestris homo a *Rousseau* descriptus? Enimvero quomodo tranquillo esse posset animo qui, vel ipso latente *Rousseau*, foret semper *expositus* alicui periculo? Quomodo somnum quietum caperet, cui nunquam non esset timendum, ne a superveniente fera discerneretur? Quomodo tranquillus, cui assidue aut frequentissime pugnandum esset cum bellis non sine inagno, aut etiam certo succumbendi periculo? Et si verum sit quod ait, *Rousseau*, sylvestrem hominem virido quodam commiserationis sensu percelli; quomodo tranquillus esse posset, vel potius quam terribilem animi commotionem non expectaretur, qualesque non pateretur angores, quoties (idque frequenter contingere oporteret) aut puerum imbellem, aut inhrum senem ab immani aliqua bellæ lacerari, discerpi ac devorari, quin ipse suppetias ullas ferre posset, conspiceret? Quo certe spectaculo magis adhuc commoveretur ex eo, quod illud idem sibi quoque eventurum prævideret, aut timeret, aut saltem evadere posse, consideraret. Prætereo alia, quibus ut magnopere perterresceret, ipsa ejus naturalium causarum ignoratione efficeret: ejusmodi sunt horrenda cæli tonitrua, micantes in æthere ignes, grandines, ventorum impetus, & id genus alia, quæ nobis etiam quandoque terrorem incutiant. Ad illud accedo, quod ut certum statuit *Rousseau*, sylvestris hominis corpus fore ut plurimum doloris experts, quippe quod ob simplicem victus rationem raro aegritudine aliqua tentaretur. At ille nunquam, ut puto, cordato ulli homini persuadebit, nudum, ac sine testis sylvestris hominis corpus eo sola consuetudine pertinere posse, ut cum a solis æstu, tum a rigidiore hyemali frigore, aliave aeris inclementia non moleste premere- tur, cruciareturque; quin & insuper ita debilitaretur, ut in morbos frequentes

Tom. I.

incideret; quibus nulla ratione curatis, misere interiret. Neque deessent alii dolores saltem ob vulnera ex frequenti, (ut ponit *Rousseau*) cum feris conflictu recepta. Facenim, hujusmodi hominem sæpe cum leone aut cum urso luctari, semperque etiam, quod vix contingeret, victorem remanere; putasse hujusmodi victoriam sine ullo accepto vulnere ab eo comparandam? mirum sive semel id eveniret. Acceptis vero vulneribus, sin interiret omnino, certo doloribus acerbissimis angeretur in corpore; & animo inquieto quammaxime foret; siquidem timeret, ne alia superveniens fera quod reliquum illi esset roboris, perimeret; ipsamque demum in frustra discerptum devoraret. Pergat modo dicere *Rousseau*, mihi explicari vellem, quodnam genus miserie inveniri queat in agente libero, quod corpus sanum habeat, animumque tranquillum.

Pag. 77.

Sed nondum ultimam eamque sane maximam attigi hujusce status *sylvestris* ac *solitarii* miseriam. Hæc sita est in eo, quod vix ac ne vix quidem humanum genus multiplicari potuisset, mirumque foret, si omnino non interfisset. Finge enim animo id, quod esse oportuit in principio, paucos numero viros, totidemque circiter feminas per vastissimam sylvam errare dispersos: profecto contingere poterat, ut eorum virorum quilibet aut nunquam, aut semel, bisve tantummodo in vita obviam haberet aliquam feminam: putasse vero, vel virum statim congressum tentaturum, vel feminam extemplo consensuram in ipsum? Id verosimile non est admodum, sed potius, utrumque per viam suam perrecturum: virum quidem, quia quomodo femina apta esset congressui, ignoraret (nam & hoc est unum ex iis, quæ discere ab aliis quique solet; & experientia constat, extitisse plures, qui id diu, vel etiam toto vitæ tempore ignorarunt) feminam quoque eadem de causa, vel etiam naturali pudore, vel timore, aut dissidentia erga incognitam personam. Quod si homines illi modum cum feminis congre- diendi didicissent a brutis (neque e-

A a nim

nim. magistros alios primis illis hominibus assignat *Rousseau*) quam proclive fuisset, ut citius aut saltem æque, ab iisdem bestialem, quam humanam libidinem addiscerent? Verum utrunque hæc sese res habeat, quum ii non ex uno, necessarioque aperientur instinctu, sed, juxta ipsum *Rousseau*, velut *agensia libera*, adeoque ex prævia cognitione sese ad operandum determinarent; non video, quo motivo possent ad congressum primo impelli, quum & voluptatem inexperti ignorarent, nulloque sobolis procreandæ, seu generis propagandi desiderio tenerentur; quin & illud ipsum eos, judice ipso *Rousseau*, lateret, congressum ejusmodi ad id inservire. Ex his, aliisque, quæ cogitare quisque potest, aut nullos, aut certe rarissimos eo in statu maris feminaeque concubitus contingere debuisse, (saltem posita virorum, foeminarumque primis illis temporibus paucitate) colligere pronum est: nam si mares plurimos, plurimasque similiter feminas extitisse tunc velis, jam eam multiplicationem factam supponis, quæ modo in controversia est. Porro ex paucissimis, vel certe paucis hisce congressibus pauciores nascerentur infantes; ex quibus paucissimi, iique tantummodo veluti casu, ad maturitatem pervenirent: quandoquidem quum non essent sub custodia patris nec matris, & illum quidem vidissent nunquam, a matre vero ut primum ablati essent, fuissent dimissi; illi autem pro conditione ætatis neque eo robore, neque ea dexteritate pollerent, quo adulti; jam facillime in pallum cederent illius feræ, quam primo obviam haberent: eadem ratione fenes jam languentes ac debiles interirent maturius: quibus addendi sunt ex adultis non pauci, sive mares sive feminae, qui cum ferocioribus belluis pugnando succumberent; sicque humanum genus paullatim, non modo non multiplicaretur, sed penitus interiret. Verum ut demus etiam liberaliter, illud nequaquam in integrum perituum; id saltem exploratum esse debet, utpote ipsa meridiana luce clarius, difficilem admodum,

& exilem, multoque certe minorem ea, quæ in statu extitit sociali atque civili, futuram fuisse propagationem: quod brutorum exemplo animantium (quoniam hujusmodi argumentis *Rousseau* ipse delectatur) confirmari potest. Est enim cuique notissimum, animalia sylvestria in unoquoque genere esse numero paucissima; domestica e contrario numerosissima. Sic oves, capræ, boves sylvestres sunt paucissimi; sed domesticorum greges ubique ferme copiosissimi. Itaque ad ceteras status hominis sylvestris ac solitarii miseras hæc quoque accederet, nempe vel omnimoda impossibilitas, vel difficultas non parva propagationis, & multiplicationis generis humani. Ulterius minime progredior in hoc paradoxo refutando: non deerunt siquidem qui & operam, quam hucusque impendi, ceu supervacaneam reprehendant. Illius tamen me non poenitet: nam *Rousseau* adeo serio, tanta eruditione, tantaque eloquentia illud omnibus nititur persuadere, ut periculum sit, ne quempiam decipiat: & cui etiam cupidinem ingerat *gradiendi quatuor pedibus*, juxta jam memoratam phrasim *D. de Voltaire*.

Statum naturale *domesticum* (qui unicus nostra sententia *naturalis* dicens est) non adeo miserum futurum fuisse, si perseverasset, ac ipsum imaginantur *Hobbesus*, ejusque exscriptor *Pufendorfus*, hujus captis titulus enunciat secundo loco. Hoc non meis quidem, ne quid novi hac in re promere videar, sed aliorum verbis planum faciam. Quum vero plures ita sentientes afferre liceret, satis mihi erit retulisse duos, nempe *Heineccium*, & *Masovium*: quorum ille est notissimus, tritissimusque *Elementorum juris naturalis & gentium* Auctor; alter novam *Pufendorfi* editionem curavit anno 1744, illustravitque notis. Prioris verba sunt: *Status naturalis ob quædam perperam*

Lib. II.
T. XII.

„reprehenditur, veluti ob solitudinem,
„inopiam, famis, frigorisque periculum, ruditatem, virium propriarum,
„imbecillitatem, ac bella inter homines perpetua, quum ea omnia in fla-

„tu

tu naturali non minus, quam in civili potuissent evitari, si homines rectam rationem sequi voluissent: & in statu civili æque difficulter, ac in statu naturali evitentur, si homines rationem sequi nolint. Solitudo enim concipi non potest, nisi inter paucos, & brevi tempore. Inopia, fames, frigus non magis premere potuerunt homines in statu naturali, quam in civili; quum nihil obstitit, quominus & res necessarias occuparent, & commercia æque commode ac in civitatibus instituerent, & nondum nota esset illa dignitatum inæqualitas, quæ luxuriam matrem inopie peperit. Ruditati & ignorantie medemur per culturam rectæ rationis. Curvero rationem non æque excolere potuissent homines in statu naturali, quam in civili viventes? At plerumque candor, vitæque simplicitas pro barbarie; adfectatum elegantie studium pro cultiore vita venditur. Præterea quum hodie virium propriarum imbecillitati non aliter medemur, quam per pacta & fœdera; quidni idem in statu naturali fieri possit? Denique si bellum inter status naturalis incommoda referendum est; nihil sane præcipuum habebit status civilis; quippe quo factum est, ut quum olim singuli cum paucorum periculo vires inter se periclitarentur, hodie integræ gentes cum myriadam interita inter se invicem sæviant. Eat nunc aliquis, & statum naturalem civili deteriores dicat, quum hic iidem, quibus ille; ille pene non iidem, quibus hic, incommodis fuerit obnoxius. Hæc *Haimæcius*, cuius liber toties est excusus, atque etiam Venetis An. MDCCCL.

Mascovius vero ita hac de re disserit. Auctor iste in probanda generaliter *Hobbesii* sententia iusto liberalior fuisse videtur. Resutarunt eum latissime *Titius* *Observ.* 460. 461; & *Cl. Barbeyracus* nota 7. & sequentibus, quorum argumenta hic recenseri, lectoris interesse videtur, quum status utriusque naturalis & civilis commo-

da & incommoda fiant. Igitur I. In statu naturali fructus industriae cuiusvis satis certi; in statu contra civili laborum nostrorum proventus sæpe a malis Principibus pessundantur. II. Timor poenarum etsi in statu civili continendæ plebi sufficiat; parum tamen illo proficuum contra proceres & amicos Principum, utpote solitos leges eludere. III. In statu civilidamnum onus maximum societatis humanæ a potentioribus oritur, utpote qui animi motibus etiam vehementissimis obsecundare siveverunt; cuius contra insanæ potentie nullum temere exemplum in statu naturali inveniretur, ubi & potentie exempla deficerent, avertendo damno tali imparis. IV. Bella statum naturæ non necessario sequerentur, quod Auctor pluribus contra *Hobbesium* probat infra §. 5. V. Darentur quidem decertationes hostiles, sed non tam graves, ut in Civitatibus, nec ex tam immani congregientium numero constaret, & ex quibus, ut hodie fit, tantum non integra regna, & totæ provincie devallarentur. VI. Modi reprimendæ avaritiæ neque in statu naturæ deficerent. Vide quæ dicuntur infra L. VII. Cap. I. §. 7. nota 1. eidem contra difficilius occurrit in civitatibus propter ministeria & potentiam procerum. VII. Ad victum & amictum necessaria facile unicuique vis tribnerent suus labor & solertia, iidemque proinde soli ignavi aut prodigi carerent, perinde ut iis carent in civitate. VIII. Barbaries, solitudo, & tenebræ ignorantie in compluribus quoque regnis, in primis Asiæ, Africæ, & Americæ obvise. IX. Ambitionis, avaritiæ, voluptatis, iniustitiæ & crudelitatis monstra civitatibus sere propria sunt, utpote in ausis in primis dominantia, unde non lenta contagione ad subditos serpunt. X. Pax & securitas ex statu civili non minus exules, quam ex statu naturali; quod non tantum bella crudelissime gesta docent, sed etiam persecuciones testantur propter sacrorum

diversitatem civibus illatæ . XI. Divitiis certe præ statu naturali adfluere civilem, negant exempla tot mendicorum & hominum, quibus minus nihil est, in civitatibus obvia . XII. In civitatibus decori, studii societatis, elegantiae, scientiarum, benevolentiae nominibus sæpe vanitas, stultitia, pedantismus, odia, & subites fallendi artes teguntur: quidam autem his moribus boni aliquid inest, id neque a statu naturali penitus alienum . Præterea hæc perpolita vita, hæc elegantiae, hæc urbanitatis, & ceteræ urbanitatis suavitates in solis urbibus majoribus inveniuntur; ruri contra ubivis, etiam in regnis cultissimis plena omnia squaloris & rusticitatis . Ex quibus manifestum est, nec civilem sane statum, ut alios in rebus humanis nihil, ex omni parte beatum esse . Ut enim status civilis reprimenda hominum malitiae accommodatior sit, quam naturalis, si recte & sapienter imperium administratur: tamen si summa in republica potestas viribus suis vel per se vel per suos

„ administratos in imperio abutatur, multo is infelicior est, quam status naturalis, quod in primis ex bellis, & „ seditioibus est manifestum “ . (a) Ita quidem hi Auctores in quibuscumque illud mihi satis non probatur, quod quum utriusque status naturalis, & civilis felicitatem, miseriamque expendunt, & comparant; tamen uter illorum præferendus, manifeste expetendus sit, neutiquam definiunt . Fortasse omissionis huius causa est, quod præferendum omnino esse statum civilem, velut rem omnibus competentem exploratamque haberent: vel quod ratifunt, & quidem non immerito, status socialis, civilisque firmitatem a theoretica de maiore, minoreque alterutrius status miseria vel felicitate quæstione nequaquam pendere . Et sane fundamentum multo firmiore, quam aliquo felicitatis excessu, seu potius maiore quadam vacuitate miserie, nititur civilis, politicusque status; ut infra explanabitur . Nihil tamen minus ne quis ex qualicunque, quod laudati Auctores texunt, status naturalis elogio, ansam arripiat illum

(a) Statum naturalem non tot, tantaque, ut *Hobbesius*, & *Pufendorfius* contendunt, necessario inferre mala & incommoda, valide confirmari potest ex iis, quæ de *Groenlandia* refert *Joannes Andersonius* in sua *Groenlandia descriptione* edita *Amburgi* anno 1746. *Groenlandia*, inquit Auctor ille sane doctus & gravis (verba ejus germanica latine redidit) vivunt, in vero, proprioque statu naturali seu libertatis: attamen solummodo talis, qualem multi de *jura natura* scribentes describunt, atque terrificis coloribus pingunt... Vivunt illi in summa concordia, animorumque unione: invidiam, odium, inimicitias, infidias, iram, dissidium penitus ignorant, ac multo magis cædes, violentias, latrocinia, atque homicidia . Nihil etiam de bellis cum finitimis novunt; adeoque eorum arma venationi tantummodo accommodata sunt . De scortis & scortatoribus inauditur nihil . Etiam qui connubia non ineunt, castitatem servant; nemoque reperti-

„ tur, qui ad aliquam impudicitiam pelliciat aut inducat . Daai quidem olim „ unam vel alteram ex his puellis tentarunt; sed omnino frustra & incassum . . . Maritati ita mutuo se gerunt, ut nullum adulterii exemplar „ habeatur . Res suas agnoscunt illi: at unusquisque alteri intacta quæ acquirat aut possidet, relinquit . Furtum & „ rapina res sunt omnino ignotæ . Omnia patent aperta; carent enim foribus, & feris & armariis & arcibus: nemo tamen sibi surripit quod alienum „ est . Nunquam quispiam ab alio decipitur inauditur “ . Hucusque *Amerfonius* . Quæ quidem *Hobbesianis*, atque *Pufendorffianis* incredibilia videbuntur . Verum nihil habent quod contra gravissimi illius viri auctoritatem excipiant: præsertim quum etiam D. *De la Hontan* similia testetur de populis quibusdam *Americanis* in sua *descriptione Americæ septentrionalis* . Part. II. pag. 98. Fides tamen horum omnium sic apud Auctores.

illum statui civili præferendum aut præi-
lo expetentibus; operæ pretium duxi, a-
liam propositionis seu tituli partem ad-
dere, & exerte pronuntiare, statum ci-
vilem esse omnino naturali præferen-
dum; idque rationibus aliquot confirma-
re: quod quidem, postquam *Rousseau*
in illo extollendo, & in hoc deprimen-
do tantum operæ impendat, magis ad-
huc necessarium videtur. Hæcigitur po-
strema assertionis pars sequentibus ra-
tionibus fusteri potest.

Primo. Homines consensione summa
statum civilem, naturali relicto, assu-
ferent, ut vix possit reperiri ulla adve-
gressis ac barbara natio, quæ aliquam
civilis regiminis formam non constitue-
rit. Præsumendum est igitur, statum
hunc illo esse meliorem, eique, pen-
satis omnibus præferendum.

Secundo. In statu civili plura quam
in statu naturali media sunt ad bene,
beateque vivendum. Nam 1^o. est ex-
quisitus superiorum & inferiorum ordo,
qui ad consensionem, perturbationemque
tollendam necessarius est. Qua de caus-
sa *S. Thomas* putavit, futuram fuisse
speciem aliquam civis regiminis etiam
in statu innocentie, si perseverasset.
2^o. In statu civili multi sunt, ac præ-
sertim supremus imperans, qui bono
publico, privatoque promovendo in id
constituti incumbunt, quum in statu
naturali unusquisque tere solus sibi con-
sulare deberet. 3^o. Cives, quemadmo-
dum arctiore quam solius naturalis si-
militudinis vinculo conjuncti sunt, ita
magis sese mutuo ad consequenda bo-
na, malaque depellenda juvant. 4. Plu-
res sunt in statu civili leges, quæ &
virtutem excitant præmiis, & vitia pœ-
narum comminatione coercent. 5. De-
mum, ut alia multa præteream, in
statu civili excoluntur variae artes, &
scientiæ quam plurimæ, quarum vix
vestigia aliqua in statu naturali reperi-
rentur.

Tertio. In statu naturali Evangelii
prædicatio difficilior, atque Christianæ
Religionis exercitium ferme impossibile
fuisset: vix enim concipi potest, quo-
modo eo in statu, in quo homines nec

invicem convenissent, nec certo in lo-
co constituti ac veluti alligati constituis-
sent, fundari possent Ecclesiæ, Pastores.
que eligi ac constitui, qui munia Eccle-
siæ obirent; cogi concilia quum opus
esset, & alia id generis fieri. Est ergo
civilis status naturali absolute præferen-
dus saltem a nobis Christianis: imo &
ab omnibus qui aliquam religionem pro-
fitentur; vix enim ulla religio sine so-
cietate civili exerceri, & coli decenter
potest.

Obiectio prima. Status civilis majori-
bus obnoxius incommodis est, quam sta-
tus naturalis: faciem, imperantem ef-
se malum, injustum, crudelem &c. quod
quidem non raro contingere potest; quam
tetra profecto, quam misera tunc civi-
tatis est facies! Id non est opus uberius
explicare: sat est ad memoriam revo-
care *Tiberii*, *Neronis*, aliorumque sæ-
vissimo-um Imperatorum tempora. An-
non enim plura tunc mala contingebant
in unica civitate unius vel alterius diei
spatio, quam longo tempore in statu
naturali, & in vasta regione accidissent?
ut nihil dicam de malis, quæ pariunt
frequentissime regnanti libido & con-
tentiones regnanti; quibus bona &
vita subdito-um miserrime, & levi
quandoque de causa pessandantur, ac
pereunt.

Responsio. Nihil in hac vita potest
esse tam bonum, quod hominum ma-
litia verti non queat in malum; immo
quo aliquid melius est suapte natura,
eo pejus evadit abusu, juxta illud: *cor-
ruptio optimi pessima*. Igitur prædicta
mala non ex status civilis conditione
fluunt; sed ex iniquitate eorum, qui
concessa sibi ad bonum finem auctori-
tate abutuntur. Hinc populi nonnulli suo-
rum imperantium potestatem certis li-
mitibus circumscribunt, ut prædictum
abusum quam longius arceant; quod &
re ipsa plerumque obtinent. Quare pro-
posita obiectio non statum civilem quem-
cunque, sed eum tantummodo impetit,
in quo unicuique imperans pollet supre-
ma & illimitata auctoritate: cetera sta-
tus civilis genera, licet in se, fortasse
minus perfecta, non tot tamen, tantis-
que

que ex imperantium abusu in commodis obnoxia sunt.

Objeſſio ſecunda. Status naturalis præſtaret ſtatu civili 1. *libertate naturali*, ſeu omnimoda a quovis imperante independentia; quæ ſola tanti eſt pretii, ut quibuſlibet vitæ commodis vix queat compenſari. 2. *Innocentia & ſimplicitate*: quum enim in eo ſtatu non tot eſſent quot in civili, irritamenta paſſionum, neque tanta eſſet nec adeo ſubtilis humana malitia; hinc innocentius viveretur, atque ſimplicius. 3. *Tranquillitate*: quanquam enim tunc non deſuiſſent hoſtiles aliquæ concertationes; eæ tamen neque armorum, quæ adhiberentur, conditione, neque congreſſentium multitudine, cum bellis noſtris comparari potuiſſent: felicior ergo eſſet ſtatus naturalis, adeoque civili omnino præferendus.

Reſponſio. Tametſi admitteretur ut verum, ſtatum naturalem quoad tria illa in objeſſione enumerata reiſp præſtare civili; & idcirco tamen aſſertio noſtra neutiquam infringeretur. Neque enim aſſerimus, nihil proſus in ſtatu naturali reperiri, quo ſolum ſpectato, civili ſtatu præferri non queat; quam ultro fateamur, cum poſſe cum civili de ſeicitate in aliquibus contendere: attamen volumus, civilem ſtatum, ſi penſentur omnia libenturque, eſſe naturalem omnino præferendum; adeo ut ſi optio deretur utrumlibet eligendi, ſtatus civilis, potius quam naturalis omnino eligendus foret: & hoc plane conſciunt quæ attulimus, momenta, ſi ut par eſt expendantur, percipianturque. Ceterum multæ ſunt exceptiones, quas patiuntur enumeratæ naturalis ſtatus prærogativæ: nam primo quoad *libertatem naturalem*, ſeu omnimodam independentiam ſpectat, ego negandum non arbitror, eam in ſe eſſe magnopere æſtimandam, atque ſummis faciendam tantquam præſtium Dei donum (ut loquitur Vir ſummus *Ludovicus Antonius Muratori* in ſua *Philopſophia Morali*) in iis ſcilicet, qui ea & ſui poſſint legitime, & recte uti: quamobrem ſupremi Principes vix de alio magis, quam de hac

omnimoda libertate & independentia gloriari ſolent: attamen ea generatim hominibus ob proximum, inevitabileque abuſus periculum, minime conveniens aut utilis eſt; ſed multo optabilior eſt libertate omni fræno ſoluta moderata ſubjeſſio, cujuſmodi viget in civili, recteque inſtituto regimine: quandoquidem ſubjeſſio iſtæ non tam adimit libertatem, quam ad rectum libertatis uſum adſtringit. Quare qui bona ſunt indole, & quorum voluntas in rectum propendet, ſubjeſſionem civilem non modo patienter ſerunt, ſed amant; adeoque naturalis libertatis privatio nullam iſtis moleſtiam creat, ſed voluptatē.

De altera naturalis ſtatus prærogativa primo dici poteſt, incertum eſſe, quæ & quanta futura fuiſſet eo in ſtatu, ſi perſeveraſſet, hominum innocentia atque ſimplicitas: fortassis enim aliqua quidem vitia minus in eo regnaſſent, quam in ſtatu civili; ſed alia magis. Sane atrociffimum *Caini fratricidii* Gen. IV. 1. filiorumque *Patriarchæ Jacobi crimen peſſimum*, ac fratris optimi decreta Gen. 27. primo cædes, & poſtea executioni mandata venditio non admodum præclaram illius ſtatus ideam nobis offerunt. Secundo, in ſtatu civili æqualis ac etiam major, quam in ſtatu naturali cuſtodiri poteſt innocentia, atque ſimplicitas, ac reiſpæ cuſtoditur a multis; quin ad id præſtandum majora hoc in ſtatu ſunt & plura ſubſidia, quam in illo, in quo libertas omni fræno ſoluta nullum criminibus obicem poneret; nullamque ad cuſtodienſam innocentiam incitamentum ſubminiſtraret. Hinc tertio, ſi major aliqua tunc fuiſſet innocentia atque ſimplicitas, non id ex illius ſtatu; in quo nullum vitii, criminibuſque obſtaculum foret, perfectione oriretur; ſed vel ex ruſtitate & paupertate, vel certe ex eo, quod minora eſſent irritamenta vitiorum, ut in objeſſione ipſa indigitatur: quæ ratio perinde valet ad minuendum vitiorum numerum, ac ad detrahendum virtuti pretium: virtus enim in eo præſertim elucet, quod peccandi occaſionibus reſiſtat, & pravitatis inci-

tamentis haud succumbat. Hinc major illa innocentia potius sita esset in vacuitate & ignorantia vitiorum, quam in praesentia, magnitudine & multiplicitate virtutum.

Quod demum tranquillitatem attinet, fatendum est, multo minore congruentium numero peragenda fuisse bella in statu naturali ac in civili; quia scilicet deesset tunc potestas adeo ingentes hominum copias congregandi, easque in perniciem mutuum impellendi. At vero contendo nihilofecius, minorem eo in statu futuram fuisse securitatem, quod tunc improbitas hominum nulla publica potestate coerceretur. Quam ob causam vix unquam tunc deesse possent timores; & fortasse, major quoad plurimos est nunc, vigente bello, securitas, quam fuisset tunc in plena pace.

His positis, quæ in hac responsione notavimus, ac bene perpensis, probeque intellectis, facile est omnia elidere, quæ tanto impetu ac calore contra assertionem nostram in citato libello opponit *Jac. Jacobus Rousseau*, ut statum socialem, atque civilem naturalem, & quidem suo *illo sylvestri ac belluino* multo deteriorem esse, conficiat. Antequam vero ejus argumenta profero, tria ego præmittam ac statuam, quæ videntur mihi plane certa per sese, ac explorata. Primum est: uter præferendus sit status, non ex sola majore, minoreve felicitate definiendum est, si hic nomine felicitatis sola vacuitas miseriarum ærumnarumque intelligatur; sed ex majore, minoreve complexione cujusvis generis bonorum, quæ in eo sunt. Secundum: præstantiam alicujus status metiri non debemus ex his, quæ per acciden-
 tes in eo contingunt; sed ex fine ejus & scopo, mediisque ad eum finem consequendum destinatis. Tertium: ut qui nam præferendus sit status, merito sapienterque constituitur, non cum singulis individuis, sed cum toto humano genere, hujusque pro conditione status perfectione, comparatio instituenda est. His probe constitutis ac præ oculis habitis, facile erit laudati Scriptoris fallacias detegere, & cunctas ejus machi-

nas disjicere; ut patebit ex sequentium ipsius objectionum refutatione.

Objectio tertia. *Vita civilis multo facilius promptiusque intolerabilis redditur, quam naturalis: non enim ferre alios circum nos videmus, nisi homines, qui existentiam deplorant suam: multi etiam vitam sibi adimunt, aut si liceret, adimerent; adeo ut neque divina, neque humana lex huic furori compescendo sufficiat. At vero an ne auditum est unquam, sylvestrem hominem ullum vitam sibi eripuisse; aut, quod multo minus est, tantummodo de existentia ac vita sua conquestum esse? Vera igitur miseria non in statu naturali reperitur, sed in civili: atque ideo hic illi non est præferendus.*

Responsio. (1) Nulla major fingi potest miseria, ut supra dixi; quam hominem, animal præstantissimum, vivere in statu irrationali ac belluino, omnique rationis, qua homo est, usu carere & fructu; cujusmodi esset homo in statu naturali a *Rousseau* confictio. (2) Qui sibi necem inferant, paucissimi sunt; & ii plerumque atra potius bile ad amentiam redacti, quam ærumnarum pondere in desperationem impulsi. Qui de vita sua conquerantur, plerimi quidem sunt; at ii tamen non ex status civilis conditione, sed propria culpa vel errore aliquo, aut casu in miseriam inciderunt. (3) Etiam ex sylvestribus hominibus non pauci ægre ferunt vitam suam: cujus rei signum est, quod eorum aliqui fere semper tristitiam præferunt ore, & suspiria identidem trahunt; ut de *Groenlandia* *Novæ incolas* refert *Anderssonius*. Demum si multum est miseriæ, molestiarumque in statu civili, multum quoque extat solidæ voluptatis & gaudii: quo carent omnimode homines sylvestres & solitarii, qui a *Rousseau* in statu dicuntur naturali. Huc facit, quod ante adnotavi non ex mera miseriarum vacuitate definiendam esse status naturalis, civilisve præstantiam.

Objectio quarta. Status civilis præferendus non est naturali, nisi prius ac-
Rousseau
curato inito examine constet, an in cultis
pag. 69.
homi-

hominibus plus sit virtutis, quam vitii; vel an eorum virtutes plus adferant utilitatis, quam damni eorundem vitia; vel an ipsorum in rerum cognitione progressus sufficienter compensent mala, quæ ipsi mutuo sibi inferunt prout magis cognoscunt bonum, quod sibi mutuo facere deberent; vel demum, an pensatis omnibus, meliore essent loco, si nihil sibi a quopiam timendum foret, aut sperandum; quam si universali dependentia se aliis submitterent, a quibus recipere omnia debeant, quin illi se obligent ad aliquid dandum. At hoc vero non constat; sed potius experientia contrarium videtur esse competentum. Perperam igitur nobis status civilis naturali præferendus obtruditur.

Responsio. 1. Ut statui naturali civilis merito præferendus censeatur, negandum arbitror, oportere, ut vitia in hoc statu recipia a virtutibus superentur sive magnitudine sive numero: satis est quippe, statum civilem per se ad virtutes colendas esse ordinatum, atque eum civilem statum, ut cæ coli possint, plane requiri ac necessarium esse; quippe qui & earum notitiam præbet, & virtutum exercendarum occasionem, materiamque suppeditat. Nihil vero officit hujusce status præstantiæ, quod talem in eo vitiorum quoque occasiones suppetant: nam & ipsa vitiorum occasio est materia virtutum quoad eos, qui velint recte agere; & vitia, si perpetrentur, sunt omnino extra status civilis scopum, utpote quæ ex cuique infantiæ libertatis abusu unice originem trahunt. Quis vero merito ierit inficias, maiorem esse illius status præstantiam, in quo præclarissimæ exerceri virtutes valent (tametsi per accidens, seu ex voluntario libertatis abusu vitia etiam fortasse haud minora irreperant) quam sit illius status, in quo fuisset nullus nec vitii, nec virtutibus locus, cujusmodi foret sylvestris ille, ac solitarius, qui pro naturali nobis a *Rousseau* divenditur; & quo etiam gaudent bruta omnia animantia: alioqui si propter abutum hominum status civilis præstantiam suam, perfectionemque amitteret; neque ratio, neque libertas, quibus præ-

stant ceteris animantibus homines, ullum in pretio habenda forent, quum istantopere ipsi homines abutantur.

At ajo secundo, non ita certum esse, ut vulgo creditur, paria, vel etiam majora esse in statu civili vitia ac sunt virtutes. Id equidem sæpissimè medici vulgo solet & affirmari; at id oritur fortasse ex eo, quod vitia magis vulgo observentur, quam virtutes; & quod homines generatim vividius sentiant injurias sibi illatas, quam collata beneficia. Ceterum recentissimus Auctor in gallico libello quem *de Natura* inscriptum edidit Amstelodami anno 1762. demonstrandum assumit, in hoc Universo esse necessario perpetuum boni, malique, cum physici, tum moralis æquilibrium; adeo ut quantum bona crescant, tantum augeri debeant & mala; & si bona decrescant, eadem proportionè decrescere debeant & mala: & in hoc vel maxime ait, consistere armoniam hujus universi. Porro in hac hypothesi (quam ut verissimam thesism haberi vult ille auctor) tum modo in statu civile essent, tum in statu naturali fuissent paria virtutibus vitia, paræque vitii virtutes: pauciora quidem, & minora vitia in statu naturali, sed & minores paucioresque virtutes; majora quidem, & plura vitia in statu civili, sed æque majores pluresque virtutes, & vicissim. Ut ut tamen hæc sese res habeat, illud certum est, vitia omnia atque delicta suo modo conferre ad perfectionem universi, & ipsius corporis politici, in quo esse nequirent tot virtutes, nisi essent tot vitia. Sane justitiæ vindicative non esset locus, nisi crimina, quæ puniendi forent, suppetere; nec esset patientiæ, tolerantæ, magnanimitati &c. locus, ni forent injuriæ, quæ tolerari possent, vel condonari; nec vitiorum umbra semota, adeo virtutes splendescerent; neque hæc in tanto haberentur pretio, si illis nequaquam dos raritatis accederet; quin & ignorarentur penitus, sublata comparatione vitiorum. Verum ut quid hæc fusius persequor? nam satis est dicere, hæc omnia civilis status incommoda fuisse semper Deo com-

Pag. IX.

compertissima, & tamen divina sua providentia voluisse, ut status civilis inter homines inveheretur, ac vigeret in Mundo. Immo, eodem fatente *Rousseau* *Deus ipse hominem e statu naturæ eduxit; ac homines sunt inter se inæquales* (hoc est alii subditi, & alii superiores) *quia Deus voluit, ut essent inæquales*: quod dum ait, suumque deinde statum naturalem belluinum ceu felicem statui civili velut *miserrimum* præferendum contendit, non animadvertit vir audacissimus censuram suam totam in Deum divinamque eius providentiam cadere.

Hæc, quæ diximus de primo objecto-
nis capite, reliquis ejus partibus facile aptari valent, modo semper quod *per se* convenit statui civili ab eo, quod illi per accidens advenit, secernatur; & non tam peculiarium individuorum felicitas, quam ipsius humani generis perfectio consideretur; & quod caput est, finis ob quem conditus est homo, nempe Dei gloria, præ oculis habeatur. Hinc minime necesse arbitror, in his diutius immorari. At præterire non possum ex citatis verbis postrema, quibus *Rousseau* Principes omnes, ac tum eorum potestatem, tum subditorum ad obediendum obligationem ceu *inconsultam* suggillat. *Considerandum*, inquit *illic, an non meliore essent homines loco, si nihil illis a quoquam timendum foret: aut sperandum, quam sese omnimode alii quibus submittere, a quibus omnia recipere debeant, quin ipsi ad quidquam dandum, seu præstandum se obligent*.

His verbis nil dolosius dici potest, nilque seditiosius: sed æque nil magis falsum. Compertum est enim, exploratumque omnibus, Principes omnesque imperantes supremos, sin expressis verbis & pactis cum subditis suis initis, tacite saltem, impliceque gravissime se obligare eo ipso, quod in imperium, ac regimen assumendum consentiant; eo enim ipso consentiunt in onus obligationemque regæ potestati adnexam, nempe bene recteque Rempubliam administrandi, subditosque regendi, eorumque bonum, quoad per eos fieri potest, promovendi; ac norunt illi opti-

Tom. I.

me, sese archissime jure naturali ac divino ad id adstringi, seque hæc de re *Deo, a quo est omnis potestas, strictissimam rationem reddituros*. Quid amplius vult *Rousseau*? Premat ergo sileo temerarias eas voces, nec ultra audeat, omnes homines stupiditatis accusare, ac si sese inconsulto submitterent Principibus, a quibus debeant omnia recipere, quin illi ad quidquam dandum se obligent.

Obiectio quinta. *Homines sunt improbi & mali. Infausta & continua experientia probationem omnem supervacaneam reddit. Attamen homo est naturaliter bonus* (quod demonstratur præsertim ex insto a natura vivido commiserationis sensu erga sui similes, si quos torqueri vident.) *Quid ergo potuit, adeo depravare hominem, nisi mutationes, quæ ejus temperamento supervenerunt; progressus, quos fecit, & cognitiones, quas acquisivit?* *Admirari* babeatur, quantum libet, humana Societas, nihilo tamen minus verum erit, eam necessario impellere homines ad mutuum edium, prout eorum utilitates sibi mutuo obstant; & ad sibi mutuo fida quidam officia præstanda, & vera damna inferenda quoad fieri potest, maxima.... siquidem in damno alterius reperimus emolumentum nostrum; & jactura unius fere semper lucrum parit alterius.... Relictis ergo frivolis benevolentie demonstrationibus, intimum cordis hominum excutiat, expendaturque, cujusmodi esse debeat status ille, in quo omnes homines necesse habent, verbis sibi mutuo benevolentiam ostendere, & fidei inferre perniciem; & in quo ii nascuntur hostes ex debito, & subdoli sunt ex necessitate. Si respondeas, societates esse ita constitutas, ut unusquisque inferendo aliis lucratur aliquid; reponendum est, præclarum id fore, optimumque, nisi etiam quisque nocendo aliis plus lucri haberet. Lucrum nullum legitimum est adeo magnum, quo majus illegitimum comparari non queat: ac sæpissime injurie sunt utiliores officiis. Res igitur eo devaluatur tota, ut impunitatem solummodo possit quis certo sibi polliceri: & in hoc vires suas intendunt potentes; da-

Romæ.
XIII. 2.Rousseau
ib. p. 126

B b

biles

biles astus suos. Homo sylvestris postquam prandium sumpsit, in pace est cum tota natura, & amicus omnium sui similibus: & si quando contentio ciborum causa oriatur . . . ea ut summum aliquot pugni ictibus dirimitur, statimque pax instauratur. At diversum omnino est negotium hominis in societate degentis: in ea agit primo de necessario providendo; deinde de superfluo: succedunt delicia; postea divitiæ immensæ: inde comparandi sunt subditi & servi; nullumque superest tempus quieti. Sed illud magis adhuc singulare, quod quo minus naturales, minusque urgentes sunt indigentia; eo magis augentur passionēs, & quod pejus est, eo magis illis satisfaciendi voluntas crescit: adeo ut post diuturnas prosperitates, post plurimos accumulatos thesauros, plurimosque homines morti traditor, perditosque; herus noster finem faciet omnes jugulando, quoadusque solus ipse totius universi dominus remaneat. Hæc est moralis tabula paucis descripta sin humanæ vitæ, saltem desideriorum cuiusvis hominis civilis & culti.

Responso. Objectionem hanc ipsius Rousseau verbis, licet fusioribus, proponere placuit, ut specimen haberet lector gentii, indolisque ac modi ratiocinandi istius misanthropi, qui in universum humanum genus iratus indignatusque videtur; quique sylvestrium hominum, quin & brutorum amiciorem se præbet, quam civilium, cultorumque; ut ad sylvas idcirco, quorum incolæ adeo prædicat, amandandus merito videatur. Ceterum vix quidpiam difficultatis præfert obiectio istæ, cui ex antedictis satisfieri non possit. Præstat tamen, addere aliqua; atque illud imprimis, quod maximam Rousseau irroget humano generi injuriam, dum exerte, iteratoque pronunciat, omnes homines malos esse, & ad omnem injustitiam, iniquitatemque patranda, secluso timore pœnarum, paratissimos. At constat clarissime, quidquid crocitet ille, plurimos etiam esse, qui quum possint facere mala, non faciunt; quique sunt ab benefaciendum pronissimi. Falsissimum est vero, in societate homines

necessario impelli ad mutuum odium & nocumentum; vel tunc etiam, quum utilitates plurium invicem regnant. Id affirmare non potest, nisi qui liberam arbitrium e medio tollat (quod tamen, si ipsi credimus, admittit Rousseau) & rationis sequi dictata, passionibus insurgentibus, impossibile arbitretur: quod, constat esse falsissimum. Quemadmodum e contrario clarum est, in statu civili quamplurimos a malo, quod corde conceperint, inferendo pœnarum comminatarum timore absterri, propterea quod norint, ad impunitatem obtinendam ut plurimum non valere neque vires potentium, neque astus debilibus. Hæc vero propria civilis status dos est, hac ratione tranquillitati consilere, quæ in statu naturali impune, saltem a potentioribus turbaretur. Quum autem ait Rousseau, homines naturaliter, seu in statu naturali bonos esse, falsos autem esse malos statu civili; in uno quidem ludit in verbo, in altero autem fallaciam committit. Quum enim status huiusce civilis cum sylvestri, ac solitario, ulumque rationis præventionem comparationem instituat; quumque diserte ailerat, homines eo in statu, quum nullam inter se moralem relationem haberent, neque ullam obligationem agnoscerent, nec bonos esse potuisse nec malos, neque vitia habuisse, neque virtutes; iam dicere non potuit, in statu naturali homines esse bonos nisi physica quadam bonitate, quatenus physico commiserationis sensu sylvestres homines ab aliis lædendis, si ei credimus, avocarentur: eo igitur sensu si essent boni, quo bonidicuntur canes, qui non mordent, & equi, qui calcibus non feriunt. Quæ profecto bonitas, quantacunque esse concipiatur, minimo gradui bonitatis moralis, seu veræ virtutis, quæ in statu civili frequens reperitur, nequaquam æquivalet. Hinc si accurate & cohæenter Rousseau loqui voluisset, dicendum ei erat, hominem in statu naturali nec bonum esse nec malum; in civili autem statu bonum esse, & malum. Sed quid inde inferri potest? An ne hominem civili

Pag. 22.

Ecc.,
xxx, 19.

statu factum esse malum? At eoque eadem ratione dicam, factum esse bonum; & quidem hoc ingenti cum discrimine, quod bonitas per se a statu civili intendatur, promoveaturque; malitia vero seu perversitas ad ipsum per accidens tantummodo, ex pravo videlicet libertatis usu consequatur: atque idcirco quantacunque ea sit, minime derogat civili status prærogativæ supra naturalem, sylvestrem ac solitarium. Fallaciam ego committit ille non causæ pro caris, ut vocant, quum vitiorum multitudinem ac magnitudinem in statum socialem, seu civilem veluti in insauissimum fontem refundit.

Quod si reponat ipse, concipi non posse talem ac tantum libertatis abutium, nisi natura ipsa sit depravata; in hoc quidem illi facile assentior, quin & hoc ipsum volo: sed in eo illum reprehendo, quod huiusmodi depravationem ex statu civili derivet; quum immo huiusmodi status ad ejus depravationis fructus aut præcavendos, aut præcidendos institutus sit. In hoc item ipsum reprehendo, quod insectam rationis perfectionem velit esse depravationem humanæ speciei; quod acquisitas temporis tractu notitias esse contentam vitiorum parentes ac causas; quod demum sese perficiendi potentiam, quæ præcipue putat ille, discriminari hominem a brutis, velit esse unicum humanæ miseriæ, infelicitatisque fontem. At vero si scripturæ sacræ fidem aliquam, ut debet, haberet, non alium profecto humanæ miseriæ fontem quæreret, nisi quem revelatio nobis patefacit, nempe peccatum originis in omnes homines naturali generatione transfusum, insectamque per ipsum in omnes homines corruptionem naturæ. Hæc profecto est verissima humanæ miseriæ causa; neque aptiorem aliam indicare unquam poterit ipse, etiamsi quamcunque arripiat fingendarum hypotheseon libertatem. Desinat ergo tangere aliquando, socialem, civilemque statum, seu unicum humanæ miseriæ fontem causari; præsertim quum ea demum proferat, ex quibus ejus supra

statum naturalem præstantia invicte demonstratur.

Posteaquam enim de naturalis sui, sylvestris, solitariique status felicitate toto eloquentiæ suæ nisu differuisset, atque socialis, civilisque status miseriam mire exaggerasset, hanc sibi, quæ se ultro offert, objectionem proponit: *Quid igitur? an destruende sunt societates, atque remeandam ad sylvas, ut ibi vita traducatur cum ursi? Adhibita atque præmissa distinctione eorum, qui celestem vocem, idest divinam revelationem non audierunt, atque persuasi sunt, non aliam esse pro specie sua destinationem, quam ut brevem hanc vitam in pace decurrant; & eorum, qui in Pretoparenæ supernaturalibus documentis honorati sunt. . . . quique non dubitant, humanum genus ad splendorem, felicitatemque supernarum intelligentiarum divinitus vocem esse; primis quidem (idest materialistis) ita respondet: quandoquidem a vobis pendet, vestram, primitivamque innocentiam recuperare (quasi vero iis, qui animam simul cum corpore existimant interire, morum innocentia valde cordi esset); properate ad sylvas, ut liberi ibi sitis affectu, memoriaque criminum contentiorum vestrorum. Utinam vero illi omnino omnes huic homini ita præcipienti obtemperarent, sic enim, eorum consortio præciso, minus humanæ Reipublicæ periculum immineret. At ii, sat scio, istiusmodi præceptum sive consilium magnopere ridebunt, atque contemnent; eoque avidius in statu sociali suis frui pergent voluptatibus, quibus prorsus carerent in sylvis, quo magis & firmius tenent, nullam sibi voluptatem superesse possint. Aliis vero (idest iis, qui Revelationem admittunt, fidemque ei attribunt) consilium dat manendi in statu ac societate civili: ii enim, inquit, curabunt, ut exercitio virtutum, quarum obligationem una cum earundem cognitione acquisierunt, æternum quod expectare debent, præmiū mereantur. &c. Recte quidem in hoc ille: sed vel huc solum (ajo ego), clarissime patet, quanta sit*

status socialis & civilis præstantia, in quo præmiū æterni acquirendi facultas adest & occasio: quod quidem præmiū obtineri nullo modo posset in statu naturali *si vellet*; & vix, aut certe non ita facile, in naturali domestico: juxta ea, quæ diximus in postrema assertionis nostræ probatione. *Nihilominus* illum contemnendum præscribit Rousseau (a): at nos ipsum Rousseau merito contemnemus; nihilque facientes ejus verba, præferre pergemus statum civilem statui naturali.

CAPUT VII

Status hominum naturalis aliquando extitisse videtur: multiplicato tamen humano genere vix ac ne vix quidem perdurare potuit. Nihilominus fuerunt & nunc sunt aliqui homines; & probabiliter integri etiam aliqui populi in statu naturali. Status civilis generatim necessarius est.

Quoad ætiamiam, possibilitatemque status hominum naturalis in diversas abeunt Auctores sententias: quæ tamen opinionum diversitas tota ferme ex diversa, quam sibi efformarunt, illius status idea proficiscitur. Nos, qui, ut ex supradictis patet, statum naturalem statui civili tantummodo opponimus, adeoque statum domesticum arbitramur esse naturalem; idcirco ei haud omnimodam libertatem, atque independentiam tribuimus; sed eam duntaxat, quæ obligationem ac dependentiam civilem excludat. Eapropter subiecto-

nem naturalem, cuiusmodi est uxoris ad maritum, filiorum ad parentes, eidem relinquimus; neque enim video, cur quum istiusmodi subjectiones naturales sint, seu a natura ipsa profectæ; statum minus naturalem reddere valeant, adeoque ab eo sint penitus ablegandæ; quod a quibusdam Auctoribus fieri solet, & imprimis a Pufendorfo, qui eorum, qui in statu naturali vivunt præcipuum ius esse, ait, ut nemini præterquam Deo sint subiecti. Cui suffragatur Szwartzius, qui idcirco statum naturalem in specie definit conditionem hominum inter se equalium neque alterius, quam Creatoris arbitrio subditorum: ex qua definitione postea colligit statum naturalem respectu totius generis humani nunquam extitisse, neque existere posse in moderna Creatoris providentia; ob eam scilicet rationem, quod in moderna Creatoris providentia nunquam extitit, existit, aut existere potest extra societatem saltem conjugalem, seu domesticam; indeque nunquam fuit, est, aut esse potest omnino independent ac liber. Verum ratio ipsa qua evincit, statum naturalem non excludere subjectionem Creatoris arbitrio: quia videlicet dependentia ista naturalis est ac congenita ut ipse ait; eadem, mea quidem sententia, conficit quoque, minime excludere subjectionem uxoris marito, & filiorum parentibus; quia hæc quoque subiectio naturalis est, nempe ab ipsa met natura inducta, atque præscripta (b). Hoc itaque posito, nihil est, quominus dicamus, extitisse aliquando statum naturalem, per id scilicet tempus, quo

non-

(a) Mais ils n'en méprisèrent pas moins une constitution, qui ne se peut se maintenir &c.

(b) Hinc mihi minus arduum divisio statum, quam tradit Joannes Hooke in opere, quod inscribitur *Religionis naturalis, & revelata principia*, (T. 1. pag. 260. edit. Venetæ an. 1763.) in naturalem, domesticum, & civilem: nam etiam domesticus est maxime naturalis quippe a natura ipsa suam habens originem. Etandum tamen in statu naturali duas

hominum classes distingui posse: quarum una omnimoda & plenissima gauderet libertate, quæ scilicet etiam naturalem subjectionem excluderet; altera autem tantum minore, seu quæ excluderet subjectionem civilem. Illa gaudebant familiarum capita; altera filii paternæ tantum subiecti potestati. Si hoc intuitu placeat alicui triplicem statum distinguere per me quidem licet; modo non negat statum domesticum recte dici posse naturalem.

inst. j. r.
Nat. de
G. Paris.
1. th. 11.
inst. j. r.
1. R. p.
2. ad Q. u.
1. de R. p.
2. ad 2. Q. u.

Relig. nat.
& revel.
princip.
tom. I.
part. III.
lect. I.
cap. I.
§. CX.

nondum civilis potestas instituta erat. Sententia hæc satis communis est: quam adoptavit etiam *Joannes Hookius*, Facultatis Parisiensis Doctor, & *Sorbonæ* Theologiæ Professor, qui haec: *In statu naturæ fuerunt initio omnes Familiae erga se mutuo ante civitates.*

Ut vero res hæc se habeat, a seipso secundo loco, statum naturalem, si extiterit aliquando, multiplicato humano genere, vix ac ne vix quidem, quoad totum genus humanum, diu perseverare potuisset. Sic ego loquor, ut non quidem absolutam impossibilitatem, sed summam, ac pene insuperabilem, attempta conditione hominum, difficultatem innuerem: scilicet non omnimode impossibile dicendum est, quod pendet ex hominum voluntate: potuissent vero absolute homines, si voluissent, in statu naturali perseverare, paternæ scilicet potestati tantummodo subiecti, & domestica directione contenti. At hoc profecto, multiplicato humano genere difficillimum, ac forte etiam impossibile fuit. Fieri enim non potuit, quin in magna hominum multitudine non orirentur aliqui, qui suis cupiditatibus acti, in alios insurgerent, atque vel ipsos rebus suis expoliando, vel alias his injurias inferendo, vel demum arrogando sibi imperium, eorundem tranquillitatem turbarent: cui malo non alia potuerunt ratione occurrere, nisi vel consentiendo in imperium illius; quo is ex tyranno legitimus princeps evadere potuit: vel majorem, nempe civilem potestatem familiæ capiti conferendo; quo eos facilius validiusque ab aliorum tyrannide tutare posset, ac vellet. Fieri etiam potuit, ut multi vel aliorum metu, vel sola majoris utilitatis spe illecti sese mutuis pactis, ac conventionibus devincerent, sicque civilem societatem constituerent. Hæc leviter hic attingisse sat est; nam alibi, Deo dante, erit mihi de his data operam differendum. At hæc tamen satis abunde demonstrant, primum fuisse hominibus, ut naturali statu relicto, in civilem transirent; atque idcirco naturalem statum, humano genere multi-

plicato, vix ac ne vix quidem durare diu potuisse.

Verum tamen si status naturalis, quoad integrum genus humanum vix ac ne vix quidem perseverare potuerit, nunquam tamen penitus extinctus est. Nam & semper fuerunt, & nunc quoque sunt aliqui (pauci quidem, si cum toto humano genere conferantur) qui si a invicem comparentur, statum retinent naturalem. Hi porro sunt omnes Imperantes supremi, qui nulli omnino sive peculiari, sive communi Domino subsunt. Eademque ratione civitates illæ, potes quas est suprema potestas, si altera ad alteram referatur, in statu sunt naturali: in quo etiam esse dicendi sunt solitarii homines, qui eremos incolunt nullius ditioni subiectas: ac illi etiam, qui a incolendam aliquam insulam vel terram a nemine prius occupatam, casu aliquo, vel etiam propria voluntate delati sunt.

Anne vero insuper putandum est, extare etiam nunc integros aliquos populos, qui in statu sint naturali? Affirmandum hoc quidem videtur, si Auditoribus id testantibus adhibenda est fides. Sane de *Greenlandiæ* novæ incolis id testatur *Joannes Andersonius* in supra commemorata *Greenlandiæ* descriptione: En ejus verba ex idiome germanico, in quo scripsit, latine reddita

„ *Greenlandi*, inquit, adeo a communi
„ ceterorum hominum vivendi modo
„ recedunt, ut singulare omnino popu-
„ li genus, gentemque ab omnibus aliis
„ diversam (cui sane nulla in toto
„ terrarum orbe cognito similis reperitur)
„ constituere videantur. Vivunt
„ illi ab ipso ortu in summa, atque
„ plenissima libertate. Dum pueri sunt,
„ nullam habent a parentibus educationem
„ aut disciplinam: quam adoleverint,
„ nihil de legibus audiunt, &
„ multo minus de magistratum, sive
„ superioris cujuslibet potestate: quisque
„ suo arbitrata vivit, siveque curam
„ proprio sensu gerit: atque æqualitas
„ tanta inter eos est, ut nemo alteri
„ quidpiam opponere, & multo minus
„ jubere, valeat. Quare nil vereor
„ di-

dicere, homines istos vivere in vero, proprioque *statu naturali*, seu *naturalis libertatis*: attamen in ejusmodi statu, qui nullatenus similis est illi, quem multi de *jure naturæ* scriptores in suis systematibus proponunt, horridisque coloribus pingunt &c. Deinde, descripto illorum innocuo atque pacifico vivendi modo, subdit: Nullam habent homines isti legem, quæ quid agendum, quidve omittendum sit, eis præscribat; multo minus quæ illos ad aliquid adstringat. Ipsi sibi lex sunt: adeoque neque habent, neque indigent ullo magistratu; quippe qui ad custodiam legum, defensionem bonorum, malorum punitionem ordinatam. Hæc *Andersonius*, cui profecto nemo facile fidem negaverit, qui noverit, eum non fuisse aliquem ex trivio hominem, sed virum apprime doctum, & gravem; quippe qui & legationibus apud Principes, & Consulibus munere per annos plures apud suos functus est; & præter descriptionem *Groenlandiæ*, ad quam accurate concinnandam testatur se multam, sedulamque navasse operam, liberos etiam alios non sine plausu exceptos publici juris fecit. (*)

Verum quidquid sit de *Groenlandis*, & fortasse aliquibus aliis similibus populis, quibus ipsorum paucitas cum summa ruditate & paupertate conjuncta civile regimen minus necessarium reddere potuit; ac quidquid sit de *naturalis* status absoluta possibilitate; attempta tamen præsentī generali hominum con-

ditione, statum civilem penitus esse necessarium, fatendum est. Quam enim humanum genus in tantam excreverit multitudinem, ut separatim, seu per segreges familias, aut distitos vicos, vivere amplius non possit; adeoque modo non liceat dissidia separatione evitare (quo modo olim Abraham sustulit jurgia inter se & Lot, & inter pastores suos & pastores illius) quumque, inventa bonorum proprietate, possessionum inæqualitate, multiplicisque passionum irritamentis, exacuatam sit, ut itadicam, & ad supremum gradum provecta hominum malitia; fieri nullatenus potest, ut multi simul collecti, dempto civilis potestatis freno, in pace & tranquillitate contineantur. Parum ab- similis est ratio, qua S. Thomas alicujus regiminis necessitatem probat. *Homo*, inquit in prima *Summe* suæ parte, *naturaliter est animal sociale*... *Socialis autem vita multorum esse non posset, nisi aliquis præderet, qui ad bonum commune* (quod præsertim in pace & tranquillitate consistit), *intenderet*. Multi enim per se intendunt ad multa (unde facile oriri potest confusio, pacisque violatio) nisi adsit unus, qui tendat ad unum, commune scilicet omnium bonum. Hanc eandem rationem alibi etiam pro data occasione repetit S. Doctor, præsertim in opusculo XX. lib. I. Cap. I. Sed de Status civilis necessitate, sicut etiam de ejus origine, fundamento, ac firmitate, alibi multo plura, Deo bene favente, dicemus.

(*) Huic fidem certe non negaverit laudatus *Hookius*, qui satis indicat, se fidem præstare etiam aliis historicis, qui memorant, fuisse olim populos, *etiamnum esse, qui liberi, & solati, sine legibus, & sine imperio vivunt*: hoc enim ait ille, ut consisteret statum naturalem: nequaquam

esse a jurisconsultis constitutum ad distinctionem magis juris evolutionem: quod notatum ego velim contra eos qui hunc statum tantummodo ideatum esse contendunt; ac ferme horrent, si dicatur is aut fuisse aliquando, vel nunc adhuc alicubi esse; imo vel solum esse possibilis.

I N D E X

LIBRORUM ET CAPITUM PRIMI VOLUMINIS.

LIBER PRIMUS
PROTHEORETICUS.

- CAP. I.** **P**ufendorffius, Budeus, Thomafius aliique Proteftantes Germani Scholaftici omnes qui Grotium præcefferunt, tanquam juris naturalis ignaros, illudque perpetuo cum jure pofitivo, ac revelato confundentes, famam injuriæ traducunt.
- II.** Barbeyraeus, qui plaudente Thomafio vel ipfis Ecclefiæ Patribus antiquiffimis, præftantiffimique juris naturalis infortium affigit, breviter refellitur.
- III.** Vana eft Proteftantium Juriftarum jactantia de inflaurata, illuftrataque, & ad perfectionem perducta a fe juris naturalis doctrina.
- IV.** Ratio a Proteftantibus inita tradendi jus naturale ut pecuniarum, feparatamque difciplinam non omnino inutiles, aut illaudabilis eft. Verum quod omnem auctoritatem, præfertim vero divinam, ab ea remouendam plerique illorum ceffant, id vero probari non poffit.
- V.** Varia de Hægeio Grotio Proteftantium iudicia; alii nimis illum extollunt; nimis depri-munt alii. Jus natura conditor, vel inflaurator dici jure non poffit; non tamen omni laude fraudandus. Grotium opus de jure belli & pacis haud immerito inter libros præbiberos relatus eft. Cæftigatur in hanc rem Pufendorffii difcritium.
- VI.** Joannes Seldenus haud inutili labore juri natura ex Hebræorum traditione explicando fe addixit; hac tamen ratione illud in tuto non pofuit; immo in Noachidarum præceptis enumerandis, explicandisque aliquantulum a veritate diflexit.
- VII.** Joannes Georgius Wagnerus, aliique Proteftantes Thomam Hobbesium inter inflauratores juris natura perperam, & injuria recensent. Plus æquo etiam ille a Pufendorffio laudatur.
- VIII.** Quanquam Pufendorffii opus de Jure Nature & Gentium omnino contemnendum non fit, neque omni fit laude fraudandum; haud magnopere tamen de illius præftantia prefumendum; neque Auctor ipfe admodum benemeritis de jure natura cenfendus eft.

- IX.** Pufendorffii errata non minuit, fed auget Christianus Thomafius. Ejus fyftema aut epitomeum eft, aut proxime ad epitomeum accedit.
- X.** Tamerfi Cl. Wolfius in mathematicis difciplinis immortalis fibi gloriam merito comparavit; nihilominus in tradendo Jure Nature minus recte felicitèque verfantus effe videtur. Syftema Wolfianum humane Reipublica magis obefte quam prodiffe arbitramur: quippe quod magnam cum Epicuræifmo cognitionem habet. Quod etiam Alberti, & improbi hominibus patrocinium aliquod præftiterit, haud profus injuria accufatur.

LIBER SECUNDUS.

De idea juris Naturæ.

- CAP. I.** **J**uris nymon, varietque illius fignificationes.
- II.** Juris pro Lege fumpti definitiones, & diuifiones. Jus concessivum feu permiſſivum a Barbeyraeo & Burlemaquo perperam explicatur. Abſurdum eſt legis a confilio difcrimen, quod Hobbeſius conſtituit; neque hanc ſatis corrigi Pufendorffius.
- III.** Definitiones ac diuifiones Juris fumpti pro attributo perſonæ.
- IV.** Juris accepti pro adjuncto actionis definitiones, & diuifiones. Immerito gloriatur Thomafius, ſe omnino primum tradidiſſe difcrimen juſti, honeſti, & decori: immo veram decori ideam neque tradidit unquam, neque habuit. Juſtitia definitio & paratio traditur. Pufendorffii hoc de re errata emendatur.
- V.** Juris pro arte vel ſcientia definitiones, ac diuifiones.
- VI.** Definitiones peculiareſ juris natura, & in eorum aliquas cenſura.

LIBER TERTIUS.

De primario juris naturalis fonte,
nempe Deo O. M.

- CAP. I.** **E**xiſtentia Dei adeo clara ac factilis eſt, ut quivis vel mediocri ingenio præditus addibita mediocri atten-

attentione detegere illum possit ac debeat.

II. *Extrema dementia & impietas est negare Deum universi hujus, omniumque in eo contingentium providentiam & curam habere.*

III. *Deo convenit verum & legitimum jus imponendi leges hominibus. Jus istud non fundatur in sola Dei potentia irresistibili, ut vult Hobbesius; neque in præcellens natura, ut aliqui docent apud Pufendorfium; nec in collatis beneficiis, ut ipse Pufendorfius censet; nec in sola creatione, ut existimat Barbeyracus, sed in creatione cum summa potentia, sapientia, & bonitate conjuncta.*

LIBER QUARTUS.

De secundario & proximo juris naturalis fonte, nempe humana natura.

CAP. I. *Homo non solo corpore constat, sed & animo profus immateriali, seu spiritali. Falsissimum, absurdumque est Jo. Lokii commentum, videlicet incertum esse, utrum Deus cogitandi vim possit mortui conferre.*

II. *Animus hominis per se immortalis est, neque sine maxima imprudentia censeri potest aliquando periturus.*

III. *Humanas omnes actiones necessarias esse, post Hobbesium, & Spinosam docent ex Protestantibus juris natura Scriptores Thomastius, Coccejus, alique non pauci: quorum perniciosissimus error refellitur, demonstraturque, hominem esse vera præcium libertate.*

IV. *Libertate qua fruuntur homo in suis actionibus, nititur imputabilitas. Consultatur gravissimus error Pufendorfi docentis, actiones meæ extortas imputari ad culpam non posse.*

V. *Obiectum essentiale, integrumque humana voluntatis est Bonum, cuius traditur idea. Perperam illud dicit Hobbesius per consensum appetitum. Immerito etiam concedit, voluntatem ultra bonum appetentis proprium ferri non posse. Maxime vero errant tum ii, qui cum Spinoza spe solum ac metu; tum ii, qui cum Epicuro sola voluptate ac dolore; tum etiam, qui cum Pseudopolitico putant solo utilitate intuitu voluntatem nostram ad volendum determinari posse.*

VI. *Errat in homine Recta Ratio. Eam Hobbesius perperam contrahit ad veritatem per ratiocinationem ex principiis deductas; & minus recte in ratiocinat adhuc constituit. Sed gravius errat, dum assertis rectam Rationem esse ratiocinationem cuiusque propriam. Supponit nobis certa regula veram, rectamque rationem a falsa, pravæque discernendi.*

VII. *Pufendorfius nimis patet pro scopo sibi propostum humanam naturam considerat. Thomastius vero vel ea non perpendit, que possimum consideranda forent; vel in eis quæ perpendit, plerumque a veritate recedit. Ab intellectu voluntatem dirigi contra ipsum defendit, & quomodo id præstet, explicatur.*

LIBER QUINTUS.

De statu hominis naturali.

CAP. I. *Sententia Hobbesii asserta, naturalis hominis status esse bellicum omnium in omnes falsa, & absurda est.*

II. *Status hominum naturalis non est ex pace bellogue confusus, ita tamen ut ad bellum magis inclinet, ut vult Thomastius; sed absolute pacificus est, solumque per accidens bellicus.*

III. *In statu hominum naturali fuisse unicuique jus in omnia, absurdissimum est Hobbesii commentum.*

IV. *Status naturalis a J. Jacobo Rousseau dicitur absurdissime esse status hominis sylvestris, ac solitarii, beluinoque more viventis. Perperam etiam status idem exprimitur a Pufendorfo fictione hominis utique & undecunque in Mundaum projecti, sibi que plane relicti. Status naturalis est status domesticus.*

V. *Status naturalis hominis est socialis; seu homo est animal aptum naturæ ad societatem. Id pernicioso errore negat Hobbesius, cui ascriptus Jo. Jacobus Rousseau.*

VI. *Status naturalis nec adeo felix est, ut contendit Rousseau; nec adeo miser, ut sentiant Hobbesius & Pufendorfius: imo posset in nonnullis cum statu civili de felicitate contendere: hic tamen illi omnia præferendus est: oppositum frustra suadere conatur immortalis Rousseau.*